

Jinavaṃsadīpaṃ

Namo tassa bhagavato arahato sammāsambuddhassa

1. Mahādayo yo hadayo'dayo'dayo
Hitāya dukkhānubhave bhavē bhavē,
Akāsi sambodhipadaṃ padaṃ padaṃ
Tamābhivandāmi jinaṃ jinaṃ jinaṃ; (Yamakabandhanaṃ)
2. Pahāya yatthā'bhiratiṃ ratiṃ ratiṃ
Ramanti dhammeva munī munī munī,
Vimuttidaṃ sabbabhavā bhavā'bhavā
Tamābhivande mahitaṃ hitaṃ hitaṃ; (Yamakabandhanaṃ)
3. Nipītasaddhammarasā rasā'rasā
Supuññakhetto'rasataṃ sataṃ sataṃ,
Gatā vidhūtā vinayena yena ye
Tamābhivande'sigaṇaṅgaṇa'ṅgaṇaṃ; (Yamakabandhanaṃ)
4. Jinā'natambhoruha haṃsarājini
Jinorasānaṃ mukhapañjarā'li nī,
Sadatthasāraṃ sarasaṃ visūda nī
Upetu me mānasameva vāṇi nī;
5. Kammāvasesā vicito'pajātyā
Ganthā'hisāṅkhāravibandhakā me,
Paṇāma puññātisayena'nena
Mā pākadānā'vasarā bhavantu;
6. Suvanṇavaṇṇassa jinassa vaṇṇaṃ
Vaṇṇeyya kapakpampi kajito suvaṇṇo,
Kappassi'vosāna manattatāya
Na pāpuṇe buddhaguṇāna mantanaṃ;
7. Niddhanta cāmīkara cāru rūpaṃ
Sarassatī bhūsaṇa bhāsanaṃca,
Anañña sādharmaṇa ñāṇamassa
Avāviyā'cintiya mapakpameyyaṃ;
8. Kuhiṃ asādhāraṇa rūpa līlā
Kuhiṃ asādhāraṇa vāṇi līlā,
Kuhiṃ asādhāraṇañña līlā
Kuhiṃ nu me mandamatissa līlā;
9. Vibhāvimānī paravamhino ye
Issā'bhimānena vibhaññamānā,
Gavesayantī'dha parassa ravdhaṃ
Tesaṃ pasaṃsāgarahāhi kimme;
10. Pasattha satthāgama pāradassī
Ye sādhave sādhu guṇappasantā,
Ganthassa nimmāṇaparissamaṃ no
Jānanti teyeva idhappamāṇā;
11. Ādiccavaṃsappabhavassa tassa
Jinassa satthāgamakovidhi,

- Vuttopi pubbācariyehi yesu
Ganthesu saṅkhepavasena vaṃso;
12. Na tehi sakkā sugatassa vaṃsaṃ
Kiñcāpi viññātu masesayitvā,
Sampunṇavaṃsassa vibhāvanāya
Tasmā samussāhita mānasena;
 13. Abhippasanno ratanattayamhi
Pasatthavaṃsappabhavo pabhunaṃ,
Vibhusaṇo vissutakittighoso
Yo bhāti laṅkāya muḷārabhāgyo;
 14. Amandacāgā' bhiratassa
Punandu nāmassa dayādhanassa,
Buddhe pasādātisayassa tassa
Ajjesanañcāpi paṭiggahetvā;
 15. Nassāya pubbācariyo' padesaṃ
Sotūna matthāya mayā hitāya,
Niruttiyā māgadhikāya sammā
Vidhīyate' daṃ jinaṃsadīpaṃ;
 16. Saddhāsinehānugatāya paññā-
Dasāya sotūhi manovimāne,
Padīpito' yaṃ jinaṃsadīpa-
Dīpoharepāpatamappabandhaṃ;
 17. Puraṅgapuṇṇā sirijambudīpe
Sampattibhārena divā' vatiṇṇā,
Yā devarājassa' marāvati' vā-
Marāvatināma purī pure' sī;
 18. Vijjādharānañca vihaṅgamānaṃ
Vibandha vehāsagatiṃ bahāsa,
Yasmiṃ purasmiṃ jitaveri cakkāṃ
Pākāracakkāṃ viya cakkavāḷaṃ;
 19. Sañcumbitamhoja rajo pabandha-
Supiñjarāpā parikhāhirāmā,
Puritthi pākāra nitambabhāge
Samubbahī kañcana mekhalā' bhaṃ;
 20. Rattindivā rattamaṇi' ndanīla-
Maṇippabhārañjita rājadhāni,
Babandha yā' mandasurindacāpa-
Samujjalākāsatalabbilāsaṃ;
 21. Yaḥiṃvadhūnaṃ vadanambujehi
Katāvamānaṃ hariṇaṅkabimbaṃ,
Pabhāhi nīlopalatorañātaṃ
Sokābhībhūtaṃca vivaṇṇamāpa;
 22. Saroruha' ntī maṇimandirābhā-
Sañcumbitaṃ puṇṇasasaṅkabimbaṃ;

- Saṅkāya rāmājanatā' bhirāmā
Kare pasāresi puramhi yasmim;
23. Yattha' ṅganānaṃ paṭibimbitāni
Ādāsabhittīsu mukhambujāni,
Āsum vighātāya madhubbatānaṃ
Vilocanālīna manuggahāya;
24. Sammatta mātaṅga dharādharehi
Yasmim abhissanda madassavanti,
Turaṅga raṅgehī taraṅga mālā
Samākulevā'si vidhūta dhūli;
25. Nikkhittavīṇā maṇinupurānaṃ
Vilāsinīnaṃ mudupāṇi pāde,
Mattālimālā kalanādinī kiṃ
Nālaṅkaruṃ yattha katāvakāsā;
26. Dhavatthinīnaṃ kucasārasehi
Nettālibhārā' nananīrajehi,
Yā hāsavīcīhi purī rajanyā
Rarāja samaphullasarojinī' va;
27. Candappabhā cumbita candakanta
Pāsāṇadhārā maṇicandikāsū,
Candānanānaṃ yahi maṅganāhaṃ
Parissamasso' pasamāya' hesuṃ;
28. Yasmim pūre uddhamadho vinaddha-
Jutippabandho maṇimandirānaṃ,
Samubbahī geruka paṅka diddha-
Vītāna paccattharaṇabbilāsaṃ
29. Suvaṇṇa muttā maṇi vaṃsavaṇṇā-
Pavāḷa rūpī vajirehiṅcā' pi,
Yā sattadhaññehi dhanehi phītā
Ahū puri dhaññavatī' va nārī; (Silesabandhanaṃ)
30. Pasāritā' nekadisāmukhesu
Vicittavatthā' bharaṇādipūrā,
Yatthā' paṇā nijjitakapparukkhā
Kariṃsu lokābhimatatthasiddhiṃ;
31. Parāgarattā madhupātīmattā
Samhinnavelā ghananīlavālā,
Haṃsāsayā pañcasarābhirāmā
Yasmim taḷākā viya kāmabhogī; (Silesabandhanaṃ)
32. Purantarasmim ratanagghikānaṃ
Raṃsippabandhehi hatandhakāre,
Kundāravindabbhūdayenayasmim
Rattindivābheda mavedi loko;
33. Mātaṅgajīmūtaghaṭāya ghaṇṭā-
Ṭaṅkāragambhīraravāya yasmim,

Palambhītā mattasikhaṇḍimālā
Akā vikālepi akhaṇḍakīlaṃ;

34. Puramhi yasmim caraṇambujehi
Vadhūjato bandhitanūpurehi,
Vikāsa kokāsana sīsa baddha
Mattāli sesa'mbujinī ajesi;
35. Rasātalaṃ nāgaphaṇāvanaddhaṃ
Nabhotalaṃ vijjulatāvanaddhaṃ,
Yā chādītā rūpiyajātarūpa-
Dhajāvalihā'jini rājadhānī;
36. Nānatthasāraṃ mitadhātuvaṇṇaṃ
Chandārahaṃ pāṇagaṇā'bhiraṃaṃ,
Kavippasatthaṃ sarasaṃ silesā-
Laṅkārapajjaṃ'va puraṃ yamāsi; (Silesabandhanaṃ)
37. Puramhi tasmiṃ karuṇānidhāno
Buddhaṅkuro brāhmaṇasāravamse,
Asaṅkhakappāna mito catunnaṃ
Lakkhādikānaṃ udapādi pubbe;
38. Bhovādivaṃse'kadivākarassa
Puññānubhāvo'dayamaṅgalehi,
Jātassa kho sampati jambudīpo
Vilumpayī maṅgalavāsālīlaṃ;
39. Jātakkhaṇe tassa sarīrajena
Gandhena vaṇṇena sake nikete,
Hatappabhā candanateladīpā
Saṅghānamattehi vijāniyāsuṃ;
40. Vimuttadosāhi sukhedhitāhi
Dhātīhi kumbhorupayodharāhi,
Bhato kumāro sukumārakāyo
Khepesi so kānici vāsarāni;
41. Mahāmahecā'tha pavattamāne
Saveda vedaṅakga vidū vidūhi,
Kārāpayuṃ te pitaro'rasassa
Nāmaṃ sumedho'ti padatthasāraṃ;
42. Uḷārabhāgyena samaṃ kumāre
Saṃvaddhamāne jananī na tittim,
Pāyāsi nīlāmakalalocanālīṃ
Mukhambujaṃ tassa'bhicumbamānā;
43. Sukhedhita'ngāvayavo kumāro
Vimānabhūmyā maṇinimmitāya,
Parodi mātāpitāro'bhiyācaṃ
Bimbaṃ kanijaṃ jānuyugena gacchaṃ;
44. Suvaṇṇabimbo'pamacārurūpo
Samācaraṃ dhātibhujā'valambaṃ,

Viññāsapāda'ṅgulimañjarīhi
Salīlamāvāsamaṅkarittha;

45. Nijena tejena ca jivalokaṃ
Yasena'pubbācarimaṃ phusanto,
Tirokaritvā ravicandasobhaṃ
Saṃvaḍḍhi dhīro ubhato sujato;
46. So sattamā yāva pitāmahassa
Yugā sagabbhāsayasuddhiko'si,
Nihīnājacco'ti na jātivādā
Khitto'pakuṭṭho bhavi vippaseṭṭho;
47. Vedantayaṃ so sanighaṇṭu satthaṃ
Sakeṭubhaṃ sākkharabheda satthaṃ,
Sādhabbatābedi'tihāsa satthaṃ
Avedi vedaṅgayutaṃ pa satthaṃ;
48. Ajjhāyako mantadharo pavīṇo
Kalāsu lokāyatalakkhaṇesu,
Papūrakāri padako kavīnaṃ
Tetā'si veyyākaraṇo gaṇiso;
49. Kandappadappā'naladhumaṅgī-
Līlāvalambī nijamaṣṣurāṅgī,
Na kevalaṃ komalagaṇḍabhāgaṃ
Manampi thīnaṃ malinīkarittha;
50. Tandebhavaṇṇāyatana'ṇṇavamhi
Narūpataṅhātaraṇi narānaṃ,
Pāyāsi cakkhāyatanappiyāhi
Tīrantaraṃ cittaniyāmakatṭhā;
51. Dvijo sumedho suvisuddhamedho
Mātāpitunnaṃ nidhanāvasāne,
Puññānubhāvappabhavaṃ agāra-
Majjhāvasaṃ kāmasukhaṃ'nubhuñjī;
52. Nisajja pāsādātale'kadā so
Pallaṅkamādhāya rahogatova,
Punabbhavuppatti sarīrabhedo
Dukkho'ti cintesi sabhāvacintī;
53. Jāto sa'haṃ jātijarārujādi-
Dhammo'mhi tasmā bhavadukkhasuññaṃ,
Niccaṃ ajātiṃ ajaraṃ arogaṃ
Gavesituṃ vaṭṭati nibbuti'nti;
54. Yathāpidukkhe sati ca'tthisātaṃ
Tadaññaṃmuṇhe sati sītamatthi,
Bhavamhi sante vibhavo'pi evaṃ
Nibbāṇamatthī tividhaggisante;
55. Sāvajjadhamme ihavijjamāne
Saṃvijjate bho niravajjadhammo,

Ajāti hoti sati jātiyā'ti
Evam vicintesi sadatthavintī;

56. Disvā yathā guthagato taḷākam
Na tassa doso na tamotareyya,
Kilesadhove amatamhi sante
Tathā na sevetha na tassa doso;
57. Pāpāriruddho sati khemamagge
Na tassa doso na sukham vajeyya,
Pāpāriruddho sati khemamagge
Tathā nagaccheyya na tassa doso; (Yamakabandhanam)
58. Yathāpi vejje sati ghorarogī
Na tassa doso ta labhe tikiccham,
Rāgādirogī sati buddhavejje
Dhammosadham ne'cchati kassa doso;
59. Yo kaṇṭhabaddham kuṇapam pahāya
Yathāsukham gacchati sericārī,
Tatthevi'mam kucchita pūtikāyam
Yaṃnūna gaccheyyamaham jahitvā;
60. Uccāraṭhānamhi janā'napekkhā
Katvā karīsāni kayathā vajanti,
Tathā sarīram kuṇapehi pūram
Yaṃnūna gaccheyyamaham jahitvā;
61. Nāvam yathā jajjaramāpagāhim
Vajeyya netā atapekkhakova,
Tathā navadvārasavam sarīram
Yaṃnūna gaccheyyamaham jahitvā;
62. Corehi gaccham avahārabhīyā
Khemam sumedho puramotareyya,
Tathā sarīram kusalāvahāram
Yaṃnūna gaccheyyamaham jahitvā;
63. Nekkhamma saṅkappa paro'pamāhi
Anussaritve'vamuḷāravīro,
Hato'rapāre tibhave asāre
Vihāsi ukkaṇṭhitamānaso so;
64. Suvaṇṇa muttā maṇi rūpiyādi-
Dhanehi dhaññehi ca pūritāni,
Avāpuritvāna,tha kosakoṭṭhā-
Gārāni tam dassayi rāsivaḍḍho;
65. Pitāmahānam pakapitāmahānam
Mātāpitunnam vibhavā panettha,
Anappakāthāvarajaṅgamāte
Saṃdissare dhīra sumedhavippa;
66. So sattamā yāva paveṇivaṭṭā
Vibhāvayitvā vibhavassarāsīm,

- Dhanāgamassāpi dhanabbayassa
Pamāṇa'mācīkkhipamāṇadassim;
67. Kuṭumbametaṃ paṭipajjamāno
Kāmesu devoviya indriyāni,
Icchānurūpaṃ paricārayassu
Iccheva mārocayi rāsivaḍḍho;
68. Amuṃ mahantaṃ dhanadhaññarāsīm
Samāvinitve'ka kahāpaṇampi,
Nā'dāya mātāpitaropya'ho to
Gatā yathākamma mito parattha;
69. Tabbatthusāraggahaṇātisūro
Vossaggasanto atha sattaṣāro,
Rañño samārociya etamatthaṃ
Bheriṃ carāpesi sake puramhi;
70. Santappayi bherivirāvagandha-
Māghāya sampattajātā'lijātaṃ,
Bhovādi nānāratanaḍibhoga-
Madhūhi sattāha'manāthanātho;
71. Tadagga yaññālaya vārivāha-
Dhārānipātaddhanavuṭṭhihetu,
Mahā janassā'dhikavatthutaṇhā-
Taṭāni bhinnāni manodahesu;
72. Sukhedhito kāmasukhaṃ pahāya
Gharā'bhīnikkhamma tato sumedho,
Ajjhogahetvā himavanta'māpa
Dhammesako dhammakapakabbata'ntaṃ;
73. Vitakkamaññāya'tha devaraññā
Vyāpārīto māpayi vissakammo,
Tahiṃ vivekakkhamaka massamañca
Manoramaṃ caṅkamabhumibhāgaṃ;
74. Tamassamaṃ pabbajītehi suññaṃ
Upecca soñcāramavāpuritvā,
Ñatvā tadantolikhita'kkharāni
Khāriṃparikkhārabharaṃavekkhi;
75. Nivatthavatthaṃnavavadosupetaṃ
Vivajjiyāvajjiyavajjadassi,
Dhāresitaṃbārasadhānisaṃsa-
Manojapupphattharavākacīraṃ;
76. Punnāgapupphattharakā'bhiraṃmaṃ
Aṃse vidhāyā'jinacammakhaṇḍaṃ,
Katvā jaṭāmaṇḍala mittamaṅge
Tivaṅka mādāya'tha khārikājaṃ;
77. Bhujāṅgabhogo'rubhujena dhīro
Ādāya cālambanadaṇḍakoṭiṃ,

Samaggahī tāpasavesamevaṃ
Virattacittoka vibhaveva bhavē'pi;

78. So caṅkamī caṅkamamotarivā
Silātalasmiñca divā nisajji,
Sāyaṃ pavitṭho vasi paṇṇasālaṃ
Nipajji kaṭṭhattharasesamañce;
79. Pacacūsakālamhi pabujjhito so
Āvajjayitvā' gamanappavattim,
Vivekakāmassa mame'ttha vāso
Kāmaṃ gharāvāsasamo siyā'ti;
80. Aduñhi paṇṇacchadanam kapota-
Pādāruṇam beluvapakkaṇṇā,
Bhūmīpi bhittī rajatāvadātā
Mañco'pi cittattharavārurūpo;
81. Subhāka manāpā mama pakaṇṇasālā
Sādīnavā dupparibhāriyā'yaṃ,
Paṇītabhikkhā pariyetṭhi mūla-
Dukkhasa natthi'ti pamāṇa manto;
82. Agārasaññāya paṭikkhapitvā
Tañca'tṭhadosā kulapaṇṇasālaṃ,
Dasaṅga sādharmaṇa rukkhāmūlaṃ
Phalāphakhalāhāra mupecca bhojī;
83. Sumedhaso so divasāni satta
Mahāpadhānaṃ padahaṃ sumedho,
Patto abhiññāsu vasisu pāraṃ
Sabbamka samāpattisukhaṃ avindi;
84. Tasmimkhaṇe kānana devatāhi
Sādhū'ti nigghositapītighoso,
Abbhuggato tassa yasena saddhim
Visuddhavijjācaraṇu'bbhavana;
85. Vijjādharā tagguṇadīpakāni
Mutīṅgavīṇādhanibandhavāni,
Gāyimsu gītāni'va naccamāno
Himācalo sampati sampavedhi;
86. Muddhaṅkuraṃ bhudharakuṭabāhu-
Satehi tannijjhara cāmarehi,
Vidhūyamānehi vidhūtapāpaṃ
Katopahāreva mahāsarā'pī;
87. Akālameghaddhani bherirāva-
Vyāpāritā mattasikhaṇḍisaṇḍā;
Ajjhāvasantaṃ vanasaṇḍamajjhaṃ
Mahimsucā'khaṇḍanataṇḍavana;
88. Mandā'nilā'mandabhujā'valamba-
Sunīlasākhāmaṇivijjanīhi,

Lataṅganā'liṅgitasālasāmī
Saṃvijayaṃ vitadarampi dhīraṃ;

90. Kapītanā'soka tamāla nīpā
Kapītanā'soka tamāla nīpā, (samattapādabhyāsa mahā yamakaṃ)
Kapītanā'soka tamāla nīpā
Kapītanā'soka tamāla nīpā;
91. Na velalitā kiṃ pasavakā'vataṃsā
Latāvitānā madhupālisālī,
Latāvitānā madhupā'lisālī
Na vellitā kiṃ pakasavā'vataṃsā;(Samuggabheda yamakaṃ)
92. Pupphāvalī kandala pāṭalaggā
Kalāpinī sā vanarājīnīlā,
Pupphākulī kandana pāṭalakkhī
Kalāpanīlā vara rājīnīva; (Addhagomuttikā bandhanaṃ)
93. Natāsiro mañjarikāsuramhā
Natāsiro pañjalikāva ramme,
Vane nibaddhaṃ ramito vibhāsi
Vineyya bandhūrācīto pahāro; (Pādagomuttikā bandhanaṃ)
94. Rajokirantā'vanatā latāsum
Lājokirantā vanitā natāva,
Dvijōaraññaṃ vasitā pitāgho
Gajotarantova latā vitānaṃ; (Silokagomuttikā bandhanaṃ ākulajālamitipi)
95. Mataṅgajindā na masakkarimṣu
Pādāni natvāna padipadhāmaṃ,
Paññādhavaṃ pīna tapaṃ phalehi
Himaddipāde parisuttamañhi; (Kabbanāma gabbha cakkāṃ)
96. Mettāya chattaṃ'va phaṇaṃ phaṇindo
Dhāresi sīse vasino cacāra,
Nathāmaṃvā'kāva'balesu kiñci
Medhāya nando thiravāci kheme; (Kavināma gabbha cakkāṃ)
97. No'sitehi'ssa santāsa'nū'na tosa vato do,
Dāyato vasato na'nusantāsassa hitesino; (Gāthaddhavisaya paṭiloma yamakaṃ)
98. Yokā'sā'vāsa kāyo kāma'kāma'makāma'kā,
Sakāyanā'nāya'kāsa vāma nā ga ganā'mavā; (Sabbato bhadda bandhanaṃ)
99. Dayāya vasito dāye yāpajāsiva māsadā,
Yajārahaṃ rañjamāno vasihaṃso ciraṃvasi; (Addhabbhama bandhanaṃ)
100. Madhumada madhukara virute virute
Malayaja surahīta pavane pavane
Himavati vikasi padume padume
Adhisukha manubhavi savasi savakasi; (Pādanta yamakaṃ)

Iti medhānandābhīdhānena yatinā viracite sakalakavijana hadayānandadānanidāne
jinavaṃsadīpe dūrenidāne sumedhabrahmaṇāpadānaparidīpo.

Paṭhamo saggo.

1. (Mandā'kkantā) marapurasiṛiṃ sabbasampattisāraṃ
Jambuddhīpā'sama sarasije kaṇṇikā sannikāsaṃ,
Rammaṃ rammavhaya puravaraṃ pāramīpāradassī
Buddho dīpaṅkara dasabalo sabbalokekadī; ()
Tasmiṃ kāle vipulakaruṇā nārisaṅcodita'tto
Nānā khīṇāsava parivuto cārikaṃ sañcaranto,
Saṃvattento sunipūṇatayaṃ dhammacakkaṃ kamena
Patvā tasmiṃ paṭivasati sodassanavhe vihāre; ()
3. Sutvā dīpaṅkara bhagavato nāgarā kittisaddaṃ
Sambuddho so itipi arahaṃ tyādinā'bbhuggataṃ taṃ,
Gāhāpetvā tuvaṭatuvataṃ vatthabhesajja pānaṃ
Tannittā'suṃ pamuditamatā gandhamakālādihatthā; ()
4. Patvā dīpaṅkaratarihariṃ gandhamālādikehi
Pūjetvāta'ñajalimukulikā ekamantaṃ nisinnā,
Dhammaṃ sutvā savaṇasubhagaṃ buddhapāmokkhasaṅghaṃ
Saṃyācitvā muditahadayaṃ svāttayā'pagañjuṃ; ()
5. Sajjetvā te dutiyadivase sajjanā dānasālaṃ
Ussāpattā dhajakadaliyo puṇṇakumbhe ṭhapennā,
Kubbantā'pi dhavalasuṇu'kkhepa lājopahāraṃ
Evaṃ tassā'gamana mayanaṃ laṅkarontā vihāsuṃ; ()
6. Abbhuggantvā atha himavatā so sumedho tapassi
Gacchaṃ tesam upari nabhasā vācacīraṃ dhunanno,
Disvā pītipamuditajate añjasaṃ sodhayante
Sañjhāmegho riva parilasaṃ dhataritthe'kamantaṃ; ()
7. Saṃsodhentā kalalavisamaṭṭhāna saṅkāradhānaṃ
Kasmā tumhe paṭipathamimaṃ'laṅkarothā'ti pucchi,
Bhante dīpaṅkaratarahari'dāni nissāya rammaṃ
Buddho hutvā viharati mahādhammasaṅkhaṃ dhamanto; ()
8. So sambuddho parivutamahābhikkhusaṅgho yato no
Gāmakkhetaṃ pavisati tato'laṅkaromā'bruviṃsu,
Buddhūppādo kimuta sutaraṃ dullabho buddhasaddo
Icevaṃso sumariya alaṅkattukāmo'si maggaṃ; ()
9. Jhānā'bhiññā ratatakavacu'jjotamāna'ttabhāvo
Saddhāye'so acalasadiso iddhiṃ tāpasō'ti,
Sallakkhetvā kalalavisamaṃ duggamaggappadesaṃ
Sajjetuṃ te sapaḍi muditā sādhave tassa'daṃsu; ()
10. Nānāpupphaṃ jalajathalajaṃ ocinitvā vanamhā
Tetvā devāsura bhavanato koviḷārādipupphe,
Ānetvā'haṃ bhujagabhavatā phullakaṇḍuppalāni
Chekosmī'ti vithariya pathaṃ iddhiyā saṃvidhātuṃ; ()
11. Katve'vaṃ me hadayamakulaṃ tovikāseyya tasmā
Veyyāvaccam visadamatino kāyikaṃ saṃvidhāya,
Ajjevā'haṃ vipulakusalaṃ sañcinissa'ntī dhīro
Saṃsodhetuṃ kalalakalusam añjasaṃ ārabhittha; ()

12. Passantānaṃ vimalanayano'bhāsa jimūtagabbhe
Buddhobuddho'tya'bhīhitavaco vijjurājīva cārī,
Tasmiṃ pañke nijakaratala'mebhājapacchihi dhīmā
Paṃsuṃ datvā rajatadhavalam vālukam vokiranto; ()
13. Tasmi thāne kallalulite suṭṭhu nā'laṅkateva
Saddhiṃ dīpaṅkara'nadhivaro'nekakhīṇāsavehi,
Patto brahmā'maranaraphaṇisiddhavijjādharānaṃ
Saṃvattante suvipulamahe pāṭihīre uḷāre; ()
14. Hema'mbhojo'pamasuvadanaṃ maṇḍitaṃ lakkhaṇho-
Sītyā'nubyañjanavilasitaṃ ketumālāvilāsaṃ,
Sattāraṃ taṃ disidisi pabhāniccharanta'ñjasambhi
Āgacchantaṃ viya maṇitale mattamātaṅgarājā; ()
15. Oloketvā vimalanayanañcandaniluppālāni
Ummīletvā ratanaphalakaṃ akkamantova piṭṭhiṃ,
Nānākhīṇāsavaparicuto kaddamaṃ nā'kkamitvā
Sambuddhoyaṃ vajatu iti me dīgharattaṃ hitāya; ()
16. Sallakkhetvā khara'jinajaṭāvākacīrāni kese
Omuñcītvā visamakalale pattharītvā'ttabhāvaṃ,
Setuṃ katvā paramapaṇidhī kominī codita'tto
Pañcā'bhiññāratanaṃ nimā svā'cakujjo nipajji; ()
17. Sutvā gāthāpadampi na me bhāriyaṃ saṃkilese
Viddhamsetvā varasivuraṃ pattumicche sacā'haṃ,
Saṃvijjante tibhavabhavane dukkhitā'nantasatte
So'bhaṃ eko kathamadhiḡame dhamma maññāta-veso;()
18. Yannūnā'haṃ parahitarato sammadaññāya bodhiṃ
Āropetvā nikhilajānataṃ'nuttaraṃ dhammanāvayaṃ,
Uttāretvā varasivapuraṃ vaṭṭadukkhodadhimhā
Pacchā dīpaṅkaramuni yathā nibbutiṃ pāpuṇissaṃ; ()
19. Icevaṃ so pumariya samodhānayaivā'tṭhadhamme
Saṃsāramhā'vataraṇamahāseturūpo pajānaṃ,
Muddhābaddha'ñjalipuṭajaṭo paṅkapiṭṭhe nipanno
Sambodhatthaṃ paṇidhimakari tāva tappādamūle; ()
20. Ussisaṭho sapadi bhagavā pañcavaṇṇappasādam
Ummīletvā nayanayugalaṃ phullaṇiluppālābhaṃ,
Disvā nīlopalamaṇimayaṃ vātapānañcayaṃ'va
Ugghāṭento isivaramhāpaṅkajaṃ paṅkapiṭṭhe; ()
21. Etassi'jajhissati iti ayaṃ patthanā'nāgataṃsa-
Ñāṇaṃ sammā patiniya ito kappalakkhādhikānaṃ,
Āvajjento upari caturāsāṅkhiyānanta'vedi
Patvā bodhiṃ ahamiva siyā gotamo nāma buddho; ()
22. Tumhe sampassatha iti imaṃ tāpasam saṅghamajjhe
Vatve'vaṃ so padamasadisam dhammarājā dadanto,
Samhinditthā'dharakisalayā'lattakaṃ nāgataṃya-
Paññāmuddā'nkitapadasataṃ vattasandesagabbhaṃ; ()

23. Vāsaṭṭhānaṃ kapilanaḡaraṃ nāma māsaṃmahesi
Mātā suddhodanaṃaraṃpati te pitā'diccavaṃse,
Bimbā bimbā dharavati piyā hema bimbā bhirāṃā
Tasmimkāle tanujarataṃ rāhulo hessate te; ()
24. Hessante te paṭhamadutiyaṃsāvakaṃ sārīputta-
Moggallānā dvijakulabhavaṃ bhuripaṇṇiddhimanto,
Ānandākhyaṃ yati pati rupaṭṭhāyakoṃsāvikaṃnaṃ
Khemātheri parama yugalaṃ uppalabbaṃṇatheri; ()
25. Assatto te vijayaṃvīṭapī tvaṃca kho gotamavho
Chabbassānī padahiya gharā nikkhamitvā sakamhā,
Pāyāsaggaṃ parivisiya bho tvaṃ sujātāya dīnaṃ
Bodhiṃ bujjhissasi iti dhuvaṃ bodhimūle nisajja; ()
26. Sattā saṅghāghanaṃpaṭalato muttavijjullate,va
Sandassetvā nijabhujalataṃ cīvarabbhantaramhā,
Pakhyākāsi jaladhararavā'kāragambhīraghoyaṃ
Nicchāretvā suradhanurivo'bhāsa chabbaṃṇaraṃsi; ()
27. Amhe dīpaṃkarabhagavato sāsaṃe nā'vabuddhā
Lacchāma'ti tava parimukhe'vā'yatiṃ mokkhadhammaṃ,
Tasmimṃ pattā'khīla suranaṃrāṃpatthayaṃ taṃkhaṃevaṃ
Pūjetvā'taṃjalisaṃrasije pādapīṭhamhi tassa; ()
28. Buddho brahmāmaranaṃsaro cumbitaṃghī sarojo
Sampūjetvā'ṭṭhahi jaṭilakaṃ pupphamuṭṭhīhi tamhā,
Pakkāmi so kanakasikharīhāri kiṃjakkhabhāre
Ubbhūta'mhoruhavanasire appayanto padāni; ()
29. Ramaṃ ramaṃ mahīya jaṭilaṃ pupphamuṭṭhīhi katvā
Khīnā khīnāsavavasigaṇā dakkhiṃnaṃ pakkamiṃsu,
Devā'devā pavuramaṃkaruṃ vandaṃnāṃapūjaṃ
Dīpaṃ dīpaṃkaradaṃsabaṃāñcā'nugantvā nivattā; ()
30. Tamhā ṭhānā gatasati jane sannisinnassa tassa
Pallaṃkenā'maranaṃ pariccanta pupphāsaṃnaṃhi,
Jātikkhetā tahimupagatā devatā etamaṭṭhaṃ
Ārocesuṃ mahitavaraṃā aṃjalimaṃṇarīhiṃ; ()
31. Pubbe pupphāsaṃnupari saṃārūḷhabuddhaṃkurānaṃ
Addhāne've'tarahi bhavatoṃcā'sanārohaṃnaṃhi,
Ekālokaṃ dasahi guṇitā lokadhātu saṃassī
Saṃvattante tvamaṃavarataṃ hessase tena buddho; ()
32. Tāsaṃ vācaṃ saṃaṃamadhuraṃ devatānaṃ nisamma
Bhiyyo cittappaṃbhavaṃvīriyo pītivipphāritatto,
Pubbe sattuttaṃparicitā bodhisambhāradhammā
Āvajjesi kati iti sudhī dhammadhātuṃ sahetuṃ; ()
33. Okujjitvā dharaṃṇīṭhapito puṃṇa kumbho sumedha
Vissandevā salilaṃmkhilaṃ kintupaccāharetha,
Evaṃ datvā dhanasutakalatta'ṃgapaccāṃgajīve
Nibbinno mā bhavi'ti paṭhamaṃ pāraṃmiṃ'dhiṭṭhahi so; ()

34. Nā'pekkhitvā yathariva nijam jīvitam jīvitam'va
Rakkhanto sañcarati camari cāmara candikābham,
Evam sīlam varasivapuradvāramārakkha dhīra
Ajjhīṭṭhāsi iti sadutiyam pāramim suddhasīlo; ()
35. Saṃviggo yo ciraparivasam ghorakārāgharamhi
Muttim tamhā'gamayati yathā hohi nekkhammanitto
Nibbinno tvam tathariva bhava bandhanāgārarupe
Ajjhīṭṭhāsi tatiyampi so pāramintye'kacārī; ()
36. Hīnukkaṭṭham kulamanugharam bhikkhako bhikkhu bhikkham
Aṇvāhiṇḍam labhati naciram saṃvaraṭṭho yathe'vam,
Sambodhattha bhaja paṭibale paṇḍite puṭṭhapañho
Ajjhīṭṭhāsi tvamiti matimā pāramim so catutthim; ()
37. Niccussāho vicarati yathā kesarī sericārī
Evam ṭhāne gamanasayanecā'sane tvam sumedha,
Usoḷhī tyāsithilavīriyo hoti sambodhanattham
Ajjhīṭṭhāsi thiravīriyavā pañcamim pāramim so; ()
38. Itthāniṭṭham pathaviriva bho sabbamānāvamānam
Nāpajjitvā manasiviktim tvam sahanto khamanto,
Sambodhattham paravadhakhamo hohi'ti khantivādī
Ajjhīṭṭhāsi parahitarato chaṭṭhamim pāramim so; ()
39. Vīthim nātikkamati niyamam osadhītārakā'yam
Evam santuttama paricitam saccavācam sumedha,
Tvam māvitikkami karahaci boddhukāmo subodhim
Ajjhīṭṭhāsi'tya'vitathakathi sattamim pāramim so; ()
40. Tamhāṭhānā balavapavane vāyamāne'pi thokam
Kappaṭṭhāsi tacalati yathā pabbato suppataṭṭho,
Tvam tiṭṭhāhi tathariva adhiṭṭhānadhammesu daḷham
Ajjhīṭṭhāsi'tyavalasadiso ca'tṭhamim pāramim so; ()
41. Otiṇṇesu udakarahado bho nihīnuttamesu
Sītattam sampharati hi samam vārinā bhāvayeni,
Mettāyevam tibhavabhavane sabbasattesu tulyam
Ajjhīṭṭhāsi samuti navamim pāramim metta citto; ()
42. Itthāniṭṭhe sati paṭihate vatthujāte yathāhi
Majjhattā'yam vasumativadhū hoti dukkhe sukheka vā,
Evam bho tvam bhava samatulāsantibho'pekkha ko'ti
Ajjhīṭṭhāsi savasi dasamim pāramim bhurimedho; ()
43. Ālonto tidasapamitam pāramisāgaram so
Sattādhiso nisitamtimā ñāṇamatthā'calena,
Āvajjesi vasumatavadhu sādhuḥkāram'va denti
Saṃkampi sampati satimato dhammatejena tena; ()
44. Bhīrūcchamhī ghaṇapathaviyā kampamātāyi'māya
Patvā dīpaṅkarabhagavato rammavāsī samīpaṃ,
Sampucchimsu vasumati bhusam kampi taṃkissahetu
Āvajjetvā samuti munino tampavattim kathesi; ()

45. Nikkañkhā te punapi nagarā nāgarā taṃ upecca
Sampūjesuṃ caraṇayugalaṃ gandhamālādikehi,
Katvā tena'ñjalīsarasiye yena dīpañkare'ṇo
Uṭṭhāsi so purisatisaho sannīsinnāsanamhā; ()
46. Mā te rogo bhavi paṭibhayaṃ mā bhavi chambhitattaṃ
Saṅkappo te paramapaṇidhi sījḥataṃ khippameva,
Itthañcā'sithutipadasataṃ jātikhettā gatā taṃ
Pupphādīhi mahīya jaṭilaṃ nijjarā byāharimṣu; ()
47. Abbhuggantvā pavanapadaviṃ devatānaṃ manāni
Bodhātvo himavati sakaṃ assamaṃ tāpaso so,
Patto atthācalamupagamī taṅkhaṇe raṃsimālī
Saṅkocetvā sarasijavanaṃ saṃharitvā'ṃsujālaṃ; ()
48. Rammaṃ dīpañkarabhagavato rammavatyā'bhidhānaṃ
Vāsaṭṭhānaṃ janakajananī dve sudevassumedhā,
Niccopaṭṭhāyakayativaro sāgatomaṅgaloca
Tissocā'suṃ paṭhamadutiyaśāvakaṃ theranāgā; ()
49. Nānākhīṇāsavaparivuto cā'si nandā sunandā
Tassā'hesuṃ paṭhamadutiyaśāvikaṃ aggabhūtā,
Kāyo'sitiratanapamito pippalināmabodhi
Aṭṭhāsi so pacurajanataṃ tārayaṃ vassalakkhaṃ; ()
50. Sattā dīpañkaravho suranarasaraṇodīpadīpocirassaṃ
Dīpevo dhammadīpaṃ tibhuvanabhavane vīta'vijjandhakāraṃ
Aggikkhandho'vabhāsaṃ vihāriya parinibbāyi khīṇāsavā'pi
Khīṇasnehāpadīpāyathariva ariyā śāvakaṃ nibbutā'suṃ; ()

Iti medhānandābhidhānena yatinā viracite sakalakavijana hadayānandadānanidāne
jītavamsadīpe dūrenidāne sumedha tāpasassa mūlapaṇiṭṭhānaṭṭhapanapavatti paridīpo dutiyo saggo.

1. Lokam (vasantatilako) kumudākaraṃ mā
Koṇḍaññānāmabhagavā'tha pabodhayatto,
Jāto tadā varamatī vijitāvi rājā
Sampanna cakkaratano'bhavi cakkamatti; ()
2. Saṅghassa buddhapamukhassa uḷāradānaṃ
Datvā vidhāya paṇidhiṃ varabodhiyā so,
Rajjaṃ pahāya jinasāsanamotaritvā
Jhānānya'lattha paṭilaṃvarappadāno; ()
3. Tassā'si rammavatināma puraṃ sunando
Rājā ahoṣi janako jananī sujātā,
Bhaddassubhaddasamaṇā varasāvaka'suṃ
Tisso'patissa'samaṇi varasāvika'yo; ()
4. Lakkhāyuko vijayabodhi visālasāla-
Kalyāṇi nāma tadupaṭṭhahi cā'nuruddho,
Tassā'ṭṭha sītiratanappamitaṃ sarīraṃ
Āsuṃ tayo ariyasāvakasannipātā; ()
5. Tassā'parena samayeni'ha'naṅgabhāngo
Uppajji maṅgalajīno janamaṅgalāya,

- Buddhaṅkuro'tiruciro surucī samañño
Āsi tadā'vatisuro dvijavaṃsaketu; ()
6. Datvā sasāvakaḥjitassa dināni satta
Patthesi bodhimasamaṃ gavapānadānaṃ,
Pabyākato bhagavatā bhavanā'hīgantvā
Pabbajjito sukhamavitdi samādhijaṃ so; ()
7. Tassu'ntaraṃ puravaraṃ pitaro'ttara'vhā
Āsuṃ sudevasamaṇo vasi dhammaseno,
Tassā'ggasāvakayugaṃ sakasāvikānaṃ
Bhaddamyugaṃ abhavi sivalicā'pya'sokā; ()
8. Taṃ pālito jinamupaṭṭhahi aṭṭha'sīti
Hattho'si tassa vajirūpamarūpakāyo,
Bodhī'pi nāgataru sāvakasantiṇṇā
Āsuṃ tayo navutivassasahassamāyu; ()
9. Tassā'parena sumano karuṇānidhāno
Nātho manojamathano udapādi loke,
Buddhaṅkuro'bhavi tadā'tulanāgarājā
Teja'ggijālajalito atuliddhimā so; ()
10. Nāgo'pi nāgabhavanamhi sasāvakassa
Buddhassa dibbaturiyehi katupahāro,
Datvāna dānamatulaṃ paṇidhiṃ akāsi
Buddho bhavissasi tuvantī ahāsi buddho; ()
11. Khemavhayaṃ puramahū janako sudanto
Rājā janetti sirimā nijasāvakānaṃ;
Aggā bhaviṃsu saraṇo vasi bhāvitatto
Soṇā tadaggasamaṇi'si tathu'pasoṇā; ()
12. Tassā'si nāgataru bodhi udenatero-
Paṭṭhāyako navutivassasahassamāyu,
Ubbedhato navutihatthamitaṃ sarīraṃ
Āsuṃ tayo ariyasāvakasannipātā; ()
13. Tassā'parena udapādi'ha revatākhyo
Devādivanditapado bhuvī devadevo,
Sattuttamo bhavi tadā atidevanāmo
Bhovādivaṃsatilako catuvedavedī; ()
14. Baddhañjalī sirasi dhammakathaṃ nisamma
Gantvāna taṃ saraṇamuttaramuttariyaṃ;
Datvā'hipatthayi sukhodhimatho mahesi
Buddho bhavissasi tuvantī visākarittha; ()
15. Tassā'si dhaññavatināma puraṃ jinassa
Mātā mahesi vipulā vipulo pitā'si,
Sabrahmadevavarūṇo bhavi saṅghamajjhe
Bhaddā ca bhaddayugalaṃ duvidhaṃ subhaddā; ()
16. Taṃ sambhavo vasi upaṭṭhahi nāgabodhi
Rukkhopya'sitiratanāṃ bhavi attabhāvo,

Āyuppamāṇampi saṭṭhisahassavassaṃ
Āsuṃ tayo ariyasāvakasannipātā;

17. Tassā' paramhi samaye janapārijāto
Uppajji sobhitajīno jitapañcamāro,
Ajjhāyako sakalaveda muḷārabhogī
Buddhaṅkuro bhavi tadā' jitanā mavappo;
18. Dhammaṃ nisamma saraṇesu paṭiṭṭhahitvā
Saṅghassa buddhapamukhassa uḷāradānaṃ,
Datvā padhānapañidhāna makāsi dhīro
Tvam lacchasi'ti varabodhi mahāsi satthā; ()
19. Rammaṃ sudhammamahu tassa puram sudhammo
Rājā ahoṣi janako janikā sudhammā
Tassā' ggasāvakayugaṃ asamo sunetto
Tassāvikā' ggayugalaṃ nakulā sujātā; ()
20. Nāgassa nāgataru bodhi sarīramatṭha-
Paṇṇāsahatthapamitaṃ tamatomathero,
Sopaṭṭhahī navutivassasahassamāyu
Āsuṃ tayo ariya sāvaka sannipātā; ()
21. Uppajji tassa aparena anomadassi
Buddho pabuddhakamalāmalanīlanetto,
Buddhaṅkuro jitasurāri tadāni yakkha-
Senāpatī bhavi mahiddhimahānubhāvo; ()
22. Sambodhi maggapuriso pañidhānayaṃ so
Saṅghassa buddhapamukhassa uḷāradānaṃ,
Pādāsi tisu saraṇesu paṭiṭṭhahitvā
Buddho bhavissasi tuvanti jino'bruvitaṃ; ()
23. Ṭhānañhi candavatināma yasodharākhyā
Mātā mahesi yasavā janako janindo,
Tassa' ggasāvakayugaṃ nisabho atomo
Dve sundaṛī ca sumanā carasāvikā'suṃ; ()
24. Bodhī'pi tassa kakudho munidehamatṭha-
Paṇṇāsahatthapamitaṃ varuṇābhidhāno,
Thero upaṭṭhahi ca lakkhapamāṇamāyu
Āsuṃ tayo ariyasāvakasannipātā; ()
25. Tassā' parena padumo dipadānamindo
Jāto pabujjhitaṃ manopadumo pajānaṃ,
Dhīro babhūva varavāraṇakumbhabhedī
Sīho tadā rucirakesarabhāragīvo; ()
26. Buddhaṃ nirodhasukhavediyaṃ vatamhi
Sattāhamakkipadūmehi tamaccayitvā,
Cittaṃ pasādiya punā' gatasāvakesu
Sīho vibhāsi paṭiladdhavarappadāno; ()
27. Tassā' si campakapuraṃ padumābhidhāno
Rājā ahoṣi janako asamā janettī,

- Sālopasālayatayo varasāvakā'suṃ
Rāmā'pi tassa paramāsamaṇi surāmā; ()
28. Nāmenu'paṭṭhahi vasi varuṇo tamaṭṭha-
Paṇṇāsahatthamita massa sarīramā'si,
Bodhi'pi soṇataru lakkhapamāṇamāyu
Āsuṃ tayo ariyasāvakasannipātā; ()
29. Tassā'parena varado muni nāradavho
Pāpandhakāranikaraṃ bhīduro'dapādi,
Buddhaṅkuro bhavi tadā'khilajhātabhiññā-
Lābhī pavattaphalabhoji tapodhanīso; ()
30. Katvānu'ḷārapañidhāna muḷāraviro
Datvā sasāvakaḷinassa uḷāradānaṃ,
Pūjesi taṃ surabhinā haricandanena
Satthāpi sampati viyākaraṇaṃ adāsi; ()
31. Tassā'si dhaññavatināma puraṃ sumedho
Rājā ahosi janako jananī anomā,
Dve bhaddasālajitamittavasi vasīna-
Maggo'ntarā samaṇi phagguṇi bhikkhunītaṃ; ()
32. Vāsetṭhabhikkhu tadupaṭṭhahi rūpakāyo
Tassā'tṭhasitiranaṃ mahasoṇasākhī,
Bodhiddumo navutivassasahassamāyu
Āsuṃ tayo ariyasāvakasantipātā; ()
33. Tassā'parena padumuttara dhammarājā
Jāto tilokapadumo padumappitaṅghī,
Aḍḍho uḷāravibhavo maharatṭhiyo so
Buddhaṅkuro bhavi tadā jaṭilābhidhāno;()
34. Sambodhiyā'dhigama paccayapatthanaṃ so
Virovidhāya padumuttarapādamūle,
Saṅghassa buddhapamukhassa ticivarāni
Pādāsi tīsuratanesu abhippasanno; ()
35. Tassā'si haṃsavatināma puraṃ jinassa
Ānandabhupati pitā janikā sujātā,
Dve tassa devalasujātavasi vasīnaṃ
Aggā bhaviṃsu samaṇisvāmitāsamā'ggā; ()
36. Lakkhāyuko sajayabodhika visālasāla
Rukkho upaṭṭhahi muniṃ sumanābhidhāno,
Tassa'tṭha'sitiranaṃ appamitaṃ sarīraṃ
Āsuṃ tayo bhagavato gaṇasannipātā; ()
37. Tassā'parena samayena sumedhanāmo
Lokamhi pātubhavi lokahitāya satthā,
Buddhaṅkuro kira tadānyu'bhato sujāto
Svā'sitikoṭivibhavo'ttara māṇavo'si; ()
38. Vissajjiyāna vibhavaṃ tamsitikoṭiṃ
Datvāna dānamasmaṃ sugate sasaṅghe,

- Pabbajjito paramabodhi mapatthayittha
Byākāsi somuni ta'mijjhanabhāva'maddhā; ()
39. Rammaṃ sudassanamahū nagaraṃ sudanto
Tassā'si bhūpati pitā janānī sudattā,
Saṅghesu'hosu saraṇo vasi sabbakāmo
Rāmā yamāni paramānya'bhavuṃka surāmā; ()
40. Bodhī'pi nīpataru sāgaranāmathero
'Paṭṭhāsi taṃ navutivassasahassamāyu,
Tassā'dhasitiratanu'ggatamāsi gattaṃ
Āsuṃ tayo satimato gaṇasantipātā; ()
41. Tassā'parena samayena janappadīpo
Jāto sujātabhagavā jitapañcamāro,
Sampannasattaratato varacakkavatti
Rājā babhūvi'ha mahāpuriso tadāso; ()
42. Dhammā'matena mudito ratanadvayassa
Datvā sasattaratanaṃ catudīparajjaṃ,
Pabbajji bodhipañidhiṃ pañidhāya dhīmā
Ñatvā mahāmuni tamijjhanabhāvamāha;
43. Rammaṃ sumaṅgalamahū puramuggatākhyo
Rājā pitābhavi pabhāvatināma mātā,
Aggābhaviṃsu ca sudassanadevatherā
Nāgā gaṇassadasi nāgasamālatheri; ()
44. Taṃ nāradomuniru'paṭṭhahi ca'ttabhāvo
Paṇṇāsahatthapamito bhaviveṇubodhi,
Tassā'bhavī navutivassasahassamāyu
Āsuṃ tayo dhītimato gaṇasannipātā; ()
45. Tassā'pareni'ha nirūpamarūpasāro
Jātobabhūva piyadassisantadassi,
Dhīro tadanya'bhavi kassapamāṇavo so
Vedesu tīsu kusalo kusalaṃ gavesi; ()
46. So koṭilakkhaparimāṇadhatabbayena
Saṅgassa buddhapamukhassa mahāvihāraṃ,
Katvā padāsi abhipatthitabuddhabhāvo
Buddho'pi tappañidhisiddhi siyā'tya'bhāsi; ()
47. Candāmahesi janānī janako pudinno
Rājā babhūva puramassa anomanāmaṃ,
Āsuṃ tadaggayugalāni sujātadhamma-
Dinnā gaṇassadasi pakālitasabbadassi; ()
48. Taṃ sotavhasamaṇo samupaṭṭhahittha
Bodhī piyaṅgu bhagavā'si asitihattho,
Aṭṭhāsika so navutivassasahassama'ssa
Āsuṃ tayo matimato gaṇasannipātā; ()
49. Tassā'parena samayenu'dapādi loke
Lokatthasādhanarato munira'tthadassī,

- Sattuntamo'pi niratikkamadhammasimo
Tejiddhimā isi tadā'si susimanāmo; ()
50. Āñīya dibbabhavanā kusumāni tassa
Mandāravāni supatiṭṭhitapādapīṭhe,
Sampūjjiyāna paṇidhānamakāsi satthā
Tvam mādiso'bruvi bhavissasi cā'yatinti; ()
51. Tassā'si sobhitapuram bhavisāgaravho
Rājā pitā janatidevi sudassanākhya,
Santopasantasamaṇā varasāvakā'sum
Dhammā tadaggasamaṇipya'bhavum sudhammā; ()
52. Tañcā'bhayo munirūpaṭṭhahi sopya'sīti-
Hatthuggato satahassapamāṇamāyu,
Campeyyasākhi bhavi bodhi subodhihetu
Āsum tayo ariyasavakasannitā; ()
53. Tassā'parena udapādi'ha dhammadassī
Nissīmadhī'nadhivaro bhavapāradassi,
So tāvatimsabhavatamhi mahānubhāvo
Buddhaṅkuro bhavi tadā kira devarājā;()
54. Dibbāni gandhakusumāni kathāgatassa
Cakkaṅkitorucaraṇamburuhāsanamhi,
Pūjesi dibbaturiyehi ca buddhabhāvaṃ
So pathayaṃ munitamijjha nabhāvamāha; ()
55. Ṭhāniyamāsi saraṇaṃ sugatassa tassa
Rājā pitā'si saraṇo janani sunandā,
Aggābhaviṃsu padumovasi phussadevo
Khemā ca bhikkhusamaṇisva'pi sabbanāmā; ()
56. Thero sunettavisuto tadupaṭṭhahi so
Lakkhāyuko'si jayabodhi ñca bimbijālo,
Tassā'pya'sitiratanappamitaṃ sarīraṃ
Āsum tayo ariyasāvakasannipātā; ()
57. Tassā'parena samayeni'ga siddhabodhi
Siddhatthanāmavidito udapādi satthā,
Buddhaṅkuro bhavi tadā'khīlaṅajhānalābhī
Bhoji pavattitaphalaṃ vasi maṅgalākhyo; ()
58. Sampannagandharasikaṃ paripakkamekaṃ
Āñīya so vipakulaajambubhalaṃ vanamhā,
Pādāsi tassa paṇidhīkatabuddhabhāvo
Tañcānubhuya bhagavāpi viyākarittha; ()
59. Vehāramāsi nagaraṃ jayasenanāmo
Rājā ahosi janako jananī suphassā
Bhikkhūsu tassa vasi sambahulo sumitto
Dve sīvali ñca samaṇīsu varā surāmā; ()
60. Taṃ revatomuni munindamuṭṭhahittha
Bodhī'pi tassa kaṅkārāmaṅkārāsi,

Lakkhāyuko sa'narasārathi saṭṭhihattho
Āsum tayo ariyasāvakasannipātā; ()

61. Tassā'pareni'ha samubbhavi nissanāmo
Sathā pasatthacaraṇo caturō'ghatiṇṇo,
Buddhaṅkuro bhavi tadāni sujātarājā
Rājaññaṃoḷimaṇilaṅkatapādapīṭho; ()
62. Hitvā sa'rajjamisiveyadharo sudhīro
Dībbehī'nekakusumehi jinaṃ vajantaṃ,
Pūjesi muddhani tamāpavitānasobhaṃ
Sathā'pi tappaṇidhisiddhi siyā'tya'bhāsi; ()
63. Khemaṃ purañhi janako janasandhanāmo
Rājā janetti padumā nijasaṅkhamajjhe,
Dve brahmadevudaya vissutatheranāgā
Phussā ca aggayugalānya'bhavaṃ sudattā; ()
64. Taṃ sambhavovasi vasindamupaṭṭhahittha
Tassā'sanavhataru bodhi sa'saṭṭhitattho,
Aṭṭhāsi vassagaṇanāya mahesi lakkhaṃ
Āsum tayo ariyasāvakasannipātā; ()
65. Tassā'parena bhavasāgarapādassi
Phusso mahāmuniri'hakabbhudapādi loke,
Dhīro tadāni vijitāvi jītārivaggo
Rājā babhūva surarājānibho'rutejo; ()
66. Sambodhi maggapuriso paṇīdhāya phītaṃ
Rajjaṃ vivajjiya sa'pabbajito janassa,
Aññāya tīṇipīṭakāni kathesi dhammaṃ
Vyākāsi phussabhagavā'pi'va pubbabuddhā; ()
67. Tassā'si kāsinagaraṃ jayasenanāmo
Rājā pitā'si janati sirimā mahesi,
Saṅghesu'bhosu'pi surakkhitadhammasetā
Cālā tadaggayugalāni tathū'pañcālā; ()
68. Bodhiddumā'malakasākhi sarīramaṭṭha-
Paṇṇāsahatthapamitaṃ sabhiyābhidhāno,
Sopaṭṭhahī navutivassasahassamāyu
Āsum tayo bhakavato gaṇasannipātā; ()
69. Tassā'parena sanarāmarasattasāro
Sathā vipassi'ha samubbhavi sabbadassī,
Kamma kenaci mahiddhimahānubhāvo
Buddhaṅkuro'bhavi tadā'tulanāgarājā; ()
70. Aṅgīrasassa ghanakañcanahaddapīṭhaṃ
Pādāsi tassa khavitaṃ ratanehi nānā,
So buddhabhāvamahipatthiya bodhisatto
Vyākāsi tatthasunisajja jino vipassi; ()
71. Tassā'si bandhumatināmapuraṃ tadeva-
Nāmo pitā janani bandhumatī mahesi,

Dve khaṇḍatissavasino varasāvaka'suṃ
Candā ca bhaddayugalaṃ bhavi candamittā; ()

72. Dehaṃ asitiratataṃ tamasokathero-
Paṭṭhāsi bodhiṃṭapī bhavi kaṇhavaṇṭā,
Vāsaṃakā munira'sītisahasavassaṃ
Āsuṃ tayo ariyasāvakasannipātā; ()
73. Tassā'parena adhisīlasamādhīpaṇṇo
Sattā samubbhavī sikhī janakappasākhī,
Dhīro tadā'bhavi arindamanāmarājā
Saddho pahūtataratato ratanattayamhi; ()
74. Bhikkhaṇca sattaratanābharaṇābhīrāmaṃ
Ñatvāna hatthiratanāṃ sugate sasaṅghe,
So buddhabhāvamaḥipattḥayi sattaśāro
Vyākāsi lacchasi sukhodhipadanti sattā; ()
75. Buddhassa cāriṇvatī nagaraṃ ahosi
Mātā pabhāvati pitā aruṇavha rājā,
Saṅghesu'bhosu abhibhuvasi sambhavo ca
Aggābhaviṃsu makhilāpadumābhīdhānā; ()
76. Khemaṅkaro jinamupaṭṭhahi sattatiṃsa-
Hatthucchito vijayabodhi ca puṇḍariko,
So sattatiṃsatisahasā mitāyuko'si
Āsuṃ tayo tadiyasāvakasannipātā; ()
77. Tassā'pareni'ha samubbhavi ketumālā-
Byāmapabhāparilasāṃ munivessabhū'ti,
Buddhaṅkuro kira tadāni sudassanavha-
Rājā babhūva pararājagajindasīho; ()
78. Saṅghassa buddhapamukhassa sacīvaraṃ so
Datvāna dānamatulaṃ jinasāsanamhi,
Sabbāṇṇubodhimabhipatthiya pabbajittha
Buddho bhavissasi dhuvanti tamāhasattā; ()
79. Tassā'pya'nopamapuraṃ bhavi suppatīto
Rājā pitā yasavatī janikā mahesī,
Soṇuttarā ca nijasāvakasāvīkānaṃ
Dāmā matiddhiparamā paramā samālā; ()
80. Bodhī'pi tassa bhavi sālamahīrūho'pa-
Sampannabhikkhu tadupaṭṭhahi saṭṭhihattho,
Sattā vihāsi samasaṭṭhisahasavassaṃ
Āsuṃ tayo tadiyasāvakasattipātā; ()
81. Tassā'pareni'kaha samubbhavi saccasando
Veneyyabandhu bhagavā kakusandhanāmo,
Buddhaṅkuro bhuvī tadā'bhavi khemarājā
Dānappabandhajaḥalasekasudhotahattho; ()
82. So pattacīvarapabhūtīkamannapānaṃ
Datvā sasāvakaḥjinassa gharā'bhigantvā,

- Pabbajji bodhipañidhiṃ pañidhāya rājā
Satthāsaya'tya'vaca tappañidhānasiddhi; ()
83. Khemavahayaṃ nagaramassa pitā'ggidatto
Vippo vibhāvi abhavi janikā visākhā,
Sañjivatheradutiyo vidhuro ca thero
Sāmā tadaggayugalaṃ bhavi campakākhyā; ()
84. Taṃ buddhijo jinamupaṭṭhahi tassa gattaṃ
Tāḷisahatthamitamāsi sirisabodhi,
Tāḷisahāyanasahassapamāṇamāyu
Eko'va tassa bhavi sāvakasannipāto; ()
85. Tassā'paramhi samaye karuṇānidhāno
Lokābhībhū kanakabhudharahārīrūpo,
Uppajji koṇagamanomuni pabbatākhyo
Bhumissaro bhavi mahāpuriso tadāni; ()
86. Saṅghassa buddhapamukhassa uḷāradānaṃ
Datvā mahagghavaracivarasāṭake ca,
So pakabbajittha abhipatthita buddhabhāvo
Buddho bhavissasi tuvanti tamāhasatthā; ()
87. Nāmena sobhavati tampuramuttarākhyā
Mātā pitā'vanisuro bhavi yaññadatto,
Hīyosottaravasī samaṇi samuddā
Tasso'ttarā ca paramā parisāsu'bhosu; ()
88. Taṃ sotthijo jinamupaṭṭhahi tiṃsahattho
Aṅgīraso bhavi udumbarasākhi bodhi,
So tiṃsahāyanasahassamitāyuko'si
Eko'va tassa bhavi sāvakasantiṭṭhāto; ()
89. Tassā'pareni'ha mahāmuni kassapākhyo
Lokamhi pātubhavi khaggavisāṇakappo,
Buddhaṅkuro bhuvī tadā'bhavi jotipālo
Vedesu tīsu sakalāsu kalāsu cheko; ()
90. Kalyāṇamittadutiyo sugataṃ upecca
Sutvāna dhammamathasāsana motarivā,
Sabbaññubhāvamhipatthayi māṇavo so
Vyākāsi kassapamunī'pi munī'ca pubbā; ()
91. Bārāṇasi nagaramāsi pitā ca mātā
Dve brahmadattadhanavatya'bhīdhānavanto,
Bhikkhusu tassa samaṇisva'pi tissabhāra-
Dvājā ca bhaddayugalātya'nuloruvelā; ()
92. Taṃ sabbamittasamaṇo samupaṭṭhahittha
Nigrodhasākhī jayabodhi sa'vīśahattho,
Tassā'si visatisahassa pamāṇamāyu
Eko'va'hū ariyasāvakasannipāto; ()

Iti medhānandābhīdhānena yatitā viracite sakalakavijana hadayānanda dānanidāne
jinavaṃsadīpe dūrenidāne bodhisattassa sesapañidhātāṭṭhapana pavatti paridīpo tatiyo saggo.

1. Dīpaṅkarādicatuvīsati buddhapāda-
Mūlesu laṅgaṇidhāna mahānidhāno,
Lakkhādhikam̐ caturasaṅkhiyakapakpasaṅkham̐
Puññābhisandamabhisāṅkhari bodhisatto; ()
2. Etthantare vividhabāhiravattujātam̐
Sisa'kkhimam̐sarudhirāni ca puttadāre,
So jīvitampi kapaṇḍikayācakānam̐
Vīro pariccaji pajāya hitatthameva; ()
3. Dānādhimuttipariyesana vippaveso
Patvā tapovanamakitti tapodhanassa,
Tiham̐ alattha sakaṭāhamaloṇaḍākam̐
Yassā'bhibhūtajaṭharassa jighacchitattā; () (Akitticariyam̐)
4. Kantāramagga paṭipanna manātapattam̐
Pacceka buddhamahipassiya saṅkakhavip̐po,
Phuṭṭham̐ sakiccapasuto sūriyātapena
Yo chattupāhaṇamadāsi sudhotapāṇi; () (Saṅkhacariyam̐)
5. Dubbhikkhapīḷanabhayena kaliṅgaratṭhā
Saṃyācatam̐ yadupagamma dhanañjayavho,
Soṇḍāya gayha nijamañjana nāgarājam̐
Yo dakkhiṇodaka nisekamakāsi rājā; () (Kurudhammacariyam̐)
6. Hutvāna yo mahasudassana cakkavattī
Rājā kusāvati puramhi divā ca ratto,
Vatthattapānamupatesi carāpayitvā
Bherim̐ka asesakapaṇḍikayācakānam̐; () (Mahāsudassanacariyam̐)
7. Yo sattabhumibhujasāsi purohito'pi
Rājūhi laddhamakhilam̐ dhanadhaññarāsīm̐,
Sampattayācakajanassa paricchajitvā
Puññappabandhamabhisāṅcini bodhihetu; () (Mahāgovindacariyam̐)
8. Dhammānusāsi nimināma mahībhujō'pi
Sālam̐ vidhāya mithilāya catummukham̐ yo,
Acchinnamatthijanapakkhicatuppādānam̐
Dānam̐ pavattayī purā dadatam̐ varitṭho; () (Nimirājacariyam̐)
9. Yo ekarājasutacandakumārabhūto
Muddhābhiseka karaṇāya janehi gaccham̐,
Saṃvejito savibhave tibhave'pi yaññā-
Vāṭam̐ vidhāya'bhīpavattayī dānavatṭam̐; () (Candakumāracariyam̐)
10. Yo vatthusāragahaṇena atittarūpo
Bhumissaro'pi sivināma surādhīpassa,
Jaccandhavesagahitassa vilocanāni
Uppāṭayitva padadam̐ labhi dibbacakkhū; () (Sivirājacariyam̐;)
11. Dānādhimuttiparamo sasapaṇḍito yo
Mittenu sāsiya adhiṭṭhituposathaṅgo,
Aṅgāramuddhani papāta sajjīvitāsam̐
Hitvā dvijassa tanumam̐sapadātukāmo; () (Sasapaṇḍitacariyam̐; Itidānapāramīm̐)

12. Yo mātuposakakari bhisamuddharatto
Andhāya hatthidamakena kareṇukāya,
Soṇḍāya suṭṭhugahito'pya'vikaṇḍitassa
Sīlassa khaṇḍanabhayā najanesi kopam; () (Mātuposakacariyam;)
13. Yo bhuridattabhujago'parivammikaṭṭho,
Sīlabbatam visadharo samadhiṭṭhahitvā,
Peḷāya khittabhujage ahiguṇṭhikamhi
Sīlassa kuppanabhayena jahāsi kopam; () (Bhuridattacariyam;)
14. Sīlabbatādivibhavo jalitiddhimā yo
Campeyyanāmabhujago ahiguṇṭhikamhi,
Icchānurūpavicaro camarī'va vālam
Sīlam jugopa napi tabbadhake cukopa; () (Campeyyacariyam;)
15. Yo cūlabodhivisuto samadiṭṭhahatvā
Sīlabbatam vanamupecca vasaṃ piyāya,
Tāyam pasayha gahitāya'pi kāsiraññā
Sīlabbisodhanaparo pajahittha rosam; () (Cūlabodhicariyam;)
16. Yo bhimsarūpi mahiso'pi valimukhassa
Āguṃ titikkhamakhīlam parisuddhasilo,
Rukkhaṭṭhayakkhavacanāni paṭikkhipitvā
Tam sīlabhaṅgabhayato bhayato mumoca; ()
17. Yo vuyhamānamapanīya nadīpavāhā
Mittadduham putasajīvitadānāhetu,
Raññā mumoca vadhiyam avikopanena
Sīlassa rūruhariṇo'pi harissavaṇṇo, () (rūrumigarājacariyam;)
18. Yo dantakaṭṭhasakalehi jaṭākulehi
Kuddhena kuṭajaṭilena katāhisāpo,
Mātaṅganānamuni sīladhanam jugopa
Sampātasāparipumiddhibalena rakkham; () (Mātaṅgacariyam;)
19. Maggāvatiṇṇamadhamam kalhābhīlāsā-
Saṅghaṭṭitobhayarathaṅgamadhammayakkham,
Kopagginā napanijhāpayamidhimā yo
Sīlam rarakkha khalu dhammikayakkharājā; () (Dhammādhamma devaputtacariyam;)
20. Yo porisādavasagassa jayaddisassa
Rañño paṭiññamadhikicca vijivitāso,
Khittāyudho tadupagamma alīnasatto
Yakkham damesi nanu sīlavatam nidānā; () (Alīnasattacariyam;)
21. Yo saṅkhapālabhujago nijabhogapūra-
Vyābhaṅgibhāratavāhiti bhojaputte,
Kāruññamāpa abhigantumapādātāya
Sīlassa bhaṅgabhayato'pi hutāsatejo; () (Saṅkhapālacariyam; Iti sīlapāramim;)
22. Saṅkhāradhammakhaṇabhaṅgasabhāvadassi
Ussāvabinduvilayam'va yudhañjāyo yo,
Rājā janassa rudato pavihāya rajjam
Nekhammapāramapurayi pabbajitvā; () (Yudhañjāya cariyam;)

23. Yo somanassavisuto kururājaputto
Dussīlakuṭajaṭilabbacanam paṭicca,
Raññā niyojitavadho vadhakāvakaṣaṃ
Laddhānusāsiya'bhikkhami cattarajjo; () (Somanassa cariyam;)
24. Yo kāsirājatanujo'pi ayogharākhyo
Īhaṃ bhato ciramayogharavāsahīrū,
Rajjam pahāya paramam pitarā padattam
Nekkhammaṃpāramiparo vanamotarittha; () (Ayogharacariyam;)
25. Yo pañcakāmaguṇadīpanato'padiṭṭha-
Sambhattamittavacanampi paṭikkhipivā,
Niddhantakañcananibhacchavi kañcanākhyo
Pavā tapovanamapabbaji bandhavehi; () (Bhisacariyam;)
26. Pakkhittadaddulanahārurivā'nalami
Saṅkhāradhammavisaye paṭivaṭṭitatto,
Yo soṇabhusurasudhī vibhavam pahāya
Pabbajjitum saporiso pavanam jagāma; () (Soṇapaṇḍitacariyam; Iti nekkhamma pārami;)
27. Yo seṇako sudhi pasibbakagabbhasāyim
Vippassi mohakalusikatamānasassa,
Sappam sughoramupadassiya dīghadassī
Paññāsupāramimapūrayi bhurimedho; () (Seṇakapaṇḍita cariyam;)
28. Yo yam mahosadhasamākhyasudhī sudhīso
Ummaggasamvutanisaggavatisamo'pi,
Ummaggato'va sabalam mithilādhinātham
Paññāpajāpatipati riputo mumoca; () (Mahosadhacariyam iti paññā pārami;)
29. Vālenū'ḷaravīriyo vīriyena ghoram
Saṃsāradukkhamiva yo kisakālako'pi,
Gambhīrasāgarajalam sapajānukampī
Ussiñcituṃ satatamārahi sattasāro; () (Kālaka cariyam)
30. Rājāmahādījanako janakundacando
Gambhīrabhurisalilam salilākaram yo,
Sūro'rubāhuvīriyo vīriyam tatāra
Saṃsārasindhutarāṇe taraṇīsarūpo; () (Mahājanakacariyam; Iti vīriyapārami;)
31. Yo khantitintahadayo yatikhantivādī
Chedāpite'pi sakalam sakalattabhāve,
Samapūtakhantijalamevabhūsam siseca
Vyāpādapāvakaṇḍikkalāburāje; () (Khantivādī cariyam)
32. Yo dhammapālanaparo susu dhammapālo
Kārāpite'pi vadhakeha'simālakammaṃ,
Āsannatāpanirayamhi patāparāje
Khantiṃ pavattayi manappitakhantimetto; () (Dhammapāla cariyam; Iti khantiṃpārami;)
33. Yo antarīpagabhayamkarasumsumāra-
Muddhāsamappitapado kapirājabhūto,
Dinam paṭiññāmanukubbamanāññalabbham
Najjā papāta paratīramasaccabhīrū; () (Kāpīrāja cariyam)

34. Yo saccapāramiparo vasi paccanāmo
Saccena saccamahīsandhiya saccadassī,
Porim samaggakaraṇim sirijambudīpe
Sampālayam sakalalokamavoca vācam; () (Saccasavbhaya cariyam;)
35. Yo vaṭṭapotakadijo avirūḷhapakkha-
Pādo'tikhuddakakulāvakagabbhasāyī,
Saccena soḷasakarīsamtappadese
Dāvagginibbutimakā thiramāyugantam; () (Vaṭṭapotaka cariyam;)
36. Yo gijjhakākabakabāṇakabhakkhabhuta-
Bandhu nidāgharavitāpaparikkhayā'pe,
Ritte saramhi parimocayi maccharājā
Saccena'kālaladāgamapaccayena; () (Maccharāja cariyam;)
37. Duṭṭhāhidaṭṭhavisavegavimucchitam yo
Maṇḍabbatāpasavaro'rasayaññadattam,
Katvāna saccakiriyam karuṇāya kaṇha-
Dīpāyano muni mumoca tamāpadamhā; () (Kaṇhādīpāyana cariyam;)
38. Yo porisādavasago sutasomarājā
Rajje tiyojanasate sakajīvite'pi,
Saccam rarakkha nanu saccaparo nirāso
Dinnam paṭissavamubhinnamapānukubbam; () (Sutasomacariyam; Iti saccapāramī;)
39. Nibbinnarajjavibhavo bhavabhīrūtāya
Yo mūgapakkhabadhirākati mūgapakkho,
Nīte nikhātumapaki sīvathikāvakāse
Daḷham adhiṭṭhitavatam vata nojahāsi; () (Temiycariyam; Iti adhiṭṭhāna pāramī;)
40. Mettavihāraparamo piturandhayatṭhi
Yo somasommayadayo'pi suvaṇṇasāmo,
Vālehi samparivuto pavane vihāri
Mettākhyapāramimapūrayi pāpabhīrū; () (Suvaṇṇasāmacariyam;)
41. Yo ekarājavisuto bhuvī kāsīrājā
Mettākalattadutiyo sakajīvite'pi,
Avachinnarajjavibhāve paṭipakkharāje
Mettāya samphari samam paribhāvitāya; () (Ekarājacariyam; Iti mettā pāramī;)
42. Yā lomemaṃsavisuto'pi tulāsarikkho
Mānāvamānanakaresu sukhe ca dukkha,
Vāsam cavaṭṭhiparikiṇṇasusānamajjhe
Veram averamanupecca rarakkhu'pekkham; () (Lomemaṃsacariyam; Iti upekkhāka
pakāramim)
43. So bodhiyā'bhiniyato paripakkañāṇo
Buddhaṅkuro'pacitapāramitābalena,
Nijjhāmatāṇha'sitakañjakkhuppipāsa-
Lokantarorunirayesu na jātu jāto; ()
44. Nālattha paṇḍakanapumsakamūgapakkha-
Chaccandhajātibadhiritthijaḷattabhāvam,
So makkhikāmakasakutthakipillikādi-
Jātyā napātubhavi kīṭapaṇāṅgajātyā; ()

45. Nālattha gandhagajato puthulatta bhāvaṃ
Nālattha vaṭṭasusukā sukhumanta bhāvaṃ,
Nālattha umdanamammanakatta bhāvaṃ
Nālattha evamatihīnataratta bhāvaṃ;
46. Nāhosi mātuvadhako pitughātaḥko vā
Nāhosi saṅghabhiduro arahantaghāto,
Nāhosi duṭṭhahadayena tathāgatassa
Nāhosi saṃjjanako rudhirassa kāye; ()
47. Kammaṃ phakhalam tadubhayaṃ paṭibāhino ye
Ucchedadiṭṭhigatikā vihariṃsu tesaṃ,
Laddhiṃ kadāci napaṛāmasi saddahāno
Kammaṃ phalam niyatabodhiparāyaṇo so; ()
48. Yasmiṃ bhavē bhavati nāmacatukkamattaṃ
Tatrā'pi puññakaraṇattha masaññasatte,
Aṭṭhānato napaṭisandhimagaṇhi suddhā-
Vāsesu pañcasu kadāci papañcabhīrū; ()
49. Buddhaṅkuro niyatabodhipado kadāci
Dīghāyukesu'pibhavesu sukhānapekko,
Katvā'dhimuttivacanaṃ idha jīvaloke
Nibbatti so tidasapāramipūraṇatthaṃ; ()
50. Icevaṃ so purisanisabho duppavesassa bodhi-
Pāsādassā'vatarāṇasamattiṃsatissenirūpaṃ,
Nippādento parahitarato pāramīdhammajātaṃ
Saṃsāre saṃsari cirataraṃ ghoradukkhaṃ titikkhaṃ; ()

Iti medhānandābhīdhānena yatinā viracite sakalakavijana hadayānanda dānanidāne
jīnavamsadīpe durenidāne pāramidhammābhisaṅkharaṇa pavatti paridīpo catuttho saggo.

1. Atthavattapadaṃ nānāvaṇṇamaṇṇavajānviṭaṃ,
Patthyāvattamivāhosi jetuttarapuraṃ pure; () (Silesa bandhanaṃ;)
2. Parikhāmekhalādāma baddhapākārasoṇinī,
Rarāja rājadhānī sā vadhūva patimaṇḍitā; ()
3. Maṇisīṅgaṃsumālābhi bālaṃsumāliviḃbhamam,
Sasaṅkamaṇḍalaṃ tasmīṃ palamhesā'bhīsārikā; ()
4. Indirāmandirā'mandamaṇimandirasālīnī,
Hemaddhajāvali tasmīṃ kiḷāpayi kalāpino; ()
5. Rarāja nāgarājānaṃ kappitābharaṇehi ca,
Dāṭhāhi dānadhārāhi meghavacchantā'va sā purī; ()
6. Turaṅganikaroṇḍutadhulidhūsaritambaram,
Nivāritātapamaṅgavitānassirimāhari; ()
7. Nīlasevāladhammillā samphullakamalā'nanā,
Tahimuppallalola'kkhī haṃsapīnapayodharā; ()
8. Kiṅjakkarājīrasānāruddharodhanitambinī,

- Bhīṅgālimaṇimañjirā nārī'vā'suṃ sarojinī; () (Silesa bandhanaṃ;)
9. Kevakalaṃ kapparukkhehi vinā sā rājadhānya'hu,
Visāṇārājadhānī'va sabbasampattisālīnī; ()
 10. Kadāci purisājañño rājā'hosi pure taḥiṃ,
Vessantaro'tināmena vissuto bhuvanattaye; ()
 11. Kumāro'va samāno so dānakīlāparāyaṇo,
Kāyūpagāni dhātīnaṃ ratanābharaṇāni'pi; ()
 12. Khaṇḍākhaṇḍaṃ karitvāna navakkhantuṃ kapariccaji,
Evaṃ bāhiravatthūnidadanto aṭṭhavassiko; ()
 13. Pāsādamabhirīhitvā sonisajjā'bhiyācanaṃ,
Dassāmī'ti vicīntesi sisakkhimaṃsalohitaṃ; ()
 14. Sukhedhito mahāsatto sukkaṃpakke'va candimā,
Pālesi dasadhammena patvā rajjasiriṃ pajaṃ; ()
 15. Nisajjo paripāsāde so rājā ekadā raho,
Kāmānaṃ saṅkilesaṅca vokārādīnaṃ sari; ()
 16. Pabbajjāhirato rājā nibbinto vibhavebhava,
Sampattisāramādāya hitvā rajjasiriṃ vamaṃ; ()
 17. Mattamātaṅkarājā'va aggipajjalakānanā,
Rudato nātisaṅkghassa agārasmā'bhi nikkhamī; ()
 18. Campakāsokavakulatarusaṅḍasumaṅḍitaṃ,
Sikhaṅḍimaṅḍalākhaṅḍakīlaṃ kokilakūjanaṃ; ()
 19. Anekamigapakkhīnamāsayaṃ salilāsayaṃ,
Vikāsakusumāmodappavāsitasamīraṇaṃ; ()
 20. Madhumattā'līndhānkāranibbhara'mburuhākaraṃ,
Sampātanijjharā'rāvagambhīrabhuribhūdharaṃ; ()
 21. Pavavekakkhamaṃ vaṅkapabbhāraṃ girigabbharaṃ,
Duppavesapakathaṃ vaṅkagirināmatapovanaṃ; ()
 22. Patvā laddhe'sipabbajjā kavilāso so mahībhujo,
Caranto brahmacariyaṃ cirassaṃ vītināmayi; ()
 23. Tassarañño mahesipi maddīnāma sukhedhitā,
Puttadhītūbhisaddhiṃ taṃ tapovanaṃ upāvisi; ()
 24. Mahiccho pūjakovippo tadā bīgacchadassano,
Yena vessantaro'sattasāro tenupasaṅkami; ()
 25. Attho kammakarehī'ti jarājajjaritassa me,
Puttañcadhītaraṃ yācī dhīraṃ patvā dayāparaṃ; ()
 26. Ubho kaṇhājinaṃ jāliṃ sasenahabhārahājanaṃ,
Sammāsambodhikāmo so taṇhādāsabyamuttiyā; ()

27. Dakkhiṇodakasamputajūjaka'ñjalibhājane,
Samappayittha bandhitvā agamā'dāya niddayo; ()
28. Dānādhimuttivīmaṃsī vippākappenu'pāgato,
Saṃyāci devarājā'tha maddideviṃ patibbatam; ()
29. Dakkhiṇodakaniddhotahattho so dakkhiṇodakam,
Katvā devesavippassa deviṃ devo pariccaji; ()
30. Sattakkhattuṃ pakampittha tassa pāramitejasā,
Sādhūsādhūti pattānumodantī'va mahīvadhū; ()
31. Iccevaṃ purisārañño paripācinapāramī,
Mañiraṃsismujjota pāsādasatalaṅkate; ()
32. Mandamandāniloṇḍūta pañcavaṇṇaddhajālīnaṃ,
Maṇikimkiṇijālānurāvasotarāsāyane; ()
33. Dibbehi naccagītehi vāditehi manorame,
Kandappamaṇḍapākāra raṅgamaṇḍapamaṇḍite; ()
34. Dibbantadibbarājūnaṃ indacāpasatehi'va,
Cūlāmaṇīmarīcihī sambādhīkaḷita'mbare; ()
35. Accharāhi kucañcandanamitaṅgīhi dūrato,
Vidhūtacandikārāji cārucāmara mārute; ()
36. Suttappabuddhaposo'va tusite tidasālaye,
Tato cavitvā nibbatti hutvā santusita'vhayo; ()
37. Dibbesu pañcakāmesu vasanto tusitālaye,
Pañcindriyāni lokekalocano paricārayi; ()
38. Tadā dasasahassesu cakkavāḷesu devatā,
Ekattha sannipatitā sutvā buddhahaḷāhaḷam; ()
39. Teno'pasaṅkamitvāna yenā'si purisuttamo,
Katvā tabbadanambhojam nayanālikulālayam; ()
40. Cūlāmaṇimayukhambutiddhotacaraṇāsane,
Baddhañjalipuṭambhojamakulāti samappayum; ()
41. Cakkavattipadam sakkamābrahmapadatayā,
Nakho mārisa patthetvā pāramī paripācitā; ()
42. Veneyyabandhubhutena sammāsambodhimicchatā,
Tayā mārisa kicchena pūritā dasapāramī; ()
43. Sadevakassa lokassa hitāya mātukucchiyaṃ,
Uppajjatūti yāciṃsu taṃdhīraṃ karuṇāparam; ()
44. Satavassāyuhetthāpi uddham sahasahassato,
Yasmā akālo buddhānaṃ tasmā kālam vipassi so; ()
45. Yasmā aññesu dīpesu sambuddhā nopapajjare,
Jāyanti jambudīpasmiṃ tasmā dīpaṃ vipassi so; ()

46. Yasmā milakkhadesesu nūppajjanti tathāgatā,
Jāyare majjhime dese tasmādesaṃ vipassi so; ()
47. Yasmā najāyare vessasuddatvayesu jāyare,
Khantiye brāhmaṇe buddhā kulaṃ tasmā vipassi so; ()
48. Yasmā anaññavisayā kucchi sambuddhamātuyā,
Tasmā āyuparicchedavasena passi mātaraṃ; ()
49. Lokekalocano evaṃ katvā pañcāvalokaṃ,
Tāsaṃ paṭiññaṃ pādāsi karuṇāpuṇṇamānaso; ()
50. Tappādatāmarasacumbita moḷimālā
Sampattadevaparisa'ntaradhāyi tāva,
Ogayha nandanavanaṃ tusitādhirājā
Tamhā cavī matidayādayināsabhāyo; ()

Iti medhānandābhīdhānenayatinā viracite sakalakavijana hadayānandadānatidāne jinavaṃsadīpe
durenidāne vessantaracariyappabhutidevārādhanaṃ pavatti paridīpo pañcamaṃ saggo.

Jinavaṃsadīpe durenidāna bhāgo paṭhamaṃ.

1. Yā sattaśārapabhavā sirijambudīpe
Phītā'marāvatiपुरी'va purīvataṃsā,
Ādiccavaṃsikanarindapaveṇi bhūmi
Lakkhyālayā kapilavatthupurī pure'si; ()
2. Vaṇṇehi kaṇṇasukhasaddarasehi jāta-
Rūpehi atthavisarehi yatīhi yuttā,
Yā rājadhāni puthupāṇagaṇappadehi
Āsī (vasantatilakā) racanā yatheva; () (Silesa bandhanaṃ;)
3. Pācīdisābhujalatāya mahīyuvatyā
Sannaddhasaṅkhavalayassirimāvahantaṃ,
Yassā sudhāsuparikammakataṃ rarāja
Pākāraccakkamacalaṃ makuṭānukāraṃ; ()
4. Yassā rarāja parikhā nagarindirāya
Kiñjakkhiñjaritatīradasābhirāmā,
Saṃsibbitālivittīmaṇitāntupantī
Pākārasonibharato galitambaraṃ'va; ()
5. Kandappadappamadirāmadamattadhuttā
Mandānileritasunīlalatāvitānaṃ,
Yasmiṃ vilolanayanañjalipiyamānaṃ
Āpānabhumibhamopavanaṃbhajimsu; ()
6. Mattaṅganāya navayobbanagabbitāya
Raṅgālayaggamaṇidappaṇabimbitehi,
Yā rājadhāni ghanapīnapayodharehi
Sommānanehi bhajī mānasavāpisobhaṃ; ()
7. Saṅkappitābharaṇaraṃsi sateratālī
Dāṭhābalākavisarā madavuṭṭhidhārā,
Yasmiṃ pure gharamayūrakulaṃ akāle

Kīlāpayiṃsu varavāraṇavārivāhā; ()

8. Pākāracakkabahiniggata muggarāgam
Yasmiṃ turaṅganikaruddhaṭadhūlijālam,
Racchāvātārajanatāya khaṇaṃ janesi
Bhītiṃ padittapalayānalajālasobhaṃ; ()
9. Yasmiṃ vimānamaṇisingajutippabandha-
Saṅcumbitaṃ jitaraviṃ hariṇḍakabimbaṃ,
Nārījanānanasarojakatāvamaṇaṃ
Kodhābhibhutamiva vaṇṇavikāramāpa; ()
10. Yatthissarehi samadhiggahitāni tuṅga-
Kelāsakuṭadhavalāti manoharāti,
Niccaṃ sudhāsuparikammakatāni cā'suṃ
Lakkhīniketananihbhāni nīketanāni; ()
11. Yatthindanilamaṇimāpitamaṇḍapagge
Hemaddhajāvāliparibbhamaṇaṃka puramhi,
Jīmūtakūṭapamukhe satavijjumālā-
Līlavahaṃ virahinīnamaghaṃ janesi; ()
12. Sañjhānurāgamaṇitorānadīdhitīhi
Bhinnandhakāranikarā'khilanāgarānaṃ,
Yā rājadhāni janayantipi tuṅgatuṭṭhiṃ
Pītyā navāsi rajanīsma bhisārikānaṃ; ()
13. Sevālakesarasamākulatīrabhāgā
Samphullarattapadumuppalakallahārā,
Haṃsālisārasasamosaraṇābhīrāmā
Yasmiṃ sunimmalajalā kamalākarāsuṃ; ()
14. Yasmiṃpure kulavadhūvanambujānaṃ
Laddhuṃ nirūpamasiriṃ bhusamussahantā,
Yāvajja setasarasiruhaṣītaraṃsī
Aññoññabaddhapaṭighā'va vajanti nāsaṃ; ()
15. Yasmiṃ suvaṇṇamakaṇirūpiyavaṃsavaṇṇa-
Muttāpavāḷacajirehi mahārahehi,
Nānāpaṇā sukhumakāsikasāṇahaṅga-
Koseyyakhomavasanehi'bhavuṃ papuṇṇā; ()
16. Cakkāsisattidhanukuntagadādibhatthā
Sannaddhahemakavacā vijitārivaggā,
Saṅgāmasāgarasamuttaraṇāṭisurā
Yodhā yaḥiṃ puravare akarīṃsu rakkhaṃ; ()
17. Phūṭṭhā ka vāṭanikaṭe maṇimandirānaṃ
Kappāsapaṭṭadhavalā saradabbharājī,
Yasmiṃ khaṇaṃ javanikāsirimādadhānā
Thīnaṃ jugopa madhupehi mukhambujāni; ()
18. Nibbidhāvīthivisarehi susajjitehi
Niccussavāya puramussitorasehi,
Bhogindabhoganikarehi rasātalaṃ'va

Yaṃ sampasāritaphaṇehi babhuva rammaṃ; ()

19. Yasmiṃpure vivaṭamandirajālakānaṃ
Uddhūṭadhulimalinīkaḷitālakānaṃ,
Nārinamindurucīrānana dappaṇesu
Lokassa locanamaṇi paṭibimbitā'suṃ; ()
20. Gambhīrasaṅkhaṭaḥaddhanibhūrighosaṃ
Kelāsakūṭadhavalālayaphēṇapiṇḍaṃ,
Yaṃ puṇṇasattaratanāṃ purakhīrasindhuṃ
Lakkhī alaṅkari turaṅgatarāṅgavegaṃ; ()
21. Reṇuppabandhamalinaṃ kavanarājiniḷaṃ
Madhavātimattamadhupaṃ padumābhirāmaṃ,
Yaṃ rājahaṃsabhajitaṃ avatiṇṇalokaṃ
Āsi purāṃ vikacakaṅjavanaṃ yatheva; () (Silesabandhanaṃ;)
22. Yasmiṃpuramhi ratanuḷḷalanīlakaṅṭhā
Rāgāvamadditadharā'vivaṭadvijāli,
Āsumpayodharabharā'viraḷappadesā
Sampattavuṭṭhidivasāvīyamātugāmā; () (Silesabandhanaṃ;)
23. Dhammānudhammapaṭipatti parāyaṇassa
Saṃsārabhīrukajanassa tapovanābhā,
Yā rājadhāni pacurandhaputhujjanānaṃ
Āpānabhumiva babhūvu'bhayappakārā; ()
24. Buddhaṅkurassa ravivaṃsapabhaṅkarassa
Sammā sukhānubhāvanāya subhumibhutā,
Bho yādisi kapilavatthupuri pure'si
Dhammassabhāvamadhunā paridīpaye sā; ()
25. Tasmīṃ babhūva nagare nagarādhirāje
Rājā sunīticaturo catusaṅkaḡahehi,
Dhammena sabbajanaraṅjanako kadāci
Suddhodanavhavisuto ravivaṃsaketu; ()
26. Disvā'vatāraḷusikatamattabhāvaṃ
Ukkaṅṭhite'va kamalā kamalāpatissa,
Bhūpālīpālībhajitaṃ caraṅāravindaṃ
Saṃsevi yassa ravivaṃsadhajassa raṅṅo; ()
27. Yassā'vanīsakavino kavikaṅṭhabhusā
Vāṇivadhū madhurakomakalakattavāṇī,
Patvā catummukhamukhambujakānanamhā
Haṃsīva mānasataḷākamalaṅkarittha; ()
28. Sabbāridappamathanopari ekadhatvā
Ajhattikāriparājiyamappasayhaṃ,
Saṃsuddhacittanikase nisitena tāva
Paṅṅāyudhena avadhittha mahībhujo yo; ()
29. Yasmā mahīpatimahīdharato upekkhā-
Veḷāṭalāvadhī dayāsālilena puṇṇā,
Mettāsavanti pabhavā muditumimālā

Ajjhottharitttha bhuvanattayagamjanogham; ()

30. Sampannadānasadanambudharehi yassa
Dānādhimuttiparamassa manodahesu,
Taṇhātaṇi kapaṇaddhikayācakānaṃ
Hinnāni sattaratanambunipātanena; ()
31. Yassindanīlanayanaṃ rajatāvadāta-
Dantaṃ suvaṇṇavadanaṃca pavālasīsaṃ,
Muttāmayāṅgavayavaṃ ratanehi nānā
Dehaṃ sumāpitamivāsi pitāmahena; () (Sīlesabandhanaṃ)
32. Yassātipaṇḍarayasovisaro'sadhīso
Saṅekkācitānanasaro'rinarādhipānaṃ,
Sokandhakārabhiduro ripurājinīnaṃ
Āsāgarantapathaviṃ paridhikaritttha; ()
33. Rājaññachappadakulaṃ sakalaṃ padesa-
Rajjādhipaccamakarandarasābhilāsaṃ,
Yassattabhāvakamalākaraṃphullitāni
Saṃsevi cārucaraṇambūruhāni bhatyā; ()
34. Setātapattamiva vissutakittipuñjaṃ
Katvā'sipattamiva pāvakaḥhimatejaṃ,
Yasmiṃ sarajjamanusāsati sesabhūpā
Chattāsibhūsitakarā sakakiṅkarā'va; ()
35. Dvārāni'nekakapaṇḍikayācakānaṃ
Ugghāṭitopya'virataṃ ratanālayesu,
Saddhādisattadhanarakkhaṇatapparo saṃ
Dvārattayaṃ pidahi yo kapilādhinātho; ()
36. Yassussitaddhanueṇo pabalārivaggaṃ
Vissaṭṭhābāṇavisarabbisamubbahanto,
Bhasmikari karikarāyatapīnabāhu-
Sappo suphoṭhitajiyāpariphandajivho; ()
37. Lakkhīnidhānanagaraṇṇavapātubhūto
Mantindakūṭasikharīvalayāvuto yo,
Vālaggamattampi rājasiṇerurājā
Kodhānilena ripuraññamakampiyo'si; ()
38. Bhasmikatākhīlavipakkhanarindakaṭṭho
Kodhānalo sarasamīraṇabhāvitopi,
Nibbāyi paghgaritabappajalehi yassa
Lolabbilocanaghaṭehi vipakkhathīnaṃ; ()
39. Sannītimaggajalituggamatippadīpo
Kittippabandhadhavalīkatajivaloko,
Rājindamoḷimaṇilaṅkatapādapīṭho
Dhammena rajjamanusāsi ciraṃ sarājā; ()
40. Tassatipīvarapayodharabhaddakumbha-
Dvandātibhāraviraṭīkatamajjhabhāgā,
Niddosabālaravimaṇḍalacārugaṇḍā

Dibbaccharājītavirājītarūpasobhā; ()

41. Samphullanīlakamalāmalanīlanettā
Olambamānamaṇikuṇḍalalambakaṇṇā,
Muttāvalivadasanāvali haṃsadhenu-
Helāpahāsagamanā muducāruvāṇī; ()
42. Bimbādharā jaladharāyatakesapāsā
Sovaṇṇadappaṇanibhānanacandabimbā,
Sannīrapupphamakūḷopamacārujaṅghā
Kandappa maṅgalasilātalasoṇibhāgā; ()
43. Nābhālavāḷaruhanīlatamālavallī-
Līlāvinaddhanavakomalaromarājī,
Lāvaṇṇavāridhitaraṅgabhuja' bhinīla-
Subbhulatāmakaraketanacāparūpā; ()
44. Bhupālavamaṃsakamalākaraṇājabhaṃsi
Māyāvadhu iva sujampatino sujātā,
Candassakomudi'va vijjuriva' mbudassa
Raṅṅo'ticārucarītāsī piyā mahesi; ()
45. Tasmimṃ nagopamaḡhare nagare tadāsī
Āsāḷhimaṅgalamaho divasānisatta,
Mīlāsugandhaparamaṃ vigatāsavaṃ taṃ
Nakkhattakīḷamakarittha mahesi māyā; ()
46. Vuṭṭhāya sattamadināgatapuṇṇamāya
Pāto sugandhaparivāsītavārinā sā,
Katvā sinānamatulaṃ kapaṇḍikānaṃ
Dānaṃ adāsī catulakkhadhanabbayena; ()
47. Vatthāhatehi sunivatthasupārutā sā
Bhutvā'ggabhojanamadhiṭṭhituposatha'ngā,
Niddāturā supīnamovarakamaṃ pavissa
Kalyāṇamaddasa sirīsāyane nipannā; ()
48. Netvā nipannasayanaṃ himavantapasse
Heṭṭhā visālatarasāḷamahīruhassa,
Naṃ saṭṭhiyojanakacārumanosilāyaṃ
Āropayimṃsu caturo kira devarājā; ()
49. Netvā manussamalasamaḡharaṇāya tamhā'
Notattanāmarahadaṃ sunahāpayitvā,
Devitthiyo sapadi dibbamayehi nesamaṃ
Vatthehi gandhakusumehi alaṅkaritvā; ()
50. Tatthubbhavo lasati rūpiyapakabbato yo
Tassodare'tirucire kanakabbimāne,
Pācīnasīsavati dibbamayamhi sammā
Paññāpitaggasayanamhi sayāpayimṃsu; ()
51. Oruyha setavaravāraṇarājaveso
Buddhaṅkuro rucirakaṅcanapabbatamhā,
Āruyha sajjhudharaṇidharamuttarāya

- Soṇḍāya setasarasiruhambhanto; ()
52. Patvā vimānavathakuñcanadaṃ naditvā
Katvā padakkhiṇamalāṅkatamātuseyyaṃ,
Bhetvāna tāyapana dakkhiṇapassamanto
Kucchiṃ pavitṭhasadiso supinena diṭṭho; ()
53. Māyāya rājavadhuyā rucirānanāya
Āsālhipuṇṇamiyamuttara' sālhabhena,
Buddhaṅkurassa paṭhamena mahāvīpāka-
Cittena sampati ahū paṭisandhigabbhe; ()
54. Buddhaṅkurassa paṭisandhigatassa gabbhe
Māyāya cārucarītāya ca khaggahatthā,
Nissesupaddavanirākaraṇāya rakkhaṃ
Gaṇhimsu tāva caturo surarājaputtā; ()
55. Māyāya bhattuparamāya tatoppabhuti
Nūppajji kiñci purisesu sarāgacittaṃ,
Sā pañcakāmasukhinī akilantakāyā
Lābhenuḷārayasasāpyabhivaḍḍhitāsi; ()
56. Paññāyi dhotaratane janikāya anto
Kucchiṃ gato yatharivāvutapaṇḍusuttaṃ,
Taṃ kucchinā pariharī dasamāsamattaṃ
Pattena telamiva rājini appamattā; ()
57. Pāto'va pāṭipadage divase pabuddhā
Rañño kathesi supinaṃ atha so narindo,
Vedaṅgavedacature catusaṭṭhamatte
Pakkosayī dvijavare dvijavaṃsaketū; ()
58. Lājuttarāya paribhaṇḍakatāya bhomyā
Paññāpitesu sukhumattharaṇatthatesu,
Bhaddāsanesu bhavanamhīnisinnakānaṃ
Nemittikānamavanīpati bhusurānaṃ; ()
59. Pakkhittasappimadhusakkhirakhīramissa-
Pāyāsapuṇṇaharirūpiyabhājanehi,
Vatthāhatāni dhanadhaññacayañca dhenū
Datvāna diṭṭhasupinassa phakkhalaṃ apucchi; ()
60. Mācintayittha tava rājiniyā janinda
Kucchimhi tampati patiṭṭhahi puttagabbho,
Ajjhāvasissati sañcepana cakkavatti
Rājā bhavissati agāramasamsayaṃ so; ()
61. Hitvā sasattaratanaṃ catudīparajjaṃ
So pabbajissati sace bhavanā'bhigantvā,
Buddho bhavissati dhavaṃ catusaccabuddho
Iccabruvimsu supinatthavidū vidū te; ()
62. Sā gabbhabhāravattharikatamajjhābhāgā
Gantaṃ sakaṃ kulagharaṃ kulakañjahaṃsi,
Iccāmahanti paṭivedayi devi rañño

So sampañicchi vacanaṃ karavīkavānyā; ()

63. Tamhā mahānagarato nagaraṅgapuṇṇaṃ
So yāva devadahanāmikarājadhānī,
Muttā' vadātapuḷinattharaṇehi rājā
Lājopahāravidhinā kamaluppalehi; ()
64. Santīrapupphakalasehi samappitehi
Mandātileritapaṭāka dhajāvalīhi,
Kārāpayī kanakarūpiyatoraṇehi
Addhānamaggasamalaṅkaraṇaṃ'takhippaṃ; ()
65. Vandī' bhigītathutimaṅgakalagītikāhi
Pañcaṅgikehi turiyehi katupahāraṃ,
Tasmiṃ sumañḍitapasādhitamañjasamhi
Dibbavcarāsiriviḍambanarūpasobhaṃ; ()
66. Devim suvaṇṇasivikāya susajjitāya
Āropayitva khacitāya maṇīhi nānā,
Pesesi bhupati purakkhatañātisaṅghaṃ
Saddhiṃ sahasasacivehi sukhedhitaṃ so; ()
67. Samthullapupphaphalavattabhāra-
Rukkhākulaṃ ghanasunīlatāvitānaṃ,
Hintālatālanāḷakīcakanāḷikera-
Sannīrapūgatiṇapādapapantisāliṃ; ()
68. Sevālanīlasalilānilasītalehi
Otiṇṇakahaṃsavisarehi samullasattaṃ,
Jhaṅkārārāvamukharālikulākārāla-
Kiṅjakkhajālabharitamburuhākarehi; ()
69. Pupphābhigandhasurabhīkatagandhavāhaṃ
Addakkhisabbajanalocanapīyamānaṃ,
Nīdantanandanavanaṃ vanajāyatakkhī
Sā lumbinīvanamanaṅgavimānabhūtiṃ; ()
70. Sā rājinī navadalaṅgulipantīcāru-
Sākhābhujopahitamañjaricāmārehi,
Sannaddhakomalalatāvanitānamagge
Attupahārakaraṇāya katāvakāsā; ()
71. Senāya cārucaraṇamburuhoddhatehi
Reṇūhi dhūsaritamaggamanakkamanti,
Saddhiṃ sakāya parisāya tatotarivā
Taṃ lumbinīvanamupāvisi rāmaṇeyyaṃ;()
72. Taṃ rājiniṃ vanavadhu jītaṃsaṅgāmiṃ
Āmodamandamalayānilahatthagehi,
Sambhāvayittha mukharālikulābhikiṇṇa-
Reṇupabandhaharisāṅkhasatehi magge; ()
73. Gacchantiyā caraṇanūpuranādapāsa-
Baddhānamunnatasīromigapotakānaṃ,
Ummīlitāyatavilocanapantipakkhe
Dassesī nīlanalinīvanarājīsobhaṃ; ()

74. Uddham samaggasikharehi katāvakāsa-
Maggantarehi kalikākusumākulehi,
Nānālatākulamahiruhatorañehi
Uyyānabhumi upahārate'va bhuya; ()
75. Ukkhittapiñchabharamantasikhaṇḍimālā-
Kīlāhi kokilakulañanikāhalehi,
Uyyānabhumi makarañajaraṅgabhumi-
Līlaṃ bhajittha bhamaraddhanivallakīhi; ()
76. Niccaṃ vasantasamayassirimubbahantaṃ
Taṃkhovanaṃ vanavadhūhadayānutāpī,
Patto nidāghasamayopi janesi tuṭṭhiṃ
Tassā sirisakusumālikulāvataṃso; ()
77. Tasmim nīdāghasūriyātapatāpitāmbhaṃ
Rittālavālamivakālamakālamegho,
Cintāturaṃ hadayamattasakhījanopi
Pīñesi gabbhapariṇāpakabharaṃ vāhantā; ()
78. Kaṭṭhāvasiṭṭhataravo parihīnapattā
Tassādharakkhidasanajjutisaṅgamaṇa,
Āsuṃ navaṅkurapalāsavikāsapuppha-
Saṃvellitā'va ramaṇīyavanappa dese; ()
79. Gimhābhītāpapariṇāpītāndhallikānaṃ
Gambhīrarāvamukharīkatadāyarāji,
Dukkhatūrabhirahinīpamadājanassa
Āsi vilāpabādhirīkalīte'va sālā; ()
80. Tasmim vikāsakalikāvalihārihārā
Kiñcāpi pakkaphakhalavallarikaṇṭhabhusā,
Nāsakkhi pūgatarupanti sumaṇḍitāya
Māyāya tāya sirimābharitūṃ ghaṭantī; ()
81. Uyyānamubbhamitamattamadhubbatehi
Campeyyapupphamakulehi samākulaṃtaṃ,
Uddhutadhumaṇṭalehi manobhavassa
Dīpehi vāsabhavakanaṃ'va lasantamāsi; ()
82. Gabbhūpagaṃ bhamarakesakalāpabhārā
Buddhaṅkuraṃ pariṇātanākulomahaṃsā,
Vandantiyo viya tahiṃ thabakañjalīhi
Mandānileritalatāvanitā kanatā'suṃ; ()
83. Gabbhūpagassa pariṇāpakaphalehi nānā
Puññānubhāvapabhavotusamubbhavehi,
Māyāya gabbhabalikammani tappare'va
Uyyānabhumi janataṃ bhavi tappayanti; ()
84. Gabbhūpagassa hi mahāpurisassa gabbha-
Vuṭṭhānāmaṅgalamahussavavāsaramhi,
Uyyānabhumi sakalotusamubbhavehi
Āsi vikāsakusumehi samābhikīṇṇā; ()

85. Sālumbinīvanasiriṃ kalahamsaghosam
Samaphullapupphasurabhiṃphalasambhavojaṃ,
Pañcindriyehi girinijjharasitavātaṃ
Paccakkhapañcavidhakāmarasaṃavindi; ()
86. Niyyāsaśārasurahiṃphakhalapallavehi
Jhaṃkāritālikulakujitakokilehi,
Samphullapupphanikarehi samābhikiṇṇa
Maddakkhisāyuvatiṃṅgalasālasālam; ()
87. Samphullasālakalikaṃtayatālimālā
Sañcumbitaṃkuvalayāmalalocanāya,
Sākhaṃsukomalakaraṅgulipallavehi
Māyāmahesisamalaṅkari vitamāyā; ()
88. Bhāronatā'va ruciraṅgulipallavānaṃ
Jhaṅkārārāvamukharālikulābhirāmā,
Sākhā vikāsakusumehisamākulā sā
Olambayaṭṭhi bhavi gabbhabharāturāya; ()
89. Tassā calittha pavano calalocanāya
Kammubbhavo varatirokaraṇehi tāva,
Deviṃ nirūpamasiriṃ suparikkhipitvā
Tamhā paṭikkami jano kaḷitāvakaṃso; ()
90. Brahmāmarāsuranaroragapūjanīyaṃ
Battiṃsalakkhaṇasamujjalarūpa sāraṃ
Niddhotajātimaṇisaṇṇibhasuddhagattam
Sattuttamaṃ sapadi devi ṭhitā vijāyi; ()
91. Duggandhamuttamalasoṇitamakkhitaṅgā
Jāyantya'sesamanujā manujesune'vaṃ,
Caṅgoṭakamhi jinadhāturivādhivāso
Thūpamhi soṇṇapaṭimāriva mātugabbhaṃ; ()
92. Nisseṇitova puriso ratanāsanamhā
Therova dhammakathiko ṭhitako'taranto,
Sammā pasāriya ubho mudupāṇipāde
So nikkhamittha kuṇapehi amakkhitaṅgo; ()
93. Tatropagamma caturo caturānanā taṃ
Jālena kañcanamayena visuddhacittā,
Ādāya mātupurato tanayaṃ ṭhapetvā
Candānane bhavatu nandamanā'tya'vocum; ()
94. Ādiccavaṃsakamalākarabhākarassa
Buddhaṅkurassa subhasītalavāridhārā,
Nikkhamma tāva nabhasā nijamātuyā ca
Gāhāpayuṃ utumubhosu kalebaresu; ()
95. Tesam karehi caturo surarājaputtā
Gaṇhiṃsu saṅhasukhumāya'jiṇappaveṇyā,
Tesaṇhi pāṇitalato paṇipātapubbaṃ
Gaṇhiṃsu taṃ dukulacumbaṭakena'maccā; ()
96. Tesam karehi pathavitalamotaritvā
Ṭhatvā puratthimadisam asamo vipassi,

Uddham adho catudisānudisā ca evaṃ
Ekaṅganaṃ bhavitadā'khilalokadhātu; ()

97. Tumhehi uttaritaro bhuvase tīsu
Natthīti matthakajaṭāmakūṭappitehi,
Katvānijañjalipuṭehi nipaccakāraṃ
Brahmāmarāsuranarā tamabhitthaviṃsu; ()
98. Soca'ttanā samamadisva disāsu tāsū
Tappādavīti haraṇena padānisatta,
Gantvāna uttaradisā'bhimukho avanyā
Abbhuggatamburuhamuddhani tiṭṭhamāno; ()
99. Aggo'hamasmi ahamasmi janassa jeṭṭho
Seṭṭho'hamasmi ayamantīma'jāti mayhaṃ,
Dhīro mametarahi natthi punabbhavo'ti
Nicchāritāsabhivaco nadi sīhakanādaṃ; ()
100. Vesākhemāse suhakujadine puṇṇamāyaṃ visākke
Nakkhatteyoge suragurugate so kuḷīravharāsīm,
Sañjāto nātho paramakaruṇābhāvanābhāvatatto
Māyākucchimhā kusumitalatāvelalituyyānabhūmyā; ()

Iti medhānandābhīdhānena yatinā viracite sakala kavijana hadayānandadānanidāne
jinavaṃsadīpe avidurenidāne pacchimabhavika mahābodhi sattuppattī pavattiparidīpo chaṭṭhosaggo.

1. Atharammatarā'si jātikhetta-
Pariyāpatta'vakāsalokadhātu,
Kamaluppala (mālabhārinī) hi
Tadupaṭṭhānagatāhi devatāhi; ()
2. Kamalāsanadevadānavānaṃ
Bhuvane'kattha samāgamo tadā'si,
Jinacakkapaṭṭigahassa ṭhānaṃ
Avivādena sadevamānusānaṃ; ()
3. Paṭilābhanimittamādisantī
Vata sabbaññūtaññasampadāya,
Dasasaṅkhasahassilokadhātu
Abhikampī pahate'va kaṃsapātī; ()
4. Jananussavavāsaramhi tasmīṃ
Nijadehajjutipiñjaro'dapādi,
Dasasaṅkhasahassacakkavāḷa-
Kuhārālokarō mahāvabhāso; ()
5. Apatāḷitacammaṇṇadhabherī-
Vikatīnaṃ sayameva vajjanampī,
Tadanuttaradhammadesanāya
Bhavi ṭhānaṃ anusāvaṇassa loke; ()
6. Ghaṇakāhaḷavaṃsasaṅkhavīṇā-
Bharaṇānaṃ sayameva vajjanampī,
Anupubbavīhārabhāvanānaṃ
Paṭilābhāya nibandhanaṃ babhūva; ()

7. Parimuttivarattapāsakārā-
Ghara,yosañkhalikādibandhanehi,
Migapakkhinarānamasmimāna-
Vigamassā'si nidānamādibhutaṃ; ()
8. Bhuvanesu mahājanassa rogā-
Pagamenā'disanaṃ ahosukhanti,
Caturāriyasaccadassanena
Bhavi ṭhānaṃ catusaccadesanāya; ()
9. Vividhabbhutarūpagocarānaṃ
Bhuvi jaccandhajanassalocanānaṃ,
Pabhavo pabhavo'si dibbacakkhu
Paṭilābhāya tilokalocanassa; ()
10. Thutagītisudhārasassa pānaṃ
Badhirānaṃ savaṇaṅjalīpuṭehi,
Atimānusadibbasotadhātu-
Paṭivedhāya nidānamāsi tassa; ()
11. Bhuvi jātijaḷadipuggalānaṃ
Tadahe'nussatiyā supātubhāvo,
Bhavi pubbamupaṭṭhitassatissa
Satipaṭṭhānanibodhanāya ṭhānaṃ; ()
12. Visikhācaraṇaṃ sarojacāru-
Padaviññāsavasena paṅgulānaṃ,
Purimaṃ caturiddhipādavega-
Paṭilābhāya nimittamāsi loke; ()
13. Madhurena sarena jātimūgā
Thutigītānya'vadiṃsu vandino'va,
Bhuvi khujjajano'jugattalābho
Kuṭilattā'pagamāya ṭhānamāsi; ()
14. Saraṇaṃ purisāsabho siyāno
Bhavato duggatito vimuttiyā'ti,
Karino'pi kariṃsu kuñcanādaṃ
Turagā hesamakamsu pītiye'va; ()
15. Visadā paṭisambhidā catasso
Paṭivijjhissati cā'yatiṃ sacā'yam,
Sakapaṭṭanameva tannidānā
Taraṇī sīghamupāgamuṃ videsā; ()
16. Sayameva virocanaṃ tadāni
Ratanānaṃ bhuvanākarubbhavānaṃ,
Ravivaṃsaravissa dhammaramsī
Visarassu'jjalanāya ṭhānamāsi; ()
17. Turiyāni sakaṃsakaṃ ninādaṃ
Akaruṃ tagguṇadīpakānīvā'tra,
Vivaṭā vidisādisā sakitti-
Visarokāsakate'va'hippasattā; ()

18. Sakalassa kilesapāvakkassa
Parinibbānasabhāvadīpanena,
Nirayesu hutāsajālamālā
Tadahe nibbutimāpa jātikhette; ()
19. Parisāsu visāradassa tassa
Catuvesāradaññalābhahetu,
Bhuvanesu tadāmahānadīnaṃ
Anabhissandanamāsi kunnadīnaṃ; ()
20. Udapādi pabhā nirākaritvā-
Bilalokantariyesu andhakāraṃ,
Hatamohatama'gga maggañña-
Jjutilābhāya nibandhanaṃ tamāsi; ()
21. Suvimuttiraso siyā'va tassa
Caturāsitasahassadhammakhandho,
Madhuraṃ caturōdadhīnamāsi
Salilaṃ santataraṃ taraṅgarittaṃ; ()
22. Vidisāsu catuddisāsu caṇḍa-
Pavanassā'pi avāyanaṃ tadāni,
Bhavi pubbanimittamattano'pi
Bhaṭaditṭhyābhavadaṭṭhibhedanāya; ()
23. Navapallavapattasekharānaṃ
Viṭapīnaṃ kusumāhikiṇṇabhāvo,
Bhavi pubbanibandhanaṃ vimutti
Kusumehā'tumadehabhūsaṇāya; ()
24. Kumudākarabodhakassa canda-
Kiraṇassā'tivirocanaṃ tadāsi,
Satibuddhasudhākaro'dayamhi
Janasandohamanopasādahetu; ()
25. Vimalattamanuḥhatā nidāgha-
Sūriyassū'pasamo nimittamaggaṃ,
Bhavi cetāsikassa kāyikassa
Paṭilābhāya sukhasa tamhijāte; ()
26. Gaganā'ganagādito'tarivā
Pathavisāṅkamaṇaṃ tadā khagānaṃ,
Saraṇāgamanassa ṭhānamāsi
Jinadhammaṃ sunisamma sajjanānaṃ; ()
27. Nabhasā'bhipavassanaṃ tadāni
Catudīpesu akālavāridānaṃ,
Parisāsu akhaṇḍadhammavutṭhi-
Patanassā'si nibandhanaṃ jinamhā; ()
28. Chaṇamaṅgalakīḷaṇaṃ tadāni
Tidasānampi sakesake vimāne,
Upagamma tahiṃtahiṃ udāna
Samudānassanidānamā'si bodhiṃ; ()

29. Vivaṭā sayameva mandirānaṃ
Pihitañcārakavāṭavātapānā,
Bhavadukkhanirodhagāmimagga-
Paṭilābhāya nimittamāhariṃsu; ()
30. Tadahe madhurāmisassa pettī-
Visayesvāharaṇaṃ khudāturānaṃ,
Bhavi kāyagatāsātāmatassa
Paṭilābhāya nimittamattano'pi; ()
31. Divase jananussave pipāsā-
Vigamo dīnajanassa petaloke,
Sukhitattassa upeccabuddhabhāvaṃ; ()
32. Paṭipakkhajanassa mettilābho
Tadahe vāyasavāyasārinampi,
Bhaviṭhānamanantasattaloka-
Visayabrahmavihārabhāvanāya; ()
33. Satimaggaphalubbhave yatheva
Bhavabhītyāpagamo tathāgatānaṃ,
Sati jātamahāmahe bhayaṃ vā
Natiracchānagatānamāsi tāso; ()
34. Piyabhāvupasaṅkamo pajānaṃ
Hadayānandakarāya kho girāya,
Jinadhammakathāya sāvakānaṃ
Viya sāmaggirasassa pātubhāvo; ()
35. Sitakittilatāya ropitāya
Bhavato'smiṃ bhuvanālavālagabbhe,
Viya nimmitayantavāridhārā
Jaladhārā dharaṇītaluttahāṃsu; ()
36. Bhamarāvalibhārapañcavaṇṇa-
Kamalacchannamahītaṃ rarāja,
Jalajaṃ thalajaṃ parāgahāraṃ
Bhuvi sabbattha apupphi pupphajātaṃ, ()
37. Viṭapīsu latāsu khandhasākhā-
Satapattāni tadā supupphitāni,
Naravīra'bhirūpadassanāya
Bhūsamummīlitalocanāni'vāsuṃ; ()
38. Uparūpari sattasatta hutvā
Satapattāni sīlātalubbhavāni,
Tava abbhudayo sudullabhoti
Kathayantivi'ha kapātubhāvato no; ()
39. Nijapāramitālatāya katti-
Latayā'laṅkatapupphahāsarūpā,
Samalaṅkari yāvatā bhavaggaṃ
Dhajamālā jananussave tilokaṃ; ()
40. Avakujjasaroruhābhirāmaṃ
Nabhavambhojavanassiriṃ babandha,

Bhuvi pokkharavassamīdisanti
Vadamānaṃva pavassi dhammavassaṃ; ()

41. Ramaṇī ramaṇīyarūpasobhā
Acaruṃ dhammamaṇaṅgaraṅgabhūmi,
Madhupā madhupānamandirāni
Tadahe nāvasariṃsu dhammakāmā; () (Abyapeta paṭhamadutiya pādādiyamekaṃ)
42. Kamalā kamalālayā vivesa
Bhuvanaṃ bhūriṇavāvatārahārī,
Dharaṇī dharaṇīdharāvataṃsā
Upahārātibharātūreva kampi; () (Abyapeta paṭhamadutiya pādādiyamekaṃ)
43. Ruciraṃ ruciraṅganā tadāni
Akaruṃ kīḷamanekacandikāsu,
Suvīraṃ suciraṃsikiṇṇatārā-
Nikaro'bhāsataro'si bhākaro'va; () (Abyapeta paṭhamadutiya pādādiyamekaṃ)
44. Pavano'pavano'pavāyamāno
Pavinodesi parissamaṃ janassa,
Vanadā vanadāhavupasantiṃ
Akaruṃ sabbadhi sassasampadañca; () (Abyapeta paṭhamadutiya pādādiyamekaṃ)
45. Visadā visadā sakittirāmā
Mukharaṅgālaya māpakovidānaṃ,
Sujanā'sujanā bhajiṃsu tassa
Caraṇānyaṅkitacakkalakkhaṇāni; () (Abyapeta paṭhamadutiya pādādiyamekaṃ)
46. Vasudhaṃ vasudhampatī samaggā
Dasadhammena'nusāsayaṃ tadāni,
Hadayaṃ yadayaṅgamāya vāṇyā
Asataṃ mittaduhī vidhānayaṃsu; () (Abyapeta paṭhamadutiya pādādiyamekaṃ)
47. Timadā'timadā gajādhipāpi
Migarājūhi tadā samācariṃsu,
Pabalā'pabalā migā tadaññe
Paṭisatthāramakaṃsu aññamaññaṃ; () (Abyapeta paṭhamadutiya pādādiyamekaṃ)
48. Bhuvane bhuvanekalocanassa
Jananasmiṃ divase samujjalānī,
Nihanitā'nihitāyudhāti bhitim
Janayaṃ pāpimatova netaresaṃ; () (Abyapeta paṭhamadutiya pādādiyamekaṃ)
49. Parivāditadibbaberivīṇā-
Turiyaṃ dassitadibbanaccabhedam,
Gaganaṃ suraraṅgamaṅḍalābham
Tidasānaṃ upahārasāramāsi; ()
50. Sovaṇṇavaṇṇavadhuyā garugabbhagasmim
Taṃnandanabbanasamānavanaṅgasmim,
Bhutabbhutanvitamahe nayanañjanasmim
Jātamhi tamhi tanuje bhavi bhaddabhatti; () (Mālābandhanaṃ)

Iti medhānandābhidhānena yatinā viracite sakalakavijana hadayānandanānidāne jinavaṃsadīpe
avidūrenidāne vividhapubbanimittapātubhāvappavatti paridipo. Sattamosaggo.

1. Visuddha (vaṃsaṭṭha) masesabandhavo
Kumāramādāya tilokalocanaṃ,
Agaṃsu tamhā kapilavhayampuraṃ
Purīvataṃsaṃ samalankatañjasam; ()
2. Tadā abhiññāsu vasisu pārāgo
Samādhivikkhambhitasabbakibbiso,
Vihāsi suddhodanabhumibhattuno
Kulūpago devalanāmatāpaso; ()
3. Tapodhano so pavivekakāmavā
Divāvihāratthamupāgato divaṃ,
Tamattamaññātumapucchi devatā-
Pavattitaṃ passiyamaṅgalussavaṃ; ()
4. Tavevupaṭṭhāyakabhumibhattuno
Varoraso māriya māravāhiniṃ,
Parājayaṃ lacchati bodhimāyatīṃ
Mahussavo tampati vattate, bravuṃ; ()
5. Imāya vuttantakathāya codito
Tapodhano iddhibalena iddhimā,
Surālaye antaradhāna'nantaraṃ
Niketane pāturahosi rājino; ()
6. Kumāranijjhānāmanorathoka vasi
Tahiṃ supaññattamahārahakāsane,
Nisajja suddhodanarājino'bruvi
Tavatrajaṃ daṭṭhumidhāgatotyā'ham; ()
7. Narindacūlāmaṇicumbitānya'tha
Padāni vandāpayitu tapassino,
Vibhusañālāṅkatamattasambhavaṃ
Narādhipo rājakumāramāhari; ()
8. Tadattabhāvena'hivādanāraha-
Ssa'bhāvato tassa rarāja sūnuno,
Pavaṭṭayitvā jaṭilassa sampati
Jaṭāsu cakkāṅkitapādapaṅkajaṃ; ()
9. Kumāramādāya samappitañjaliṃ
Vidhāya pādesvanisammakārino,
Sace ṭhapeyyuṃ jaṭilassa sattadhā
Phaleyya muddhā jaṭitojaṭāya'pi; ()
10. Sakāsanuṭṭhāya athe'sibhūmiyā
Nihacca so dakkhiṇajānumaṅḍalaṃ,
Akā mahākāruṇikassa gāravaṃ
Sirovirūḷhañjali pupphamañjarī; ()
11. Udikkhamāno vasinā samappitaṃ
Tamañjaliṃ bhattibharena bhūpati,
Atho'nametvā tanumīsakaṃ sakaṃ
Pavandi pādamburuhāni sununo; ()

12. Siyā'va buddho purisāsabho ayaṃ
Nadassanaṃ tassa siyā mamantī so,
Nirūpamaṃ rūpasiriṃ samekkhiya
Payāsi niṭṭhaṃ upadhārayaṃ vasi; ()
13. Vavatthayitvevamuḷārabuddhimā
Vitiṇṇakaṅkho hasamīsakaṃ rudaṃ,
Narindamorodhapurakkhataṃ vasī
Tadavasīdāpayi saṃsayaṇṇave; ()
14. Tamāharitvāna pakavattimabbhutaṃ
Purakkhato'rodhajanassa rājino,
Yatissaro saṃsayasallamuddharaṃ
Sabandhave'nussari kāladevalo;()
15. Sakekule nāḷakanāmadārako
Sayambhuno lacchati dassanaṃ iti,
Tamatthamaññā samupecca taṃkulaṃ
Tvamāha pabbajjiti bhāgineyyakaṃ; ()
16. Nirāmayāṃ pañcamavāsaramhi so
Varorasāṃ vāsitaḡandhavārinā,
Pavattamāne bhavane mahāmahe
Nahāpayi bhūpati bandhumajjhago; ()
17. Pasatthamanvatthabhidhāna mattano
Kumāramāropayituṃ parosataṃ,
Satedavedaṅgapabhedakovide
Dvije nimantāpayi so narādhipo; ()
18. Surindarūpo suramandiropanamaṃ
Tamindirādhāranarindamandiraṃ,
Janindasīho'pagatā'vanīsura
Amandapūjāvidhinā'bhiraḡdhayi; ()
19. Anenasiddhā samatiṃsapāramī-
Sadatthasampattiparatthakārinā,
Tathā'ttha saṅkhātadhanaṃ nidhānagaṃ
Imamhi siddhaṃ sahaḡātiyā yato; (5)
20. Dvijehi tantibbacanadvayārahaṃ
Samāsasaṃkhittapadatthasaṃhitāṃ,
Sutassa siddhattha'bhidhānamattano
Tato'bhivohārasukhāya kārayi; ()
21. Suyāmarāmadhajaṃtilakkhaṇa-
Subhojakoṇḡaṇṇasudattasaṇṇino,
Ime dvijā rājasupūjitā tadā
Vicakkhaṇālakkaṇapāṭhaka'bhavaṃ; ()
22. Subhāsubhaṃ passiya dehalakkhaṇaṃ
Vibhāvayavho iti tesamabruvi,
Samukkipitvā'ṅgulipallavadvayaṃ
Janādhipaṃ sattajānā'bravaṃ dvidhā; ()

23. Sace mahārāja agāramāvase
Varoraso te paricāritindriyo,
Samaṅgibhuto ratanehi sattahi
Bhaveyya rājā vatacaktavatya'yam; ()
24. Mahādayo'yam karuṇāya codito
Gharā'bhigantvā yadi pabbajissati,
Bhaveyya buddho'khilañeyyamaṅḍalam
Sayam abhiññāya nahe'tthasamsayo; ()
25. Kaṇiṭṭhabhūto vayasā tadantare
Pasatthasatthā'vagamena jeṭṭhako,
Samukkkhipivā'nakgulimekamabruvi
Itiha koṇḍaññasamaññabhusuro; ()
26. Imassa veneyyajanākatañjali
Samaṃ phusantāni vasundharātalam,
Subhāni bhopādatalāti sabbadā
Bhajanti bhatyā kamalānivālino; ()
27. Imassa khemantamasesapāṇino
Tipaṭṭakantārapathāvatāraṇe,
Susajjitaṃ cakkayugaṃva pāramī
Rathamhi pādaṅkitacakkalakkhaṇaṃ; ()
28. Imassa bho kambalabheṇḍukopamaṃ
Sumaṭṭavaṭṭāyatapaṇhimaṅḍalam,
Sadā padambhojanivāsalakkiyā
Tanoti pīnatthanapiṇḍavibbhamam; ()
29. Imassa dīghaṅgulipanti vaṭṭita-
Manosilālattakavattikopamā,
Vibhāti bho bāhulatāya pāramī-
Latāya vā nūtanapattapantiva; ()
30. Imassa pārevaṭapāda pāṭalā
Sapāṇipādā taḷuṇātikomalā,
Uḷārapūjāvidhisampaṭicchane
Pavāḷapāti'va samullasanti bho; ()
31. Imassarūpassirimandirodare
Samappamāñābhinavaṅgulīhi bho,
Padissare jālakavāṭasantibhā
Sapāṇipādā tatajālalakkhaṇā ()
32. Imassa ussaṅkhapadassa goppakā
Padambujānaṃ caturaṅgulopari,
Patiṭṭhitā puṇṇaghaṭesukandharā-
Vilāsamāliṅgiya rājabhāsare; ()
33. Imassa dehajjutivāripūrita-
Sarīrakedārabhavā phalatthino,
Surattasālyodarasannibhā subhā
Duveṇijaṅghā abhipīṇayantī bho; ()

34. Imassa bho jānuyugam parāmasam
Anonamanto t̥hitako mahābhujō,
Sahattanā sambhavabodhisākhino
Visālasākhāya vilāsamādise; ()
35. Imassa kosohitavatthaguyhako
Abhinnakokāsakakosakosago,
Anaññasādhāraṇatādīnā'yatiṃ
Anaṅgasāṅgāmaparammukho siyā; ()
36. Imassa bho gotamagottaketuno
Kalevare kañcanasattibhattaco,
Suvanṇavaṇṇo jīnacīvarassapi
Tanoti sobham ghanabuddharamsino; ()
37. Imassa jambonadīpiñjarāya bho
Sirisapupphassukumāracāriyā
Rajonumattam chaviyā nalimpate
Sarojapatteriva vāribindavo; ()
38. Imassa lomāni kalevare vare
Visuṃ visuṃ kūpagatāni sūnuno,
Vilumpare rūpavilāsalakkhiyā
Manoramam bho kamaṇikañcukassiriṃ; ()
39. Imassa uddhaggamukham mukhassiriṃ
Padakkhiṇāvatta mapekkhino yathā,
Tirokare romavitāna mindirā-
Niketanindīvarakānanassiriṃ; ()
40. Imassa bhorāja sarojayonino
Yathojugattam ujugattamāyatim,
Anaññasāmaññaṅṇāvākāsato
Pajābhipūjāvadhībhājanam siyā; ()
41. Imassa sattussadalakkhaṇam subham
Samamsamaddiṭṭhasirāvalim sadā,
Dadhāti bho pāramidhammasipakpino
Sudhantacāmīkarapiṇḍavibbhamam; ()
42. Imassa puṇṇobhayakāyabhāgimam
Migindapubbaddhasarīralakkhaṇam,
Kudiṭṭhivādībhasirovidāraṇe
Narindasāmatthiyamubbahe nakim; ()
43. Imassu'peto ghanamaṃsavattiyā
Citantaramso muducārupiṭṭhiyam,
Bhavaṇṇavā kañcanapaccarisiram
Tanoti sattuttaraṇe narādhipa; ()
44. Imassa nigrodhamahīruhassiva
Samappamāṇo parimaṇḍalopya'yam,
Kadāci dukkhātapakhinnadehinam
Parissamam bho pajahe bhavañjase; ()

45. Imassa rājittayarañjito'ttarim
Karīyamānu'ttamadhammanissano,
Sumattavatto samavattakhandhako
Mutīngakhandhoriva rāja rājate; () (Silesa bandhanam)
46. Imassa bho sattasahassasammitā
Yathā'matajjhoharaṇābhilāsino,
Rasaggasā santi rasādanummukhā
Rasaggasaggi'tya'bhidhīyate tato; ()
47. Imassa'nubyañjanatārakākule
Anantarūpāyanambaro dare,
Virocatebārasamīsasiriva
Narindasīhassahanūpamāhanū; ()
48. Imassa tāḷisatidantapanti bho
Pahūtajivhārathikam carantiyā,
Manuññavāṇivanitāya tatvate
Pasatthamuttāvalilīlamāyatim; ()
49. Imassa javhāvarakaṇṇikāvahe
Mukhambuje saccasugandhavāsīte,
Samappamāṇā dasanāvalī subhā
Vibhāti kiñjakkhatatīva bhūpatī; ()
50. Imassa bho khaṇḍitasāṅkhapaṇḍarā
Dvijāvalī nibbivarantarāyatim,
Samubbhavāyuttīlatāya tāyati
Mukhālavāḷe mukulāvalissirim; ()
51. Imassa pīṇānacandacandikā
Susukkadāṭhāvali saccavādino,
Padissate dhammataḷākakīḷane
Katābhilāsārivahaṃsamālinī; ()
52. Imassa cānuttaradhammadesanā-
Taraṇyamālolalakārarūpinī,
Pahūtajivhā bhavasāgarā'yatim
Narinda pāram janatā'vatāraye; ()
53. Imassa bho brahmasaropamo sadā
Sahassadhā'yam karavīkarāvato,
Manoharaṭṭhaṅgasamaṅgisussaro
Sasotakānam maṇikuṇḍalāyate; ()
54. Imassa nīlam nayanuppalañcayam
Nirūpame rūpavilāsamandire,
Niropitam bho maṇisīhapañjara-
Dvayamva bhāse kusalena kenaci; ()
55. Imassa pāṭhīnayugam'va dissate
Visiṭṭharūpāyanāpagāsayam,
Subham gavacchāpavilocanopamam
Maṇippabham gopakhumadvayam sadā; ()

56. Imassā uṇṇā bhamukantarubbhavā
 Ḷāṭamajjhōpagatā virocati,
 Yadatthi sañajhāghanarājimajjhagaṃ
 Sasānkahīnaṃ sasimaṇḍalaṃ tathā ()
57. Imassa uṇhīsakasīsālakkaṇaṃ
 Sadhammarājissariyaṃ anāgate,
 Kariyamānassa hi cakkavattino
 Dadhāti uṇhīsakasisavibbhamāṃ; ()
58. Imassa bhūmissara supakpatiṭṭhita-
 Padaṅkīte cakkayugamhi dissare,
 Arāsahassāni ca nemiṇābhiyo
 Tivaṭṭarekhā sirivacchakādayo; ()
59. Imehi battiṃsatilakkhaṇehi bho
 Asītyanubyañjanalakkhaṇehi'pi,
 Samujjalanto purisāsabhotyayaṃ
 Bhavēyya buddho bhavabandhanacchido; ()
60. Sasotamāpāthagatāya tāvade
 Dvijassa vitthārakathāya codito,
 Apucchi rājā kimayaṃ samekkhiya
 Anāgate brāhmaṇa pabbajissati; ()
61. Kadāci uyyānagato mahāpathe
 Jarārujāmaccurūpadassanaṃ,
 Vidhāya nibbintamaṇo bhavattaye
 Tapodhanaṃ passiya pabbajissati; ()
62. Itiha vatvāna sakāṃsakaṃ gharaṃ
 Tato'pagantvā'ddhanimittapāṭhaka,
 Mahallakā'dāni mayanti sunavo
 Tamānupabbajitumovadiṃsu te; ()
63. Dvījesu vuddhesu matesu sattasu
 Ayaṃhi koṇḍaññasamavhāyo sudhī,
 Mahāpadhānaṃ purisāsabho'dhunā
 Karotī sutvā karuṇāya codito; ()
64. Samānaladdhihi kulesu tesu hi
 Catuhi vippehi saha'ntapañcamo,
 Atho'ruvelaṃ upagamma pabbaji
 Bhaviṃsu te pañci'dha pañcavaggiyā; ()
65. Kadāci laddhā pariyaṇtasāgaraṃ
 Imaṃ catuddīpikarajjamatrajaṃ,
 Jitārivaggaṃ vicarantamambare
 Karomi paccakkhamahanti cintiya; ()
66. Nimittarūpakkipathappavesanaṃ
 Nivāraṇatthaṃ tanijarājasūnuna,
 Narādhipo so purisehi sabbathā
 Disāsu rakkhāvāraṇaṃ akārayi; ()

67. Ayaṃ kumāro yadi cakkavattivā
Bhaveyya sambodhipadaṃ labheyyavā,
Sakekule khattiyabandhavehi so
Purakkhatoyeva carissataṃ iti; ()
68. Kumāranāmaṭṭhapanamhi vāsare
Sahassamattesu kulesva'sitiyā,
Adāsi paccekajano paṭissavaṃ
Padātukāmoḅa viṣuṃviṣuṃ sute; ()
69. Asesadosāpagatā sukhedhi tā
Suvaṇṇakumbhorupayodharo na tā,
Anekadhātī varavaṇṇagabbi tā
Sapaccupaṭṭhāpayi taṅkhaṇepi tā; ()
70. Taḷākatīramhi taraṅgabhāsare
Yatheva haṃsyā kalahaṃsapotakaṃ,
Mahesiyā'ṅke sayane sitatthare
Suvāsare bhupati puttamaddasa; ()
71. Adiṭṭhaputtānanapaṅkajā ciraṃ
Lahaṃ parikkhīṇavayoguaṅ ito,
Cutā'va māyājanani nirāmayā
Upāvisi sattamavāsare divaṃ; ()
72. Mahesimāyābhaginī tadā mahā-
Pajāpatigotamināmarājini,
Nijaṃ kumāraṃ bharaṇāya dhātiṇaṃ
Vidhāya bhāraṃ paṭijaggi taṃ sayaṃ; ()
73. Tadā'bhavaṃ dīpasikhā jagantaye
Kalebaro'bhāsavena sununo,
Vinaṭṭhatejāriḅa raṅgadīpikā
Vimānadīpesu kathāvaka'ttano; ()
74. Vicittabhummattharaṇe abhikkhaṇaṃ
Sajannukehā'cari mandirodare,
Mahāvanasmiṃ maṇivālukātale
Vijambhamānoriva sihapotako; ()
75. Sutassa kīḷāpasutassa mandi re
Bhamantabimbaṃ maṇidappaṇoda re
Nibaddhamaddakkhi carantamamba re
Yatheva cakkhaṃ ratanaṃ mahībhu jo; ()
76. Tadaṅghiviṅṅāsavasena bhumiya
Vajantamaṅko'panidhāya bhumipo,
Tadā'bhnicchārita māsaḅhiṃ giraṃ
Idāni maṃ sāvaya puttamaḅruvi; ()
77. Nibaddhamantomaṇivedikātale
Mukhendubimbuddharaṇe payojayaṃ,
Sayāṃ palambhesi amaccasūnava
Vayena mando'pi amandabuddhimā; ()

78. Uḷārasokaṃ pitucittasambhavaṃ
Tilokadīpo nijapuññatejasā,
Tamopabandhaṃ bhuvano'darubbhavaṃ
Nirākari bālaravī'va raṃsinā; ()
79. Vikiṇṇalājākusumākulañjase
Vitānaraṅgaddhajanibbharambare,
Pure tahiṃ maṅgalakiccasammatam
Kadāci rañño bhavi vappamaṅgalaṃ; ()
80. Sugandhamālābharaṇādimaṇḍita-
Pasādhitā kāpilavatthavā narā,
Sakiṅkarā kammakarā'pi kappitā
Tato tato sattipatiṃsu taṃ kulam; ()
81. Mahaccasenāyapurakkhatohisso
Uḷārarājiddhisamujjalaṃtato
Payāsikammantapadesamatrajam
Kumāramādāyapurindadopamo; ()
82. Chaṇamhi tasmimṃ manuvaṃsaketuno
Manoramaṃ maṅgalanaṅgalādikaṃ,
Suvaṇṇapaṭṭhehi parikkhaṭaṃka mahā-
Janassa'pī rūpiyaṭṭachāditaṃ; ()
83. Visālasākhākulajambusākhino
Vidhāya heṭṭhā sayane mahārahe,
Nijaṃ kumāraṃ sajano janādhipo
Samārahī sampati vappamaṅgalaṃ; ()
84. Kumārarakkhāvaraṇāyu'paṭṭhitā
Tamussavaṃ dhātijanā vipassituṃ,
Apakkamitvā bahi sāṇito khaṇam
Pamattarūpā vicariṃsvi'tocito; ()
85. Pariggahetvā'namapāna māsane
Nisajja pallaṅka malattha bandhiya,
Jinaṅkuro nīvaraṇehi nissaṭam
Vivekajaṃ jhānamagādhabuddhimā; ()
86. Vipassa puttassu'pavesanaṃ tahiṃ
Dumassa chāyāya nivattataṃ tathā,
Pavandi rājā paṭihārikākathā-
Pacoditoputtamupecca taṅkhaṇe; ()
87. Kalāsu vujjāsu ca puttamattano
Vinetukāmo vinayakkhamaṃ pitā;
Pasatthasatthantarapāradassinam
Kadāci vippācariyaṃ kirā'nayi; ()
88. Samappitaṃ taṃ guruno karambuje
Sadevalokassa guruṃ sagāraṃ,
Mahīsuro so jalabindunā yathā
Suduttarāgādhamahodadhīrasaṃ; ()

89. Savaṇṇabhedamaṃ sanighaṇṭukeṭubhaṃ
Athabbabedeni' nihāsapañcamam,
Tivedamuddesapadena duddasam
Tathā kalāsippataṃ nibodhayī; ()
90. Anaññasādhāraṇapuññavāsana-
Vidhūtasammohavisuddhabuddhino,
Samattavijjā sakalākalā dhiyā
Kalampi nālam bahubhāsanena kiṃ; ()
91. Na kevalam tassa kalebaram bahi
Vibhāti battimsatilakkhaṇehi bho,
Bhusam tadabbhantaravatthu dippate
Subuddhasatthantaralakkhaṇehi' pi; ()
92. Tilocanassā' pi tilokacakkhuno
Ayaṃ viseso nayanehi dissate,
Lalāṭanetto purimo nasobhati
Paro' va abhattarañāṇalocano; ()
93. Anubbajanto navayobbanassiriṃ
Yasopabandhena sake nicketane,
Pavaḍḍhi dhīro sakalam kalāntaram
Kalānidhī raṃsicayeni' va' mbare; ()
94. Upaḍḍhagaṇḍāhitadāṭhikāya so
Yasodhano soḷasavassiko yadā,
Kapolaphuṭṭhañjanadānarājiyā
Kari yathā bāladasam vyatikkami ()
95. Tadā narindo suramandiro' pamam
Ututtayānucchavikam manoramam,
Payojayitvāna paviṇasippike
Sutāya kārāpayi mandirattayam; ()
96. Nisitasambādhatalam nivārita-
Saronilam phassitasihapañjaram,
Mahivatamsam navabhumikam gharam
Babhuva rammaṃ bhuvī rammanāmikam; ()
97. Sasikara' mbhodhararāvanihbhara-
Vitāna muggāḥātakavāṭabandhanam,
Surammanāmam hataghammamindirā-
Nivāsarammam bhavi pañcabhūmikam; ()
98. Ahiṇhasituṇbhagaṇehi pāvuse
Sukhānulomam samasattabhūmikam,
Suphassitā' phassitasihapañjaram
Subham subham nāma nicketanam bhavi; ()
99. Vayonupattassa narindasununo
Uḷārarājiḍḍhivilāsadassane,
Katā' bhilāso janako janādhipo
Padātukāmo nijarajjasampadam; ()

100. Vasanti ce yobbanahāridārikā
Narindasandesaharehi pesayi
Sa sākiyānaṃ sacivehi sāsane; ()
101. Nivedayaṃ yobbanagabbitassa te
Nakiñcisikappāyatana'ntadassino,
Sutassa dārābharaṇāya dhītarō
Kathannu dassāma mayanti khattiyā; ()
102. Sutena taṃ rājasutena codito
Pitā carāpesi puramhi bheriyo,
Mama'trajo kāhati sippadīpanaṃ
Itoparaṃ sattamavāsare iti; ()
103. Varo kumāro hi kumāravikkamo
Kalāpasannaddha kalebarō tadā,
Vipassataṃ bandhujanānamosari
Anappadappo raṇakeḷimaṇḍalaṃ; ()
104. Dhanuddharo so paṭhamaṃ sake bhujē
Sahassathāmaṃ sasaraṃ sarāsaṃ,
Vidhāya poṭhesi jiyāṃ vasundharā-
Vidāraṇākāramahāravaṃ ravi; ()
105. Catuddisā' dharadhanuddharā mamaṃ
Karontu lakkhaṃ nijakhāṇapattiyā,
Itīha vatvā saravāraṇena so
Abhutaṃ sarasippamāhari; ()
106. Catuddisāyaṃ caturo dhanuddhare
Mame'kabāṇena haṇāma'haṃ iti,
Akāsi tadadīpayamaññāthā'bbhutaṃ
Sa cakkavedhavyasippadīpanaṃ; ()
107. Sarehi veṇyā'yatayaṭṭhirajjukaṃ
Sarehi cā'rohaṇamaṇḍapālayaṃ,
Sarehi pākārataḷākapaṅkajaṃ
Sarehi vassaṃ itisippamāhari; ()
108. Mahāsatto lokappabhavamasamaṃ sippajātaṃ janānaṃ
Tadā saṃdassesī muditahadaya sākiyā dārikāyo,
Upaṭṭhāpesuṃ tā suratiratisaṅgāmacaturā
Sahassānaṃ tāḷisatiparimitā nāṭikā'suṃ gharesū; ()

Iti medhānandābhīdhānena yatinā viracite sakalakavijana hadayānanda dānanidāne
jinavaṃsadīpe avidūrenidāne lakkhaṇapaṭṭiggahaṇa kumārasambharaṇādi pavatti paridipo aṭṭhāmo
saggo.

1. Iti vihite sati sippadīpanasmim
Tadabhimukhe'tarakhattiyā'tisūrā,
Aparātamānamadābhaviṃsumañño
(Taruṇamigindamukhe)va mattadanti; ()
2. Vijaṭṭita saṃsayabandhano padātuṃ
Sumariya devadahaṃhi supakpabuddho,

- Narapavaro nijadhītaṃ kumāriṃ
Suvimala koliyavaṃsakañjahamsiṃ; ()
3. Tahimathamantivarehi mantayitvā
Nikhilapavattinivedanāya dūte,
Pahiṇi kavivāhamahe vidhiyatanti
Tava tanujena mamañhi dhītukaññā; ()
4. Valayitatāramupaṭṭhito' dayamaṃ te
Himakarabimbamivo' pavitṭhapitṭham,
Parivutamantigaṇamaṃ paṇamma rājamaṃ
Kapilapuropagatā tamatthamāhu;
5. Atha paṭiladdhapaṭissavenu' daggā
Padayugamañjalipupphamañjarīhi,
Sumahiya taṃ paṭivedayiṃsu rañño
Sakavisayamaṃ samupecca rājadūtā; ()
6. Ubhayakulamhi mahībhujā' ññamaññaṃ
Punarapi mantivarehi mantayitvā,
Visadamatīhi nimittapāṭhakehi
Niyamitamañakgalavāsaramhitamhā; ()
7. Kanakavitānavinaddhahārihāraṃ
Kusumasamākulahemapuṇṇakumbhaṃ,
Tidivavimānasamānamullasanna-
Ratanavicittavivāhamaṇḍapaggaṃ; ()
8. Gahitavitānasitātapattaketu-
Ddhajamaṇivijanicarucāmarehi,
Pacurajanehi katupahāramagge
Suparivutaṃ catuṅgiranidhajinyā; (6)
9. Vividhavibhūsaṇabhusitattabhāvaṃ
Abhinavapīnapayodharābhirāmaṃ,
Harisivikāya yasodharaṃ kumāriṃ
Mañikhacitāya vidhāya cā' nayiṃsu; ()
10. Valayitamālatidāmahemamālā
Parimalabhāvitakuntalappaveṇi,
Virāḷabakāvalimappavijjurājiṃ
Jaladharamālamajesi komalāya ()
11. Niravadhirūpanabhotalamhi tassā
Janamanakundavikāsaṃ babhāsa,
Kuṭīlataṛālakākālamegharāji-
Jaṭitalalāṭataladdhacandabimbaṃ; ()
12. Migamadakuṅkumagandhapaṅkalitto
Kulavadhuyā tilako lalāṭamajjhe,
Makaradhajena niropitori' vā' si
Tibhuvanabhutajayāya pupphaketu; ()
13. Jananayanañjanarūpasampadāya
Kulamapadāya rarāja nimmadāya,

- Paramasiriṃ sarusīruhābhirāmaṃ
Vadanamanaṅgasuvaṇṇadappaṇābhamaṃ; ()
14. Maṇigaṇamaṇḍitakuṇḍalehi tassā
Savaṇyugaṃ ghaṭitāvagaṇḍabhāgaṃ,
Manasijasākuṇikena khittapāsa-
Yugalamivakkhivibhaṅgamānamāsi; ()
15. Suvimalakantipabandhasandanatthaṃ
Nayananadīnamubhinnamantarāle,
Kanakapaṇāḷisamappite'va tāya
Varavadanāya rarāja tuṅganāsā; ()
16. Nirupamarūpavilāsamandirasmiṃ
Sajavanikāni'va sīhapañjarāni,
Ruciravilāsiniyā lasiṃsu pambhā-
Valisahitāni sunīlalocanāni; ()
17. Kanakakapālanibhaṃ manobhavassa
Vimalakapolayugaṃ siniddhakanniṃ,
Navasasimaṇḍalapuṇḍarīkasaṇḍa-
Sasirimavarundhimanoharādharāya; (6)
18. Sucaritapāramitālatāya tāya
Pariṇatarāgalatāya bhūlatāya,
Adharayugaṃ taruṇaṅkuradvayaṃ vā
Kimiti vitakkahato'yamāsi loko; ()
19. Kulavadhuyā vadanā'lavāḷagabbhe
Navakalikāvaliphullite'vakiñci,
Sumadhuravāṇilatāya mandahāsa-
Jjutidhavalī dasanavali rarāja; ()
20. Kuvalayanīlavilalocanāya
Mukhakamalā'likulānukāriniḅhu,
Nayanamayūkhagaṇeha'pāṅgabhaṅga-
Nisitsarehi anaṅgacāparūpā; ()
21. Kalaravamañjugirā tivaṭṭarāji
Ghanakucabhaddaghaṭāya kambugīvā,
Madhuragabhīravirāva raṅgalekhaṃ
Ajini suvaṇṇamutiṅgabherisaṅkhaṃ; ()
22. Abhinavapinapayodharo'padhānaṃ
Sukhumataracchavikojavābhirāmaṃ,
Urasayanaṃ samalaṅkataṃ viyā'si
Nijapatisaṅgamamaṅgalāya tāya; ()
23. Kucakanakā'calasambhavāya nābhi-
Kuharataṭābhimukhāya kantiṇajjā,
Chaṭhāraṅgalittayamindiropamāya
Avahari tuṅgatarāṅgapantikantiṃ; ()
24. Maṇirasanaṅgaṇamantharāya tassā
Ghanakucabhārakiso kisodarāya,

- Harisirivacchasuhajjamajjhabhāgo
Madadhanumuṭṭhivilāsamāharittha; ()
25. Sarasijatantupavesanāvakāsa
Mavahari pīnapayodharantarāḷaṃ,
Nijagaḷabhāsuraḥāranijjharehi
Kanakadarimukhavibbhamāṃ yuvatyā; ()
26. Avikalarūpavilāsasindhuvelā
Viralavilagginiyāka visālaṣoṇi,
Parihari rājakumārikāya tāya
Kusumasarābhavabhūmibhāgasobham; ()
27. Kulavadhuyā kamalāmalānanāya
Kualayakomalanilaromarāji,
Bhusamabhicumbi gabhiraṇābhigabbham;
Kamalavivāyatamattabhinṅgarāji ()
28. Rucirataroruyugaṃ suvaṇṇa rambhā-
Karikarapīvaramindirovamāya,
Bhaji makaraddhajaraṅgamandirasmiṃ
Harimayathambhayugassiriṃ ramāya; ()
29. Madarayarūparasadvayaṃ tulāya
Suparimitāya catummukhena tulyaṃ,
Nijamihajānuyugaṃ pavāḷapāti-
Yugalavivāsi avammukhopanītaṃ; ()
30. Visayavitakkatamākulaṃ yuvatyā
Madanupasaṅkamaṇe manovimānaṃ,
Jitamadamattamayūraṅgaṅṭhabhūti
Jalitapadīpasikhe’va cārujaṅghā; ()
31. Maṇimayanūpurabhāsurehi tassā
Caraṇatalehi parājitāni thīnaṃ,
Mukhapadumāniva saṅkucanti mañṇe
Bhamarabharamburuhāni kañjanīnaṃ; ()
32. Karacaraṇaṅgulipalla’vaggasālī-
Jalalavapantiniḥhā’tikomālāya,
Abhinavatambanakhāvalī babhūva
Makaradhajassa kate’va pupphapūjā; ()
33. Saparijano vanitāya tāya saddhiṃ
Maṇigaṇamaṇḍitamāṇḍapappadese,
Dinakaravaṃsadhajassa rājaputta-
Ssupagamaṇaṃ apalokayaṃ nisīdi; ()
34. Parivutabandhujanehi rājaputto
Yathariva devagaṇehi devarājā,
Sapadi turaṅgarathaṃ samāhirūḷho
Tadabhimukho yasaṃ jalaṃ payāsi; ()
35. Tahimupagamma ṭhitassa maṇḍapasmim
Paridahitu’ttarasāṭakena tassa,

- Harimaṇimaṇḍanamāṇḍita'ttabhāvo
Himapaṭalena himācalo rivāsi; ()
36. Maṇimakuṭeṇa nivatthakāsikena
Narapatisunu sumaṇḍito rarāja,
Surabhavanena ca khīrasāgarena
Kanakasiṇerugirī'va niccalaṭṭho; ()
37. Nabhasi samākulatārakāvalī'va
Uraṣi virājitatārahārapantī,
Narapavaro pivi tāya rūpasāraṃ
Amatamivā'yatalocana'ñjalīhi; ()
38. Tadahani rājakumārapubbasela-
Ppabhavavarānanacandamaṇḍalena,
Mukuḷitalocananīlanīrajāya
Abhavimanokumudākarappabodho; ()
39. Yuvatayuvānamapekkhataṃ janānaṃ
Animisalocananīlakantiṅgā,
Ruciravadhūhi vidhūtacāmarehi
Anilavilolatarāṅgasālinīva; ()
40. Gaganatalopari tārakākulamhi
Yuvayuvatīnavacandacandikeva,
Nicitasuvaṇṇakahāpaṇe varejuṃ
Athamaṇimaṇḍapavedikāṭalamhi; ()
41. Sakalakalākusalo'pagammavippā-
Cariyagaṇo jayamaṅgalāya tesam,
Suparisamāpayi sabbapubbakiccaṃ
Sapadi pavassi akhaṇḍalāvujatṭhi; ()
42. Karatalatāmarasesu kuṇḍikāya
Maṇikhavitāya purohito ubhinnaṃ,
Subhamabhisekajalaṃ nipātayaṃ te
Punahipayojayi pāṇipīḷaṇasmim; ()
43. Suradhanuvijjulate'va vārivāhaṃ
Rathamabhiruyha gahīramandaghosaṃ,
Parivutakhattiyabandhavehi tamhā
Kapilapurā'bhimukhābhavaṃ ubhota te; ()
44. Atha samalaṅkatavīthimajjhigānaṃ
Vivaṭaniketanasīhapañjaraṭṭhā,
Animisalocanapaṅkajopahāraṃ
Bhūsamakarum kapilaṅganā pasannā; ()
45. Gamanavilāsamudikkhataṃ janānaṃ
Rucirasiropahita'ñjalīhi bhattyā,
Maṇikalasappitapupphamañjarīhi
Racitamivobhayavīthipassamāsi; ()
46. Tikhiṇavilocanabāṇalakkhabhāvam
Nirupamarūpini kāminīhi nīte,

Patita'nurāgasarehiyeva tāsam
Hadayavidāraṇamāsi tapphalam'va; ()

47. Kathamapi kāpilavattavā ahesum
Tadahani niccalalocanuppalehi,
Kapilapuram tidasālayāvatiṇṇā
Tidasagaṇā'va vipassanāyu'bhinnam; ()
48. Tidivapurā nijavejayantanāma-
Surabhavanam'va sujampatī sujātā,
Kapilapurā punarāgamimṣu tamhā
Patipatinī nijarājamandiram dve; ()
49. Dharāṇipatisuto pattarajjābhiseko
Kapilapuravare tesu tisvālayesu,
Aparimitasukham tāya bimbāya saddhiṃ
Suciramanubhavi candabimbānanāya; ()
50. Vikacakamala (nandīmukhi) mañjubhāṇī
Tividhavayasi dibbaccharārūpasobhā,
Agami khayavayaṃ sā'pi bimbāmahesi
Saratha saratha saṅkhāradhammassabhāvaṃ; ()

Iti mbedhānandābhidhānena yatinā viracite sakalakavijana hadayānandadānanidāne
jinavaṃsadīpe avidūrenidāne paṇiggahamaṇakgalussavapavattiparidīpo. Navamo saggo.

1. Guṇamaṇimaṇimā so devarājā'va rājā
Sukhamanubhavamāno vājiyānena yena,
Bhamarabharitamālā maṅgaluyyānabhūmi
Tadavasari kadāci sālinī (mālinī) hi; ()
2. Upagatasamayo'ti bujghanatthāya bodhiṃ
Sumariya suraputtā bodhisatte vajante,
Bhavaviratisamattham dassayum māpayitvā
Jarasakaṭasarūpaṃ jīṇṇarūpaṃka virūpaṃ; ()
3. Kimidamitihaṇṇaṭṭho jīṇṇarūpaṃ vipassa
Vimatiparavaso so sārathiṃ rūpasāro,
Nijahadayanidhāne devatācoditassa
Nidahi dhanamivaggham tassadhammopadesam; ()
4. Haritanaḷakalāpaṃ maṅgaluyyānamagge
Yathariva'himukhaṭṭhā kuṇjari bhañjamānā,
Tathariva'bhibhavanti sabbayobbaññadappaṃ
Kharatarajaratā sā attapaccakkhabhūtā; ()
5. Mukhakukavalayagabbhā bhaṭṭhakiṇjakkhasobhā
Bhavi kaṭhinajarārikhaṇḍadantaṭṭhipanti,
Kuṭilapalitajātam tañjarāyā'bhiseke
Sirasi racitasetacchattasobham babandha; ()
6. Aviraḷavaliyo tā jīṇṇarūpassa camme
Pabhavabalavatejodhātuveguṭṭhitā'sum,
Taralasalilapiṭṭhe seyyathāpo'dadhissa
Taralasalilapiṭṭhe seyyathāpo'dadhissa

Palayapavanavegu'ttuṅgakallolamālā ()

7. Ṭhitamupavanapanthe vaṅkagopāṇasi'va
Anujukamujubhutaṃ daṇḍamolubbha bhumyā,
Nijataruṇavilāsaṃ lakkhamāpādayantaṃ
Dhanumiva sagaṇaṃ taṃ rūpamaddakkhi dhīro; ()
8. Jiniajagarabhoge jiṇṇanimmokabhāraṃ
Tilakavibatacammaṃ tantirojattabhāve,
Apatagathanamaṃso phāsukaṭṭhippandho
Ajinitiravalepaṃ kuḍḍadārubbabandhaṃ; ()
9. Vigatabalamadādiṃ vissavantaṃ sarīre
Navhi vaṇmukhehi guthamuttādyā'sūviṃ,
Valivisamakapolaṃ kampamānuttamaṅgaṃ
Suvisadamatino taṃ passato jiṇṇarūpaṃ; ()
10. Bhuvanamanavasesaṃ tassa'paṭṭhāsi sampa-
Jjalitamatha jarāyā'dittagehattayaṃ'va,
Ahamapaki anatīto dhammametanti vatvā
Bhavanavanamagañchi jātiyu'kkaṇṭhitatto; ()
11. Punarupavanamaggaṃ ogahantassa rañño
Sukhamanubhavanatthaṃ devatāmāpayitvā,
Parapariharanīyaṃ ghorarogāvatiṇṇaṃ
Aparamapi virūpaṃ dassayaṃ vyādhirūpaṃ; ()
12. Visadamati vimatyā sakyavaṃsekaketu
Kimimivapalipannaṃ vaccapassāvapaṅke,
Pabhavabalavadukkaṃ taṃ parādhīnavuttiṃ
Kimidamiti padisvā pājītāraṃ apucchi; ()
13. Varamati varadhammaṃ tena sūtena vuttaṃ
Amatamiva pibanto sotadhātvañjalīhi,
Agamapi anatito byādhidhammanti tamhā
Nijabhavanavanaṃ sopā'ga saṃviggaraṃ; ()
14. Tadupavanavimānaṃ vājiyānena nāthe
Vajati sati kadāci māpayuṃ devatāyo,
Suṇakhakulalagijjhādīhivā khajjamānaṃ
Narakuṇapasarīraṃ uddhumātaṃ paṭhamhi; ()
15. Pabhavakimikulānaṃ cālayaṃ nīlavaṇṇaṃ
Vaṇavivaramukhehi lohitaṃ paggharantaṃ,
Sakuṇagaṇvitacchiṃ makkhikāmakkhitaṅgaṃ
Sumati matasarīraṃ addasā sārāhīnaṃ; ()
16. Abhigami gamayanto bhāratīṃ sārathissa
Nijasavaṇayugasmīṃ hematāḍaṅkasobhaṃ,
Ahampi maraṇaṃ bho nātivattoti vatvā
Vanamiva migarājā sakyarājā vimānaṃ; ()
17. Punapi saporiso so yānamāruya bhadraṃ
Katipayadivasānaṃ accayenā'dhirājā,
Kapilapuravaramhā'naṅgaraṅgālayābhaṃ

- Tadupavanamagañchi pañcabāñābhīrūpo; ()
18. Guṇamaṇi maṇivaṇṇaṃ pattamādāya patthe
Panasasarasarāgaṃ vīvarampārūpitvā,
Ṭhitamavikalacakkhuṃ nimmitaṃ devatāhi
Sumati samaṇarūpaṃ buddharūpaṃ'va passi; ()
19. Tadahani vibudhā'dhiṭṭhānato bhāvanīyo
Yatipatiriva sūto atthadhammānūsāsī,
Samaṇaguṇamanekādīnavaṃ pañcakāme
Tamavadi gamanasmiṃ ānisaṃsañca gehā; ()
20. Kuhanalapanamicchājīvamohāya kucchi-
Paraharaṇasamatthaṃ mattikāpattamassa,
Kara kamakalagataṃ so pāramīcoditatto
Visadamati padisvā sampasādaṃ janesi; ()
21. Vikasitakalikālañkāramuddālasāla-
Mīva samaṇavilāsaṃ cīvarobhāsamagge,
Nayanamadhukarānaṃ bhāramādhāya dhīro
Nijamanasi janesi cīvare sampasādaṃ; ()
22. Khaṇikamarāṇadukkhāvaṭṭamābādharāsi-
Makaranikarabhimaṃ taṃ jarāvīcivegaṃ,
Bhavajaladhimagādhaṃ jātiveḷāvadhīṃ so
Ayamiva paṭipannā nittareyyuntya'vedi; ()
23. Samaṇavadanapīnaccandabimbodayena
Vikasitamanakundo nandanuyyānasobhaṃ,
Upavanamabhīgantuṃ sandanaṃ cāraye'ti
Tadahani manujjindo sandanācārimāha; ()
24. Valayitanaḷatāḷītālahintālapantiṃ
Malayajatarujāyāsītalaṃ nimmalāpaṃ,
Upavanamavatiṇṇo nandanaṃ vāsavo'va
Akari divasabhāgaṃ sādhuḷāṃ sarājā; ()
25. Dasasatakiraṇasmiṃ yassa kittippabandha-
Saradajaladarājichāditasmiṃ nabhasmiṃ,
Uparisirasi setacchattasobhaṃ bhajante
Tadiyacaraṇalakkhyā'lañkari vāpitūraṃ; ()
26. Sarasijavadanehi haṃsapīnatthanehi
Kūvalayanayanehī nīlikākuntalehi,
Madhumadamuditālīnūpurebhā'varodha-
Janamiva ramaṇīyaṃ otari so taḷākaṃ; () (Silesabandhanaṃ)
27. Varayuvatijanānaṃ kumbhagamabhīranābhi-
Vivaragahitavāri vāpi sā rittarūpā,
Ghanathanajaghanānaṃ saṅgamene'tarāsaṃ
Punarabhavi kapapuṇṇā pītivipphārinīva; ()
28. Abhinavaramaṇinaṃ jātulajjāturānaṃ
Vimukhanayanamīne mīnaketupamena,
Upavadhitumīvagge khittajālabbilāsaṃ

Khaṇamavahari raññā viddhahatthambudhārā; ()

29. Navajalakaṇikālāṅkāravattāravindā
Ghanakucakalahamsā kesasevālanīlā,
Patimathitatarāṅgākiṇṇasussoṇivelā
Sarasi sarasi'vā'si tatra kīlāture'kā; ()
30. Sasirūciramukhīnaṃ khomavatthantarīye
Sanikamapanayante vicīhatthehi raññā,
Racitanayanakantī byanta gambhīranābhī-
Sarasijapariyantā nāḷapantīri'vā'si; ()
29. Navajalakaṇikālāṅkāravattāravindā
Ghanakucakalahamsā kesasevālanīlā,
Patimathitatarāṅgākiṇṇasussoṇivelā
Sarasi sarasi'vā'si tatra kīlāture'kā; ()
30. Sasiruciramukhīnaṃ khomavatthantarīye
Sanikamapanayante vivibhaṅthehi raññā,
Racitanayanakantī byanta gamhīranāhī
Sarasijapariyantā nāḷapantīri'vā'si; ()
31. Punarapi kucakumbhañcandahārenivā'pe
Nijagaḷaparimāṇe sannimuggaṅganānaṃ,
Malinakamalinī sā locanehā'nanehi
Abhavi bhamarabhāra'mbhojasaṅḍā'kule'ca; ()
32. Madhumadamadhupehi gīyamānehi vici-
Bhujasatapahaṭāhi soṇibherīhi thināṃ,
Lalitikamalasīse naccamānindirīya
Ajini jalajinī sā dibbasāṅgītāsālaṃ; ()
33. Tuhinakaramukhīnaṃ tantaḷāka'ntalikkhe
Sulalitabhujavallī vijjulekhābhīrāmā,
Kuvalayavanarāji nīlajīmutarāji
Patinayanamayūre kīḷayantī rarāja; ()
34. Phuṭakuvalayahatthaṃ rājabhaṃsehi khittaṃ
Vividhamadhupabhuttaṃ dhammavelātivattaṃ,
Yathariva gaṇikaṃ taṃ kañjaniṃ so janindo
Tadahani paribhutvā'mandamānanvdamāpa; () (Silesabandhanaṃ)
35. Caraṇa'nuvajamānabbīcisaṅkhobhatīraṃ
Jahati sati taḷākaṃ sāvarodhe narinde,
Sarasivirahinīsaṃruddhanissāsarūpo
Mudusurabhisamīro mandamandaṃ pavāyi; ()
36. Paribhavi ravibimbaṃ taṅkhaṇatthācalaṭṭhaṃ
Tahimupalatalaṭṭho bhānuvaṃsekabhānu,
Atha sarasivadhūnaṃ kiñcisaṅkovitāni
Sarasijavadanāti sokadīnāni'vā'sum; ()
37. Asitanabhasi sañjhāmeghamālāvilāsaṃ
Abhibhaviya nisinne tatra sakyādhināthe,
Tuvaṭamupagatā taṃ kappakā'nekavatthā-

Bharaṇavikatihatthā bhūpatim bhūsaṇattham; ()

38. Ravikularavino kho dhammatejābhībhūto
Surapati suraputtam vissakammābhidhānam,
Sapadi pahiṇi sammā dibbavatthādinā bho
Tibhuvanasaṇam tam bhūsayassū'ti vatvā; ()
39. Gahitamanujaveso so'pasāṅkamma sīse
Sukhumapaṭasatehī veṭhanañcā'pi datvā,
Maṇikanakamayehi bhūsayi bhūsaṇehi
Tadahani bhavi sakko devarājā'va rājā; ()
40. Timirahamarabhāra'kkantapācīnapassam
Mukulitasatasañjhāmeghapattāvalīnam,
Gaganatalataḷākādhāramandāranālam
Kalamakulasobham bhānubimbam babandha; ()
41. Pahiṇi pitunarindo sāsanam tāva tassa
Nijatanujakumāru'ppattimārocayitvā,
Pamuditabhodayo so lekhaṇālokanena
Avaditi mama jātam bandhanam rāhujāto; ()
42. Tadahani pituraññā vuttavākyānurūpam
Tahimakhilapadattham saddasatthakkamena,
Karahacī manujindo ayyako saṅgahetvā
Avaditi mamatattā rāhulonāmahotam; ()
43. Vanasuravanitānam locanindivarehi
Mahitasirisariro bhadramāruyha yānam,
Sabhavanamabhigantum osari nāgarānam
Suvimalanayanālītorañākiṇṇavīthim; ()
44. Vivaṭamaṇikavāto'pantikaṭṭhā vimāne
Jitasuravanitā'si yā pitucchāya dhītā,
Nayanakarapuṭehi rūpasāram nipīya
Samitaratipāsā sā kisāgotamī thī; ()
45. Jitamanasijarūpam īdisam yesamatthi
Tanujaratanamaddhā nibbutā sā'pi mātā,
Pitujagatipatī so nibbuto sītibhūto
Nijapiyabhariyā'pi nibbutā'tye'vamāha; ()
46. Hadayagatakilese nibbuta vūpasante
Yatipatiriva diṭṭho nibbuto so'hamasmi,
Iti varamati sutvā tāya gātham sugītam
Vividhanayavibhattam tappadattham avedi; ()
47. Ahamitipadamassā nibbutim sāvito'smi
Sumariya garubhatyā tāya lakkhagghamaggaṃ,
Dhavalakiraṇabhāram bhāsuraṃ hārihāram
Pahiṇiya bhavanam so pāvīsi sāvarodho; ()
48. Mayamiva varabodhim bujjhamānassa jātu
Manasi vupasame'ti tuyhamekādasaggi,
Upagamumupasantiṃ vyākaronṭī'va tāva

- Aparadisi vinaddhā'nekasañjhāghanālī; ()
49. Atuladhavajachattam dhotamuttāvalīhi
Valayitamiva rañño tassa sihāsanasmim,
Udayasikharisise tāvatārāvalīhi
Parivutamatisobham candabimbam bahāsa; ()
50. Ghanataratimirehā'vattharattehi loke
Masimalinavilāsam tañkhaṇe dassayanti,
Rajanikarakarehi vipphurattehi phītā
Katanavaparikamme'vā'si sā rājadhāni; ()
51. Himakarakarabhārakkattarattandhakāra-
Galitatimiralekhākāramāvī karonti,
Phuṭakumuda vanesu cāsikundāṭavīsu
Sumadhura madhumattā bhīṅgamālā pamattā; ()
52. Jitasurapativeso dhammacintāparo so
Jalita mañipadīpālokabhinnandhakāre,
Nijasiribhavanasmim hemasihāsanasmim
Nacira mabhinisajjī pañcakāme viratto; ()
53. Sapadi turiyahatthā nīlajimutakesā
Kualayadalanettā candalekhālālāṭā,
Vikacakamalavattā mekhalābhārasonī
Kucavaraviraṅgī cāruvāmorujaṅghā; ()
54. Kumudamudakapolā kuṇḍalolambakaṇṇā
Avivaradasanālimālatīdāmalilā,
Kanakaratanamālābhāragīvā, bhirāmā,
Abhinavavanitāyo naccagītesu chekā; ()
55. Rahadamivapasannaṃ niccalāsinaminaṃ
Sumatimupanisinnaṃ samvutadvārupetaṃ,
Tamabhiratinirāsaṃ buddhabhāvābhilāsaṃ
Abhiramayitukāmā otaruṃ raṅgabhūmiṃ; ()
56. Mañimayavasumatyā pādasaṅghaṭṭanena
Kanakavakalayaghoṣaṃ kāci nicchārayantī,
Calakisalayaṭṭā aṅguli cālayanti
Anulayamabhinaccuṃ hemavallīvilāsā; ()
57. Narapatimukhabimbaṃka lakkhamāpādayantī
Nayanakharasarānaṃ raṅgasaṅgāmbhūmyā,
Jitakalaravavāṇī kāci rāmā bhirāmā
Savaṇasubhagaṅgāṃ gāyamānā vibhāsuṃ; ()
58. Jitasuralalanāyokāvi pañcaṅgikāni
Tadahani turiyāni vādayuṃ lolapāṅgā,
Savaṇamadhuravīṇā bherinādehi tāsāṃ
Gaganatala mivā,si pāvuse raṅgabhūmi; ()
59. Varamati ramaṇīnaṃ taṃ mahābhūtarūpa-
Ppabhavamivavikāraṃ naccamaddakkhi tāsāṃ,
Visamabhavakuṭṭire rājarogāturānaṃ

Asunituriyarāvaṃ gītamaṭṭassaraṃ,va; ()

60. Bhusamanahirato so naccagītesu tāsam
Sirisayanavarasmiṃ sīhaseyyam akāsi,
Itigahitavihesā laddhaniddāvākāsā
Sapadi madanapāsā tā nipajjimsunārī; ()
61. Sahakumudiniyā so suttamattappabuddho
Nijasirisayanasmim sannisinno rajanyā,
Gahitaturiyabhaṇḍe tatthatattho, ttharivā
Yuvatijanamaṃpassi daḥhaniddābhībḥūtam; ()
62. Anilacalakapo lā kāci lālam gilante
Galitabahaḥakhe lā kāci khādanti dante,
Bhagamapagataco lā kāci saṃdassaya nne
Khalitavacanamā lā kāci yaṃyam lapante; ()
63. Khipitamapi karontī kāci kāsantikāci
Iti pacuravikāram nissirikaṃ asāram,
Bhavanamanavasesam tassu, paṭṭhāsi daḥham
Narakuṇapavikiṇṇam āmakāḷāhaṇamva; ()
64. Tadahani tibhavam cā,dittagehattayam,va
Sumariya vatabho, passaṭṭhamopaddutam bho,
Iti paramamudānam kavattayam tabbimutyā
Manasi purisasūro sūrabhāvam janesi; ()
65. Suratacaturarāmārakkhasivāsabhūte
Siribhavanavanasmim mohayantamhi bāle,
Alamiti mama vāso handa nikkhamma tamhā
Tibhavabhayavimuttiṃ esayissāmahaṃ,ti; ()
66. Upakamiya vimānadvāramummārurupante
Sayanupari nipannam channamuṭṭhāpayitvā,
Tamavadi abhigantum kappayitvam, nayeti
Pabalajavaballaggaṃ vājirājam sarājā, ()
67. Gatasati hayasālam taṅkhaṇe channamacce
Sakapatigamanattham esamam kappanattho,
Agamiti sahaḷāto katthako vājirājā
Akari vipulahesārāvamānandabhāro; ()
68. Pavisīya sirigabbham teladīpujjalantam
Ratanakhacitamañce gandhapupphābhikiṇṇe,
Dharaṇipatinipannam hemabimbopamānam
Nijatanujakumāram passibimbāyasaddhim; ()
69. Yadi ahamapanetvā deviyā hatthapāsam
Mama tanujakumāram aṅkamāropayāmi,
Vadanajitasarojā rājinī vuṭṭhahitvā
Vanamahīgamanam me vāraye dunnivāram; ()
70. Tanujamukhasarojam buddhabhūto samāno
Nayanamadhukarānam jātu kāhāmibhāram,
Sumariya caraṇam so uddharanto,va merum

- Avatari bhavanamhā ukkhipitvā pavīro; ()
71. Kuvalayadalanettañcandamamhojavattaṃ
Madanaratharathaṅgākārasussonibhāraṃ,
Kathamavatari bimbānāmadeviṃ pahāya
Narapati bhavanamhā hemabimbābhirāmaṃ; ()
72. Marakatapaṭimābhaṃ sambhavaṃ sakyavaṃse
Samupacitasupuññaṃ lakkhaṇākiṇṇagattaṃ,
Pajahiya sukumāraṃ rāhulākhyāṃ kumāraṃ
Kathamavatari pādamaṇḍamukkhippa dhīro; ()
73. Ripugajamigarājaṃ jambudīpaggarājaṃ
Tadahani piturājaṃ puttasokaṇṇavamhi,
Kathamamitadayo so niddayo pakkhipitvā
Avatari bhavanamhāka uddharitvāna pāde; ()
74. Sakalapathavicakkaṃ cakkavālāvadhiṃ so
Abhivijjiya asattho sattame vāsaramhi,
Narahari katapuñño cakkavatti ahutvā
Kathamavatari tamhā ukkhipitvāna pāde; ()
75. Avatariya vimānā ajja maṃ tārayatvaṃ
Tvamapitibhavato)haṃ uttareyya'nti vatvā,
Tamabhiruhi janindo vājirājinda'matthā-
Rasaratanaṃpamāṇaṃ dhotasaṅkakhāvadātaṃ; ()
76. Pavanaturitavego kanthako vājirājā
Yadahani padasaddaṃ cā'pi hesaṃ kareyya,
Nanu sakalapuraṃ so yāti ajjhottharivā
Tadahani katasaddaṃ vārayuṃ devatāyo; ()
77. Karakamalatalesu devatānimmitesu
Panihitapadavāraṃ assa māruyha dhīro,
Lahumupagami channaṃ vāladhiṃ gāhayitvā
Thirapihitakavāṭadvārapākārupantaṃ; ()
78. Yadi pihitakavāṭugghāṭanaṃ nā'bhavissā
Hayavaramapi channāmaccamādāya sohaṃ,
Asari purisasiho uppateyyanti aṭṭhā-
Rasaratatapaṇṇu'ttuṅgapākāracakkaṃ; ()
79. Tathariva hayarājā channaṃ nāmo ca mantī
Vīriyabalasamaṅgī cīntayuṃ tāvadeva,
Vivari tadadhivatthā devatā coditattā
Purisasadasatenu'gghāṭiyaṃ dvārabāhaṃ; ()
80. Mama visayamasesaṃ esasiddhatthanāmo
Abhibhaviya subodhiṃ jātu bujjhissatīti,
Atha sumariya māro pāpimā'tīvakuddho
Paṭipathamupagañchi nikkhamitvā vimānā; ()
81. Turitamahivajante māraṇimhi māro
Asitanabhasi ṭhatvā itthamārocayittha,
Varapurisa ito kho sattame vāsaramhi

- Tvamahivijjiya lokaṃ hessase cakkavattī; ()
82. Sukhamanubhavamāno cakkavattī bhavitvā
Gharamadhivasa cakkaṃ vattayaṃ yāvajīvaṃ,
Amitamati tuvaṃ mā nikkhamassū'ti māro
Abhigamananisedhaṃ kātumiccānusāsī; ()
83. Namuvilapitavācaṃ sotadhātvañjalīhi
Savisamiva pibanto taṃ tuvaṃ ko'si pucchi,
Pavanapathaḥhito'haṃ issaro devatānaṃ
Naravara vasavattī pāpimā'tye'va māha; ()
84. Suranarasaraṇo so nibbhayo dibbacadda-
Ratanajananaṃ maddhā mārajānāmaha'nti,
Paṭivacanamadāsi mādiso duppasayho
Bhavati dasasahasahā'pi tumhādisehi; ()
85. Yadi manasi siyā te kāmadosabbhiṃsā-
Pabhutiparivitakko tāvajānāma'hanti,
Paṭighaparavaso so kiñciotārapekho
Anupadamanubandhi tassa chāyātheva; ()
86. Punarabhivajatovā'sāḥhiyā puṇṇamāya
Kapilapuravibhūtiṃ daṭṭhukāmamhi jāte,
Vasumati parivattī dassayi assarañño
Puravarabhikumhaṭṭho cetiyaṭṭhānabhumī; ()
87. Sapadi dasasahassicakkavāḷesu devā
Tibhuvanasaṇassā'rakkhaṇe vyāvaṭāsum,
Maṇikanakamayehi daṇḍadīpādikehi
Animisatanaye'ke maggamālokayīṃsu; ()
88. Surabhikusumadāmolambamānabbitāna-
Kanakakalasetacchattaketuddhajeḥi,
Tadahigamanamaggaṃ devatā'laṅkarīṃsu
Bhuvanakuḥaramāsi pupphapūjābhīrāmam; ()
89. Gaganamasanighosacchantamevaṭṭhasaṭṭhi-
Turiyasatasahassāravavipphāramāsi,
Mahitasurabhipupphākiṇṇamaggāvatiṇṇo
Aturitamabhigantvā yojanantiṃsamattaṃ; ()
90. Vimalasalilapuṇṇaṃ pheṇamālābhikiṇṇaṃ
Vikacakamarājīṃ tuṅgakallolarājīṃ,
Sasiratarasamīraṃ vāḷukākiṇṇatiraṃ
Samupagami anomānāmagaṅgaṃ savīro; ()
91. Asitamaṇitalābhā channa kā nāmikā'yaṃ
Iti varamati pucchi so anomānadīti,
Tamavadi yadi tīre ettha'haṃ pabbajeyyaṃ
Ativiya saphakhalā me sā anomāsiyā'ti; ()
92. Ravikulatilako so paṇhiyā vājirājaṃ
Sajavamadadi saññaṃ tāya aṭṭhosabhāya,
Suvimalasalilāyā'nomagaṅgāya tīre

Taraṇiriva ṭhito'si uppatitvā turaṅgo; ()

93. Sitapulinatalaṭṭho tiṇhadhārā'sihattho
Visadamati samoḷiṃ cūlamādāya daḷhaṃ,
Aluni sirasi sesā dvaṅgulā nilakesā
Na tadupari parūlhā dakkhiṇāvattayimṣu; ()
94. Abhavi tadanurūpaṃ dāṭhikā massucā'pi
Ayamupari sacā'haṃ ṭhātu buddho bhaveyyaṃ,
Nabhasi khipi sikhāṃ taṃ iccadhiṭṭhāya dhīro
Paribhaviya ṭhitā sā meghamālāvilāsaṃ; ()
95. Sapadi surapuramhā devarājābhi'gantvā
Tamabhihariya cūlaṃ cāricaṅgoṭakena,
Ratanamayamuḷāraṃ cetiyaṃ māpayittha
Suragaṇamahanīyaṃ tatra cūlāmaṇinti; ()
96. Vidhirabhavi sahāyo yo ghaṭikāranāmo
Adadi samaṇakappaṃka so kaparikkhāramassa,
Gahitasamaṇaveso pubbabuddhā'va nātho
Nabhasi khipi nivatthaṃ sāṭakaṃ saṃharitvā; ()
97. Tamabhihariya dussaṃ pakkhipitvā samugge
Ratanamayamatulyaṃ yojanadvādasuccaṃ,
Akari parahitattaṃ brahmalokeka vidhātā
Makuṭamaṇimaricīcumbiyaṃ cetiyaṃso; ()
98. Pitunaratino tvaṃ bhusaṇādīni datvā
Iti mama vacanenā'rogyamārocayassu,
Sacivamanupalabbhā' dāni pabbajjituṃ te
Pahiṇi hayasahāyaṃ ovaditvāna channaṃ; ()
99. Paṭipathamavatiṇṇo gantukāmo saraṭṭhaṃ
Dharaṇipativiyogā sokaṇibbidhagatto,
Turagapati cavitvā kanthako devaputto
Bhavi kanakavimāne taṅkhaṇetāvatiṃse; ()
100. Sakalavanasurānaṃ aṅjalimaṅjarihi
Mahitaṅcaraṇapīṭho yena pabbajjito so,
Tadavasarianomānāmanajjā samīpe
Vanamanupiyānāmaṃ ambarukkhābhirāmaṃ; ()
101. So nikkhamma abhinnakhattiyakulā nekkhamma dhammālayo
Bhogakkhandhamuḷāracakkaratanaṃ uccārabhāraṃ viya,
Ohāyā'nupiyambanānavipine sattāhamajjhāvasaṃ
Pabbajjāpaṭilābhasambhavasukhaṃ vedesi buddhāṅkuro; ()

Iti medhānandābhidhānena yatinā viracite sakala kavijana hadayānanda dānanidāne
jinavaṃsadīpe avidūre nidāne mahābhinnikkhamana pavattiparidīpo dasamo saggo.

1. Mandānileritatarusaṇḍamaṇḍite
Tasmīṃ tapovanagahaṇe tapodhano,
Bhutvā (pabhāvati) vanadevatā yathā
Dibbaṃ sukhaṃ sukhamanagāriyaṃ tato; ()

2. Yo seniyo narapati māgadho tadā
Yasmiṃ pure vasati puraṅgabhāsuro,
Rājaggahaṃ tamahipavesanatthiko
Addhānamosari samatiṃsayojanaṃ; ()
3. Cakkaṅkitassiricāraṇo susaṅṅāmo
Dīghaṅjasaṃ vasi tadahena khepayam,
Rājaggahaṃ kapuravaramindirālayam
Sampāvisi jitagajarājagāmi so; ()
4. Indāsudhāvalivalayikato mahā-
Maggamhi jaṅgamaṇipabbatoriva,
Khattiṃsalakkhaṇasamalaṅkato mahā-
Vīro taponidhi yugamattadassano; ()
5. Bodhāpayam budhajanamānasambuje
Avhāpayam pathikajana'kkhipakkhino,
Vimhāpayam nijasiriyā sadevake
Tasmiṃ pure cari sapadānacārikam; ()
6. Piṇḍāya gacchatisati rūpadassana-
Pabyāvaṭā'khilajanatāya gotame,
Saṅghobhitā'suramisarehi sā puri
Patte yatheva'surapuri purindade; ()
7. Khattiṃsalakkhaṇasuracāpabhāsuro
Rūpambare varapurisassa gacchato,
Lokassa locanasakuṇāvalitadā
Antam napāpuṇi parisāṅkamantīpi; ()
8. Maṅḅirapiṅḅjarakara kandharāmaṇi-
Keyūrabhāsurasaraṇā sirimato,
Sīmantiṇī paramasiriṃ vipassitum
Dhāvimsu nijjitalahaṃsakāminī; ()
9. Nārijanā mahitumivā'bhigacchato
Rūpindirāya' nimisalocanuppale,
Dhammillavellitabhujacampakāvalī
Dhāvimsu pīvarakucahārapīṭitā; ()
10. Nissāsiniṇī samajalabinducumbita-
Vattambujā sithilitakāsikambarā,
Kācittiyo samaṇamudikkhitum pathe
Dhāvantiyo kimupatisāṅkiyā'bhavum; ()
11. Ugghāṭitā'sitamaṇisihapaṅḅjarā
Rāmāpasāritavadanambujāka vasim,
Daṭṭhum pabhujanabhavanesu taṅkhaṇe
Mandākinisarasivilāsamāharum; ()
12. Ucchaṅgatopatitasutā' bhirūpino
Rūpappalamhitahadayāka pūrīvadhū,
Passantiyo pathikajanassahatthage
Nākaṃsu kiṃ adhikaraṇā'dhiropaṇam; ()

13. Eke janā yatipatirūpadassana-
Kotuhaḷā sakapaṭibhānamabravuṃ,
Sīmantiṇī manakumudāni bodhayam
Patto'tya'yam pakatinisāpatīnukho; ()
14. Sutvāna taṃ sakalakaḷāntaropagaṃ
Bimbaṃ tadaṅkitahariṇaṅkamambare,
Tumhe napassatha himaraṃsino iti
Gabbābhijappitavacanā'parejanā; ()
15. Accherapaṅkajavisarāni cintiya
Saṅcumbituṃ puralalanānana'mbuje;
Verocano idhupagamā virūpimā
Iccabravuṃ punaranisammakārino; ()
16. Sutvāna taṃ gaganatalaṅgane'dhunā
Verocanassa'bhicarato napassatha,
Caṇḍātaṃ thiraparivesamambuja-
Pāṇinti gajjitavacanā'parejanā; ()
17. Uttuṅgamandiramaṇicandikātale
Dibbaccharānibharamaṇihi vaṅcito,
Eyā'marāvatinagariti cintiya
Sakko care nanu sakavādamapakpayuṃ; ()
18. Sakkassa dānavavijayā'bhilāsino
Pāṇimhi dissati vajirāyudhaṃ kharaṃ,
Saṃvijjare dasasatalocanāni'pi
Notādiso ayamiti tabbipakkhino; ()
19. Yā sālavatya'dhivacanā'bhirūpinī
Saṅcodito jitagirijāya tāya ho,
Kelāsapabbatanibhapaṇḍavācala-
Ñattaṃ vajaṃ ayamitiissaro'bravuṃ; ()
20. Tumhe napassatha paramissarassa kiṃ
Naggattanaṃ pasusayano'pavesanaṃ,
Pāṇiṃ kapālakamadhikakkhimaṇḍalaṃ
Itthaṃ paveditavacanā'parejanā; ()
21. Esā'valambitapurakhīranīradhiṃ
Lakkhiṃ samekkhiya nijalakkhisamsayo,
Pītambaraṃ paridahiya'ñjase caraṃ
Nārāyano iti matimappayuṃ sakaṃ; ()
22. Nārāyano kuvalayanīlaviggaho
Kopantaro'ragasayanindirādhano,
Cakkāyudho'llasitakaro'tivāmano
Tabbādamaddanacature'tare janā; ()
23. Vedattayaṃ vibudhajanānamānane
Sva'jjhāyataṃ vasatinukho sarassatī,
Saṅjātasamsaya jaṭito pitāmaho
Tassāgavesanapasuto'tyu'dīrayuṃ; ()

24. Sutvāna taṃ sarasijayonino sadā
Pāṇimhi vijjati varamattapotthakaṃ,
Cattāricānanapadumāni dissare
Gacchaṃ ayaṃpana puriso natādiso; ()
25. Suddhodanavhayavasudhādhipa'trajo
Buddho bhavissati iti vedakovidā,
Koṇḍaññābhusurapamukhā dvijā tadā
Pabyākaruṃ tanu bahubhāsaṇena kiṃ; ()
26. Ukkaṅṭhito sakabhavanā mahāmatī
Nikkhamma sattamadivasoti vissuto,
Āpāthagaṃ nijasavaṇaṅjalihi bho
Taṃ byappathaṃ napivatha kiṃ yathāmatāṃ; ()
27. Vedāgataṃ varapurisaṅgalakkhaṇaṃ
Dehamhi vijjati samaṇassa gacchato,
Andhā'va bho apagatarūpadassanā
Tumhe'pi kiṃ talahatha rūpadassanaṃ; ()
28. Nikkhamma chaḍḍitavibhavo mahākulā
Suddhāsayo sugahiya pattacīvaraṃ,
Pabbajjiyā'nahiramito bhavattaye
Atthācamaṇaṃ anugharamaṅjase'dhunā; ()
29. Suddhodanāvanipatino varoraso
Eso samujjalasatapuññalakkhaṇo,
Vyāpārito kusalabalena bodhiyā
Hote'va gotamasamaṇo nasamsayo; ()
30. Disvā tapodhanamahiyantamaṅjase
Ye mānavā sakasakavādamappayūṃ,
Tabbādabandhanaviniveṭhanā paraṃ
Iccāhu paṇḍitapurisā yathāvato; ()
31. Dutā tadā surasi samappitaṅjalī
Rañño tamacchariyapavattimāharuṃ,
Addakkhi bhupati caramānamaṅjase
Piṇḍāya'thabbivariya sihapāṅjaraṃ; ()
32. Nā go siyā paṭhaminimujjanaṃ ka re
Yakkho siyā sahayamadassanaṃ ka re,
De vo siyā gaganatalaṅgaṇaṅca re
Poso siyā yadī paṭiladdhamāha re; ()
33. Dūtenu'sāsiya magadhādhipo iti
Vīmaṃsitūṃ pakatimanaṅgahaṅgino,
Pāhesi te padamanugammu'pāgamuṃ
Saddhiṃ mahāsamaṇavarena paṇḍavaṃ; ()
34. Vikkhālayaṃ mukhakamalaṃ kule kule
Bhikkhāṅgaṇa' bhīṭaṃissabhojanaṃ,
Laddhā jigucchiya vasi paṇḍavācala-
Cchāyāya mārabhi sunisajja bhuṅṅjitūṃ; ()

35. Bhattamhī kukkuravamathūpame muhuṃ
Antodaraṃ pavisati dhīmato sati,
Antāni bāhirakaraṇāni'vā'bhavuṃ
Taṃkho sahī vasisanisampajaññavā; ()
36. Pabbajjitaṃ sugahitapattacīvaraṃ
Disvā ratim pajahiya rājabhojane,
Siddhattha no tvamabhigamittha attanā
Attānamovadiya pabhuñji bhojanaṃ; ()
37. Dūtehi coditahadayo dayādhanō
So māgadho narapati tena pāvisi,
Yenā'si paṇḍavagiri bhadravāhanaṃ
Āruyha dassanarasaghedhalocano; ()
38. Aññāya sākiyakulasambhavaṃ vaṣiṃ
Rājā pasidiya ariye'riyāpathe,
Mā kāhase sakha iti dukkaraṃ kharaṃ
Rajjena taṃnarapavaraṃ pavārayi; ()
39. Rajjena kiṃ tava caturaṇṇavāvadhim
Rajjaṃ nijam pajahiya āgatassa me,
Bodhim pabujjihiya paṭhamam tathāsati
Āgacchataṃ mama vijitanta'voca naṃ; ()
40. Datvā paṭissavamatha bhumibhattuno
Lokassa locanamaṇitorañākule,
Dīghañjase vasi ṭhapitaṅghipaṅkajo
Āḷārakaṃ isipavaraṃ upāvisi; ()
41. Patvāna kiṃ kusalagavesi so vasi
Āḷārakaṃ virajamuḷārajhāyinaṃ,
Icchāmahanti'si tava santike'dhunā
Dhammaṃ samācaritumidhāgato bruvi; ()
42. Sutvāna taṃ tatiyamarūpikaṃ vasi
Jhānaṃ viyākari paṭiladdhamattanā,
Khippaṃ taponidhipagaṇaṃ akāsi taṃ
Dhammaṃ sakācariyanayā'valambiya; ()
43. Nā'yaṃ vasi tanutarasaddhayā mamaṃ
Dhammaṃ sayam samadhigataṃ viyākare,
Gosāmiko yathariva pañcagorasam
Addhāphalaṃ anubhavatī tintiya; ()
44. Kālāma dve adhigatajhānasambhavaṃ
Tvam yāvatāsukha manubhosi maṃ vada,
Puṭṭhassa tassi'ti nacakiñci bhāviyaṃ
Ākiñcanaṃ avaca akiñcanālayo; ()
45. Saṃvijjare mamapaki imassi've'sino
Saddhāsativīriyasamādhībuddhiyo,
Evaṃ vitakkiya naciraṃ katussaho
Jhānaṃ labhī tatīyamarūpikaṃ vasī;

46. Yaṃ kho tuvaṃ viharasi jhātamaṃpāpito
Sampajja sampati viharāmahanti taṃ,
Āḷāri'si varapurisena sāvito
Lābhā'vusotyavaca suladdhamāvuso;
47. Jānāmi pāvacaṇamaṃ yathā tuvaṃ
Jānāsi pāvacaṇamaṃ yathā tuvaṃ,
Tvamaṃ tādiso ahamapi yādiso bhava
Tvamaṃ yādiso ahamapaki tādiso bhava;
48. Ehā'vuso samaṇa mayaṃ ubho janā
Kāhāmi'to pariharaṇaṃ gaṇassi'daṃ,
Vatvāna ācariyasamānako sakamaṃ
Sissaṃ akā tamasaṃmattānaṃ samaṃ; ()
49. Dhammopya'yaṃ nabhavati nibbidāya vā
Bodhāyavā navupasamāya kevalaṃ,
Āruppabhumiyaṃ upapattiyā siyā
Iccānalānkariya tato apakkami; ()
50. Kālamato uparivisesaṃuddako
Jaṅṅhā'tya'yaṃ sumariya rāmaputtako,
Patvā'ssamaṃ samadhigataṃ tvayā'pa'haṃ
Dhammaṃ samācaritumidhāgato'bruvi; ()
51. Ñatvā sakācariyamatañhi buddhimā
Dhammañcare mama samayo ca tādiso,
Vatve'vamuddakavasi khīpakpamattano
Sikkhesi pāvacaṇapathe tapodhanaṃ; ()
52. Saddhāya maṃ sakasamāyā'nusāsako
Addhā samādhijaphalamāhare'tya'yaṃ,
Cintāparo varapuriso arūpikaṃ
Jhānaṃ valañjasi katamantya'pucchi naṃ; ()
53. Sutvā tamuddakavasi santamānaso
Santamañhi'daṃ paramamidanti bhāviyaṃ,
Sāmaṃ valañjanakamarūpabhūmikaṃ
Jhānaṃ catutthakamavikampamāharī; ()
54. Saṃvijjare mamaṃ manonīketane
Saddhādisaggaṇaratanāni'massi'va,
Evaṃsaraṃ naciramarūpikaṃ vasi
Jhānaṃ labhī vīriyabalēnavā'ntamaṃ; ()
55. Laddhaṃ tayā yamadhigatanti tammayā
Ārocite samaṇa vare'sipuṅgavo,
Amhe gaṇaṃ supariharāmu'bho'timaṃ
Vatvā tamācariyadhurena mānaya; ()
56. Nā'yaṃ patho bhavaṃ parimuttiyā siyā
Addhābhava mamaṃ bhavaṃ ggaṃ pattiyaṃ,
Evaṃ vavatthitahadayo mahādayo
Nibbijjaso tadapagato'nalaṃṭhi; ()

57. Mokkhesako jītavavāraṇakkamo
Ekocaraṃ vasi magadhesu cārikaṃ,
Senānivissunnigamo yahimsiyā
Taṃ tāpasālayamuruvelamosari; ()
58. Addakkhi so hariṇavihaṅgamākulaṃ
Mandānileritatarusaṇḍamaṇḍitaṃ,
Neraṇjarāsālipavāhasitalaṃ
Pāsādikaṃ paramatapovanaṃ tahiṃ; ()
59. Antojaṭaṃ jaṭilajaṭā'livumbita-
Pādambujo vijaṭayituṃ ghaṭaṃ vasi,
Attāhitāpanapaṭipattiyā tahiṃ
Vijjādhare jaṭilavare pasādayī; ()
60. Sañcārīto janapadacārikaṃ tadā
Patvā tapovanamatha pañcavaggiyā,
Bhikkhu mahāpurisamupaṭṭhahimsu taṃ
Āraddhadukkarakiriyaṃ yathābalaṃ. ()
61. Dhīro'tidukkarapaṭipattipūraḱo
Dantāni vīsatisānehi vīsati,
Tāluṃ nirumhiya rasanāya cetasā
Cittaṃ nipīlayi paritāpayi tahiṃ. ()
62. Paggayha muddhani balavā'tidubbalaṃ
Nippīlaye yathariva dhīmato tathā,
Attāhitāpanapasutassa paggharaṃ
Kacchādīnā'dhīkatarasedabindavo; ()
63. Maggobhavatya'yamiti bodhisiddhiyā
Appāṇakaṃ paṭipada mācaraṃ ciraṃ,
Vāsaṃ akā vasi mukhato ca nāsato
Assāsamappaṭipaṭimo'parundhiya; ()
64. Ruddhesu tesva' pihitasotarandhato
Vāto'bhinikkhami adhimattanissano,
Kammāragagarimukhato ravo bhusaṃ
Niggacchate abhidhamanena seyyathā; ()
65. Yāvedanā kharasikharena jāyare
Sīsassa vijjhanasamaye sukhatthino,
Evaṃ tadā kaṭhinasirorujā'bhavaṃ
Ruddhānilassa hi mukhakaṇṇanāsato; ()
66. Vātābhighātanāsamaye sudhimato
Sīse'bhavaṃ punarapisavedanā,

- Daḷhena yo sirasi varattakena yaṃ
Daḷhaṃ dade yathariva sisaveṭhanam; ()
67. Sammā nirumhitamukhakaṇṇanāsato
Dhīro samīraṇamuparundhicu'ttarim,
Gabbhantaram kharataravedanā'turam
Vātā'bhimanthiya parikantayum tato; ()
68. Goghātako caturataro vikattaye
Kucchiṃ gavaṃ tikhiṇavikantanena ce,
Ruddhātīleha'nariyamaggagāmino
Jātā tathā kharatara kucchivedanā; ()
69. Appānakam punarapi jhānamācaram
Vīro samīraṇa muparundhi sabbathā,
Cīntubbhavam sakamukhakaṇṇanāsagam
Tenā'si kāyikadaratho dhitīmato; ()
70. Daḷhaṃ ubho carapurisā mahabbalā
Bāhāsu gaṇhiya purisaṃ'tidubbalaṃ,
Aṅgārakāsuyamahitāpayantice
So tādisiṃ anubhavi dukkhavedanam; ()
71. Khittam kalīngaramivakāvidevatā
Ruddhānilubbhavakharavedanāturam,
Vīram vilokiya patitam tapovane
Pabyākarumka varapuriso mato iti; ()
72. Kālamkarotya'yamiti kāci devatā
Nocāhukim taditara devatā vataṃ,
Asse'va gotamasamaṇassa mārisā
Ārocayum viharaṇamīdisamiti; ()
73. Yamnūna'ham paṭipadaheyyamāyatim
Āhārayāpanaharaṇāya sabbaso,
Evaṃ sacintayi karuṇāya coditā
Tā devatā tuvaṭumupecca gotamaṃ; ()
74. Ārocayum yadipana niccabhojano-
Pacchedanam samaṇatuvam karissasi,
Kāhāma te mayamitolomakupato
Dibbojamokiriya sariratappaṇam; ()
75. Ghāsassachedanavīriyam karomi ce
Yāpenti tā madhura sudhārasena maṃ,
Tenā'bhiyāpanavidhimicchato sato
Tamkhotappaṃ nabhavati kim musā mamaṃ; ()
76. Nālanti so kuhanavasena devatā-
Vimhāpaneti'ha nijadehatappaṇam,
Evaṃ anussariya'nuvāsaram vasī
Āhāramāhari virasaṃ parittakam; ()
77. Svācelako vicarīkarāpalekhaṇo
Ācāramuttya'bhavi nacehitiṭṭhiko,

- Uddissakaṃ abhihaṭakaṃ nimantaṃ
Nāsādayi piṭakakalopikumbhikaṃ; ()
78. So daṇḍamuggaramusale'ḷakantaraṃ
Pāyantigabbhinipaniṭhi cā'haṭaṃ,
Sāmakkhikāvisaya muhinnamekikaṃ
Saṅkittinodanamapi nābhisādayī; ()
79. Sovīraṃ napivi suraṃ namerayaṃ
Sukkhāmakāṃ yadapi tikovisuddhikaṃ,
So macchamaṃsakavikaṭiṃ paṭikkhipi
Appekadā tapasi nirāmagandhiko; ()
80. So sattatoppabhuti kamena hāpayāṃ
Yāvekamāhari kabalaṃ balatthiko,
So sattatoppabhuti kamena hāpayāṃ
Ekaṃ kulaṃ upagami yāva bhikkhituṃ; () (Yamakabandhanaṃ)
81. Ekāya dīhipi ticatūhi pañcahi
Dinnaṃ paṭiggahi chahi dattisattahi,
Ekāhikappabhutikamaddhamāsikaṃ
Mūlaṃ sayāṃ patitaphalaṃ pabhuñji so; ()
82. Sāmākataṇḍulamathasākamaddakaṃ
Nīvāraṇḍakahaṭadaddulādikaṃ,
Piññākagomayaṭiṇa jhāmakodanaṃ
Vīro mahāvikaṭamaṇubhuñji so; ()
83. Thokaṃ pivi pakasatamitaṃ hareṇuka-
Yūsaṃ tathā canaka kulatthamuggajaṃ,
So appabhojanaparamo sajīvitāṃ
Ekena yāpayi tilataṇḍulena'pi; ()
84. Sāṇammasāṇa?Jina'jinakkhipacchava-
Dussaṃ tirīṭakakusavākacīraṃ,
So kesakambalamapivāḷakambala
Moḷukapakkhikaphalakānya'dhārayi; ()
85. Dubbaṇṇanattakamayamaggapuggalo
Appekadā paridahi paṃsukūlakaṃ,
Attantapovaraṇa parāyaṇo bhavi
So massukuntalatanulomalocako; ()
86. Ubbhaṭṭhako'bhavi parivajjitāsano
Ukkaṭṭhamukkuṭikavataṃ adhiṭṭhahī,
Uddhaggakaṇṭakavīsime apassaye
Seyyaṃ akā tadupariṭhānacaṅkamaṃ; ()
87. So sāyatatiyakamudakāvarohaṇa-
Yutto pavāhayitumaghaṃ samussa hī,
Ātāpayāṃ iti paritāpayāṃ sakaṃ
Dehaṃ ciraṃ parihari pāpabhīruko; ()
88. Yo nekahāyanagaṇiko'tthi'tinduka-
Rukkhassa kho papaṭikajātakhāṇuko,

- Evam tathā papaṭikajātamattano
Gattañca sannivitarajomalaṃ bhavi; ()
89. Sovā paro natu parivajjayī rajo-
Jallāni kajjalalināni pāṇinā,
Dehaṃ subhojanañahanena jajjaraṃ
Telaṃ vilepiya rajasā'bhithūlayī; ()
90. So dve'kapassayikavataṃ papūrayī
Āpānako' bhavi phalake'pi thaṇḍile,
Seyyaṃ akāka vihari vivekakāmavā
Ajjhogaṃ adutiyako mahāvanaṃ; ()
91. Pāṇe ime visamagate'tikhuddake
Nā'haṃ vadhissamiti paṭicca'nuddayaṃ,
Ussāvamaddanahirabhīrutāya so
Nātho abhikkami ca sato paṭikkami; ()
92. Ninnatthalā vanagahanā vanāsayo
Ninnatthalaṃ vanagahaṃ migo yathā,
Hīto vipassiya vipinopage jane
Tāsābhibhū papanati evamevakho; ()
93. Disvāna luddakavanakammikādayo
Gopālake tiṇaṇakataṭṭhahārake,
Mācaddasaṃ ahamapi tetya'yamjano
Mā maṃ vipassatu samadhiṭṭhahaṃ vataṃ; ()
94. Ekovasaṅgaṇikavihārabhītiyā
Ninnatthalā vanagahanā taponidhī,
Ninnatthalaṃ vanagahaṃ papāta so
Tassāsi tādisi pavivittatā tadā; ()
95. Yasmiṃvane caratamavītarāgīnaṃ
Romuggamo caraṇatalāni kampare,
Disvāna bhīṃsaṇakavanaṃ tathāvidhaṃ
Ajjhogaṃ vasi pavivekakāmavā; ()
96. Ussāvapātatasamaye'ntaraṭṭhake
Hemantike sisiratarāya rattiya,
Abbhāvākāsika mabhipūrayi vataṃ
Kicchaṃ vasi vasi vanasaṇḍago divā; ()
97. Gimhotu pacchimadivasantare divā
Abbhāvākāsikadhutadhammapūraṃ,
Rattiṃ vane vihari javaṭṭhikānyu'pa
Nissāya so asayi susānabhūmiyaṃ; ()
98. Buddhaṅkuram upagamiyo'thubhanti'pi
Omuttayantipi rajaso'kiranti'pi,
Gomaṇḍalā savaṇakhilesu daṇḍakaṃ
Datvā vadāpayitumupakkamanti'pi; ()
99. Sovādhivāsayaṃ satimā upekkhako
Taṃvedanaṃ kaṭukaka manaññavediyaṃ,

- Dukkhe sukhe sumati tulāsarikkhako
Bālesu tesva'pi navikopayimanam; ()
100. Āhāratappaṇavidhinā visuddhi'ti
Eke vadanti'ha samaṇāññatitthiyā,
Kolāḍibhojanavikaṭiṃ tathāvidham
Appicchatāya'nubhavi suddhikāmavā; ()
101. Appojabhojanavikaṭiṃ pabhuñjato
Khattiṃsalakkhaṇasiriyā samujjalam,
Kāyo suraddumaruciro'dhimattaka-
Sīmānamatṭhikataca māpadhīmato; ()
Pabbānivā asitalanāsva'sitika-
Vallisu unnata'vanatāni seyyathā,
Āsum tathā karacaraṇādikāni'pi
Tassu'natonata'vayavāti viggāhe; ()
103. Mokkahesino karabhapaḍamva nissiriṃ
Nimmamsa mānisada mahū sirimato;
Tassu'ntatāvanatakapiṭṭhikaṇṭako
Āsi yathāvalayitavaṭṭanāvali; ()
104. Gopāṇasi sithilitabandhanā jara-
Sālāya hetṭhupariṭṭhite'va dhīmato,
Nimmamsalohitakakalebare pya'va-
Bhaggā bhavum pavisamaphāsukāvali; ()
105. Appam kubhojanavikaṭiṃ pabhuñjano
Tassa'kkhikūpagayugalakkhitārakā,
Okkāyikā abhavu magādhagā tadā
Gambhīrakupagadakatārakāka viya; ()
106. Vātātapena' bhiphusito yathā'maka-
Cchinno'bhisamphuṭani alābu tittako,
Sīsacchavī sukhumachavissa bhojano-
Pacchedanena'bhiphuṭitā ṭhitam tathā; ()
107. Tassodaracchavi pana piṭṭhikaṇṭakam
Alliyi so muni malamuttamocako,
Okujjito paripati pūtimūlaka-
Lomāni tabbapugalitāni bhūmiyam; ()
108. So piṭṭhikaṇṭakamavasaṅgapāṇinā
Kucchicchaviṃ phusitumito parāmasi,
So piṭṭhikaṇṭakamavasaṅgapāṇinā
Kucchicchaviṃ phusitumito parāmasi; () (Yamakabandhanam)
109. Kālonukho varapuriso'ti no tathā
Sāmonukho napi nanumaṅguracchavi,
Āsum tadā kavimatikathāparā narā
Disvā malaggahitamasobhanacchaviṃ; ()
110. Ye santī sampatī samaṇā'bhavum pure
Attantapā tapasi anāgate siyum,
Te vedanam kaṭukamitodhikam kimu

Vedenti vedayu mabhivedayissare; ()

111. Īhāya dukkarakiriyāyi' māya' pi
Neva'jjhagā yamariyañānadassanaṃ,
Attūpatāpanakasirassa kevalaṃ
Bhāgī bhavi anariyamaggagāmisso; ()
112. Saṃsāre sātisāre barataradarathe saṃsaraṃ saccasandho
Khedevedesi devāsiranarasaraṇoesayaṃsattasantiṃ,
Dhīrovīrovaroyopabhavabhavabhayopāpatāpabbipatto
Āyogaṃ yogiyogī parihari hirimāevamevacchavassaṃ; () (Muttāhāra bandhanaṃ)

Iti medhānandābhīdhānena yatinā viracite sakala kavijana hakayānandadānanidāne
jinavaṃsadīpe avidurenidāne mahābodhisattassa mahā padhānānuyogappavattiparidīpo
ekādasamosaggo.

1. Kāmaṃ kāmasukhallikā' nuyogo
Hīno' natthakaro' tyā' ne('karūpaṃ),
Cintetvāna tapovanaṃ vimānā
Tvam siddhatthu' pagamma kāhase kiṃ; ()
2. Konāma'ntu' patāpanā' nuyutto
Patto hoti sukhappadaṃ kadāci,
Tasmā attu' patāpanā' nuyogo
Hīno' natthakaro' ti cintayassu; ()
3. Attānaṃ sayamevamovaditvā
Piṇḍāyā' nugharaṃ caritva laddhaṃ,
Bhattaṃ bhuttavato sakamhi kāye
Āsuṃ pākatikāni lakkhaṇāni, ()
4. Hīnantadvayavajjanena jātu
Ñānukkamaṃsagatamhi tamhi vīre,
Bodhāyū' pasamāya nibbidāya
Ukkaṭṭhaṃ paṭipattimācarante; ()
5. Chabbassānya' nidukkaraṃ karitvā
Bodhiṃ nājjhagato subhojanāni,
Bhuñjanto kimu kubbate' padhānā
Vibbhanto iti pañcavaggiyāyaṃ; ()
6. Madaditvā sikataṃ sinehaladdhā
Kevā' suṃ samaṇaṃ hi' maṃ upecca,
Ko mūlho' dhigamādhigantumicche
Cintetvā migadāyamotariṃsu; ()
7. Senānīnigame tadāni seṭṭhi-
Dhītā sāmikulaṃ alaṅkatā' si,
Bhārenā' vanataṅginī kucānaṃ
Haṃsivā' lasagāminī sujātā; ()
8. Jāte patthitapatthanāsamiddhe
Rukkhā' dhiggahitāya devatāya,
Kātuṃ sābalikammaka mānayatvā
Dhenū laṭṭhivanopagā sahaṃsaṃ; ()

9. Tāsaṃ pañcasatāni duddhakhīraṃ
Pāyevā katapuna yāvata'ḍhadhenū,
Khīraṇaṃ parivattanaṃ vidhāya
Paccūsamhi dudoha tā'ḍhadhenū; ()
10. Missetvā sayamevava duddhakhīraṃ
Pāyāsaṃ pacituṃ samārabhittha,
Devā tattha sudhārasaṃ khipivā
Ārakkhādimakaṃsu uddhanasmim; ()
11. Tassā'si himāvācalo'padhānaṃ
Pallaṅko pathavitalaṃ ahū ce,
Hatthā pacchimapubbasāgaresu
Pādā dakkhiṇasāgare bhaviṃsū; ()
12. Uggantvā tiṇajāti nāhirandhā
Tassā'hacca ṭhitā nabhaṃ asesāṃ,
Chādesuṃ caraṇuṭṭhitā'ssa kaṇha-
Sīsā'jānuyugā'pya'kaṇhakīṭā; ()
13. Cattāro sakuṇā catuddisāhi
Patvā tappadapañjaraṃ vivaṇṇā,
Setā'suṃ puthumībhapabbatassa
Sīse caṅkami so alimpamāno; ()
14. Icevaṃ sumati'tṭhapākādāni
Passivā supināni pañca niṭṭhaṃ,
Patto ajja bhavāmahanti buddho
Nigrodhaṃ samupecca sannisīdi; ()
15. Sodhetāṃ sahitā tu puṇṇadāsī
Paccūse vaṭamūlapubbasele,
Taṃ lokekaraviṃ virājamānaṃ
Disvā'voca sujātametamatthaṃ; ()
16. Lakkhaggaṃ haripātimāharitvā
Sā āvajjayi pakkabhājanaṃ so,
Pāyāso vinivaṭṭito ṭhito'si
Tāyaṃ pokkharapattatova'toyāṃ; ()
17. Sā aññāya suvaṇṇapātiyā taṃ
Chādetvā muditā pasantacittā
Gantvā maṇḍana maṇḍitā sasīse
Katvā pūjayi bhojanaṃ sujātā; ()
18. Kālaṃ ettakamevabodhisattaṃ
Nātikkamma vidhātudinnapatto,
Sampatto'si adassanaṃ tato taṃ
Pātiṃ soṇṇamayaṃ paṭiggahetvā; ()
19. Haṃsālimalinīkatāravinda-
Reṇucchannasunīlanīrapurā,
Yā nerañjaravissutā'si tāya
Najjātīramagañji sattaśāro; ()

20. Pāyāsāmisapunnasonṇapātīṃ
Kāsāvāni jinaṅkuro ṭhapetvā,
Tīre tāya savantiyā nahātuṃ
Titthaṃ gandhagajorivo'taritttha; ()
21. Rolambākulanīlanīrajehi
Sevālehi nadījalāṃ sunilāṃ,
Nikkhantajjutisañcayehi dehā
Otiṇṇassa jagāma piñjarattaṃ; ()
22. Gaṅgākāmini kañjareṇugandha-
Cunṇaṃ tuṅgataṅgabāhunā taṃ,
Bhattāraṃ salilena sītalena
Makkhetvāsunaḥāpayantī'vā'si; ()
23. Tulyaṃ tabbadanambujena laddhuṃ
Āyantaṃ raviraṃsisāṅgamaṇa,
Haṃsasseṇi sarojakosarāsīṃ
Saṃdūsesi āvāriyo hi pāko; ()
24. Tīre sārasacakkavākapakkhī
Sosāya'ssavisāritāṃ'sapakkhā,
Gambhīraṃbhasi mattamāhariṃsu
Maññe nikkaruṇāya ettakantī; ()
25. Tuṇḍe maṇḍitapuṇḍarīkadaṇḍo
Pakkhe keravapaṇḍare pasārī,
Nāthassu'bbahī mattahaṃsarājā
Setacchattavibhūtimuttamaṅge; ()
26. Vattamhojapalobhitālicakkaṃ
Cakkhavāpāthagataṃ jinaṅkurassa,
Saṃdassesī padhānabhuṭhitassa
Nilasmiṃ kasiṇamhi bhūtibhāraṃ; ()
27. Veyyāvaccakarārivāpagāyaṃ
Sevālādimalāpanena mīnā,
Pādañcandaḡamīnalakkhaṇassa
Tassa'gge vimalikariṃsu vāriṃ; ()
28. Uttiṇṇassa visālasālasākhī-
Sākhāhatthapuṭehi puñknāya,
Gattaṃ mandasugandhagandhavāha-
Vatthaṃ sālavanaṅganā adāsī; ()
29. Lokindo parimaṇḍalaṃ nivattho
Chādetvāna timaṇḍala'ntariyaṃ,
Bandhitvopari kāyabandhanampi
Kāsāvaṃ paridhāyi paṃsukūlaṃ; ()
30. Pāyāsassa nirūdakassa ūna-
Paññāsappamite vidhāya piṇḍe,
Pācīnābhīmukho nisajja najjā
Tīre tāya akāsi bhattakiccaṃ; ()

31. Pāyāso madhuro'yamassa satta-
Sattāhaṃ paṭividdhabodhino hi,
Ojāsamapharaṇāya ṭhānamāsi
Tasmā so pavihāsi nibbihesaṃ; ()
32. Bujjheyyaṃ yadi bodhimajja sohaṃ
Uddhaṃsotamayaṃ suvaṇṇapāti,
Gaṅgāyaṃ khipaki gacchatūti vatvā
Dhīmā dakkhiṇahatthagāṃ tamagghaṃ; ()
33. Sotaṃ bhindiya sā savantimajjhe
Ṭhatvā pāti yato asītihatthaṃ,
Uddhaṃsotamupecca sannimujji
Tasmā so'pi nimujji pītinajjaṃ; ()
34. Nāgānaṃ bhavanaṃ upecca tiṇṇaṃ
Buddhānaṃ panimamhi bhaddakappe,
Sāpātiparibhuttasoṇṇapāti
Ghaṭṭetvāna ṭhitā katānurāvā; ()
35. Taṃ dīghāyukakālanāgarājā
Sutvā saddamathajjape'kabuddho,
Uppannoti jinaṃ abhitthavanto
Aṭṭhāsi thutigītikāsatehi; ()
36. Chāyābaddhavisālasālasālaṃ
Patvāsālavanaṃ nadīsamīpe,
Ājīvaṭṭhamasīlasaṃvarena
Ādoyeva visuddhakāyavāco; ()
37. Katvāṭṭhārasapiṭṭhikaṇṭakānaṃ
Koṭīnaṃpaṭipādanaṃ kamena,
Pallaṅkassanisajjabandhanena
Kammaṭṭhānasatiṃ upaṭṭhapetvā; ()
38. Ānāpānasatiṃpariggahetvā
Nibbattesimalaggahītapubbe,
Rūpārūpasamādhayo'ṭṭhapañcā-
Bhiññāyo vasitāca so vasīso ()
39. Jhānassādarato divāvihāraṃ
Katvā sālavanaṃ surāsurehi,
Dhīro maggamalaṅkataṃ karīva
Gantaṃ otariyatrabodhimūlaṃ; ()
40. Lājādīkusumehivippakiṇṇo
Muttāpaṇḍaravāḷukātthato so,
Maggo tuṅgatarāṅga bhaṅgahāri
Lakkhīvāsapayodadhīri'vā'si; ()
41. Majjhā'ropitapaṅkajābhirāmaṃ
Muttādāmasamākulaṃ samantā,
Kaṇṇolambasuvaṇṇaghaṇṭamaṃ
Deṭṭā dibbavitāna mukkipiṃsu; ()

42. Lokattham karaṇāya coditasmiṃ
Tasmiṃ lokadivākare' kavīre,
Gacchante sahaḥajātabodhimūlaṃ
Āloko udapādi sabbaloke; ()
43. Āyantam tiṇhāraḥko pathamhi
Disvā sotthiyanāmahūso taṃ,
Pādāsi tiṇamuṭṭhiyo' tṭhamattā
Nātho tāni tiṇāni sampaticchi; ()
44. Vattatte varapāṭihāriyamhi
Magge gandhagajo' ca jamhamāno,
Sampatto karuṇākalattabhattā
Sambodhādhiḡamāya bodhimūlaṃ; ()
45. Tassosīdaṭṭhitam' va cakkavālaṃ
Heṭṭhā dakkhiṇato' ttarānanaṣṣa,
Paññāyu' ttaracakkavālamuddham
Laṅghitvānaṭṭhitam' va ābhavaggaṃ; ()
46. Evaṃ pacchimamuttaram disampi
Aṭṭhānanti padakkhiṇam karonto,
Gantvā ṭhānavaram puratthimasmiṃ
Aṭṭhāsi vasi pacchimānana so; ()
47. Dhīmā dakkhiṇapāṇipallavena
Agge tāni tiṇāni sattharī so,
Tamhā cuddasahatthamuppatitvā
Pallaṅko samalaṅkarī dumindaṃ; ()
48. Dakkho kārupavīṇacittakāro
Kātuṃ vā' likhituṃ yathānaṣṣakā,
Aṭṭhaṃsu haritāni santhatāni
Evaṃ tāni tiṇāni uppatitvā; ()
49. Maṃsādī upasussare nahārū
Aṭṭhīcepyavasissare sarīre;
Muñceyyaṃ caturāsavehi yāva
Bhindissāmi natāvimaṃ ahanti; ()
50. Daḷham cintiya daḷhamānaṣo so
Pācīnābhimukho dumindaḡbandham;
Katvā piṭṭhiḡataṃ nisīdi bodhi-
Pallaṅkamhi yugandhare ravī' va; ()
51. Lokeso sasimaṇḡalāvabhāsaṃ
Setacchattamadhārayī tadaññe,
Suddhāvāsatalaṭṭhadevatā taṃ
Pūjesuṃ makuṭappitaṅjalīhi; ()
52. Ye rūpāvacare vasanti devā
Te ca' ṇñātra asaṅṇāsaṭṭadeve,
Sampatvā vajirāsane nisinnaṃ
Pūjesuṃ kuṣumākulaṅjalīhi ()

53. Ekacce paranimmitādilokā
Patvā bhattibharā'marā mahiṃsu,
Pūjābhaṇḍasamābhikiṇṇahatthā
Mārāriṃ tahimāpa pāpimā kiṃ; ()
54. Ye nimmāṇaratimhi nijjarā te;
Patvā gandhakaraṇḍamaṇḍalehi,
Sampūjesumalaṅkataṅhipīṭhaṃ
Naṃ seṭṭhaṃ vijayāsanopaviṭṭhaṃ; ()
55. Aṭṭhāsi tusitālayā saseno
Patvā santusitavhadevarājā,
Vijento harimora piṅchapuñja-
Sobhaṃ kañcanatālavanṭapantim; ()
56. Patvā yāmasurālayā saseno
Saṃvijesi suyāma devarājā,
Dhīraṃ soṇṇapaṇālikānipāta-
Dhārāsannibhacārucāmarehi; ()
57. Devindo vijayuttarākhyasankhaṃ
Vīsaṃ hatthasataṃ dhamītadaññe,
Pūjesuṃ tamupecca koviḷāra-
Pupphādīhi ca tāvatimśadevā; ()
58. Yakkhādīhi purakkhatā'pi deva-
Rājāno caturo catuddisāsu,
Rakkhaṃ saṃvidahiṃsu devalokā
Taṃ patvāna vinaṭṭhalomahaṭṭhaṃ; ()
59. Vādentō saramaṇḍalaṃ vidhāya
Vīṇaṃ pañcasikho'pi beḷuvākhyam,
Taṃ sampūjayi kālanāgarājā
Thomento thutigītikāsatehi; ()
60. Evaṃ kāhaḷabherisaṅkhavīṇā-
Ghaṇṭāvījanichattacāmarehi,
Naccādīhicalājapañcamehi
Dīpaddhupadhajehi mānayuṃ taṃ; ()
61. Siddhattho paṭisiddhamāradheyyo
Kattuṃ attavase sadevalokaṃ,
Sutvā vāyamatīti bodhimaṇḍe
Māro tatra samārabhitthagantuṃ; ()
62. Tasmim kho samaye bhayāvahāni
Mārasso'taraṇāya kāraṇāni,
Cakkhacāpāthagatāni dunnimitta-
Rūpādīni tilokalocanassa; ()
63. Sukkha'mhodhararāvabherirāva-
Vipphārābadhirīkatambarampi,
Bhīmaṃ vijjulatā'sighaṭṭaṇehi
Mārassā'havambḍalābhamāha; ()

64. Mārassā'gamaññase rajova
Vājīnaṃ khuraghaṭṭaṇena jāto,
Ukkāpātasataṃ janesi tassa
Cakkhavāñiṭṭhaphakhalam disāsu ḍāho; ()
65. Vehāse vicaruṃ kabandharūpā
Kākolā balipuṭṭhavāyasārī,
Unnādiṃsu kharānilo pavāyī
Abbhūṭṭhāsi rajo disāsu dhūmo; ()
66. Āloko vigato ghaṇandhakāro
Otiṇṇo mahikāsamābhikiṇṇo,
Ākāso pathavi bhūsaṃ pakampi
Meghacchannadinaṃ dinaṃ babbhūva; ()
67. Siddhatthañhi asiddhamatthametam
Kātuṃ assavamārakiṅkarāme,
Vatve'thā'ti pajāpatī saseno
Tattheva'ntaradhāyi tāvadeva; ()
68. Sā setā purato pajāpatissa
Āsī bārasayojanaṃ vinaddhā,
Evaṃ dakkhiṇavāmano ca loka-
Dhātavantāvadhīmāsi pacchato'pi; ()
69. Uddham sā navayojanappamāṇā
Saddo bhūmividāraṇori'vā si,
So'paḍḍham satayojanaṃ babbhūva
Uccam so girimekhalo gajindo; ()
70. Nāhesuṃ parisāsu nimmitāsuṃ
Dveyodhā sadisāyudhādadhānā,
Tabyāsena alañhi lomahaṃso
Yassā'nussaraṇena ce siyā me; ()
71. Māpetvā sahasā sahasabāhuṃ
Gaṇhitvā vividhāyudhāni tehi,
Ārūḷho girimekhalam saseno
Māro pāturahosi baddhaverō; ()
72. Deveso yasasā samaṃ sakena
Setacchatta magañchi saṃharitvā,
Deveso yasasā samaṃ sakena
Saṅkham piṭṭhigataṃ vidhāya dhāvī; () (Yamakabandhanam)
73. Saṅkocā'nanakāhalo jagāma
Pātālam khalu kālanāgarājā,
Viṇādoṇisakho sakhānapekho
Tamhā pañcasikho kalahum palāyi; ()
74. Disvā mārabalam samosarantaṃ
Sampattā janatā palāyi bhītā,
Sosiho'va vihāsi sakyasiho
Eko kamārarindakumhabhedī; ()

75. Passitvā'dharakantibhāramassa
Vattamhoruha mindirāvihāraṃ,
Siddhatthena samo nacatthi loke
Icceaṃ kalimā'ha mārasenaṃ; ()
76. Etasasā'bhimukhā mayaṃ kadāci
Nosakkoma'bhiyujjhītunti tātā,
Vatvā uttarapassato samāro
Khandhāvāramabandhi baddhaverō;
77. Disvā'jjhottharamānamārasenaṃ
Ārakkhāvaraṇaṃ thiraṃ vidhāya,
Khandhāvāramabandhi sopi vīro
Jetuṃ taṃ dasapāramī bhatehi; ()
78. Māro bhudharamerucakkavāle
Rukkhādīni vicuṇṇituṃ samatthaṃ,
Khobhetvā bhuvanattayaṃ disāsu
Uṭṭhāpesi samīraṇaṃ sughoraṃ; ()
79. Vāto pāramidhāmavārito so
Nittejaṃ palayānilassamopi,
Patto cāmaramandamārutova
Tandhotuparissamaṃ jahāsi; ()
80. Dhārāvegavihinnabhūmibhāgaṃ
Gambhīrā'sanirāvanibbharā'ghaṃ,
Māro māpayi tuṅgavīcabhaṅgaṃ
Vassogaṃ paripātarukkhaselaṃ; ()
81. Vīro pāramipālibandhanena
Rakkhaṃ bandhi nijantabhāvakhette,
Teno'gho vipathaṅgamo vipakkha-
Senāyā'si pavāhaṇe nidānaṃ; ()
82. Tejokhaṇḍasamānamattano so
Tattaṃ pajjalitaṃ sajotibhūtaṃ,
Māpetvo'palavassamappasayaṃ
Jhāpetuṃ tamupakkamittha māro; ()
83. Mārasseva patantamuttamaṅge
Ghoraṃ pāramivāyuvegaruddhaṃ,
Taṃvassaṃ vajirāsanūpacāre
Pūjāpupphaguḷattanaṃ jagāma; ()
84. Assaddho visadiddhatīṇhadhāraṃ
Ādittaṃ pihitambaro'daraṃ so,
Māpesi asisattitomarādi-
Vassaṃ sabbadisānipātamaṇaṃ; ()
85. Tasmīṃ pāramivammavammitasmīṃ
Vissaṭṭhā'yudhavuṭṭhi kuṇṭhitaggā,
Patvā sampati pupphavuṭṭhibhāvaṃ
Tappādāsanamatthake papāta; ()

86. Māro viccītaciccīṭāyamānaṃ
 Saṃvaṭṭānalakhaṇḍavibbhaṃ so,
 Vassaṅgāramayaṃ savipphuliṅgaṃ
 Uṭṭhāpesi palāsapakupphavaṇṇaṃ; ()
87. Khippaṃpāramimantajappanena
 Aṅgārānīnivāritānītāni,
 Taṃbuddhaṅkurapuṇṇacandabimbaṃ
 Sevantānīvikiṇṇabhānīvāsuṃ; ()
88. Bhasmīkātumalantimāraveriṃ
 Dhūmākiṇṇamaniggaṭaggiṭṭhālaṃ,
 Mārobheravarāvamussadābha-
 Mabbhuṭṭhāpayikhārabhasmavassaṃ; ()
89. Setāmuddhanivippakiṇṇabhasmīṃ
 Taṃvassaṃcitapāramībalena,
 Patvācandanagandhacuṇṇabhāvaṃ
 Mārārissapapātapādāmūle; ()
90. Asmiṃ guvalayālavāḷagabbhe
 Sampātānaladaḍḍhavaṇṇudhāraṃ,
 Uttāsāvahamattano'pi kaṇho
 Vassāpesi uḷāravaṇṇuvassaṃ; ()
91. Disvā'nakghīnakharāliraṃsigāṅgā-
 Tīrussāritavaṇṇurāsī massa,
 Aṅgāro'va'dhikodhapāvakena
 Kaṇho kaṇhataro'si jhāpitatto; ()
92. Dhūpāyantamavīcimaccimantaṃ
 Samphuṭṭhaṃ ghanapheṇaṇabubbulehi,
 Vassaṃ paṅkamayaṃ bhusaṃ nimuggo
 Māro māpayi paṅcakāmapaṅke; ()
93. Tasmīṃpāramisattīsītībhūte
 Paṅke candanapaṅkabhāvayāte,
 Māro passiya phullapaṅkajāhaṃ
 Kopā paṅkahatānanorivāsī; ()
94. Mārāriṃ iminā hanāmahantī
 So lokantariyatdhakāraghoraṃ,
 Māro sūvividāriyaṃ disāsu
 Uṭṭhāpesighanandhakārakhandhaṃ; ()
95. So'yaṃ pāramijātaraṃsijāla-
 Bhinnā'sesatamojināṅkureṇo,
 Pallaṅkodayapabbatodito'si
 Kāmaṃ māratusārasosanāya; ()
96. Etaṃ gaṇhatha bandhathā'ti vatvā
 Nīṭṭhaṃ kappamavaṇṇiyaṃ kavīhi,
 Saddhiṃ mārabalenu'pāgato so
 Kuddho yuddhamakā pamattabandhu; ()

97. Taṃ disvā'calaniccalaṭṭhamesa
Pallaṅko nacapāpuṇāti tuyhaṃ,
Mayhaṃ he'su'pakapakpateva tasmā
Asmā vuṭṭhahathā'vusotya'voca; ()
98. Ekā'pī samatiṃsapāramīnaṃ
Pallaṅkatthamaṃpūritā tayā'ti,
Vutte so khipi nijjito'racakkaṃ
Cakkaṃ cakkavaraṅkitassa sīse; ()
99. Taṃ cakkāyudhamujjhitappabhāvaṃ
Yuddhe laddhajayassa mārajissa,
Ussisamhi varāsanūpacāre
Setacchantamivussitaṃ rarāja; ()
100. Tuyhaṃ sañcinanamhi pāramīnaṃ
Ko sakkhī'ti ahañca sakkhihomi,
Sakkhī'ganti pavattamārasenā-
Ghoso bhumiṃvidāraṇori'vāsi; ()
101. Dāpentonijasakkhimuggatejo
Bāhūmtāvapasārayī paviro,
Sakkhīhantīvadaṃ'va mārasenaṃ
Tajjento'va babhūva bhūmicālo; ()
102. Mātaṅgo girimekhala chitāriṃ
Vandanto'vapapāta jannukehi,
Māro laddhaparājayo nivattha-
Vatthassā'pi anissaro palāyi; ()
103. Ghoramārabalavāraṇādhipa-
Mānadappanibhakumbhadāraṇo,
Bodhimūlavajirāsanopari
Kesarīva virarāja māraji; ()

Iti medhānandābhīdhānena yatinā viracite sakala kavakijana hadayānandadānanidāne
jinavaṃsadīpe avidūre nidāne devaputta mārabala viddhaṃsana pavattiparidīpo dvādasamo saggo.

1. Nikhilaṃratusāravisosino
Athajinaṅakkuradīdhitimālino,
Ravi katāvasaro'va'parācalaṃ
(Duta'vilambita) gāmimupāgamī; ()
2. Jaladhivārisinehasupurite
Abhavi paṃsumahītalāmallaṃ,
Paṇihitāparabhudharavattikā-
Jalitadīpasikhe'va nabhomaṇi; ()
3. Udayapabbatagabbhasamubbhavaṃ
Sakayasopāṭibimbasaṃsubhaṃ,
Sapadi tappamukhe sasimaṇḍalaṃ
Kasiṇamaṇḍalavibbhamamubbahi; ()
4. Aruṇavaṇṇasudhākara bhākarā
Divasasandhivilāsiniyā khaṇaṃ,

- Parihariṃsu'dayāparabhadhara-
Savaṇagaṃ maṇimaṇḍana vibbhamam; ()
5. Ravidhurā vidhurā sarasīvadhu
Kamalakomalakosapuṭaṅjalī,
Upavane pavane'ritabhūruhā
Panamitānamitāva tapodhanam; () (Yamakabandhanam;)
6. Aparasāgaramuddhani bhāsuram
Timirajālaparam ravimaṇḍalam,
Mukulitamburuhassirimāhari
Bhamaracakkabharām sarasūpari; ()
7. Lavaṇavāridhikācasarāvake
Aparabhūdhara kūṭa bhujappitā,
Sūriyamaṇḍalapāti nimujjiya
Purimayāmamukhaṃnakimāhari; ()
8. Maṇipabhāruṇa bhākara maṇḍalam
Tamanubhuya mahambudhirāhunā,
Mukhagataṃvamitaṃ viyaka lohitaṃ
Jaladarāji rarāja dinaccaye; ()
9. Vitameghapabhāhi muhuṃ muhuṃ
Kaḷita pāṭala pallava sampadam,
Vanaghaṭam viṭapantaragam kamā
Phūṭatamopaṭalampariṇāmayī ()
10. Subhajanebhajanenirapekkhinī
Vipatinī patinīva rajassalā,
Sumadhupe madhupe parivajjayum
Kamalinīmalinīkatanirajā; () (Yamakabandhanam;)
11. Madhumadālikulā makulāvalī
Anilabhaṅga taraṅga bhujeritā,
Paduminī ramaṇīhi sirimato
Sumahitāmaṇikiṅkiṇiseṇiva; ()
12. Rasikapakka phalāphala sālisu
Tarusiresu samosaramānakā,
Timirakhaṇḍanibhā badhirīkarum
Ravipatham virutehi vibhaṅgamā; ()
13. Kumudinīpamadā'thasudhākara-
Karasatehi parāmasanāparam,
Kusumahāsavilāsadharā bhusam
Bhuvanavandiragabbhamalaṅkari; ()
14. Himakaro hariṇaṅjanahārinā
Nijakarena nirākari taṅkhaṇe,
Sakalaloka'vilocana sambhavam
Ghanatamopaṭalamhisajo yathā; () (Silesabandhanam)
15. Sapadipāramitāramitāsayo
Navama'nussatiyāsatiyā param,

- Adhikatā'dhi samādhi samāhito
Purimajātibhave tibhave sari; () (Yamakabandhanam)
16. Sumatipādaka jhāna samuṭṭhito
Purimakhandhasamūhamanukkamaṃ,
Asariso'panisinnajayāsana-
Ppabhuti yāvasumedhabhavāvadhim; ()
17. Idhabhave samanantarajātiyaṃ
Tadiyakhandhapabandhamanussari,
Ticatupañcacasatta nava'tṭhapi
Dasapi visatitimsati jātiyo; ()
18. Lahumanussaritālisa jātiyo
Pabhava khandhavasena tahiṃtahim,
Bhavasatambhavupaḍḍhasatambhava-
Dasasatambhavalakkhamathāparaṃ ()
19. Aparimāṇa yugantagajātiyo
Aparimāṇa vivaṭṭagajātiyo,
Aparimāṇa yuganta vivaṭṭagā
Aparimāṇa guṇo sarijātiyo; ()
20. Catusuyoniusattamanaṭṭhiti-
Tibhavapañcagatīsuparibbhamim,
Kasirabhāravaho ahamāñjase
Sakaṭabhāravaho gavajoyathā; ()
21. Itisamañña dharo'simamutra'ham
Iti nihīnapasattha kulo bhavim,
Iti bhavim abhīrūpavirūpimā
Itipi bhatta phakhalāphala māharim; ()
22. Anubhavimkusalākusalārahaṃ
Vividhadukkhamadukkha madukkha khaṃ,
Dasasatāyu satāyumitobhavim
Itibhavaṃtibhavaṃsamanussari; () (Yamakabandhanam)
23. Itiha yāvasumedha bhavaṃ sudhī
Sumariyā'tigatā'mitajātiyo,
Asari sapaṭilomavasā tato-
Ppabhuti yāva ito tatiyaṃ bhavaṃ; ()
24. Punaramutra tatobhavato cuto
Samupapajji manantarajātiyaṃ,
Tahimahaṃtusite tidasālaye
Bhavimatijjuti santusitābhidho; ()
25. Tusitadevanikāyasamatvayo
Paramarūpa vilāsadharo'bhavim,
Sumadhurāmatamāhari midisaṃ
Anubhavimsukhamindriya gocaraṃ; ()
26. Samupajjivimamānusahāyana-
Catusahassa mahaṃtusitālaye,

- Marugaṇamburuhāsanayācanaṃ
Iha paṭicca tato bhavato cuto; ()
27. Jananirājiniyā maṇicetiye
Sugatadhātumivā'samakucchiyaṃ,
Ravikule paṭisandhimahaṃ pitra-
Narapatiṃ adhikicca samappayaṃ; ()
28. Itiha rūpamarūpamanādikaṃ
Viparivattati vattati nāparaṃ,
Visatiyā sati yāva dhiyā'sanaṃ
Vihatamohatamo'si bhava sudhī; () (Yamakabandhanaṃ;)
29. Cutupapattipabandhavasenahi
Avasavakattanadhātuparamparā,
Jalitaḍḍipāsikhe'va pavattati
Nayidhapuggalavedakakārako; ()
30. Purimakhandhapabandhamanekadhā
Itivavattthayato hi kudiṭṭhiyo,
Apatatā'ttani vīsativattthukā
Tamihadiṭṭhivissuddhi'ti vuccati; ()
31. Satimato ravimaṇḍalasantibhā
Sakaṭamagganibhā'yamanussati,
Purimajātisu nābhivirajjhati
Saravaye sarabhaṅgasaro yathā; ()
32. Acutiyācutiyāmati māsane
Sutavati'tavati'hati bujjhituṃ,
Samudite'mudite kumudāni'ma
Nakamalā kamalāni alaṅkari; () (Yamakabandhanaṃ;)
33. Ruciracandamaricivilepinī
Kumudasaṇḍavikāsavihāsini,
Rajanimajjhimayāmavilāsini
Tadadhisīladhanaṃ vijābhāsi kiṃ ()
34. Ghanasunīlavisālatapovanaṃ
Analabhāsuraḱīṭakulākulaṃ,
Rajanirājiniyā kusumākulā-
Viraḷakesakalāpasiriṃ bhajī; ()
35. Tadupahāraratāyi'va komudī-
Bhujalatāya vibhāvaribhīruyā,
Gahitalājakabhājanavibbhamāṃ
Phuṭitakeravakānana māhari; ()
36. Tibhuvanekaraviṃ ravibhattari
Aparadīpagate sarasīvadhū,
Rajaniyā vihitāvasarā'pi kiṃ
Paricariṃsu patibbatamabbhutaṃ; ()
37. Parilasīṃsu bhusaṃ bhuvane'vu bho
Ravipathe vitatā, vitatārakā,

- Animise hi mahāya mahimato
Jalitadīpasikhāca mahītale; ()
38. Makaratenaketanasantibhā
Tuhinadīdhitidīdhiti majjhime,
Nisi dadāra sadārasarāginam
Hadayeravakeravakānanam; () (Yamakabandhanam)
39. Atha bhavābhavadiṭṭhivibheda nam
Vimati moha tamopuṭapāṭa nam,
Cutupapātapabhuti vijāna nam
Kathamalattha sadibbaviloca nam; ()
40. Kusalakammapabhāvasamubbhavam
Sukhumaduragatāni'pi gocaram,
Animisāna pasādavilocanam
Rudhirasembhamakalāpagatamka yathā; ()
41. Tathariva'kkhisamena sudhāsinam
Vimatidiṭṭhimisodhanahetunā,
Hatamanopakilesamalena so
Vigatamānusakenahi cakkhunā; ()
42. Karatalamburuhoparicakkhumā
Yathārivā'malakībadarīphalam,
Cutupapattigatepi tathāgate
Tibhuvanamhi yathicchita maddasa; ()
43. Navupapātakhaṇeca cutikkhaṇe
Visayabhāvamupenti tathāgatā,
Tadupacāravaseni'hadassanam
Khamati aṭṭhakathācariyāsabho; ()
44. Upadhihīna'dhihanīnatathāgate
Anapanītapaṇīta tathāgate,
Anabhirūpa'bhirūpatathāgate
Sugati duggati dugga mupāgate; () (Yamakabandhanam;)
45. Tiriyamuddhamadhopatīya so
Matipaham abhipassi yathāraham,
Nicitakammapatheca tathāgate
Upari pādakajhānasamuṭṭhito; ()
46. Akusalāni kariṃsu ime tidhā
Sucaritāni kariṃsu tidhā ime,
Ariyamaggaphalehika samaṅgino
Nasamaṇā'tipi antimavatthunā; ()
47. Guṇanirākaraṇena asādhavo
Upavadiṃsu nasanti guṇā'ti'me,
Apicasapakpurisā'riyapuggale
Tadanurūpaguṇehi pasamsayum; ()
48. Vitathaladdhiparāmasanā ime
Paramaladdhiparāmasanā ime,

Gahitaladdhivasena tahiṃtahiṃ
Nicitakammapathā janatā ayam; ()

49. Caturapāyamaṃpāyamaṃpāyatim
Upagatā sugati sugatimīti,
Yati samāhitavāhitavā' dda
Animisakkhisamakkkhisamanvito; () (Yamakabandhanam)
50. Sammāsammasatosato satimato kammādihetubbhavam
Rūpārūpamanāgatañni mahā mohandhakāro dhiyā,
Abbhatthaṅgami yāya soḷasavidhā kaṅkhācatekālīkā
Sākaṅkhātarāṅabbisuddhu dutiyeyāme pavattā mati; ()

Iti medhānandābhīdhānenayatinā viracite sakalakavijana hadayānandadānanidāne
jīnavamsadīpe avidure nidāne pubbenivāsaññāḍibbacakkhuññāḍhigama pavattiparidīpo terasamo
saggo.

1. Sudhākare vikasitakeravākare
Kamenu' pāsati sati pacchimaṃ disaṃ,
Vihāvarī sasirucirānanam jīnam
Bhajanti pacchimamathayāma motari; ()
2. Khaṇam nisāpati virahātureva'yam
Nisāvadhū malinapayodharambarā,
Catuddisāyatanayanehi sampati
Mumoca sīkaranikarassubindavo; ()
3. Kilesanāsanapasuto samādhinā
Puthujjano tadanusayam yathubbahe,
Tatham'sunā bhuvanakalaṅkasodhano
Nahe kalānidhi sakalaṅka mubbahī; ()
4. Puratthime nabhasi vikiṇṇa tārakā-
Pabandhanibbharatimiraṃ viyākarī
Nisāvadhu valayitahārabhāsura-
Sunīlakomalānavakuntalassiriṃ; ()
5. Vipassanābalavimalīkatantaro
Jīnānkuro duritamalaṃva candimā,
Maricisañcayadhavalīkatambaro
Tamocayam tamanucaram nirākarī; ()
6. Pavāyi sītalamalayānilo bhusam
Disaṅganā sisiratusārabindavo,
Mumoca sā vicari nisā nisākara-
Marīcimañjariparicumbite bhuvī; ()
7. Niraṅgaṇe nirupakilesa niccale
Mudumhi kamakmaniyavisuddhibhāvage,
Samāhite manasi vipassanāmanam
Athāsavakkhayamatiyā' bhīñhari; ()
8. Sabārasaṅgikabhavacakka majjhagā
Anukkamena'pi paṭilomato sudhī
Vavatthayam yamariyaññadassanam

Visuddhiyā visaddhiyā taduccate; ()

9. Khaṇena yo sarati saḥassalocaṇo
Yathāvato dasasatamattha massapi,
Vidhātuno nijacaraṇaṅgulippabhā-
Vibhusitā'khilabhuvanodarassa'pi; ()
10. Asesanīvaraṇatusārasosino
Samādhisambhava' khilajhānalābhino,
Jagattayaṃ karabadaraṃ'va dassino
Nayassa kassaci visayatta māgataṃ; ()
11. Adiṭṭha mappati veditaṃ sayampurā
Anuttaramariyañāṇadassanaṃ,
Imassa gotamasamaṇassa sijjhate
Garūpasevanavirahassa abbhūtaṃ; ()
12. Bhavebhava parivitaḍānapārami-
Balena'hū vijaṭitalobhabandhano,
Samettikhantyanugatasīlapārami-
Jalena nibbutapaṭiḡhāḍipāvako; ()
13. Bhavebhava bhavi thirañāṇapārami-
Padhaṃsitā'khilaviparīṭadassano,
Vināyakapakabhuti garūpasevana-
Vasena pucchiya hatamohaṃsayo; ()
14. Bhavebhava budhajanapujanāḍinā
Garūbhivāḍanabahumānanāḍinā,
Janāpacāyanavidhinā vinodayi
Sadappa munnati mabhimāna muddhaṭaṃ; ()
15. Bhavebhava vibhavaratiṃ ratimbhava
Anaṅgasaṅgamarati maṅganāratim,
Gharā'bhinikkhamiya'nagāriyaṃrato
Apānudī paṭilabhi jhāna mattanā; ()
16. Bhavebhava sa'vīriya saccapārami-
Parāyaṇo adhikusalesu cāratim,
Jahaṃ vacīduritamalaṃ catubbidhaṃ
Visodhayī nijahadayañca paggaḡhī; ()
17. Bhave bhava iti samatiṃsapārami-
Visujjhita' kusalamanomalimaso,
Kamena indriya paripākataṃ gato
Nacaññasampada mahipatthayī sudhī; ()
18. Bhave bhava agaṇitameva bodhiyā
Dayāya coditahadayo'hi kapatthanaṃ,
Akā catubbidhaphalasampadā tato
Padissare niravasarā riva'ntani; ()
19. Bhave bhava sakapaṇidhānasattiyā
Tidhā'hisaṅakkhatakusalaṃ imassa bho,
Nasādhaye kimariyañāṇadassanaṃ

Anaññapuggalavisayaṃ nasamaṃsayo; ()

20. Aniccato 'dayavayatāya dukkhato
Sadukkhātāyapi avidheyatādīnā,
Anattato varamati khandhapañcakaṃ
Punappunaṃ samupaparikkha mussahī; ()
21. Kalāpasammasanamukhena bārasa-
Vidhe anādikabhavacakkanissite,
Kamena sattasu anupassanāsu so
Jinaṅkuro tadavayave' bhinīhari; ()
22. Aniccato bhusamanupassamuddhari
Asesasaṅkhatagataniccasaññitaṃ,
Anattato samanuvipassa dukkhato
Sasaṅkhatepajahi sukhattasaññitaṃ; ()
23. Vinodayī sumati virāganibbidā-
Vasena saṅkhatagatarāganandīyo,
Nirodhanissajanavasā' nupassiya
Tathodayādiyanamasesaṅghate; ()
24. Vidhāyadubbidhamanupassato kasato
Asesasaṅkhatamapi nāmarūpato,
Nidānato punakhaṇato 'dayabbayaṃ
Upaṭṭhahi dviguṇitapañcavisadhā; ()
25. Sudhīmato taruṇavipassanāyi' me
Vipassakassi' ti dasupakkilesakā,
Bhavuṃpabhāsatimatipītinicchayo
Sukhī' hanāsamathanikantyupekkhanā; ()
26. Pasannalohita paripuṇṇaviggahā
Viniggatā niravadhilocadhātusu,
Vipassanābalapabhavā' bhipatthari
Sudhantakañcanarasapiñjarappabhā; ()
27. Ayampatho nabhavati tappabhādayo
Visattikāpabhutikilesavatthukā,
Punodayabbaya manupassato tato
Patho samubbhavi dasupakkilesagaṃ; ()
28. Pathāpathaṃ samupaparikkhatoiti
Sudhīmato taruṇavipassakassayā,
Samuṭṭhitā nisitavipassanāmati
Pathāpathikkhaṇakavisuddhi vuccate; ()
29. Narāsabho adhigatañātātīraṇa-
Pariññavā uparipahāṇasaṅkhayā,
Pariññayā ubhaya visuddhisiddhiyā
Tisaccadassanapasuto samārabhī; ()
30. Aniccalakkhaṇamapaki dukkhalakkhaṇaṃ
Anattalakkhaṇamatha sabbasaṅkhate,
Yathāvato nasamanupassi santati-

Riyāpathehica pihitaṃghaṇenaso; ()

31. Visodhayaṃ matimudayabbaye tato
Lahuṃ tilakkhaṇavisadattago bhusaṃ,
Vipassanāpathapaṭipanna mattanā
Alatthabhaṅgadhibhayañāṇamādikaṃ; ()
32. Sayambhuno uparinavānupassanā-
Vibhāvanā navaguṇavaṇṇanāyidha,
Vidhīyate navavidhaññabhāvanā
Pavuccate sapakaṭipadāvisuddhiti; ()
33. Matīhihipi catusaccachādaka-
Tamovidhamsana samanantaraṃ thiraṃ,
Nirodhagocaramalabhittha gotrabhu-
Matīṃ sudhī anariyagottabāhiraṃ; ()
34. Pasatthagotrabhumatidinnasaññakaṃ
Samūlamuddhaṭakalusattayaṃ sudhī,
Vibandhaduggativinipātanādikaṃ
Athādimaṃpaṭilabhī ñāṇadassanaṃ; ()
35. Yadevanantaraphaladanti paṇḍitā
Vadantitapphalamapi paccavekkhaṇaṃ,
Alattha so puna dutiyāya bhumiya
Vipassanaṃ samadhigamāya bhāvayī; ()
36. Bhusovisosita bhavadukkhakaddamaṃ
Akālikaṃ tanukatakibbisattayaṃ,
Anuttaraṃ dutiyamalatta tapphalaṃ
Sapaccavekkhaṇamatha ñāṇadassanaṃ; ()
37. Vipassanaṃpunarapibhāvayaṃ sayāṃ
Samuddhaṭālayapaṭighaṃ bhavāpahaṃ,
Sapaccavekkhaṇaphalañāṇamajjhagā
Anuttaraṃ tatiyaka ñāṇadassanaṃ; ()
38. Tilakkhaṇaṃ thiramatimā' bhipattiyā
Subhāvayika upari catutthabhumiyā,
Avāriyāsaniriva tālamatthake
Kilesamuddhaniranihaccacāriṇaṃ; ()
39. Nivāritākhila bhavacakkavibbhamāṃ
Savāsanāparimita pakāpanāsaṇaṃ,
Anaññagocara varaññadassanaṃ
Alattha tapphalamapipaccavekkhaṇaṃ; ()
40. Tadāsavakkhayamatigñāṇadassana-
Visuddhivuccati arahattapattiyā,
Sahevacuddasavidha buddhabuddhiyo
Jino catubbidha paṭisambhidālabhī; ()
41. Asādhāraṇaṃ ñāṇachakkaṃbalāni
Dasa'tthārasāveṇikā buddhadhammā,
Catuddhāvisārajjamidhānubhāvā

Samiddhāsahecārahattena tassa; ()

42. Abhiññeyyadhamme abhiññāya sāmaṃ
Pariññeyya dhamme pariññāya sāmaṃ,
Pahātabba dhamme pahantvāna sāmaṃ
Sanibbānamaggaṃ phalaṃ sacchikatvā; ()
43. Siyāyāvataññeyya dhammappavatti
Siyāvatā tassa ñāṇappavatti,
Abhiññāya sabbaññutāñña māsi
Sahevārahattena sabbaññu buddho; ()
44. Mahāmohaniddāpagomaggañña-
Ppabuddho 'hisambodhiyā sobhamāno,
Munindo dinindaṃ' susandohahāsi-
'Ndirāmandirindivarābhamahāsi; ()
45. Subuddhābhisambodhipubbācalambhā
Sahevāruṇo buddhasūrodayena,
Samuṭṭhāsi veneyya bandhūhisaddhiṃ
Pabujjhiṃsu abbhuggatamhojakosā; ()
46. Uḷārāvabhāso tadā jātikhette
Bhusampātubhuto mahīsampavedhi,
Siḷāsāḷaseḷāvataṃsā subhāni
Nimattāni battiṃsajātātiloke; ()
47. Tamojālaviddhaṃsanādīni loke
Karontova cattārikiccāni'māni,
Samuṭṭhāsi tasmimkhaṇe raṃsimāli
Rivādiccavaṃsubbhavo buddhasūro; ()
48. Mahīlājavuṭṭhīhi sañchannabhutā
Nabhaṃ kanibbharaṃ gandhadhupaddhajehi,
Chaṇhokulā kevalaṃ lokadhātu
Mahāmaṇakgalāvāsa kalīlāvalambhiṃ ()
49. Tadātappadambhoja pūjāgatānaṃ
Siro bhattibhārañjalīnaṃ surānaṃ,
Nirālamamākāsa randhaṃ babhāsa
Pabhāsāra cūḷamaṇihakā'karāḷaṃ; ()
50. Guṇonāma sakkhandhasantāna suddhi
Sakosuddhakhanvdhappabandhohi buddho,
Namobuddhabhutassa nipphantañña-
Ppahāñanubhāvāhirūpassatassa; ()

Iti medhānandābhidhānenayatinā viracite sakalakavijana hadayānandadānanidāne
jinavaṃsadīpe avidure nidāne mahā bodhisattassa ariyamaggaññābhisambodhi samadhigama
pavattiparidīpo cuddasamo saggo.

Jinavaṃsadīpe avidure nidānabhāgo dutiyo.

1. Asseva pakallaṅkavarassakāraṇā
Sīsakkhimaṃsāni ca dārasunavo,

- Datvā cirassaṃ akarinti dukkaraṃ
So (indavaṃsā')bhidhajo vicintayī; ()
2. Pallaṅkato tāva navuṭṭhahaṃ tahiṃ
Pallaṅkamādhāya nisajja sattaṃ,
Saṅkappapuṇṇo'dhisamādhayo muni
Sammā samāpajji anekakoṭṭiyo; ()
 3. Nā'yam jahāte vijayāsanā'layam
Yaṃkiṅcikkiccam karaṇiyamassahi,
Saṃvijjate dānipi kāci devatā
Saṅkābhighā'tābhivitakkayum iti; ()
 4. Tāsaṃ viditvāna vitakkamāsanā
Abbhutṭhito so gaganaṅgaṇaṃ khaṇaṃ,
Saṃdassayanto yamaṃpāṭihāriyaṃ
Nissamsayo saṃsayasallamuddharī; ()
 5. Nissāya pallaṅkamimaṃ mahīruhaṃ
Sampattasambodhipado'smi cintiya,
Oruyha pakallaṅkaṭhitappadesato
Pubbuttarānañhi disāna mantarā; ()
 6. Sattāha mindivaracārulocana-
Pañcappabhāsāranisecana so,
Samapūjayanto jayabodhimāsaṇaṃ
Aṭṭhāsi lokekavilocano jino; ()
 7. Gantvā ṭhītaṭṭhānajayāsanantarā
Pubbāparassaṃ disi sattavāsaraṃ,
Nikkhittacakkaṅkitapādapaṅkajo
So caṅkamī nimmitaratanacaṅkame; ()
 8. So bodhito uttarapacchimantarā
Devehi nānāratanehi nimmite,
Sattāhamattaṃ maṇimandire muni
Sammābhidhammaṃ pavihāsi sammasaṃ; ()
 9. Manthācale'nambunidhiṃ'va kesavo
Viññāṇakaṇḍādiṭṭasā catubbidhaṃ,
Tasmiṃ nisinno muni dhammasaṅgaṇi-
Mālolayī ñāṇabalena duddasaṃ; ()
 10. Vebhaṅgiyaṃ khandhavibhaṅgamādikaṃ
Gambhīramaṭṭhārasadhā sudubbudhaṃ,
So mārabhaṅgo'tha vibhaṅgasāgaraṃ
Saṃkhobhayī gñāṇayugantavāyuna; ()
 11. So dhātusuññattapajānana jino
Nissattanijjivasabhāvadhātuyo,
Vitthārayanto tadanantaraṃ varaṃ
Nānānayaṃ dhātukathaṃ vavatthayī; ()
 12. Khandhādipaṇṇattivasena chabbidhā
Paññattiyoti suvibhattamātikaṃ,

- Paññāya sabbaññujino'tha puggala-
Paññatti mālolayi aggapuggalo; ()
13. Vādībhasīho sakavādamaṇḍalaṃ
Oruyha sammā paravādamaṇḍalaṃ,
Suttāni saṅgayha saḥassamaṭṭhadhā
Saṃkhitta mādo mukhavādayuttikaṃ; ()
14. Ñāṇena vitthāriyamāna mattano
Kiñcāpya'nantāpariyanta muttamaṃ,
Takkīhi nakkāvacaraṃ nakehici
Nātho kathāvatthu mathā'bhisammasi; ()
15. Yaṃ mūlakhandhādivasā dasabbidhaṃ
Uddesaniddesapadā'nurūpato,
Nīṭṭhānato saṃsayato vibhāgiyaṃ
Gambhīrañāṇena'tha sāgarūpamaṃ; ()
16. Santaṃ paṇitaṃ nipuṇaṃ sududdasaṃ
Gulhaṃ atakkāvacaraṃ acintiyaṃ,
Nānānayaṃ taṃ yamaṃ susaññaṃ
Dhammassaro sammasi nippadesato; ()
17. Nānānaya'ttuṅgatarāṅanibbharaṃ
Neyyatthanītatthamaṇihi maṇḍitaṃ,
Dhammantarāvāṭṭasataṃ athāparaṃ
Saddhammakhandhodakakhandhapūritaṃ; ()
18. Sathā catubbisa timattapaccaya-
Velaṃ paricchedavisālapaṭṭanaṃ,
Gambhīrapaṭṭhāna mahaṇṇavaṃ kathaṃ
Ālolaṃ sammasi ñāṇamerunā; ()
19. Nissaṅgañāṇo muni hetupaccayo
Iccādinā'ropitamātikārahaṃ,
Niddiṭṭhanidedasapadaṃ papañcita-
Ñeyyaṃ catubbīsavidhaṃ sudubbudhaṃ; ()
20. Nissāya bāvīsavidhe tike tika-
Paṭṭhāna mantogadhanāmarūpika
Nissāya nissesake tathā duka-
Paṭṭhāna mantogadhanāmarūpika ()
21. Bāvisamattā tikamātikā duke
Pakkhippa paṭṭhānavidaṃ dukantikaṃ,
Bāvīsamattāya tike satamaṃduke
Pakkhippa paṭṭhānamidaṃka tikaddukaṃ; ()
22. Katvā tikesve'va tike duvīsati
Paṭṭhāna mantogatike tikattikaṃ,
Katvā dukesve'va tathā satamaṃduke
Paṭṭhāna mantāgetike dukaddukaṃ; ()
23. Iccānulome janayāni pakkhipaṃ
Cha ppaccanīye'pi nayāni pakkhipaṃ,

- Evam khipitvā anulomapaccani-
Yecā'pi cha ppaccaniyā'nulomake; ()
24. Gambhīrapaṭṭhānamahodadhiṃ iti
Saṅkhobhayam sammasi ñāṇamerunā,
Taṃ sammasantassa savatthukaṃ chavi-
Vaṇṇo pasanto'si pasīdi lohitam; ()
25. Tasmimkhaṇe cattajavaṇṇadhātuyo
Aṭṭhaṃsu ṭhānamhi asitihatthake,
Aññatra'dhiṭṭhānabalaṃ sarīrato
Chabbaṇṇaraṃsī visarā'hiniccharam; ()
26. Sevālakālindinadi'ndirāpati-
Nilambari'ndivaravaṇṇasantibhā,
Kesa'kkhimassūhika viniggatā bhusam
Nīlappabhā'sesadisā alaṅkarum; ()
27. Tāsam vasā' sesadisāvilāsini
Āsum yathā pārutanīlakambalā,
Tā cakkavālāti papūrayantiyo
Dhāvimsu nilopalacuṇṇasannibhā; ()
28. Nissesalokaṃ haritālakuṅkuma-
Cuṇṇehi sovaṇṇarasehi missakaṃ,
Ālepayaṅṭīviya pītaraṃsiyo
Yā niggatā kañcanasannibhattacā; ()
29. Tāsam vasenā'si siṇerupabbata-
Rājā vilino'va mahaṇṇave jalam,
Saṃkappitā'va'tṭha disāgajā'bhavum
Niddhantacāmīkarakappanādinā; ()
30. Lākhārasānaṃ parisecanaṃ viya
Nindūracuṇṇo'kiraṇam'va yādisi,
Sañjhāpabhārattasurattaraṃsiyo
Nikkamma dhāvimsu samaṃsalohitā; ()
31. Tāsam vasenā'khilabhūmikāminī
Āsī nimuggāriva uttaraṇṇave,
Ambhojarāgehi sunimmitāni'va
Sabbāni dabbānya'bhavum jagattaye;()
32. Yākundasogandhikacandacandikā-
Kappūrakhīrodadhivīcipaṇḍarā,
Aṭṭhīhi dāṭhāhī vitassaṭā bhusam
Odātaraṃsī dhavalīkarum disā; ()
33. Tāsam vasenā'si yathā mahīvadhu
Odātavatthehi nivatthapārutā,
Tā khīradhārāparisekabandhurā
Dhāvimsu buddhassa yasonibhāpabhā; ()
34. Sabbādisāyo'khilalokadhātuyo
Mañjiṭṭhapaṅkehi vilepayanti'ca,

- Nikkhamma maññiṭṭhapabhā tatotato
Dhāvimsu sañcuṇṇapavālasantibhā ()
35. Nīlādidhātussarasehi pañcahi
Vaṇṇehi pupphehi maññhisattahi,
Sampūrayantī'va pabhā pabhassarā
Nikkhamma lokam sakalam alaṅkarum; ()
36. Tā raṃsiyo byāpiya mediniṃ mahī-
Sandhārakam vāri matho samīraṇam,
Heṭṭhā'jaṭākāsatalam tathūpari
Gaṇhimsu lokam tiriyam nirāvadhim; ()
37. Devaddumu'yyānavimānabhusaṇa-
Canda'kkaṭārānikarā'marā tato,
Saṅghānamattehi vijāniyā'bhavum
Tā niggatā ajjatanā'pi dhāvare; ()
38. Tamhā'bhīgantvā ghananīlasākhino
Nigrodhasākhissa'japālasaṅṅhino,
Mūle nisajjā'dhisukham vimuttijam
Satthā'nubhonto pavihāsi sattaḥam; ()
39. Oruyha tasmimsamaye vimānato
Dānādayo pāramiyo bhavābhavam,
Dhāvam asādhāraṇāṅṅasiddhiyā
Eso'va nā'ham abhisāṅkharim iti; ()
40. Otārapekho navipassa ettakam
Kālam kalaṅkam akalaṅkarūpino,
Sokā'kulo acchi chamāya soḷasa-
Lekhā vilekham kalimā avammukho; ()
41. Kasmā napaññāyati'dāni nopitā
Olokayanti kva gato'ti dukkhitam,
Sokena lekhā likhamāna mañjase
Disvā nisinnam pitaram sudummukham; ()
42. Tatro pagantvā vasavattidhītarō
Pucchimsu taṇhā aratī ragā lahum,
Kiṃ tāta kiṃ tāta kimettha jhāyasi
Ko te paro kena parājito tuvam; ()
43. Suddhodanassā'vanipassa oraso
Patvā'hisambodhipadaṅka mukhe masim,
Makkhesi me chinditamārabandhano
Tasmā'nusocāmi kathesi pāpimā; ()
44. Āñiya tam mattagajam'va mārajim
Rāgādipāsehi mayam subandhiya,
Dassāma vo passatha tāta no balam
Māsoci mājhāyi'ti dhītarō'bravum; ()
45. Siṅgārasaṅgāmadharā'vatārinī
Bhubhaṅgabāṅṅasānamattadhārinī,

- Āropitā'pāngasarā'pya'nissarā
Kāmārimārārisaravyadāraṇe; ()
46. Sevālanīlāmalakuntalākulā
Bālindulekhe'valalāṭamaṇḍalā
Nīluppalakkhī calahemakuṇḍalā-
Laṅkāraṇṇā'likalāpabhā'lakā ()
47. Vāṇilatāvellitaphullamālatī-
Dantāvalī pallavapāṭalādharā,
Kandappakīlālayahemakāhaḷa-
Saṅkāsanāsā kamalāmalānanā; ()
48. Vijjullatā cārubhujā calācala-
Līlāvalambatthanahamsamaṇḍalā,
Cāmīkarāliṅgavilāsakandharā
Lāvaṇṇa vallidalakomalaṅgulī; ()
49. Nimmekhalālinavilaggabhāginī
Kīlānadīkulavisāsoṇinī,
Kandappadappānaladhūmakajjala-
Romāvalivellitānābhimaṇḍala; ()
50. Pīnorujaṅghā kalikānakhāvalī
Tā'naṅakgaraṅgaṅjahāriviḅḅahā,
Māraṅganā yatra niraṅgaṇo jino
Tatrā'gamuṃ rāgasurāmadā'turā; ()
51. Aṅgīrasassā'nanasoṇṇadappaṇe
Tā sundarī bimbitalocanindirā,
Kandappakīlākalahamaṃ vidhātave
Kāloyamiccāhu tuvaṃ yadicchasi; ()
52. Vyāpāritā te paricārikā mayamaṃ
Etthāgatā homa manobhunā'dhunā,
Vattambujānaṃ paricumbane ayamaṃ
Kālonu bhogotama kiṃṇayicchasi; ()
53. Bho puṇṇakumbhe'va tavo'ramandire
Uddhaggaḷomu'ssitanīlaketane,
Kāmāhisekussavamaṅgalāya no
Sajjethi'me pīnapayodhare nakimaṃ; ()
54. Vattambuḷe no adharaṃ'subandhure
Nettālimālā nahivumbare tava,
Amhesuyevā'bhipatanti bhomuni
Kandappabāṇā karuṇā kuhiṃ tavaṃ ()
55. Tvaṃ yobbano sāmī mayaṅca yobbani
Kālo vasatto vipinaṃ manoramaṃ'
Mandānilo vāyati kiṃ cirāyate
Tuyhaṃ anaṅgo'va niraṅgaṇo'si kiṃ; ()
56. Dibbāni vatthābharaṇāni'māni'pi
Lajjāya saddhiṃka sithilibhavanti no'

Amhesvanaṅgena samaṃ anaṅgaṇaṃ
Daḷahatta māyāti maṇaṃ tava'bbhutaṃ; ()

57. Iccānigammaṃ hadayaṅgamaṃ giraṃ
Vatvāna dibbena sarena mañjunā,
Kāmāturānanti pumānamāsayā
Uccāvaca cintiyamāradhītarō; ()
58. Kaññāvilāsādivasena viggāhe
Nimmāya paccekasataṃ padassiya,
Pāde mayaṃ bho paricārayāma te
Vatvā tamārādhayitūṃ parakkamuṃ; ()
59. Gāthā imā dhammapade mahāmuni
Saṅgāyi tāsāṃ tamanaṅgabhaṅgīnaṃ,
Vatvā nasakkoma mayaṃ pakalobhitūṃ
Tā rittahatthā pitaraṃ upāgamuṃ; ()
60. Gantvā tato so mucalindasaññino
Rukkhasa mūle mucalindabhogino,
Bhogāvaligandhakuṭimka samappito
Sattāhamajjhāvasi jhānamuttamaṃ; ()
61. Mulamhi rājāyatanassa sākhino
Pallaṅka mādḥāya nisajja sattahaṃ,
Tamhābhi'gantvā bhavabandhanacchido
Satthā valañjesi vimuttijaṃ sukhaṃ; ()
62. Satthā evakaṃ vasanto parahitatirato sattasattāhamattaṃ
Yaṃkiñcāhāraṅkiccam dhuvaṃparihariyaṃ kiccamuccāvacaṃpi;
Nākāsi jhānamaggappakhalasukhamakhilaṃ samphusanto vibhāsi
Pādāsi dantaṇḍodaka magada'bhayaṃ tassa devanamindo; ()

Iti medhānandābhīdhānena yatinā viracite sakalakavijana hadayānandadānanidāne
jinavaṃsadīpe santikenidāne bhagavato sattasattāhavitikkamappavatti paridīpo paṇṇarasamo saggo.

1. Mūle rājāyatanaviṭapacchāyāmano (hārini)
Vikkhāletvā bhagavati mukhaṃ tasmiṃ nisinne sati,
Vāñijjatthaṃ nija janapadā dve bhātikāka vāñijā
Gacchantā majjhimajanapadaṃ taṃṭhāna majjhotaruṃ; ()
2. Buddhaṃ disvā nirupamasiriṃ saddhāya sañcoditā
Sampādetvā madhurivamadhuṃ manthaṃ madhūpiṇḍikaṃ,
Bhante tumhe anubhavatha no bhikkhaṃ paṭiggaṇhiya
Evaṃ vatvātadubhayajanā aṭṭhaṃsu baddhañjalī; ()
3. Sabbe buddhā nahi karatalambhojesu gaṇhanti kho
Saṅkappettassi'ti bhagavatokismiṃ paṭicchāmaṃ,
Cittācāraṃ sumariya silāpatte pamāṇupage
Pādāsuṃ sampati catumahārājā kuverādayo; ()
4. Ekaṃ katvā samuti caturo patte adhiṭṭhāya te
Bhutvā'hāraṃ bhuvananayano bhuttānumodaṃ kari,
Buddhaṃ dhammaṃ saraṇamagamaṃ te tenuho'vāñijā
Jātā loke sakalapaṭhamaṃ dhevāciko' pāsakā; ()

5. Tesam dvinnam suparihariyam detha'ti samyacatam
Jalanika'lanakataratalo rupindirā mandire,
Sisam nilopalamanighatīlilāvilāsam phusam
Sevāli'ndivaradalasirim so kesamuṭṭhim adā; ()
6. Patvā tesam janapadamubho pakkhippa tā dhātuyo
Jivantasmim bhagavati mahāthūpam patiṭṭhāpayum,
Vimhāpento vanasuraganam yatrā'japālābhidho
Nigrodho'si tahimupagamī muṭṭhāya tamhā jino; ()
7. Svā'yaṃ dhammo sayamadhigato dubbodhanoduddaso
Icevaṃ so samabhivivinaṃ dhammassa gambhīratam,
Appo'ssukko'bhavi bhagavato cittaṃ viditvā mahā-
Brahmā'gantvā sayamadhigatam desetumāyācī tam; ()
8. Gaṇhitvā so bhuvanasaṇaṇo ajjhosanaṃ brahmuno
Deseyyam kho paṭhamamasamaṃ dhammaṃ imaṃ duddasaṃ,
Kassā'hanti sumariya vasī ālārakocuddako
Abbhaññātum vata paṭibalātesam cutim addasaṃ ()
9. Āvajjento munikatavidū te pañcavagge bhavā
Bhikkhu dhamme kataparicayā kutrā'dhunā vijjare,
Bārānasyam itisipatane ñatvāna āsāhiyā
Māse pañcaddasiya masamo bārāṇasim pāvisi; ()
10. Āgacchantam samuni upakaṃ ājīvakaṃ antarā-
Magge disvā gamanasamaye buddhattanaṃ attano,
Ācikkhitvā vimati matarī saññāya tam dūrato
Nibbinditvā katika makaruṃ vaggā samaggā vasī; ()
11. Ñatvā tesam manasi vikatiṃ odissakaṃ samphari
Mettaṃ cittaṃ narahari tato phuṭṭhāsamanā vasī,
Nātham natvā dasanakhasamodhāna'jalīhā'gataṃ
Paccuggantvā tahimahiharuṃ papphoṭhayitvā'sanaṃ; ()
12. Mākho tumhe pariharathamam eyā'vusotyā'dinā
Saññāpetvā samuni samaṇe sabbaññutaṃ attano,
Koṭṭha'ṭṭhārasahi navuto brahmehi cā'lanakari
Bārānasyam pani'sipatane paññattabuddhāsanam; ()
13. Samvattetvā parahitakaro so dhammacakkaṃ jino
Koṇḍaññākyassamaṇapamukhe koṭṭinamatṭhārasa,
Brahmāno te paṭhamakaphale sammā patiṭṭhāpayi
Kampitthā'yaṃka vasumativadhū suttāvasāne bhusam; ()
14. Vappatthero dutiyadivase' tye'vaṃ dinānukkamaṃ
Sotāpannā taditaravasī ātappamanvāya te,
Sabbetherā bhaṇitasamaye vitthāritassuññate
Suttattasmim vigatadarathā āsuṃ pahiṇāsvā; ()
15. Nibbinditvā nikhilavisaye nikkhanta māvāsato
Disvā satthā yasakulasutaṃ pakkosayitvāna tam,
Tāyaṃ ratyaṃ paṭhamakaphalaṃ ratyāvasāne dine
Pabbājesi uparimakhilaṃ maggapphalaṃ pāpayam; ()

16. Pabbājetvā yasakulasutassambhattamitte jane
Sampāpesi adhikacaturō paññāsa maggapphalam,
Evam khīṇāsavavasigaṇe jāte'kasatṭhyā bhuvi
Vassāna'nte pahiṇi muni te bhikkhu disācārikam; ()
17. Gacchanto so haririva mahāvīro'ruvelam sayam
Disvā kappāsikavanaghaṭe tiṃsappamāṇe jane,
Pabbājesi katavinayanā te bhaddavaggeyyakā
Bhikkhūmaggapphalarasamudā anvācarum cārikam; ()
18. Netā jetā vijaṭitajaṭo patto'ruvelam tato
Saṃdassetvā vimatiharaṇam so pāṭihīram varam,
Pabbājetvā jaṭilapavare tebhātike'nekadhā
Chindāpetvā vinayamakā antobahiddhajaṭam; ()
19. Pabbājetvā pacurajaṭile katve'tare nijjaṭe
Saddhiṃ tehī dasasatamahākhiṇāsavehā'samo,
Nicchārento disidisi bhusam chabbaṇṇaramsimka subham
Raṇṇo vācam sumariya puram rājaggaham pāvisi; ()
20. Tatrā'sante vasati sugate laṭṭhibbanuyyānage
Vuttantaṃ taṃ savaṇasubhagam uyyānapāloditaṃ,
Sutvā baddhañjalisarasiṇe pādāsane pūjayī
Bhunātho bārasahi nahutehā'gamma so māgadho ()
21. Bhettvā diṭṭhiṃ ciraparicitaṃ te kassapādī vasī
Disvā rājā bhagavati tadā dhammaṃcarante taḥiṃ,
Nikkaṅkho so sumadhurataram pitvāna dhammāmatam
Saddhiṃ ekādasahi nahutehā'dophalam pāpuṇi; ()
22. Laddhassāso darathavigamā hutvā mahopāsako
Svemebhikkham kasugatapamukho saṅghādhivāsessatu,
Āyācitvā namiya caraṇadvandāravindadvayaṃ
Paccuṭṭhāyā'gami sapaṇiso so bimbisārābhidho; ()
23. Pāto rājaggahanagarato koṭīnamatṭhārāsa
Daṭṭhum buddham nirupamasiriṃ laṭṭhivane nāgarā,
Rāsibhūtā dutiyadivase ekassa bhikkhussa'pi
Sambādhattā nahipavisanokāso'si dighañjase; ()
24. Āvajjetvākimanabhimataṃ sakko nisinnāsanam
Uṇhākāram janayi'ti tadā hutvā navo māṇavo,
Maggo'tiṇṇo abhavi purato gāthāhi vatthuttayaṃ
Saṃvaṇṇetto bhavatu bhagavā māchintabhatto iti; ()
25. Dānam datvā sugatapamukhassaṅghassa rājaggaham
Sampattassā'vanipatipuram aññatratvatthuttayā,
Bhante soham kathamihavase velāya'velāyapi
Ākaṅkheyyam tvadupagamituṃ iccevamārocayī; ()
26. Sandacchāyam vijanapavanaṃ yaṃ veḷudāyavhayaṃ
Uyyānam me jitasuravanaṃ taṃ nātidurantike,
Sampūjento jinakaratale jālāvanaddhe hari-
Bhīnkārenā'hariyaka salilaṃ pātesi taṃ patthivo; ()

27. Lokālokācalataṭakaṭī viñjhāṭavīlocanā
Gaṇakgāpānākgā danakasikharibāhā tikūṭatthanā,
Ugghosentī jaladhivasanā puññānumodantiva
Sādhū'tyā'yam vasumativadhū saṅkampi tasmimkhaṇe; ()
28. Āramam taṃ parama ruciram satthā paṭiggaṇhiya
Dhammam vatvā'gami parivuto bhikkhūhi vuṭṭhā'sanā,
Tasmim kāle paramamamatam ye daḥhamittā ubho
Tam taṃ gāmam nigamanagaram anvesamānā'carum; ()
29. Āhiṇḍantaṃ tahimanugharam piṇḍāya tesva'ssaji-
Ttheram disvā samitadamitam vippe'patissā'bhidho,
Laddho'kāso padamanuvajamka sutvādvi gāthāpadam
Sotāpanno' bhavi vijaṭayam saṃyojanāham tayaṃ; ()
30. Gātham sutvā amatamadhuram taṃ sārīputto'ditam
Moggallāno kaapanuditathāsamojanānam tayaṃ,
Pabbajjitvā tadubhaya janā netvā paribbājake
Patvārāmam amataparamā satthāramārādhayum; ()
31. Sattāhene'va'dhigami mahābhute pariggaṇhiya
Moggallāno vasī taditaram maggattayaṃ tapphalam,
Māsassa'ddham katavīriyavā suttaṃ parasso'ditam
Sutvā dhammam adhigami vasī taṃ dhammasenāpatī; ()
32. Dhammassāmī karahaci ubho te sāvakānam mamaṃ
Aggaṃ bhaddam yugamiti ime pabyākarotto munī,
Aggaṭṭhāne purimacaritam ṇatvā patiṭṭhāpayī
Sampineto sakalaparisaṃ cando'va kundāṭavim; ()
33. Sutvā suddhodananarapati putto mamaṃ sampati
Buddho hutvā padahiya ciraṃ nissāya rājaggaham,
Uttārento sakalajanataṃ saṃsāarakantārato
Saṃvattetto vasati sivadam saddhammacakkamiti; ()
34. Jiṇṇovuddho pariṇatavayappatto' hamasmyā dhunā
Jīvantoyevahi mamasutam icchāmi datṭhum bhāṇe,
Evaṃvatvā'dhikadasatam ekam amaccam tahim
Uyyojesi nayanavisayamka puttam karohīti me; ()
35. Gantvā'macco catuparisatim dhammam bhaṇantaṃjinam
Disvā baddhañjali saporiso tatre'kamantaṃ ṭhito,
Sutvādhammaṃ paramamadhuram patvā'ggamaggapphalam
Pabbajjitvā hadayakamalam kasaṅkocayī rājino; ()
36. Aṭṭhakkhattum puna saporise pāhesi rājāpare
Aṭṭhā'macce tathariva gatā'maccā napaccā'gatā,
Pabbajjitvā adhigataphalā tecā'pi raññomanam
Nā'rādhesum sunisitadhiyā sañchintasamojanā; ()
37. Dujjāno me maraṇasamayo jiṇṇo'smi tātā'dhunā
Tasmā puttam nayanavisayam katum samattho'sikim,
Evaṃ vatvā kapuna saporisaṃ sokāphadāyim tahim
Dinnokāsam pahini sacivaṃ pabbajjitum bhuhhujo; ()

38. Patvā'rāmaṃ parivutajano saccaddaseno'ditaṃ
Sutvā'macco thiramati catussaccā'nupubbikathaṃ,
Pabbajjitvā hatabhavabhayo hutvāna khīṇāsavo
Aggaṭṭhānaṃ paṭilabhi kulappāsādikānaṃ idha; ()
39. Bārāṇasyaṃ kesipatanato pattassa rājaggahaṃ
Sambuddhassā'dhikadinakatī pañcevamāsā' bhavaṃ,
Hemantā'tusamayavigamā sante vasante maṇi-
Bhusākārā upavanavadhū cūtaṅkurā' laṅkaruṃ; ()
40. Kālaṃ ñatvā kapilanagaraṃ kālañño sathhuno
Gantuṃ kālo'yamiti adhunā so kāludāyi vasī,
Saṃvaṇṇento gamanasamayaṃ kātuṃ alaṃ saṅghaṃ
Ñātinantī sumadhurasaro gāthābhigāyī puthu; ()
41. Mandaṃmandaṃ surabhipavano sito'dhunā vāyati
Pupphākiṇṇā vipinaviṭapī mattālimālākulā,
Gaṅgāvāpī vimalasalīlā samphullakaṅjuppālā
Sāyaṃka pāto ahani vivaṭā sabbādisā pākaṭā; ()
42. Bhante magge navadalasikhā jālo'jjalā mañjarī-
Bhasmacchannā bhamaravisaraddhumandhakārā bhusaṃ,
Jhāpenṇā'pe'tarahi virahī samphullacūtāṭavi-
Dāvaggī te lavamapi manotāpāya vattanti kiṃ; ()
43. Kāmandhānaṃ bhadayamadhunā socāpayattā bhusaṃ
Sākhacchinnā vigalitadalā magge asokaddumā,
Aññatrā'pī vanacaravadhū pādappahārā'turaṃ
Tatvante te karakisalayassobhaṃka virūḷhaṅkurā; ()
44. Pitvā cutaddūmaphalarasaṃ sammattapuṅkokilā
Saṃkujante sarasamadhuraṃ vetālikā'va'ñjase,
Seṇībhutā janapadavadhū te pādapīṭhe muni
Sampūjetuṃ navasarasije hiyyo'vinante dhunā; ()
45. Āmulaggā dalitaviṭapi pupphañjalihakā'dhunā
Āgacchantā tvamahimaituṃ saṃdissare'vo'natā,
Vātoddhutā bhamaramukharā kiṅjakkhapuñjā'ñjase
Ātatvante tavaparimukhe sovaṇṇasaṅkhassiriṃ; ()
46. Bhante antokalalasalilāvāsena kālaṃ ciraṃ
Ambhojānaṃ mukulavikatī siteti'vā'kuñcitā,
Esantī've'tarahi saraṇaṃ te pādabhaddāsane
Uggacchante pajahiya manotāpaṃ vasantāpaṃ; ()
47. Pātheyya'mbhoruhakuvalayā'laṅkāratuṅḍā kalaṃ
Saṅkujantī pavanapadaviṃ uḍḍīyamānā'dhunā,
Haṃsasseṇika sirasi vajato te bhuyate kiṅkiṇi-
Ghosākiṇṇaṃ kusumavikaticchannaṃ vitānaṃ yathā; ()
48. Sampūjenti ratanakanakālaṅakkārahārañjalī
Maggo'tiṇṇā vanasuravadhū te lājavuṭṭhīhi'va,
Kiṅjakkhehi caraṇayugalaṃ kamandātilandolitā
Vallī bhingāvalikisalayā'laṅkārasākhāvalī; ()

49. Sammārūlho pavanaturagaṃ kāmākaro mañjari-
Tuñiresū madhukarasare sandhānayanto' dhunā,
Campeyyādikusumakalikāsannāhasambhāsuro
Naṭṭho loko bahujanamanosanaṅgāma mogāhati; ()
50. Yasmā suddhodananarapabhu ādiccavaṃsaddhajo
Jiṇṇo vuddho mamihapahiṇi tvam daṭṭhukāmo pitā,
Tasmā bhante kapilanagaraṃ veneyyasattākaraṃ
Kantvā rañño hadayamakulaṃ bodhetu sokākulaṃ; ()
51. Sādhu'dāyi savisayamaṃ patvā narādhissaraṃ
Uttāreyyaṃ pitaramitare bandhū'pi dukkhaṇṇavā,
Evaṃvatvā radanakira ṇālaṅkārabimbādharo
Dhammassāmi parivutavasīrājaggahānikkhami; ()
52. Patvā rañño uparibhavanaṃ sokāludāyi'ddhiyā
Bhuttā'hāro tadupagamaṃ atvāha mārocayaṃ,
Sambuddhatthaṃ pituru'pahaṭaṃ bhikkhaṃka pakaṭṭiggaṇhiya
Assāsento vajati nabhasā sokākulaṃtaṃ kulaṃ; ()
53. Taṃ bhuñjanto divasadvase so yojanaṃ yojanaṃ
Saṅkhepento paramakaruṇārāmāya saṅcodito,
Netvā khīṇāsavayativare vīsaṃ sahasaṃ jino
Lakkhīvāsaṃ kapilanagaraṃ māsehidvīho'tari; ()
54. Nānuppatte bhagavati puraṃ no ñātiseṭṭhaṃ kuhiṃ
Passissāmā'tya'jahitamanokotuhalā sākiyā,
Ārāmayanaṃ vijānapavano nigrodhasakkassa taṃ-
Sāruppoti tahimabhinave senāsane māpayuṃ; ()
55. Paccuggantvā surabhikusumākiṇṇaṇjaliha'ñjase
Āgacchantaṃ sumahakiya jinaṃ rājiddhiyā'laṅkate,
Ketuggāhe daharadahare katvā kumāre pure
Rājā'maccā paramaruciraṃ ārama motārayuṃ; ()
56. Pallaṅkeno'dayagirisire cando'va tārāvuto
Nānākhīṇāsavaparivuto paññattabuddhāsane,
Āsino'yaṃ manakumuduniṃ sakyānamunniddayaṃ
Nissoko so muni parihari sokandhakāraṃ pitu; ()
57. Siddhattho'yaṃ paramadaharo amhehi vuddhā mayaṃ
Jāmātā'yaṃbhavati tanujo nattānujo no iti,
Mānatthaddhā daharadahare sakyā kumāre'bravuṃ
Tumhegantvā paṇamatha jinaṃ vo piṭṭhitāhomai no; ()
58. Āvajjetvā sakalaparisaṃ ñatvā tādajjhāsayaṃ
Mānummattā vibhavamadirāmattā ime khattiyā,
Muddhābaddhañjalikisalayā yasmā navandanti maṃ
Vandāpetuṃ alamiti tato jhānaṃ samāpajjiya; ()
59. Pattā'bhiñño nijapadarajoraṃsihi saṅcumbite
Tesaṃ cūḷāmaṇigirisire sambuddhasuro lasaṃ,
Saṃdassento yamakamasamaṃ mānandhakāraṃ haraṃ
Bodhāpesi vadanakamale gaṇḍambamūle yathā; ()

60. Disvā suddhodananaravaro taṃ pāṭihīraṃ varaṃ
Pādambhoje paṇami sirasā ānandabhāronato,
Cakkaṅkālaṅkatapadarajo samphutṭhamuddhāñjali
Rājaññaṇaṃ kamalalalikāsaṅḍassiriṃ vyākaraṃ; ()
61. Sañjhāmeghāvaliparivuto suroriva'tthācalaṃ
Khamhā bhaddāsanamavatarī sovaṇṇavaṇṇo jino,
Subabhujjiñche nayanabarihī kelāyanaṃ pokkhara-
Vassaṃ vassi nijanakharuciṃ tesāṃ samāje sati; ()
62. Sutvā vuttaṃ purimacaritaṃ vessantarākhyāṃ tato
Pakkantānaṃ phusiya sirasā tappādacūlāmaṇiṃ,
Bhante bhikkhaṃ sugatapamukho saṅghodhivāsetu no
Ice'kopi paṭhamadivase nākāsi ajjhesanaṃ; ()
63. Nānākhīṇāsavaparivuto lokānukampāparo
Lokādhisso dutiyadivase āciṇṇakappārahaṃ,
Sambuddhānaṃ kapilanaḡare pāto'va lakhyākare
Hīnukkaṭṭhaṃ kulamavijahaṃ piṇḍāya sampāvisi; ()
64. Āhiṇḍantaṃ tahimanugharaṃ piṇḍāya santindriyaṃ
Sathhāraṃ taṃ nirupamasiriṃ chabbaṇṇaraṃsujjalaṃ,
Pāsādaṭṭhā'nimisanayanambhojehi sampūjayaṃ
Ugghāṭetvā harimaṇimayaṃ jālāvaliṃ nāgarā; ()
65. Ohāretvā kusumasurabhīsāṅkhārasambhāvite
Kese massuṃ rajanamalinaṃ kāsāvavatthaṃ kharaṃ,
Acchādetvā kapaṇapuriso'va'yyo gahetvā sīlā
Pattaṃ patto kapilanaḡaraṃ pakiṇḍāya āhiṇḍati; ()
66. Vuttantaṃ taṃ savaṇakaṭukaṃ sutvāna bimbādharā
Bimbādevī marakatasilājālantarā vithiyaṃ,
Āhiṇḍantaṃ parivutagaṇaṃ mattebhagāmiṃ jitaṃ
Olokeṭī nayanamaṇike assūhi sampūrayi; ()
67. Cumbanti sātanaḡarataṇaṃ tandassanabyāvaṭā'-
Sityā'nubyañjanavilasitaṃ byāmapakpabhālaṅkkaṭaṃ,
Rūpaṃ rūpassiri nirupamaṃ saṅgāyi gāthaṭṭhakaṃ
Saṃvaṇṇetvā caraṇatalato yāva'ssa uṇhisato; ()
68. Īsaṃ kālaṃ alasagamaṇaṃ sā kālaḡaṃsopakari
Oropenti abhinavakucandā'tibhārāturā,
Gantvā sīghaṃ khalītavacatā putto mahārāja te
Piṇḍāya'smiṃ carati nagare rājānamiccabruvi; ()
69. Rājā senāparivutasamo tejonubhāvādinā
Taṃ sutvāṃ'se sukhumavasanaṃ katvā navamaṃsāṭakaṃ,
Acchādetvā nihitamakuṭo nikkhattakhaggo bhusaṃ
Lajjāpanno tuvaṭatuvaṭaṃ gantvā tadagge ṭhito; ()
70. Koṭṭhagārānya'pi pitukule rittāni kimmaññasi
Kasmā lajjāpayasi pitaraṃ tvam bhānuvaṃsubbhavo,
Bhante tuyhaṃ pakarivutavasīsāṅghassi'to bhojanaṃ
Mā kapiṇḍāya'cari anudinaṃ dajjeyya miccabruvi; ()

71. Tuyhaṃ vaṃso anariyapado ādiccavaṃso siyā
Mayhaṃ vaṃso sadariyapado sambuddhavaṃso siyā,
Asmiṃvaṃse anuvicaraṇaṃ piṇḍattha manvālayaṃ
Cārittaṃ bhopurimasugatā'ciṇṇanti kavatvā jino; ()
72. Uttiṭṭhādiṃ avadi kasugamaṃ gāthaṃ ṭhito vīthiyaṃ
Sotāpanto'vanipati bhavī sotāvadhānena so,
Gāthādhammaṃ suṇiya madhuraṃ dhammaṃcare'tyā'dikaṃ
Patto maggaṃ dutiyamavīraṃ dhammānudhammaṃ caraṃ; ()
73. Sutvā rājā cariyamaṃparaṃ yo dhammapālavyayaṃ
Patto maggaṃ tatiyamakhilaṃ kāmālayaṃ cālayaṃ,
Setacchattu'llasitasayane'nuṭṭhānaseyyu'pago
Saṅkhārānaṃ visadamatiyā yo lakkhaṇaṃ sammasi; ()
74. Viddhaṃsetvā namuvipariṣaṃ saṃkelasamārādikaṃ
Suro ramhāvanamiva'sinā so aggamaggāsina,
Tuṭṭho maggapphalasukhasudhāpānena verisame
Pañcakkhandhe vijaya malbhī nibbānarajjassiriṃ; ()
75. Āropetvā uparibhavanaṃ pattaṃ gahetvā tato
Rājā saṅghaṃ sugatapamukhaṃ khajjena bhojjena ca,
Santappetvā puna sapariso nīce nisajjāsane
Sārāṇīyaṃ kathayamavasi sammodanīyaṃ kathaṃ; ()
76. Itthāgāraṃ hadayasarasimajjhe nimuggatthana-
Haṃsaṃ dinānānasarasijaṃ soke'ṇatāpeniva,
Buddhaṃ baddhañjaliharasirokumbhehi sampūjayī
Taṃ vātabbhāhataharilatālīlaṃ jagāmo'nataṃ; ()
77. Antogabbhe nayanasalalaṃ samapuñchamānā jinaṃ
Bimbādevī saparijanatāvyāpāritā vanditūṃ,
Appatvā me yaḍiguṇadhaṇaṃ attha'yyaputto sayāṃ
Taṃ kamaṃ daṭṭhūṃ nanupavisatī'tve'vaṃ vadantī ṭhitā; ()
78. Raññā saddhiṃ purisanisaho tāyindirāmandiraṃ
Antogabbhaṃ maṇigaṇapahābhinnandhakāraṃsadā,
Āḍāya'ggamaṃ yatipatiyugaṃ patvā'cchi bhaddāsane
Paññatte so'dayagirisire bālaṃsumālī yathā; ()
79. Disvā pīnatthanabharanātā sā rājadhītā jinaṃ
Patvā mālā kanakaratanālanākārahīnā lahuṃ,
Haṃsimaññe sarasijavanaṃ pāde yathājjhāsayaṃ
Sañcumbantī paṇami sirasā āḍāyagopphadvayaṃ; ()
80. Pāsāda'ntovarakasarasi dhammillasevālake
Omujjantī nijabhujalatālīlātaraṅgākule,
Nāthassa'ngḥitalanakhasikhākantippabandhāmbhasi
Laddhassāsā ciravirahaṃ tāpaṃ vinodesi sā; ()
81. Sutvā nesā kanakaratanā'saṃdhāraṇaṃ dhāraṇaṃ
Kāsāvānaṃ tavahiridhanā'vissajjanaṃ sajjanaṃ,
Nā'jjhācāre anabhiramaṇaṃ uccāsane cā'sane
Rājā'voca tvamanukurute snehodayā'hodayā; ()

82. Sutvā tassāniravadhiguṇādhārāya'nūnaṃ guṇaṃ
Āvikatvā'gami bhavapaṭicchannāpadānaṃ jīno,
Netvā gehappavisanakaraggāhā'bhisekussave
Saṃvattante dutiyadivase nandākhyaṛājatrayaṃ; ()
83. Gacchanto'pī saha bhagavatā so pañcakalyāṇiyā
Sīghaṃ jālaṃ vivariya thiyā vīthiṃ vilokentiya,
Bhaṅgāpāṅgāyatabhujalatāsaṅkkaḍḍhitabbhantaro
Pattaṃ bhante haratha vacanaṃ bhadyā na taṃ vyākari; ()
84. Pabbājetvā visayamadirāmattāya tassā gīraṃ
Sutvā nandāpahanahadayaṃ nandaṃ narindatrayaṃ,
Icchāpetvā kakuṭacaraṇidibbaccharāliṅgane
Ñāyenā'nuttarasukhamahāraṃje patiṭṭhāpayī; ()
85. Bimbādevi sukharibhataṃ kīlāparaṃ rāhulaṃ
Āliṅgitvā tanujaratanāṃ sā sattame vāsare,
Ugghaṭetvā ratanakhacitaṃ jālaṃ vimānodare
Āgacchantaṃ purisatisabhaṃ nijjhāyamānā ṭhitā; ()
86. Nānākūṭācalavalayito devindacāpākulo
Āgacchanto kanakasikharīrājāka yathā jaṅgamo,
Tatā khīṇāsavaparivuto jabbaṇṇabhānujjalo
Eso tuyhaṃ naraharika pitā iccākaha pakassāhi naṃ; ()
87. Etassā'suṃ vividhanidhayo puññānubhāvutṭhitā
Nāhaṃja kapakassāma'bhigamanato paṭṭhāya tekhonidhī,
Bhūsāpetvā tanujaratanāṃ sā sattavassāyukaṃ
Yācassū'ti paṇiṇi pituno ñattaṃ dhanāṃ pettikaṃ; ()
88. Uppādetvā pitari balavaṃ pemaṃ jalevu'ppalaṃ
Puttota'yā'haṃ tvamasijanako chāyā'pi teme sukhā,
Aḍḍhāse'vaṃ lapitavacano vuṭṭhāya bhaddāsānā
Bhuttāhāroka parivutavasi gantaṃ jinocā'rabhī; ()
89. Dāyajjaṃ me samaṇa dadataṃ atthodhanenā'ti me
Yācaṃ yācaṃ jinamanuvajjaṃ sārāṅgarājakkamaṃ,
Sīhacchāporiva bhagavato daḷhaṃ surattaṅgulī-
Mālāyālankari bhujalataṃ bhogindabhogāyataṃ; ()
90. Saṃyācannaṃ vibhava kamanugaṃka vaṭṭānugaṃ rāhulaṃ
Pabbājetvā'riyadhananidhiṃdemīti cintāparo,
Patvā'rāmaṃ ajahitasuto saddhammarājā imaṃ
Pabbājehi'tya'vadi sumukhaṃ tvaṃ dhammasenāpati; ()
91. Chetvā nīluppaladalamudum cūlākalāpaṃ mahā-
Moggallāno kavasi abhinavaṃ kāsāvamacchādayī,
Tasso'vadaṃ akari dhutavā thero mahākassapo
Pabbājesi tanujaratanāṃ taṃ sārīputto vasi; ()
92. Sikkhākāmo aparasamaye thero mahārāhulo-
Vādaṃ sutvā'dhikataraguṇaṃ sampāpuṇī rāhulo,
Sutvā kasuttaṃ puna taditaraṃ sikkhāgarūnaṃ garu-
Ṭṭhānaṃ patto tibhavamatari patvā'ggamaggapphalaṃ;Ka ()

93. Tasmim̄ suddhodananaravaro pabbajjite nattari
Ajjhogāḷho ravikuladhajonissīmasokaṇṇave,
Dinno'kāsaṃ kamapitanayaṃ mātāpitūhā'yatiṃ
Pabbājeyyuṃ alamitivarayaṃ saṃyāci vosāvākā; ()
94. Rañño datvā varamati varam bhuttāsano āsanā-
Vuṭṭhāya'ntobhavanavanato nikkhamma mandānilaṃ,
Rukkhacchāyāviraḷasarasītīraṃ vivekakkhamaṃ
Sītaṃ sitabbanamavasari chaddantadantī'vaso; ()
95. Tasmim̄kāle gahapatikule jāto mahāseṭṭhipi
Patto rājaggahapuravaraṃ saddho sudattābhidho,
Buddhoka hutvā yamadhivasate'tya'ssosi suddhodanī
Paccūsasmiṃ amaravivaṭadvārena tatrā'gamā; ()
96. Appetvā'nakghīratanaḷhalake khittaṅḷjalīmaṅjarim̄
Bhatyācūḷārajatalakasaṃ cittappasādāvahanaṃ,
Dhammaṃ sutvā paṭhamadivase laddhādimaggapphalo
Dānaṃ datvā sugatapamukhe saṅge sudattodhanī; ()
97. Bhante lakkhīkamakalamalakā saṅakkāsamatthāya no
Iddhaṃ phakhītaṃ sujanabhajitaṃ sāvatthisaṅkhaṃ puraṃ,
Dhammassāmi vajatu karuṅāchāyāsakahāyo lahuṃ
Laddhassāso savisayamaḡevaṃ katajjhesano; ()
98. Buddhatthaṃ so gahapati mahāmagge samagge divā-
Rattiṭṭhānappabhutisubhage paccekalakkhaṃ dhanam̄,
Vissajjetvā pacuravibhavo daṭṭhabbasārepure
Kāropesi amarabhavanākāreka vihāre vare; ()
99. Koṭṭha'tṭhārasahī asamaṃ bhūmiṃ kiṇitvā samaṃ
Koṭṭha'tṭhārasahi pacuraṃ māpetva senāsaṃ,
Koṭṭha'tṭhārasahi paramaṃ āramapūjāmaṃ
Sajjetvā so gahapati navam̄kamakmaṃ suniṭṭhāpayi; ()
100. Evaṃ jetavanaṃ vihārapavaraṃ kārapayitvā mahā-
Vīrassā'gamaṇāya dūtapurise pesesi seṭṭhissaro,
Tesaṃ sīsaharaṅḷjalihi mahito sutvāna taṃ sāsaṃ
Sambuddho jalitiddhimā sapariso rājaggahā nikkhami; ()

Iti medhānandābhīdhānena yatinā viracite sakala kavijana hadayānandadāna nidāne
jinavaṃsadīpe santikeka nidāne bhagavato pakiṇṇaka caritappavatti paridīpo soḷasamo saggo.

1. Satthu jetavananāmamindirā-
Rāma motaraṇamaṅgalussave,
Rāmalakkhaṇabhagī (rathoddhatā)
Seṭṭhiputtapamukhā sumaṇḷitā; ()
2. Pañcamattasatamaṅavā navā
Pañcavaṇṇadhajabhāsure'ṅjalī,
Pañcakhāṇasiriyu'jjalā'bhavum̄
Pañcamārajinarājino pure; ()
3. Hemakumbhakucakumbhavibbhamā
Seṭṭhidhītipamukhā kumārikā,

- Puṇṇakumbhasatanibbhara'ñjalī
Tassa satthu purato tato bhavum; ()
4. Setṭhipādaparcīrikāsakhī
Mantharā'vajitahaṃsadhenuyo,
Pañcamattasatanāriyo'bhavum
Pacchato gahitapuṇṇapātiyo; ()
5. Setavatthasunivatthapāruto
Pañcaseṭṭhisatamattasevito,
Lokanāyaka manāthapiṇḍiko
Seṭṭhi pītierito tamanvagā; ()
6. Nīlapītapabhūṭīhi mārājī
Deharaṃsivisarehi jotayaṃ,
Añjasaṃ saharācaram bhuvi
Jaṅgamo kanakabhūdhārora; ()
7. Maggadesakajanassa piṭṭhito
Bhikkhusaṅkghaparivārito yaḥiṃ,
Jetanāmayanamotarī tahiṃ
Lokalocananipīyamānako; ()
8. Pucchitassa paṭipajjanakkamaṃ
Tāya jetavanapujanāya so,
Dehi buddhapamukhe tapovanaṃ
Bhikkhusaṅghavisaye'ti pabruvi; ()
9. Dammi buddhapamukhe tapovanaṃ
Bhikkhusaṅghavisaye'ti bhindiya'
Byappathaṃ thiramanāthapiṇḍiko
Seṭṭhi dhotakarapaṅkajoka sadā; ()
10. Jālalakkhaṇavicitrakomaḷa-
Pāṇipallavatalesu satthuto,
Dakkhiṇodakamadāsi kañcana-
Kuṇḍikāya surabhipavāsitaṃ; ()
11. Sitamuṇḥhamanilātapaṃ paṭi-
Hanti ḍaṃsamakase sirīmsape,
Svā'numodanamakā jino paṭi-
Ggayha jetavanamevamādinā; ()
12. So sudattavisuto samāpayi
Vatrabhūpamapabhūvibhūsaṇo,
Seṭṭhi jetavanapūjanāmahaṃ
Cattakoṭidhanasañcayo sadā; ()
13. Indirāya suramandiropanā
Candanāgarusugandhabandhurā,
Tatra gandhakuṭi bhāti medinī-
Sundarisirasi sekharo yathā; ()
14. Tāya gandhakuṭiyā'dhirohiṇī
Dhammarājacaraṇindirā'dharā,

- Saggamokkhabhavanappavesani-
Sseṇipaddhatirivā'ti nomati; ()
15. Tabbihāraparito sudhāmaṇi-
Baddhamāvaraṇacakka māhare,
Satthu kittisirikhīrasāgaru-
Tatungavīcivalayassiriṃ sadā; ()
16. Tabbihārapariveṇamosadhi-
Tārakādhavalavāḷukākulaṃ,
Vyākaroṭi jinakundabandhuno
Saṅgamaṇa saradambarassiriṃ; ()
17. Tattharattamaṇiketusaṃhatī-
Raṃsibhinnatimirambare na kiṃ,
Kovidehī ravicanda tārakā
Jotirīṅgananihbhā'ti vuccare; ()
18. Bhāti phullavanarājilakkhiyā
Rattakambalamivā'hisanthataṃ,
Caccaraṃ caraṇasampaṭicchane
Satthuno kusumareṇu nibbharaṃ; ()
19. Bhīṅgapantimaṇitantisibbitaṃ
Mandamārutatharussitaṃ tahiṃ,
Pupphareṇupaṭalabbitāna mā-
Bhātisaṭthu'pari vāritātaṃ; ()
20. Rājarukkhakaṇikārasākhino
Phullitā parisamantato tahiṃ,
Satthu dhammasavaṇena dīssare
Cīvarāni'va nivatthapārutā; ()
21. Uggatā'likuladhūmakajjalā
Nibbikāsakalikāsikhāvalī,
Campakadadumapadīpasākhino
Ujjalanti satavaṇṭavattikā; ()
22. Jhāyataṃ kamadhuraḍhamabhārati-
Nījjharehi sikharidari tahiṃ,
Sammavegaparisisitā da'pi
Kiṃ navūpasamayanti sādhave; ()
23. Kujitālikulakokilā tahiṃ
Phullitaggasahakārasākhino,
Tibbarāgacarite'pi mūlage
Bhāvanāsu naramāpayanti kiṃ; ()
24. Lājapañcamakapupphanthataṃ
Tantapovanapavesanañjasaṃ,
Vītarāgacaraṇaṅkasajjitaṃ
Saggamaggamaṇapahāsate sadā; ()
25. Nārivāmacaraṇātūrā'pi ye
Saṅgamaṇa vigataṅgaṇaṅgīnaṃ

- Lomahaṃsajanite'va pītiyā;
Tatra'sokatarurāji rājate, ()
26. Kiṃsukādikusumehi bhāsuraṃ
Taṃ tapovana manālayālayaṃ,
Tesa muggatapatejasā bhusaṃ
Aggipajjalitameva dissate; ()
27. Uddhavaṇṭagaḷitehi phullase-
Phālikākuḍumalehi sālinī,
Mālakā rajatavedikā kaviya
Vidadumehi khavitā virājate; ()
28. Pīta cuta makaranda bindavo
Tatra kīrakaravikasārikā,
Kiṃka haranti madhuraṃ ravantipi
Mañjubhāṇīmuni bhāratissiriṃ; ()
29. Hemakūṭamakuṭehi nijjhara-
Bhārabhāsuraṭo'rapīvarā,
Bhuribhuridharabhubhujā tahiṃ
Cumbare jinasuta'ṅhipaṅkaje; ()
30. Cārucañcupuṭatuṅgacucukā
Cakkavākakucamaṇḍalā tahiṃ,
Nīlikākacakalāpasālinī
Nīlanīrajavilolalocanā; ()
31. Seṇibaddhakalahamaṃsamekhalā-
Dāmabhāraṭaṭapīnasonīnī,
Bhīṅgacakkaratanaṅgadāvalī
Bhaṅgavīcikaṇahārabhāsura; ()
32. Kaṇṇikāgaḷitakaṅjakesara-
Piñjarambuvimalambarā subhā,
Gandhavāhasukhaphassadā siri-
Mandirā kumudamandahāsini; ()
33. Kesarāliradanā sarojinī-
Kāminī vikacapaṅkajānanā,
Vītasabbadarathehi sevitā
Dibbapokkharāṇiyo najenatikim; ()
34. Muddikāpabhutivallivellita-
Jiṇṇacīvarakuṭīhi jhāyataṃ,
Piñchāsāritasikhaṇḍimaṇḍalā-
Khaṇḍataṇḍavasumaṇḍitaṃ vanam; ()
35. Satthu kasāvakasatehi bhāvanā-
Sattibhinnatimisāti katthaci,
Dissare niracakāsato tahiṃ
Gabbharo'darasamosarāni'va; ()
36. Kālakā dhutapisaṅgavāladhī
Māḷakesu kalaviṅkasāḷikā,

- Bhattasitthamanubhūya nibbhayā
Dhammarāvamanukūjare tahiṃ; ()
37. Vitamaccubhayabhantalocanaṃ
Ālavālalalapānadohaḷaṃ,
Satthu mañjusarapāsaniccalaṃ
Dissate hariṇamaṇḍalaṃ tahiṃ; ()
38. Hatthavellitalatāhi vāraṇā
Vānarāca maṇivijānīhi'va,
Vijayanti bhavatāpabhīruke
Rukkhamūlagatajhāyino tahiṃ; ()
39. Meghavaṇṇavanarājirājini
Kandamūlaphalabhojanehi sā,
Dānapāramirate'va pīṇaye
Bhikkhūsaṅghasahitaṃ tathāgataṃ; ()
40. Dhammamaṇḍapavitānamuddhati
Lambamānamaṇibubbulodare,
Niccāpajjalitavijjurājīyo
Bhanti nijjitaravindutārakā; ()
41. Rukkhakoṭarakulāvakodare
Kujitehi sakuṇehi taṃvamaṃ,
Jeti saṅkhaghaṇavaṃsavallakī-
Rāvasārasuraraṅgabhusiriṃ; ()
42. Indanīlamaṇitorañippabhā-
Bhinditabbatimiropamaṃ tahiṃ,
Candacaṇḍakaramaṇḍaladvayaṃ
Vindateva asurindavibbhamamaṃ; ()
43. Khīrasāgaratarāṅgapaṇḍarā
Nekacaṅkamanamālakā tahiṃ,
Phuṭṭhacārucaraṇindirā bhusaṃ
Bhanti jhānapasutāna massame; ()
44. Bhāvanāya pavanāni pāvanā
Desanāya rasanā vibhūsanā,
Sevakā danavakā sasāvakā
Mānyantī kavikanayaṃ sukhānayaṃ; () (Yamakabandhanaṃ;)
45. Kīcakā tyanīlakūja kīcakā
Vācakā rivagaṇassa vā cakā,
Mocakā navaphalassa mocakā
Mecakā camaṇithambha mecakā; () (Yamakabandhanaṃ;)
46. Kūjitā'li bhajitā'parākajitā
Rājitā'lakajitā hi pūjitā,
Gāravā'kararavāyakeravā
Keravākararavā sagāravā; () (Yamakabandhanaṃ;)
47. Ketakī kusumahantacātakī
Ambare ṇukaṇikā'valambare,

Vuñcitā utuniyāmayañjitā
Rāmabhumi paramābhirāmabhū; () (Yamakabandhanaṃ;)

48. Tāsadā havisadāna māsadā
Yo sadātiya sadā kama taṃ sadā,
So tamo dahatamo hi tattamo
Vītamo muhatamo hī gotamo; () (Yamakabandhanaṃ;)
49. Sālakā nanavilāsapā latā
Mālakā valisubhāsamā lakā,
Mālakā valisubhāsamā lakā
Sālakā nanavilāsapā lakā; () (Yamakabandhanaṃ)
50. Vāneva jāto vijito vaneva
Jinova'nejo kavanajānāno no,
Netā vinetā vijanānu vāte
Vanī janaṃ jetavane vinento; () (Caturakkharika citta yamakaṃ;)

Iti medhānandābhīdhānanayatinā viracite sakalakavijana hadayānandadānanidāne
jinavaṃsadīpe santike nidāne jetavana vihārālaṅkāra paridīpo sattarasamo saggo.

1. Bhuvika yassa jinassa tādino
Vidurānaṃ mukharaṅakgamandire,
Arahādi guṇāti sundarī)
Lasate kitti vilāsa sundarī; ()
Migadāyatapovane isi-patane gotama gotta ketuso,
Narasārathi vassa mādimāṃ
Vasi bārāṇasirājadhāniyaṃ; ()
3. Puna veḷuvane vināyako
Nagare rājagahe giribbaje,
Dutiyāṃ tatiyaṃ catutthakaṃ
Avasi vassamanuddayāparo; ()
4. Muni pañcamavassa mindirā-
Layavesāli puraṃ mahāvane,
Pavihāsi puraṅgapīvaram
Upanissāya yatheva kesari; ()
5. Timirāpaharo'sadhīlatā-
Jalite sītala nijjharākule,
Munichaṭṭhamanālayo sukhaṃ
Vasi vassaṃ puthumaṅkulācale; ()
6. Tidasālayago sudubbudhaṃ
Abhidhammaṃ kathayaṃ silāsane,
Sunisajja savītināmayī
Sugato sattamavassa manvahaṃ; ()
7. Haricandanagandhapāvāna-
Pavane bhesakalābhīdhe vane,
Sanarāmāra lokanāyako
Munināgo vasi vassamaṭṭhamaṃ; ()
8. Madhurassarabhāṇi ghosita-

- Visute ghosita setṭhikārite,
Navamaṃ vasi vassamassame
Varakosambi pure munissaro; ()
9. Munikesari pārileyaka-
Karinājīvitadānato bhato,
Dasamaṃ vasi pārileyake
Vanasaṇḍe tarusaṇḍamaṇḍite; ()
10. Varadhammasudhārasena sa-
Jjana mekādasamaṃ samaṃ jino,
Dvijagāmvare' bhipiṇayaṃ
Vasi nālāvidite nirālayo; ()
11. Dharaṇīsuraḡama māsadā
Punaveraṇḡa maniṇjano jino,
Pucimandadumindamūlago
Asamo bārasamaṃ samaṃ vasī; ()
12. Vikacappalacārulocano
Munirājā vajirācalācalo,
Sikharākulacāliyācale
Avasī teḡasamaṃ guṇālayo; ()
13. Salilāsayasītale mudu-
Pavane jetavane tapovane,
Vasi cuddasamaṃ samaṃ mahā-
Samaṇo assamaṇā' pasādano; ()
14. Kapilavhayarājadhāniyā
Avidure nararāhaseyyake,
Pavihāsi tipaṇcamaṃ samaṃ
Muni nigrodhatapovane subhe; ()
15. Khara mālavakaṇca rakkhasaṃ
Damayaṃ bhūdhara pīvarodaraṃ,
Rucirālavirājadhāniyaṃ
Viḡarī soḡasamaṃ samaṃ jino; ()
16. Puna veḡuvanaṃ tapovanaṃ
Upanissāya giribbajaṃ puramaṃ,
Dasa sattama vassa māvasī
Munisīho hatamāravāraṇo; ()
17. Bhavadukkharujāhi mocayaṃ
Janataṃ dhammakathā' gadena so,
Vasi cāliyapabbatālaye
Jinavejjācariyo dasaṭṭhamaṃ; ()
18. Tadanantaravassa muggadhi
Vipule cāliyapakabbate' va so,
Vasi vīsatiṃ giribbaje
Nagare veḡuvane tapovane; ()
19. Anibaddhaviḡārato iti

- Viharanto bhagavā tahiṃtahiṃ
Mañijotiraso'va kāmado
Sarade vīsati vītināmayī; ()
20. Muni jetavane tapovane
Bhavane cā'pi migāramātuyā,
Mahite vasi pañcavīsati-
Mitavassāni tibaddhavāsago; ()
21. Anibaddhanibaddhavāsato
Vasato tassa sato tahiṃ tahiṃ,
Nanu vijjati kiccapañcakam
Katakiccassa kathananuvāsaram; ()
22. Aruṇuggamane samuṭṭhito
Tadupaṭṭhākajanassa'nuggaham,
Munirānanapādadhovanam
Pavidhāyā'khilakicca mattano; ()
23. Sunisajja susajjitā'sane
Sapadānācaraṇāya yāvata,
Samayo samayaññu vindati
Naciram jhānasukham rahogato; ()
24. Paribandhiya tāyabandhanam
Sunivatthantaravāsako'pari,
Arahaddhajachāditaṅgimā
Mañivaṇṇopalapatta mubbaham; ()
25. Abhisankhatapuññasattiyā
Vivaṭadvāravihāragabbhato,
Girigabbharato'va kesarī
Bahinikkhamma kadāci ekako, ()
26. Valayikatatārakāvalī
Navacandoriva vāridodarā,
Yatisaṅghapurakkhato tato
Bahi nikkhamma kadāci so muni; ()
27. Pakatīgatiyā'pi bhikkhitum
Gatiyā sappāṭihāriyā'yapi,
Yugamattadaso samācare
Nigamaggāmapurīsu katthaci; ()
28. Carato varapāṭihāriyam
Samadhiṭṭhāya kadāci bhikkhitum,
Vimalīkurute mahītaṃ
Purato mandasugandhamāruto; ()
29. Purato'pasamenti dhūliyo
Carato cārutarāñjase sire,
Vilasanti vitāna vibbhamā
Navameghā phusitāni muñcare; ()
30. Kusumāni samīraṇā'pare

- Vipinenā'hariyo'kirantipi,
Nijapādalaṃ'va bhūtaṃ
Samataṃ yāti pathe padappite; ()
31. Mudukā sukhaphassadā mahī-
Vanitā tappadasaṅkame'kadā,
Kamalānīpi cumbare'kadā
Pathaviṃ bhejja tadaṅghīpaṅkaje; ()
32. Caraṇakkamitā'ravindaja-
Makarandā'ti sugandhabandhurā,
Jinagandhagajinda māsirāṃ
Parivāsenti samokirantipi; ()
33. Makarandapabandhavibbhamāṃ
Juti sindhūravicuṇṇabandhurā,
Abhibhūya supiṅjarāyate
Carato lokamimāṃ carācaram; ()
34. Kalahaṃsa mayūrasārikā
Karavīkā'pi sakaṃsakam ravaṃ,
Dvipadā'pi catuppadā'pare
Vajato tassa napūjayanti kiṃ; ()
35. Turiyāni vibhūsaṇāni'pi
Sayamevā'bhiravanti taṅkhaṇe,
Tamudikkhiya pāṭihāriyaṃ
Sugate koka hi nasampasīdati; ()
36. Vividhabbhutapāṭihāriya-
Katasāññāya mahājano jino,
Janayaṃ janatāya'nuddayaṃ
Idhapiṇḍatthamupāgato iti; ()
37. Kusumādiyamākulañjalī
Sadaneha'ntaravithi motare,
Jinaraṃsi pabandha kambala-
Satasāñchanna vivaṇṇaviggahā; ()
38. Janatā nakharālidīdhiti-
Nikarākāsanadīnimujjitā,
Abhivandati vandanārahaṃ
Munino pādayugaṃ pamoditā; ()
39. Dasavisativā mahājano
Jinapāmokkhatī satampivā,
Abhiyācati detha noiti
Bhagavantaṃ vibhavānurūpato; ()
40. Adhivāsanamassa jāniya
Janatā'dāya jinassa hatthato,
Tamadhiṭṭhitapatta mindirā-
Sadanaṃ dānagharaṃ pavesaye; ()
41. Catujātikagandhabhāvite

- Bhuvi paññattavarāsanopari,
Ahatāhatavatthajātite
Sunisinnam sugatam sasāvakaṃ; ()
42. Paṭiyattapaṇītabhojana-
Vikatīhe'va sahatthapaṅkajā,
Abhitappayate mahājano
Patimāneti ca cīvarādinā; ()
43. Saraṇāgamane'pi pañcayū
Adhisīlesu paṭiṭṭhahanti ye,
Catumaggaphalesu katthavi
Tadabhiññā'nusayāsāyādito; ()
44. Bhagavā katabhattakiccavā
Anurūpāya kathāya dhammiyā,
Ravibandhu vineyya bandhunam
Hadayambhojavanam pabodhaye; ()
45. Harimerugiri'va jaṅgamo
Parinaddhindasarāsanāvalī,
Visate satapuññalakkhaṇo
Muniru'tṭhāya vihāramāsanā; ()
46. Varamaṇḍalamālake tahiṃ
Muni paññattamahārahāsane,
Khaṇamāgamayam nisidati
Yaminam bhojanakiccāsāghanam; ()
47. Maṇivammasuvammitā viya
Karino pārutapamsukūlikā,
Yatayo yatirājayūthapam
Parivārenti upecca taṅkhaṇe; ()
48. Samayam samayaññuno tato
Tadupaṭṭhākavaro nivedaye,
Jinagandhagajo suvāsitaṃ
Visate gandhakuṭṭim sugandhinā; () (Purebhattakiccam)
49. Athagandhakuṭṭimukhe jino
Virajo pādarajo nacatthipi,
Paridhotapadāni nikkhipam
Maṇisopāñatale khaṇam ṭhito; ()
50. Udayo'pi jinassa dullabho
Khaṇasampattisamiddhi dullabhā,
Manujesu'papatti dullabhā
Jinadhammassavaṇampi dullabham; ()
51. Samaṇatta mape'ttha dullabham
Tividham sāsana mappamādato,
Yatayo'vadatā'nusāsati
Abhisampādayathā'ti bhikkhave; ()
52. Abhivandīya keci bhikkhavo

- Bhagavantam̐taka paṭipattipūrakā,
Atha sampatipādanakkamaṃ
Paṭipucchantivipassanādisu; ()
53. Padadāti vipassanādisu
Muni tesam̐ cariyānurūpikaṃ,
Paṭigaṇhiya satthusāsanaṃ
Maṇidāmaṃ viya makaṇḍanatthiko; ()
54. Pavidhāya jinaṃ padakkhiṇaṃ
Atha te bhattisamapakpitaṅjalī,
Pavisanti yatī sakamaṃsakamaṃ
Vasatiṃ santanivātavuttino; ()
55. Vatapabbatapādakandara-
Pabhūtisva'ññataram̐ka padhānikā,
Pavisanti surāsuroraga-
Garulānaṃ bhavanesucā'pare; ()
56. Atha gandhakuṭiṃ yadicchati
Pavisitvā pavivekakāmavā,
Muni dakkhiṇapassato sato
Sayanaṃ kapakpayatī'sakamaṃ divā; ()
57. Vupasantasarirajassamo
Muniru'tṭhāya anekakoṭiyo,
Anubhūyaka samādhayo khaṇaṃ
Bhuvanaṃ passati buddhacakkhunā; ()
58. Samathamhi vipassanāyavā
Dhuraniikkhepakate tathāgate,
Tahimiddhibalenu'paṭṭhito
Puna vuṭṭhāpayate dayānidhi; ()
59. Iti pañcasatampi sāvake
Atikhippaṃ kabhagavā'nusāsiya,
Padumāniva te pabodhayaṃ
Nabhāsā yāti vihāra mattano; ()
60. Jinasindhavapādavikkamaṃ
Jinachaddantagajindakuñcanaṃ,
Jinakesarasīhagajjanaṃ
Abhipassāma suṇoma no iti; ()
61. Vihareyya yaḥiṃ jino taḥiṃ
Aparaṇhe kusumākulaṅjalī,
Sunivatthasupārutā bhusaṃ
Muditā sannipatantikho janā; ()
62. Atha dassitapāṭihāriyo
Pavisatvā varadhammamaṇḍapaṃ,
Sūriyova yugandharo'pari
Sunisajjā'sanamatthake jino; ()
63. Karavikavirāvahārinā

- Madhuro'dārasarena sotunaṃ,
Caturā'riyasaccamīraye
Anupubbāya kathāya nissitaṃ; ()
64. Paṭiṅghiya dhammamādarā
Nijavohāra'nurūpagocaraṃ,
Abhiyāti padakkhiṇena sā
Parisātaṃ sirasā'bhivandiya; () (Pacchābhattakiccaṃ)
66. Varavāraṇakumbhadāraṇo
Migarājāva kuditṭhabhañjano,
Atha niṭṭhitadhammagajjano
Muniru'tṭhāyu'pavesanā'sanā; ()
65. Kamalaṃ'va kalevaraṃ varaṃ
Vimalaṃ vitarajomalaṃ jino,
Avasiñcitukāmavā sace
Pavisitvāna nahānakoṭṭhakaṃ; ()
67. Tadūpaṭṭhitikena bhikkhunā
Paṭiyattenudakena viggāhe,
Samitotuparissamo muhuṃ
Punarāgamma nivatthacīvaro; ()
68. Sunisajja sina'ssame same
Pariveṇe ṭhapitāsanopari,
Anubhoti muhutta mattanā
Suvimutto'pi vimuttijaṃ sukhaṃ; ()
69. Tadupaṭṭhitipaccupaṭṭhitā
Abhinikkhammatatotatoyatī,
Mahitañjalipupphamañjarī
Parivārentitilokanāyakaṃ; ()
70. Paṭipattipapūraṇakkamaṃ
Paṭipucchanti vipucchanāni'pi,
Yatayo hi visuṃvisuṃ jinaṃ
Savaṇaṃ dhammakathāya yācare; ()
71. Bhagavā karuṇāya codito
Tadadhippāya mavecca buddhiyā,
Abhisādhaya matthamuttamaṃ
Purimaṃ yāmatikkame iti; () (Purimayāmakiccaṃ)
72. Bhagavanta manantadassinaṃ
Sirasā tesugatesu bhikkhusu,
Abhivandiya jātikhettato
Labhamānā'vasaraṃ surāsurā; ()
73. Upagamma tapovanaṅgaṇaṃ
Kurumānā chavivaṇṇapiñjaraṃ,
Maṇimoḷimaricisañcaya-
Paricumbkāḷitaṃ sirimato; ()
74. Nakhakesaramaṅgulīdalaṃ

Caraṇambhojayugaṃka pavandīya,
Caturakkharikampi pucchare
Varapaṇha'ntamaso'hisāṅkhatam; ()

75. Sivado vadatāmanuttaro
Muni vissajjati tabbipucchanam,
Atha vitakathāṅkathī tada-
Bbhanumodanti abhitthavantipi; ()
76. Nijadhammapadīpatejasā
Janasammoha tamovidhamsano,
Iti majjhimayāma manvahaṃ
Katakicco muni vītināmaye; () (Majjhimayāmakiccaṃ)
77. Abhibhutasarīrajassamo
Katakiccehi'riyāpathehica,
Atha caṅkamaṇena pacchime
Paṭhamam bhāga matikkame muni; ()
78. Paṭivāta'nuvāta vāyita-
Guṇagandhehi sugandhitāṅgimā,
Maṇidīpapabhāsamujjalaṃ
Sugato gandhakuṭṭimka upāgato; ()
79. Sayanopari sampasārayam
Paṭimārūpasarūpaviggahaṃ,
Sayanam kurute'va kesarī
Dutiyasmiṃ satisampajaññavā; ()
80. Asamiddhakilesamiddhavā
Bhagavā bhaṅgabhavaṅgasattati,
Sunisajja pabujjhito mahā-
Karūṇājhāna mupeticā'sane; ()
81. Purimesu bhavesu pāṇino
Yadi vijjanti katādhikārino,
Raviraṃsivikāsanūpaga-
Padumānī'va pabodhanārahā; ()
82. Karūṇāya samuṭṭhito tato
Karūṇāsītamānaso muni,
Abhipassati buddhacakkhunā
Bhuvī te maggaphalopanissaye; ()
83. Iti pacchimayāma manvahaṃ
Tatiyam bhāga matikkame jino,
Purimoditakiccakārino
Katakiccassa acintiyāguṇā; () (Pacchimayāmakiccaṃ)
84. Pasidanti rūpappa māṇapi buddhe
Pasidanti ghosapakpa māṇapi buddhe
Pasidanti ḷukhappa māṇapi buddhe
Pasidanti dhammappamāṇapi buddhe ()

Iti medhānandābhīdhānenayatinā viracite sakalakavijana hadayānandadānanidāne

jinavaṃsadīpe santike nidāne pañjavidhabuddhakicca paridīpo aṭṭhārasamoka saggo.

1. Niravadhibhuvanālavālagabbhe
Sucaritamūlavirūḷhakittivallī,
Navaguṇaniyamotu saṅkhamena
Bhagavatamāsiyatheva (pupphitaggā); ()
2. Suvisadamatimā savāsanehi
Sakala kilesa malehi cārakāyo,
Itipi bhagavato budhābhigīto
Bhuvivisuto arahanti kittighoso; ()
3. Gahita nisita maggañāṇa khaggo
Varamati ducaritārayo achindi,
Itipi bhagavato hatārinoyo
Bhuvivisuto arahanti kittighoso; ()
4. Tibhavarathasamappitaṃ avijjā-
Bhavatasiṇāmayanābhika māsavakkhaṃ,
Vicitupacitakamma sañcāyā'raṃ
Jaṭitajarāmarañerunemi vaṭṭiṃ ()
5. Avidita pariyanta kālasīmaṃ
Paribhamitaṃ bhavacakkamatthi tassa,
Thiravīriyapadehi bodhimaṇḍe
Suvimalasīlamahītaḷhito yo; ()
6. Hanivihani are visuddhasaddhā-
Karakamalena samādhisāṇapiṭṭhe,
Sunisita masamaṃ nihanti kamma-
Kkhayakarañāṇakuṭṭhārimādhāno; ()
7. Hatabhavaratha vibbhamassa magga-
Rathamabhiruyha sivampuraṃ gatassa,
Itipi bhagavato hatārakassa
Bhuvivisuto arahanti kittighoso; ()
8. Avidita pariyanta dukkha vaṭṭaṃ
Athabhavacakkaka mituccate avijjā,
Tahimupahitanābhī mūlakattā
Bhavatijarāmarāṇaṃ tadantanemi; ()
9. Ghaṭita tadubhayantarā arāssu
Dasa abhisāṅkharāṇādisesa dhammā,
Kasirasamudaye nirodha magge
Bhavati pajānamajānaṃ avijjā; ()
10. Bhavati tividhabhumikā avijjā
Catuvidha saccasabhāva chādakā'yam,
Abhivicinana cetanāna maddhā
Vividhanayena bhavattaye nidānaṃ; ()
11. Sakasaka paṭisandhicittahetu
Dvaya mabhisaṅkhata kammameva kāme,
Cīta kusala marūpa rūpa gāmiṃ

- Tadubhayabhupaṭisandhihetu hoti; ()
12. Kusalamakusalaṃ tidhā vibhattaṃ
Purimabhavenicitaṃ yathānurūpaṃ,
Nabhavati paṭisandhitoparaṃ kiṃ
Tibhava pavatti vipāka citta hetu; ()
13. Samudayamaya kāmarūpapākā
Sati paṭisandhi pavattiyā bhavanti,
Saka saka bhavanāma rūpahetu
Vividha nidānavasena cānurūpaṃ, ()
14. Tathariva caturo arūpapākā
Sakasakabhūmikanāmapaccayāva,
Samupacita manaṃ asaṅghasatte
Nabhavatikimka bhūvi rūpamattahetu; ()
15. Tadubhaya mavipāka cittatopi
Pabhavati tīsubhavesu cā'nu rūpaṃ,
Sugati dugatiyaṃ padaṃhi kāme
Bhavati saḷāyatanassa nāma rūpaṃ; ()
16. Bhavati padaka masaṅghi vajjarūpa-
Bhūvi tividhāyatanassa nāma rūpaṃ,
Havati samudayo bhava arūpe
Sukhuma manāyatanassa nāma mattaṃ; ()
17. Iti tividhabhave bhavanti taṃ taṃ-
Bhava pabhavāyatanāti phassaheṭu,
Tathariva kamato bhavānu rūpaṃ
Tividhabhavesu chaphassavedanejā; ()
18. Vividha bhavagatiṭṭhiṭṭisu taṃ taṃ
Chaṭita jaṭā gahaṇassa hetu hoti,
Punarubhaya bhavassa daḷhagāho,
Bhavati bhavotibhavamhi hetujātyā; ()
19. Tividha bhavu'papattijātiressā
Bhavati jarāmarañādi dukkha hetu,
Sakalakasirupaddavā'savānaṃ
Samudayahetutatosiyā avijjā; ()
20. Thiragahaṇavasena yohi koci
Sucarita duccharitaṃcareyya tassa,
Sugati dugati gāmi kammamettha
Kathayati kammabhavo'ti kammavādī; ()
21. Vicitupacita kammasattijātā
Vadatupapatti bhavo'ti pañcakhandhā,
Tadabhijānana māhajāti tesāṃ
Cuticavanaṃ paripākatājarā'ti; ()
22. Pahavaphalapabandhato ṭhītānaṃ
Sarasagabhīrapaṭicca sambhavānaṃ,
Kayirati visadāya yāya dhamma-

- Ṭhitimatināmadhiyā pariggahaṃsā; ()
23. Idhapanā caturosiyuṃsamāsā
Purimabhavo'daya moha kammameko,
Bhavatihanabhavacittanāma rūpā-
Yatana cha phassa cha vedanāti ceko; ()
24. Api bhavati bhavo nikanti gāho
Janana jarāmaraṇaṃ anāgate'ko,
Pabhava phalavasena sambhavānaṃ
Iti catu saṅkhipanaṃ siyātiyaddhaṃ; ()
25. Idha yathariva'tītahetupañca
Abhiratigāhabhavehi kammamohā,
Tathariva saha mohakammunāpi
Abhiratigāhabhavā idāni hetū; ()
26. Nabhavati phalapañcakaṃ kimeta-
Rahipaṭṭisandhika manādipañca dhammā,
Bhavati phakhalamanāgate tatheva
Janana jarāmaraṇādi pañca dhammā; ()
27. Bhavati bhavupapattiya'ntare'ko
Abhirati vedayitāna mantare'ko,
Tathariva citacetanāmanānaṃ
Iti bhavacakkatisandhaya bhavanti; ()
28. Suvisadamativīsatā' katāraṃ
Sa'tiparivaṭṭa tisandhikaṃ tiyaddhaṃ,
Tadavagamiyatāya dhātu dhamma-
Ṭhitimatiyā catusaṅkahaṃ dvimūlaṃ; ()
29. Hanivibhani jagattaye bhavanta-
Bhavaratha cakkasamappitākhilāre,
Itipi bhagavato budhāhigīto
Bhuvī visuto arahanti kittighoso; ()
30. Bhagavati udite mahānubhāvo
Tamahimaheyya bhusaṃ sadevaloko,
Tadahimahi kadāvi neru matta-
Maṇiratanāvaliyā sahampatīpi; ()
31. Pacurasuranarā balānurūpaṃ
Yamabhimahiṃsu anātha piṇḍikopi,
Gahapati tamupāsikāvisākhā
Saparisa koslabimbisārahūpā; ()
32. Bhagavati parinibbute asoka-
Vahayadharaṇīpati dīpacakkavatti,
Dasabalamasamaṃ pariccajivā
Abhimahi channavutippamāṇakoṭī; ()
33. Aṅaṇita vibhavaṃ pariccachitvā
Iharatanāvali cetiyaṃ vidhāya,
Suranarasaraṇassa dhātudehaṃ

- Narapatimānaya duṭṭhagāminī' pi; ()
34. Dasabalamabhipūjayiṃsu pūjā-
Vidhibahumānana bhājanaṃ tadaññe,
Itijana mahanīya cīvarādī-
Catuvidhapaccaya pūjanāka visesaṃ; ()
35. Guṇajaladhi yadagga dakkhiṇeyyo
Arahati cāhuṇa pāhuṇā rahassa,
Itipi bhagavato kavippa sattho
Bhuvi visuto arahanti kittighoso; ()
36. Idhaparamanipaccakāra giddhā
Samaṇaka bhusurakā vibhāvīmānī,
Rahasi akusalaṃ silokakāmā
Na kimasilokabhayena sañcinanti; ()
37. Nacakarahaci kiñcideva pāpaṃ
Kayirati resarahopipāpabhīrū,
Itipi bhagavato rahāpagassa
Bhuvivisuto arahanti kittighoso; ()
38. Anupasamita rāgadosa mohā
Thiramanabhāvita kāyacitta paññā,
Ariyapaṭipadāya ye vipannā
Anariya dhammacarā narādhamāte; ()
39. Sugahita sugatārahaddhajantā
Jinamanubandhiya santikeka varāpi,
Itipi bhagavato bhavanti dure
Bhuvivisuto arahanti kittighoso ()
40. Tathariva suvidura bhāvamāpa
Munirapitehinhīna puggalehi,
Itipi bhagavato satampa sattho
Bhuvivisuto arahanti kittighoso;Ka ()
41. Vihata sakalasaṃkilesa dhammā
Satata subhāvita kāya cittapaññā,
Ariyapaṭipadaṃ papūrakārī
Anariyadhammapathārakāka sudhīrā; ()
42. Satadasasata yojanehi dūre
Yadiviharanti jinassa ārakāte,
Itipi bhagavato na tāva dūre
Bhuvi visuto arahanti kittighoso; ()
43. Tathariva avidūra bhāvamāpa
Munirapi sappurisāna mīdisānaṃ,
Itipi bhagavato bhavantagassa
Bhuvivisuto arahanti kittighoso; ()
44. Budha jana rahitabba pāpadhammā
Pavūramanattakarāka rahāvadanti,
Itipi bhagavato rahā na yassa

Bhuvivisuto arahanti kitti ghoso; ()

45. Garahiya rahitabbatā'riyehi
Paramaputhujjana puggalehi yasmā,
Itipi bhagavato naca'tthi'massa
Bhuvivisuto arahanti kittighoso; ()
46. Apica bhagavatā natekadāci
Vigarahiyā rahitabbakā bhavanti,
Itipi bhagavato rahānayassa
Bhuvivisuto arahanti kittighoso; ()
47. Gamana miharahoti vuccate taṃ
Tibhavaparibbhamāṇaṃ raho na yassa,
Itipi bhagavato gatassa pāraṃ
Bhuvivisuto arahanti kittighoso; ()
48. Niratisaya'dhisīlacittapañño
Parama vimutti vimutti ñāṇalābhī,
Asandisa guṇa bhājanoka anejo
Asamasamo asamo anuttaro'ti; ()
49. Kusalabala samiddharūpavāti
Vividhaguṇehi siyā pasāṃ siyo yo,
Itipi bhagavato pasāṃsiyassa
Bhuvivisuto arahanti kittighoso; ()
50. Iminā imināpi kāraṇena
Bhagavā gotama gotta ketubhūto,
Arahaṃ arahanti kittirāvo
Dakatelamaṃvatatāna sattaloke; ()

Iti medhānandābhīdhānenayatinā viracite sakalakavijana hadayānandadānanidāne
jinavaṃsadīpe santike nidāne bhagavato arahantināmapaññattiyāabhidheya paridīpo
ekūnavīsatiṃmoka saggo.

1. Sammā sāmaṃ sabbadhammāna maddhā
Buddhattā paññānubhāvena tassa,
Sammā sambuddhoti abbhuggatāya
Āsikityā(sālinī) loka dhātu; ()
2. Yo cā bhiññeyye pariññeyya dhamme
Bhāvetabbe sacchikātabba dhamme,
Sammāsāmaṃ bujji tasmāsa buddho
Sammā sambuddhoti vikhyāsi loke; ()
3. Tatrā'bhiññeyyā catussacca meva
Dukkhaṃ saccaṃ kho pariññeyya dhammā,
Bhāvetabbā magga saccaṃ nirodha-
Saccaṃ tacchaṃ sacchikā tabba dhammā; ()
4. Taṇhāpakke sambhavaṃ dhamma jātaṃ
Maggānaṃvajjhaṃka pahātabba dhammā,
Saddhiṃ jātyādīhi dukekhahi pañcu-
Pādānakkhaṇdhā siyā dukkha saccaṃ; ()

5. Yāyaṃ taṇhā kāma taṇhādibhedā
Dukkhānaṃ sāhetu saccaṃ dvitīyaṃ,
Bandhānaṃ yatrāpya'bhāvo nirodha-
Saccaṃ yañcā gamma taṇhāya cāgo; ()
6. Sammādiṭṭhādyatṭhamaggaṅga dhammā
Nibbānaṃ sampāpakā magga saccaṃ,
Tesaṃ dhammānaṃpi sambujjhinatā
Sammā sambuddhoti vikhyāsi loke; ()
7. Cakkheva'daṃ dukkhaṃ taduppāda hetu
Taṇhā nesānaṃ abhāvo nirodho,
Maggo bodhūpāya paññāti tassa
Evaṃ paccekaṃ padaṃ coddharitvā; ()
8. Āropetvā sacca dhammesu sacca-
Sandhātā yo saccadassī sa buddho,
Sammā sāmaṃ tikkhapaññāya bujji
Sammā sambuddhoti vikhyāsi loke; ()
9. Channaṃ dvārānañca chārammaṇānaṃ,
Channaṃ cittānañca chabbedā nānaṃ,
Channaṃ saññānaṃ cha sañcetanānaṃ
Channaṃ phassā naṃ vitakkādi kānaṃ; ()
10. Evaṃ channaṃ rūpa taṇhādikānaṃ
Taṇhākāyānaṃ samāropaṇena,
Sammā sāmaṃ bujji saccesu tasmā
Sammā sambuddhoti vikhyāsi loke; ()
11. Pañcannaṃ khandhāna maṭṭhārasannaṃ
Dhātūnaṃ cakkhādinaṃ bārasannaṃ,
Sammā sāmaṃ bujjhitattā sayambhu
Sammā sambuddhoti vikhyāsi loke; ()
12. Rūpajjhānānaṃ catunnaṃ arūpa-
Jjhānānañcānussatīnaṃ dasannaṃ,
Khatti sākāra'ppamaññāsubhānaṃ
Kammaṭṭhānānaṃ navannaṃ bhavānaṃ; ()
13. Buddhattā saṃsāra cakke avijjā-
Dyaṅgānaṃ saccucāropaṇena,
Sammāsāmaṃ esa nissaṅga ñāṇe
Sammā sambuddho vikhyāsi loke; ()
14. Paccuppannānāgatātīta dhamme
Nibbānaṃ nissesa paṇṇatti dhamme,
Sāmaṃ abhaññāsyā'naññopa deso
Sammā sambuddhoti vikhyāsi loke; ()
15. Sabbamaññeyyaṃ tassa ñāṇanti kaṃhi
Ñāṇampevaṃ ñeyya dhammantikaṃhi,
Ñeyyantatṭhānomaññāpassalābhā
Sammāsambuddhoti vikhyāsi loke; ()

16. Klesānaṃ yāvāsanāsataṭṭāya
Saddhiṃyoka sammohaniddāya sammā,
Sāmaṃbuddho magga ñāṇena tasmā
Sammā sambuddhoti vikhyāsi loke; ()
17. Sattādhīso pāramīcoditatto
Pallaṅkenāsajjāyo bodhimule,
Ambhojaṃka bhānuppahāka saṅgamena
Sobhaggappattaṃ pabuddhaṃ'va sāmāṃ; ()
18. Sāmaṃ sammā'nañña sādharmaṅga-
Maggobhāsenappabuddho samāno,
Sampatto sabbaññutāñña sobhaṃ
Sammā sambuddhoti vikhyāsi tasmā; ()
19. Evaṃ sabbesaṃ dhammānaṃ
Sammā sāmāṃ buddhattā so,
Sammā sambuddho buddhoti
Saddo loke abbhuggaṅgi; ()

Iti medhānandābhīdhānenayatinā viracite sakalakavijāna hadayānandadānanidāne
jinavaṃsadīpe santikeka nidāne bhagavato kasammāsambuddhoti nāmapaññattiyā abhidheya
paridīpo vīsatiṃ saggo.

Taṃ kho pana bhavantaṃ
Gotamaṃ evaṃ kalyāṇe kittisaddo abbhuggato
Itipi so bhagavā vijjācaraṇa sampannoti;

1. Sampannavijjācaraṇe avijjā-
Ghaṇandhakāraṃ bhiduro pavīro,
Rāja vijjācaraṇubbhavāya
Uḷarakittissiriyā kathaṃ taṃ; ()
2. Asaṅkhakappepi nivuttakhandhe
Peyyālapāliṃ viya ñāṇagatyā,
Kaṅṭhiravassu'ppatanaṃ yatheva
Saṅkipa khīpakpaṃ visayāvalambaṃ; (1)
3. Saro'tisūro sarabhaṅgaka satthu-
Khitto saravyamhi virajjhate kiṃ
Evaṃ atitesu bhavantaresu
Asajjamānaṃ avirajjhamānaṃ; ()
4. Yathicchitaṭṭhāna matitakhandha-
Saṅkhāta māhacca pavattamānaṃ,
Pubbenivāsānugatañhi ñāṇaṃ
Anaññasādhāraṇamāsi yassa; ()
5. Pahīṇa' vijjānusayo jino so
Vijjāyu'peto paṭhamāya tāya,
Iccassa daṇḍāhatakaṃsapāti-
Saddova sampatthari kittisaddo; ()
6. Hanīnappaṇītādi pabheda vatte
Uppajjamāne ca nirujjhamāne,

- Satte yathākammu'page gatīsu
Pasādacakkhā'visaye ca rūpe; ()
7. Anañña sādharma dibbacakkhu-
Saṅkhātāññaena pahassarena,
Dibbena cā'loka pariggahena
Yenā'hijānāti jino anejo; ()
8. Cutupapātabbisayāya satthā
Vijjāyu'peto dutiyāya tāya,
Iccassa sampatthari hema ghaṇṭā-
Ṭaṅkārāghosoriva kittighoso; ()
9. Dukkhañca dukkhappabhavo nirodho
Maggo ca dukkhassa nirodhako'ti,
Cattāri saccāni yathāsabhāvaṃ
Pavedi ñāṇena sayambhu yena; ()
10. Yecā'savā āsavasambhavo yo
Tesaṃ khayō yavā'savanāsupāyo,
Taṃ sabbamaññāsī sayambhu ñāṇa-
Balena yenā'sava vipṇamutto; ()
11. Khīṇa'ti jāti vusita'nti seṭṭha-
Cariyaṃ kataṃ'ti karaṇiya maddhā,
Nacā'parantye'va manantaññaṇo
Ñāṇena'bhiññāya vihāsi yena; ()
12. Sayambhu sabbāsava saṅkhayāya
Vijjāyupeto tatiyāya tāya,
Iccassa vipphāragahīrateri-
Rāvo'va sampatthari kittirāvo; ()
13. Vijjāhiheṭṭhā gaditāhi tīhi
Samaṅkga bhutassa tathāgatassa,
Tadubbhavaṃ kitti sarīra bimbaṃ
Sataṃmanodappaṇagaṃ vibhāti; ()
14. Cātummahābhūtikarūpiko yaṃ
Mātāpitunnaṃ karajamhi jāto,
Yo bhattakummāsahatopi kāyo
Aniccavidḍhaṃsanabheda dhammo; ()
15. Parittakāmāvacaramhi bhuto-
Pādāya bhedaṃhi tadattabhāve,
Yaṃ nissitaṃ vedayitatta saññā-
Saṅkhāra viññāṇa pabhedanāmaṃ; ()
16. Yo vipṇasanno maṇivaṃsa vaṇṇo
Tatrāvutaṃ suttaṃivakkhimā taṃ,
Ñāṇakkhinārūpa mavekkhi yena
Sacakkhumā tatraṣitañca nāmaṃ; ()
17. Sītādinā ruppaṇalakkhaṇanti
Rūpañca nāmaṃ natilakkhaṇanti,

- Taduttariṃ vedakakāraṅko vā
Attātabhāvī paramatthato na; ()
18. Aññoññasambandhavasena yantī
Nāpaṅgulandhā puthageva yanti,
Tathā'ññamañño'panidhāya nāma-
Rūpāni vattanti'ha novisunti; ()
19. Vavatthayantassi'ti nāmarūpaṃ
Nissattanijjivasabhāva massa,
Yā diṭṭhi duddiṭṭhivisodhanena
Samuṭṭhitā diṭṭhi visuddhisāṅkhā; ()
20. Avijju'pādānanikantikamma-
Hetubbhavaṃ rūpamarūpamādo,
Pakavattiyam hetucatūhi rūpaṃ
Vatthādihetuppabhava'nti nāmaṃ; ()
21. Sabbattha sabbesu sadā samo na
Nā'hetukaṃ tena naniccahetu,
Evaṃ taduppādaka paccayānaṃ
Pariggamaṃ yāya dhiyā akāsi; ()
22. Ahaṃ nu kho'siṃ nanukho ahoṣiṃ
Iccā'dya'tītādipabheda bhutā,
Kaṅkhā'ssa kaṅkhāraṇabbisuddhi-
Sāṅkhātapaññāya vigañchi yāya; ()
23. Khandhā atītādi pabhedavanto
Parikkhayatṭhena anicca dhammā,
Bhayāvahaṭṭhena dukkhā anattā
Asārakaṭṭheni'ti sammanto; ()
24. Tāḷisadhā lakkhaṇapāṭavattham
Khandhāna mesaṃ navadhā'tha nātho,
Tikkhindriyo so bhaya sattakānaṃ
Vasena sammadditanāmarūpo; ()
25. Paññāsadhā bandhudayabbayānaṃ
Pariggamaṃ yāyadhiyā akāsi,
Yadā'ssa tāruññavipassanāya
Upakkilesā dasa pātubhūtā; ()
26. Ñāṇakkhiṇā yena tilakkhaṇam so
Addakkhi dhammesu tadā'pi tesu,
Jahāsu'pakelasapaduṭṭhamaggaṃ
Vipassanā sodhitamaggagāmi; ()
27. Vavatthapetvāna pathāpathe'vaṃ
Vipassanāvīthi manokkamitvā,
Yā magga'maggikkha visuddhi nāma
Samubbhavā tīraṇatikkha buddhi; ()
28. Anantaraṃ tīraṇaṇapāraṃ
Patto pariññāya parikkhayāya,

- Nipphattiyā yo navañāṇupetaṃ
Visuddhi mākaṅkhi visuddhikāmo;
29. Pabandhato ce'riyato ghanena
Channesu dhammesva'nupaṭṭhahanne,
Tilakkhaṇe yenu'dayabbayena
Punāpi so sammasi nāmarūpaṃ;
30. Uppādabhaṅgaṭṭhitito yadā'ssa
Vivaṭṭayitvāna vipassato yaṃ,
Saṅkhārabhaṅge'va pavatta maṭṭha-
Vidhānisamsaṃbhavi bhaṅgañāṇaṃ; ()
31. Vipassato bhaṅgamahiṇhamassa
Hutvā bhayaṃ vālamigādayo'va,
Upaṭṭhitā'tītabhavādibheda-
Bhavattayaṃ yaṃ bhayañāṇamāsi; ()
32. Atha'ssa khandhāyatanādhi dhammā
Ukkhittakhaggā madhakādayo'va,
Upaddavādīnavato vibhutā
Patvā yadādīnavañāṇa māsuaṃ; ()
33. Suvaṇṇahaṃsādi'va pañjaresu
Bhavesu diṭṭhādinavesu tīsu,
Nibbinditatto bhuvanekanetto
Yaṃ nibbidāñāṇa malattha tibbaṃ; ()
34. Pāsādito pāsagate'va sattā
Vimuttikāmassa bhavehi tīhi,
Nissesasaṅkhāra vimokkha kāmaṃ
Babhuva yaṃ muñcitukāma ñāṇaṃ; ()
35. Aniccadukkhā'subhato ca khandhe
Anattato bhāvayato abhiṇhaṃ,
Tassā'si saṅkhāravimokkhūpāya-
Sampādakaṃ yaṃ paṭisaṅkhañāṇaṃ; ()
36. Attena vā attaniyena suñño
Dvidhātya'yaṃ saṅkhata dhammapuñño,
Evaṃ catuddhā bahudhā chadhā'pi
Vipassato buddhimato abhiṇhaṃ; ()
37. Yā kho sikhāppattavipassanākyā
Vuṭṭhānagāmīnica sānulomā,
Sāmuḍdakākīriya kūpayatṭhiṃ
Tilakkhaṇalambanikā babhūva; ()
38. Nahārudaddūlla mivaggipattaṃ
Saṅkhāradhammaṃ paṭīliyamānaṃ,
Vissaṭṭhadāraṃ'va upekkhākassa
Saṅkhārupekkhā'si mahesino'yā; ()
39. Āgrotrabhuñāṇa masesakhandhe
Tilakkhaṇa'ropaṇa ninnapaṇaṃ,

- Vipassanāñāṇa manekabhedam
Yade'ttha saṅkhepanayena vuttam; ()
40. Vijjāya so māraji tāya tāya
Vipassanāñāṇagatāyu'peto,
Iccassa samvaḍḍhita kittivalli
Lokālavālamhi vikāsa māpa; ()
41. Muñjā isikaṃ asikosiyā'siṃ
Yathā karaṇḍā phaṇi muddhareyya,
Sabbāṅga paccaṅkagika mindriyaggam;
Manomayaṃ rūpimito sarīrā; ()
42. Aññaṃ sarīraṃ abhinimmiṇitvā
Mahiddhimā iddhimatānu rūpaṃ,
Cetovasipakpattavasippadhāno
Yvākāsi veneyyajanānamattham; ()
43. Mahiddhiko tāyamanomayiddhi-
Saṅkhāta vijjāya samanvito so,
Iccassa abbhuggatakittirāvo
Nissesalokaṃ badhirīkarittha; ()
44. Ekopihutvā bahudhāca hoti
Yo hotice'ko bahudhāpi hutvā,
Kare tirobhāva mathāvibhāvaṃ
Mahiddhiko iddhimataṃ carittho; ()
45. Yathā nirāmbanabhotalamhi
Yo iddhimā viṇṇavasi vasindo,
Vaje tiropabbata gehabhitti-
Pākāra macchidda masajjamāno; ()
46. Karoti ummujjanimujjaniddhiṃ
Yo vāripiṭṭheriva bhumiṭṭhe,
Abhejjamāno salile salīlam
Padappito yāti yathā pathavyā; ()
47. Pakkhī'va yo saṅkamate nabhamhi
Pallaṅka mābhujja mahānubhāvaṃ,
Mahiddhimantaṃ ravicandabimbaṃ
Sapāṇiphuṭṭho parimajjate yo; ()
48. Ābrahmalokāpi kalebarena
Vasaṃ pavatteti mahiddhimā yo,
Suvaṇṇakāroviya yaṃyadeva
Icchānurupābharaṇabbisesaṃ; ()
49. Yathicchitaṃ paccaṇubhoti jātu
Nānāvidhaṃ iddhividhaṃ jino yo,
So tāya vijjāyapi saṅgato'ti
Abbhuggato tassa yasopabandho; ()
50. Sotappasādabbisayaṃ yatheva
Addhānamaggam paṭipannapos,

Visuṃvisuṃ kāhaḷasaṅkhabheri-
Vīṇādisaddaṃ vividhaṃ suṇeyya; ()

51. Dūrantike mānusake ca dībbe
Ubhopisadde sukhome uḷāre,
Visuddhanimmānusaketa yena
So dibbasotena suṇāti nātho; ()
52. Samaṅgibhūtoti sadibbasota-
Saṅkhātavijjāya jītāri tāya,
Abbhuggato tassa kavībhigīta-
Silokasaddo'va silokasaddo; ()
53. Sarāgacittampi virāgacittaṃ
Sadosacittampi adosacittaṃ,
Samohacittampi vimoha cittaṃ
Saṅkhittavikkhittagatampi cittaṃ; ()
54. Mahaggatampī amahaggatampī
Sottaraṃ citta manuttarampi,
Samāhitampī asamāhitampi
Vimuttacuttampya'vimuttacittaṃ; ()
55. Sakaṃ mukhaṅkaṃviya dappaṇamhi
Acchodake maṇḍanajātiko yo,
Paricca ceto parapuggalānaṃ
Yenā'bhijanāti vimuttaceto; ()
56. So tāya cetopariyābhidhāna-
Vijjāyu'petoti dayānidhāno,
Tilokagabbhe'ka vitānasobhā
Tatāna tassu'bbhavasetakitti; ()
57. Vijjāttayena'tṭhavidhāhi'māhi-
Vijjāhu'peta'ssa tathāgatassa,
Veneyya kundākaracandikābhaṃ
Vibhāti yāvajja yasosarīraṃ; ()
58. Sumaṇḍito saṃvutapātīmokkha-
Saṅkhātasīlābharaṇena yena,
Irīyate yo karuṇa nidhāno
Tapodhano sīlavataṃ padhāno ()
59. Veḷupakpadānadivasena cātu-
Kammyena duteyyapahenakena,
So pāribhatyenaṃpi muggasūpya-
Samena saccālikabhāsaṇena; ()
60. Agocaraṭṭhāna mupāsanena
Vikopaye kimpāna pātīmokkhaṃ,
Hitvā anācāramagocaraṃ taṃ
Care sadācārasugocaraṃ so; ()
61. Anuppamāṇesupi sabbadassi
Sāvajjadhammesu bhayānupassi,

Laddhaggamaggapaphalasiddhasīla-
Sikkhāya sikkhāgaru sikkhate so; ()

62. Khemaṃ disaṃ sañcaratī'ti pāti-
Mokkhādhisikkhācaraṇena tena,
Abbhuggato taccaraṇanu bandho
Ādiccabandhussa yasopabandho; ()
63. Kantampirūpāyatanādi chakkaṃ
Cakkhādinā so visayīkaritvā,
Nimitta'nubyañjanagāhi nātho
Nahoti yenī'ndriyasamvarena; ()
64. Cakkhādichadvāra masaṃvaritvā
Rāgādidhammā viharanta menaṃ,
Atvāssa veyyumaṃ satisamvarena
Tassaṃvaratthaṃ paṭipajji yena; ()
65. Khemaṃdisaṃ so caraṇena tena
Jitindriyo indriyasamvarena,
Abbhuggato saṃcaratīti tassa
Tilokanāthassa siloka saddo; ()
66. Ye lābhasakkārasilokakāmā
Pāpicchake'cchāpakatāsamānā,
Kevī'dhaloke catupaccayānaṃ
Paṭikkhipitvā paṭisevanena; ()
67. Sāmantajappāya catubbidhassa
Iriyāpathassā'thapanādināca,
Kuhāyanenā'lapanādināca
Saccaṃ hiyā'nuppiya bhāsanena; ()
68. Attā'vacatthānu'paropaṇena
Muggassa sūpyenava pāribhatyā,
Nemitta kattādivasena micchā-
Jīvena dujjīvika mācarantī; ()
69. Yatheva te no bhagavā kadāci
Kohaññāvutyā'lapanādināca,
Nemitta nippesikatāya kiñci
Lāhena lābhaṃka nijigimṣa nena; ()
70. Nimittasatthā'dipakāsanena
Ājīvasīlaṃ avikopayitvā,
Namaṇḍanatthaṃ na vibhusaṇatthaṃ
Davāya vā neva madāya neva; ()
71. Anuppabandhaṭṭhitiyā imassa
Kāyassa cā'bādha nisedhanatthaṃ,
Pavattiyā paggahanāya seṭṭha-
Cariyassa porāṇa khudāpanetuma; ()
72. Nūppādanatthañca navaṃ jighacchaṃ
Yātrāya kāyassa'navajjatāya,

- Sukhaṃ viharāya ca bhojanamhi
Mattaññuko bhujjati piṇḍapātaṃ; ()
73. Tilokanātho caraṇena tena
Mattaññubhāvena hi bhojanamhi,
Khemam disaṃ sañcaratīti loke
Abbhuggato tassa siloka saddo; ()
74. Divā nisajjāya ca caṅka mena
Tathā rajanyā'varaṇīya dhammā,
Suddhantaro dvīhi'riyāpathehi
Sapacchimevā paṭhamamhi yāme; ()
75. Vuṭṭhānasañño satisampajañño
Sa'majjhimasmiṃ muni dakkhiṇena,
Passena kappeti ca sīha seyyam
Pāde padaṃ thokaka matibbidhāya; ()
76. Aṅgīraso jāgariyānuyoga-
Dhammena sammācaraṇena tena,
Khemamdisaṃ sañcaratīti tassa
Abbhuggato abbhutakitti ghoso; ()
77. Sambodhiyā saddahanā samiddha-
Visuddhasaddhācaraṇena tena,
Khemamdisaṃ sañcaratīti tassa
Abbhuggato abbhutakitti ghoso; ()
78. Guthaṃyathā pāpa jigucchanena
Ariyena lajjācaraṇena tena,
Khemamdisaṃ sañcaratīti loke
Abbhuggato tassasilokasaddo; ()
79. Pāpāsammattāsanalakkhaṇena
Ottappasaṅkhācaraṇena tena,
Khemam disaṃ sañcaratīti loke
Abbhuggato tassa siloka saddo; ()
80. Anañña sādharmaṇa bāhu sacca-
Dhammena dhīmā'caraṇena tena,
Khemamdisaṃ sañcaratīti tassa
Samubbhavo'dāta yasosadhīso; ()
81. Thāmena daḷhena parakkamena
Vīriyena vīro caraṇena tena,
Khemamdisaṃ sañcaratīti tassa
Samubbhavo'dāta yasosadhī so; ()
82. Cīrakriyānussaraṇe'tisūra-
Tarāya satyā'caraṇena satthā,
Khemamdisaṃ sañcaratīti tassa
Yasopabandho visaribabhuva; ()
83. Anaññasāmaññagabhīrañño
Ariyena paññācaraṇena tena,

Khemaṃdisaṃ sañcaratīti tassa
Yasopabandho visarībabhuva; ()

84. Yo diṭṭha dhammamhi sukhāvahassa
Vinissaṭassā'caraṇehi yassa,
Catukkajhānassa nikāmalābhī
Akicchalābhī bhagavā'si buddho; ()
85. Nikāmalābhehi catūhi rūpa-
Jjhānehi nātho caraṇehi tehi,
Khemaṃdisaṃ sañcaratīti loke
Abbhuggato tassa yaso pabandho; ()
86. Tīha'tṭhahi vijjāhi
Tīpañcacaṇehi'mehi sampantassa,
Vijjācaraṇa visuddhaṃ
Yasosarīraṃ virājate yāvajja ()

Iti medhānandābhīdhānenayatinā viracite sakalakavijana hadayānandadānanidāne
jinavaṃsadīpe santike nidāne bhagavato vijjācaraṇa sampannoti nāmapaññattiyāabhidheya paridīpo
ekavīsatiso saggo.

Taṃkho pana bhavantaṃ gotamaṃ evaṃ kalyāṇo kittisaddo abbhuggato itipi so bhagavā
sugatoti.

Sobhanagamanattā sugatoti.

1. Gamana māhu gatanti susobhanaṃ
Ariyamaggagatena sivaṃdisaṃ,
(Dutavilambita)tā'pagato gato
Itipi so sugato sugato siyā; ()
2. Gamana mācariyā ya manuttara-
Vibhavaḍaṃ pavadanti'ha sobhanaṃ,
Tadariyena gatena gato yato
Itipi so sugato sugato siyā; ()
3. Muni timaṇḍalachādanatapparo
Suparimaṇḍala mantaravāsakaṃ,
Kanakakattariyā sunivāsaye
Navadalaṃ kamalaṃ'va vikantayaṃ; ()
4. Kanakadāmvarena parikkhipaṃ
Paduma hattha mivo'pari bandhati,
Samuni thāvaravijjulatāsiri-
Musitacārikalebarabandhanaṃ; ()
5. Sirighaṇo ghanakañcanacetiye
Ratanakambalavattha mivā'hataṃ,
Tarūṇabhānupabhāruṇacīvaraṃ
Sirisarīravare paṭisevati; ()
6. Samuni jālavinaddhamanohara-
Karatalehi sunīlamaṇippabhaṃ,
Upalapatta malaṅkurute yathā

- Bhamaramamburuhehi sarovaro; ()
7. Vajati sobhana mindasarāsana-
Jaṭitajaṅgamameruriva'ñjase,
Samaṇamaṇḍanamaṇḍitaviggaho
Itipi so sugato sugato siyā; ()
 8. Suragajo'riva nandanakānanā
Maṇiguhāya harī'va yugandharā,
Navaravinduri'vā'maravāpito
Samadahaṃsavaro'va'hinikkhamam; ()
 9. Vanaguhāditapovanato subham
Vajati nikkhamiyā'samarūpimā,
Nirupamassiriyā bhusa mullasam
Itipi so sugato sugato siyā; ()
 10. Visaravipphuritā'mitaramsinā
Suparisekasuvaṇṇaraseni'va,
Vajati piṇjarito vasudhambaram
Itipi so sugato sugato siyā; ()
 11. Karivaro'va karīhi purakkhato
Sakalapāpamalā'pagato sayam,
Vajati vitamalehi nisevito
Itipi so sugato sugato siyā; ()
 12. Asamabuddhaviḷāsavena yo
Abhibhavam sanarāmaravibbhamam,
Paṭipatham paṭipajjati sobhanam
Itipi so sugato sugato siyā; ()
 13. Purimapacchimadakkhīṇavāmato
Pabhavadehapabhāhi pahāsayam,
Ratana'sītimitam vajate bhuvī
Itipi so sugato sugato siyā; ()
 14. Nigamaḡāmapurisu ca cārikam
Carati yo karuṇāparicāriko,
Amitasattamanoratha māvaham
Itipi so sugato sugato siyā; ()
 15. Kumudapaṅkaja campakamālati-
Kusumavuṭṭhisuphassitaviggaho,
Vajati cārutaram jalitiddhimā
Itipi so sugato sugato siyā; ()
 16. Tagarakuṅkumalohita candana-
Surabhicuṇṇavikīṇamahāpathe,
Vajati gandhagajo viya sobhanam
Itipi so sugato sugato siyā; ()
 17. Turiyarāva satānugatattthuti-
Padasatehi abhitthutasagguṇo,
Vajati haṃsavilāsitaḡāmiyo

- Itipi so sugato sugato siyā; ()
18. Suranarādivilocanabhājana-
Pivitarūpavilāsasudhāraso,
Vajati sīhaviḅambhitavikkamo
Itipi so sugato sugato siyā; ()
19. Caraṇatāmarasassiribhāratam
Anadhivāsini'vā'vanikāmini,
Vajati tamhi pavedhati kampati
Itipi so sugato sugato siyā; ()
20. Sukhumakunthakipakilalikamakkhikā-
Makasakīṭapaṭaṇakga manuddayo,
Vajati yo aviheṭṭhaya maṅjase
Itipi so sugato sugato siyā; ()
21. Ṭhapitacakkavarāṅkitadakkhiṇa-
Caraṇa paṅkaja piṅjaritaṅjaso,
Vajati yo paṭṭhamam yadī nikkhipam
Itipi so sugato sugato siyā; ()
22. Anupalitta malehi samam phusam
Kamalakomalapādātalehi yo,
Vajati dhūtamalam vasudhātalam
Itipi so sugato sugato siyā; ()
23. Bhavati bheritalam'va pakasārita-
Caraṇatāmarasehi suduggamam,
Avanatunnataṭhāna mapāvanī
Itipi so sugato sugato siyā; ()
24. Pathavitu'bbhavapaṅkajamuddhani
Ṭhapitakomalapādātalambujo,
Vajati reṇupisaṅgasubhaṅgimā
Itipi so sugato sugato siyā; ()
25. Vajati antamaso'palasakkharā
Sakalikākāṭhelā'pi sakaṅṭakā,
Apavajanti pathā dipaduttame
Itipi so sugato sugato siyā; ()
26. Nijapadam atidura manuddhamam
Atisamīpa manikkhipa maṅjase,
Vajati gopphakajānu maghaṭṭayam
Itipi so sugato sugato siyā; ()
27. Atilahum sanikam samitindriyo
Na carate carate jutiyu'jjalam;
Bhuvi same visame asamo samam
Itipi so sugato sugato siyā; ()
28. Anavalokiya uddhamadhodisam
Anudisaṅca catuddisa maṅjase,
Vajati yo yugamatta mapekkhako

- Itipi so sugato sugato siyā; ()
29. Timadabandhurasindhurakesarī-
Gativilāsaviḍambanavikkamo,
Vajati pādatalaṅka madassayaṃ
Itipi so sugato sugato siyā; ()
30. Nirupamajjutiya purisāsabho
Vasabharājaparājītavikkamo,
Vajati sañjanayaṃ janasammadaṃ
Itipi so sugato sugato siyā; ()
31. Sūriyaraṃsi sameti pavāyati
Kusumagandhasugandhasamīraṇe,
Vajati tabbimalaṅjasamajjhago
Itipi so sugato sugato siyā; ()
32. Jaladharā purato jalabindavo
Naramarū kusumāti kirantipi,
Tadupasattarajamhi pathe vaje
Itipi so sugato sugato siyā; ()
33. Ruciracāmarachattadharāmarā-
Suranarehi'pi gacchati sakkato,
Garukato mahito patimānito
Itipi so sugato sugato siyā; ()
34. Yadi migindagajindaturaṅgama-
Migavihaṅgamanādasupūjito,
Vajati pupphavitānadharo sire
Itipi so sugato sugato siyā; ()
35. Nayanatoraṇacārutara'ñjase
Parilasanti gate jinakuñjare,
Sakasakā'bharaṇāni'pi pāṇinaṃ
Itipi so sugato sugato siyā; ()
36. Bhavati acchariyabbhutamaṅgala-
Chaṇamahussavakeḷinirantaraṃ,
Tibhuvanaṃ sugate sugate pathe
Itipi so sugato sugato siyā; ()
37. Siva masaṅkhatadhātu manuttaraṃ
Paramasundaraṭhāna manāsavaṃ,
Vigatajātijarāmarāṇaṃ gato
Itipi so sugato sugato siyā; ()
38. Murajadundubhichidda mivo'pari
Nabhasi yāvabhavagga masaṃvuṭṭaṃ,
Vivaṭa kameti yadubbhavapaṅkaja-
Pamitiyā jinaṅkha mapādise; ()
39. Yadapi maṇḍanabhumi subodhiyā
Acalaṭhāna manaññavalaṅgiyaṃ,
Lalitapiṅjakalāpanibho yahim

Vijayabodhi idāni'pi rājate; ()

40. Paṭhama mubbhava mantapabhaṅguraṃ
Vasumatīyuvatihadayopamaṃ,
Tada'pi kasundaraṭhāna mupāgato
Itipi so sugato sugato siyā; ()
41. Yadapi bodhipadanti pavuccati
Ariyañāṇamihagga manuttaraṃ,
Yada'pi ñāṇa manāvaraṇaṃ tathā
Nikhilañeyyapathā'nativattanaṃ; ()
42. Purimajātisu pūritapārami-
Balavapaccayasanti parāyaṇo,
Tada'pi sundaraṭhāna mupāgato
Itipi so sugato sugato siyā; ()
43. Ariyamaggacatukkapahīṇakaṃ
Napunare'ti kilesagataṃ satamaṃ,
Apunarāgamaṇaṃ sugato yato
Itipi so sugato sugato siyā; ()
44. Sumati suṭhugato paṇidhānato
Ppabhuti yāva jayāsanupāsaṇaṃ,
Tidasapāramiyo paripūrayaṃ
Itipi so sugato sugato siyā; ()
45. Tadubhayantabhavābhavadiṭṭhiyo
Anupagamma gato hitamāvahaṃ,
Paṭipadāya hi suṭṭhutarāya yo
Itipi so sugato sugato siyā; ()
46. Rucirabhāratibhattutibhocatu-
Parisamajjhagato viyakesari,
Gadati vītabhaya giramāsabhiṃ
Itipi so sugato sugato siyā; ()
47. Surabhinā mukhatāmarase vacī-
Sucaritappabhavena subhāsitaṃ,
Gadati dhammasabhaṃ parivāsayaṃ
Itipi so sugato sugato siyā; ()
48. Ratikaraṃ karavīkavirāvato
Paṭutaraṃ sutaraṃ sarasaṃ giraṃ,
Gadati sotarasaṃ parisattare
Itipi so sugato sugato siyā; ()
49. Gadati sabbavacīduritehi yo
Pavirato abhisandhiya bhindiya,
Avitathena tathañca kathaṃkathā
Itipi so sugato sugato siyā; ()
50. Thirakathaṃ nakadāvi viṣaṃvado
Gadati paccayikaṃ acalācalaṃ,
Parisago catusaccadaso sadā

- Itipi so sugato sugato siyā; ()
51. Sahitabhinnajanesudayāparo
Anupadāniyameva’bhisandhiyaṃ,
Gadatiyovacanampaṭiṅgaṇhiyaṃ
Itipi so sugato sugato siyā; ()
52. Piyakaraṃ sukumāratarāṃ girāṃ
Sutisukhaṃ sugamaṃ hadayaṅgamaṃ,
Gadati nela manelagalaṃ yato
Itipi so sugato sugato siyā; ()
53. Vihitavāṇivilāsiniśaṅgamo
Sumati sāmāyikaṃ samayaṃ vidū,
Gadati bhuta pavatti maṇaṅṅathā
Itipi so sugato sugato siyā; ()
54. Gadati ñeyyapadatthavido sadā
Janahitattha manatthapanūdanaṃ,
Gadita matthagataṃ ubhayatthadaṃ
Itipi so sugato sugato siyā; ()
55. Sakalasaṅkhatadhammavimuttiyā
Gadati damma masaṅkhadhātuyā,
Ariyamaggaphalehi’pi nissitaṃ
Itipi so sugato sugato siyā; ()
56. Vinayavādi vineyyajane yato
Vinayanattha manattanāyatvitaṃ,
Vinayanissitakaṃ gadate kathaṃ
Itipi so sugato sugato siyā; ()
57. Hadayakosanidhānavatiṃ sadā
Sadupamaṃ pariyaṅtaviṃ kathaṃ,
Gadati maṅjugado vadaṃ varo
Itipi so sugato sugato siyā; ()
58. Muni rasaṅkuvitānānāpaṅkajo
Purimameva girāṃ parisantare,
Gadati aṅṅavidhaṅgikaka māsaḅhiṃ
Itipi so sugato sugato siyā; ()
59. Avitathaṃ vitathampi niratthaka-
Mapi kathaṃ suṅataṃ piya mappiyaṃ,
Nahivadanti kadāci tathāgatā
Itipi so sugato sugato siyā; ()
60. Avitthaṃ suṅataṃ pakiya mappiyaṃ
Abhivadanti sadatthasitaṃ kathaṃ,
Ya’dahivoharaṇe samayaṅṅuno
Itipi so sugato sugato siyā; ()
61. Tāya tāya’bhisāvayaṃ janataṃ sakāya niruttiyā
Ehisāgatavādi gotamagottaketu tathāgato,
Mūlamāgadhībāsāyā gadate sabhaṃ kaparitosayaṃ

Tena so bhuvanattaye sugato siyāti suvissuto; ()

62. Lokam lokappabhavam
Lokanirodhañca lokamokkhūpāyam,
Catubhī abhisamayehi
Nātho sammā gato tato so sugato; ()

Iti medhānandābhīdhānena yatināna viracite sakalakavijana hadayānandadānanidāne
jīnavamsadīpe santikeka nidāne bhagavato sutagoti paññattiyā abhidheya paridīpo. Bāvīsatimo
saggo.

Tamkho pana bhavantam gotamam evam kalyāṇo kittisaddo abbhuggato. Itipiso bhagavā
lokavidūti.

1. Tassa sa (dodhaka) lakkhaṇacāru-
Cakkavara'ṅkitapādatalassa,
Lokavidū'tipi yāva bhavaggā
Ekasilokaravo udapādi; ()
2. Lakkhaṇamūlanirodhanirodho-
Pāyavasena paki lokakamasesam,
Yo paṭivijjhi tilokahito kagho
Lokavidūti pavuccati tasmā; ()
3. Lokamidheva kalebaramatte
Lokanidānanirodhamavedi,
Lokanirodhakaramka paṭipattim
Lokavidūti pavuccati tasmā; ()
4. Lokamahambudhipāragu satta-
Saṅkhatabhājanalokapabhedam,
So bhagavā'navasesamavedi
Lokavidūti pavuccati tasmā; ()
5. So hi bhavābhavadaṭṭhisabhāva-
Ñānanulomikakhantipabhedam,
Āsayadhamma mabujjhi pajānam
Lokavidūti pavuccati tasmā; ()
6. Pātubhavam sati kāraṇalābhe
Sattavidhānusayampi janānam,
So paṭivijjhi vicaṭṭitaloko
Lokavidūti pavuccati tasmā; ()
7. Rajjanadussanamuyhanasaddhā-
Buddhivittakkavimissavasena,
So caritam paṭivijjhi pajānam
Lokavidūti pavuccati tasmā, ()
8. Hīnapañita'dhimuttivasena
Dubbidhameva'dhimutti mavedi,
Lokaniruttivido janatāya
Lokavidūti pavuccati tasmā; ()
9. Apparajakkha manussadapāpam

- Ussadapāpa muḷāraraḷakkhaṃ,
Dubbidhalokamabujjhi yato so
Lokavidūti pavuccati tasmā; ()
10. Indriyapubbaparopariyatti-
Ñānapabho tikhiṇindriyalokaṃ,
So paṭivijjhika mudindriyalokaṃ
Lokavidūti pavuccati tasmā; ()
11. Vaṭṭavivaṭṭapatiṭṭha masādhū-
Sādhūabhāvagataṃ bhagavā so,
Dvāktike'taraloka mavedi
Lokavidūti pavuccati tasmā; ()
12. Sādhūpasatthasaddattaniyāmaṃ
Ñāpayitūṃ sukarāsukarampi,
Sattaniḷāyamavedi yato so
Lokavidūti pavuccati tasmā; ()
13. Kammakilesavipākavibandha-
Muttyavimuttigate paṭivijjhi,
Bhābbajāneya mābhābbajāne so
Lokavidūti pavuccati tasmā; ()
14. Nipphalatāya navuttamananta-
Sattapamāṇa mānāvāraṇena,
Ñāṇabalena sayāṃ viditaṃhi
Lokavidūti pavuccati tasmā; ()
15. Vuttanayeni'ha so muni satta-
Lokamanekavidhaṃ paṭivijjhi
Sattaniḷāyasarojavane'ṇo
Lokavidūti pavuccati tasmā; ()
16. Paccayasāṇṭhitikaṃ paṭivijjhi
Sāṅkhatalokamasāṅkhatadassi,
Ekavidhampyavaropitaloko
Lokavidūti pavuccati tasmā; ()
17. Ruppāṇalakkhaṇato'khilarūpaṃ
Nāmasalakkhaṇato catunāmaṃ,
Dubbidhaloka mavedi munindo
Lokavidūti pavuccati tasmā; ()
18. Lokahito sukhadukkhāmupekkhā-
Vedayitattikato suvibhattaṃ,
So bhagavā kapaṭivijjhi tilokaṃ
Lokavidūti pavuccati tasmā; ()
19. Pañcavidhaṃka muni bandhavasenā-
Hāravasena catubbidhalokaṃ,
Lokapadīpanibho paṭivijjhi
Lokavidūti pavuccati tasmā; ()
20. Advayavādi saḷāyatanākhyā-

Chabbidhalokamavedi jino so,
Sattavidhampi manatthitilokaṃ
Lokavidūti pavuccati tasmā; ()

21. Lābhapabhutika maṭṭhavidhampi
Lokasabhāvamavedi yato so,
Sakyamunī navasantanivāse
Lokavidūti pavuccati tasmā; ()
22. So dasabārasadhā'yatanānaṃ
Bhedavasena tilokapadīpo,
Lokamavedi tilakkhaṇavedī
Lokavidūti pavuccati tasmā; ()
23. Dhātuvasena yato suvibhattaṃ
Loka matha'tṭhadasapparimāṇaṃ,
Saṅkhatalokabhido paṭivijjhi
Lokavidūti pavuccati tasmā; ()
24. So maṇikañcanarūpiyamuttā-
Saṅkhapavālasilākathalādiṃ,
Lokamavedi atindriyabaddhaṃ
Lokavidūti pavuccati tasmā; ()
25. Rukkhalatāphalapallavapatta-
Pupphapakarāgapabhedavasena,
So sukhumantaralokamavedi
Lokavidūti pavuccati tasmā; ()
26. Yattakamevu'tujaṭṭhakalāpa-
Rapagataṃ ihabhājanaloke,
Vijjati tampaṭivijjhi asesāṃ
Lokavidūti pavuccati tasmā; ()
27. So bhagavā himavatta pamāṇaṃ
Aṭṭhamahānirayādi pamāṇaṃ,
Nāgasupaṇṇavimāna pamāṇaṃ
Brahmasurāsuraloka pamāṇaṃ; ()
28. Paṃsujalānilabhumi pamāṇaṃ
Dīpasavantisamudda pamāṇaṃ,
Merumahidharakūṭa pamāṇaṃ
Kappatarūravicanda pamāṇaṃ; ()
29. Paccayasaṅkhatadhammasamuhaṃ
Bhājanalokagataṃ sakalampi,
Uddhamadhotiriyampaṭivijjhi
Lokavidūti pavuccatitasmā; ()
30. Lokālokakaro tilokatilakoso sattalokaṃ imaṃ
Bujjhitthā'nusayāsayādividhinā saṅkhāralokaṃ tathā,
Āhārādipamāṇatādividhinā okāsalokaṃ yato
Tasmā lokavidūti vuccati jino saṅkhāraloka'ntago; ()

Itimedhānandābhidhānena yatinā viracite sakalakavijjana hadayānandadānanidāne

jinavaṃsadīpe santikenidāne bhagavatolokavidūti nāmapaññattiyā abhidheyaparidīpo
tevīsatisamosaggo.

Taṃkho pana bhavantaṃ gotamaṃ evaṃ kalyāṇo kittisaddo abbhuggato itipi so bhagavā
anuttaro purisadammasārathīti.

1. Abhāvato paramatarassa kassaci
Janassa sagguṇavisarehi attanā,
Samāsanibbacananayena so muni
Anuttaro sasi (rucirā)'nanambujo; ()
2. Tathāhi so narahari sīlasampadā-
Guṇeni'maṃ abhibhavate sadevakam,
Samādhinā varamatiyā vimuttiyā
Vimuttidassanaguṇasampadāyapi; ()
3. Yato navijjati adhisīlasampadā-
Samādhidhipabhutigūṇehi tassamo,
Kutonu vijjati'ha taduttarītaro
Siyā tatopya'ya masamo mahāmuti; ()
4. Nirūpamo asamamunīhi somuni
Yato samo asamasamo siyā tato,
Tathāgatassi'ha dutiyassa kassaci
Abhāvato adutiyako tathāgato; ()
5. Yato navijjati paṭimāpi tassamā
Samo tadā'samatanusampadāyapi,
Sahāyako nahi paṭividdhabodhiyā
Tato yamappaṭima'sahāyako muni; ()
6. Kalebarenapi abhirūpahārinā
Guṇehi tappāṭisamapuggalo nahi,
Nacatthi pāvacaṇavibhāgakapakpane
Sayam vinā bhuvi paṭibhāgapuggalo; ()
7. Anaññagocaravarabodhisiddhiyā
Sa'haṃ sayambhuti paṭipuggalonahi,
Paṭiññamappayitu malaṃ sayam vinā,
Anuttaro'tipi naradammasārathi; ()
8. Sudantapuggaladamitabbapuggale
Dameti sārāyati adantapuggale,
Yato jino vinayanupāyakovido
Anuttaro'tipi naradammasārathi; ()
9. Yathā haye mudukaguṇekhāna sārathi
Tathāgato sugatikathāya dhammiyā,
Dameti sārāyati tathā tathāgate
Anuttaro'tipi naradammasārathi; ()
10. Yathā haye pharusaguṇena sārathi
Apāyatajjanavidhinā tathāgato,
Dameti sārāyati tathā tathāgate
Anuttaro'tipi naradammasārathi; ()

11. Adammiye mudupharusena sārathi
Yathā'bhimārayati tathā tathāgato,
Jahātya'novadiya nacānusāsiya
Anuttaro'tipi naradammasārathi; ()
12. Karī'bhidhāvati damakena sārīto
Puratthimādisu disameva kevalaṃ,
Anuttarena hi naradammasārathi-
Jinena sārītapurisānatādisā; ()
13. Nisajja katthaci sayanāsanamhi te
Disāsu aṭṭhasu atisaṅkacārino,
Vidhāvare turitamanuttaraṃ disaṃ
Anuttaro'tipi naradammasārathi; ()
14. Patiṭṭhite muni'radhisīlasikkhayā
Vasī'nusāsiya adhicittasikkhayā,
Yathārahaṃ damayati bhābbapuggale
Anuttaro'tipi naradammasārathi; ()
15. Samāhite muni radhicittasikkhayā
Vipassanāya'pi samaṇe'nusāsiya,
Yathārahaṃ damayati bodhanārahe
Anuttaro'tipi naradammasārathi; ()
16. Tathuparūpari paṭivedhapattiyā
Yathākkamaṃ anariyasekkhapuggale,
Dāmeti so vinayati lokanāyako
Anuttaro'tipi naradammasārathi ()
17. Vīneyyabandhavamanakundacandimā
Vīnesi kosalamagadhādhipādayo,
Anekakhattiyapurise vināyako
Anuttaro'tipi naradammasārathi; ()
18. Kudīṭṭhikuṅjarahari kūṭadantabhu
Surādībhūsurapurise vibhāvino
Jināsabho vinayi yato'nusāsiya
Anuttaro'tipi naradammasārathi; ()
19. Upālināmikapamukhe durāsade
Vināyako gahapatipaṇḍite puthu
Vīnesi so upanayanakkhame yato
Anuttaro'tipi naradammasārathi; ()
20. Asaccadiṭṭhikamapi saccakavhayaṃ
Anāñṇavenayikanigaṇṭhanāyakaṃ
Vīnesi tappabhutidigambare jino
Anuttaro'tipi naradammasārathi; ()
21. Jināsabho sabhiyasubhaddasañṇino
Tappassino timisabhido sadhammiyā
Kathāyi'tobahi samaṇepi sikkhayi
Anuttaro'tipi naradammasārathi; ()

22. Damesi somuni uruvelakassapa-
Gayādikassapajaṭilādike yato,
Jaḍadhare vijaṭitajālīnījaṭo
Anuttaro'tipi naradammasārathi; ()
23. Pahāṇasaṃvaravinayuttaro muni
Anekakhattiyasamaṇepi sāsane,
Vinesi sārathiriva uttaruttariṃ
Anuttaro'tipi naradammasārathi; ()
24. Manussasoṇitapisitāsanehi so
Vinesi pīvarajaṭharaṃ nisācaraṃ,
Sughoramānavaka manekarakkhase
Anuttaro'tipi naradammasārathi, ()
25. Vināyako suvinayi rāhunāmikaṃ
Mahattabhāvika masurādhipaṃ yato,
Surādhipappabhutisure tathā'sure
Anuttaro'tipi naradammasārathi; ()
26. Pajāpatiṃ nikhilapajānukampako
Bakābhīdhānikampi tucchaladdhikaṃ,
Vinesi so naditaranīrajāsane
Anuttaro'tipi naradammasārathi; ()
27. Kasaṅkusehi'pi avineyyake yato
Tiracchajāṭikapurise narāsabho,
Vinesi so tisaraṇasilasaṃvare
Anuttaro'tipi naradammasārathi; ()
28. Kapolasecanamadakaṇṇacāmaraṃ
Hutāsanāsanirivabhiṃsanaṃ yato,
Damesi māraji dhanapālakuñjaraṃ
Anuttaro'tipi naradammasārathi; ()
29. Vinesi somuni himavantavāsinaṃ
Patāpapajjala mapalālabhoginaṃ,
Kharaṃ bhayaṅakkara maravālabhoginaṃ
Anuttaro'tipi naradammasārathi; ()
30. Nando'panandu'ragapatiṃ mahodara-
Cūlodaroragapamukhe ca nibbise,
Dhumassikhā'nalasikhabhogīno akā
Tenā'pyanuttaranaradammasārathi; ()
31. Damanupāyakovido hi bodhaneyyabandhave
Ariyamaggavīthibhāsuraṃ varaṃ sivamapakuraṃ,
Paṭipadārathena sārāyi yatheva sārathi
Purisadammasārathiti vuccate anuttaro; ()

Itimedhānandābhīdhānena yatinā varacite sakalakavijana hadayānanda dānanidāne
jinavaṃsadīpe santikenidāne bhagavato anuttaro purisadammasārathīti nāma paññattiyā abhidheya
paridīpo catubbīsatisamosaggo.

Taṃkho pana bhavantaṃ gotamaṃ evaṃ kalyāṇekitti saddo abbhuggato itipi sobhagavā satthā

devamanussānaṃti.

1. Kantāraṃ kharatakkaraṃ nirudakaṃ kattāramotārimaṃ
Kantāraṃ migarājakuñjaramahā (saddulavikkīlitaṃ),
Kantāraṃ avatārabhurijanataṃ yo satthavāho sudhi
Tāretvā nayate dayāparavaso khemantabhumim yathā; ()
2. Icevaṃkaruṇānidhānahadayo saṃsāradukkhāture
Satte jātijarāvīkāramaraṇassokādīkantārato,
Tāretvā dasasaṃkilesagahanā pāpesi khemaṃpuraṃ
Tasmā satthupasatthakittivisaro satthā'ti sampattharī; ()
3. Atthā'natthavicāraṇā'ticaturō lokuttaratthēna'pi
Yasmā sāsati lokiyēna ubhayēna'tthenalokaṃ imaṃ,
Sabrahmaṃ sanarāmaraṃ sasamaṇaṃ sabrahmaṇaṃ yohi so
Satthā'tveva pasatthakittinikaro satthāramabbhuggato; ()
4. Bhītiṃ jātijarūjādīkasiraṃ nissāya jātaṃhi yo
Satthā satthadharivā'rivisaraṃ nikkhattasattho sadā,
Sattānaṃ tāsate vihiṃsati dhiyā siddhatthasāro tato
So satthā'ti yasosarīrasurabhī lokattayaṃ vyāpayī; ()
5. Lokatthābhirato anattavirato jātyādīkantārato
Uttāretica satthavāhasadiso yo atthadhammenavā,
Satte sāsati hiṃsati'ti janatāsantānajātaṃ bhayaṃ
Vuttā'nvatthavasena sohibhagavā satthāti vaṇṇiyate; ()

Taṃkho panabhavantaṃ gotamaṃ evaṃkalyāṇe kittisaddo abbhuggato itipiso bhagavā buddhoti.

6. Yo saṅkhāravīkāralakkhaṇaparosaṅkhārapaññattisu
Ñeyyatthesva'nanussutesu purimaṃ cattāri saccāni'pi,
Bujjhītvā'cariyopadesarahito tattheva sabbaññutaṃ
Patto ñāṇabalesu pāpuṇi vasībhāvaṃ sayamabhuka sayam; ()
7. Bodhetā'ti pajāya nibbānato saccāni so bujjhitā
Saccānī'ti'pi saccavādi bhagavāka nissesañeyyassapi,
Matyā bujjhanasattiyā mahatīyā yasmā samaṅkī tato
Buddho nāmasiyāti kittivisaro tambuddhamabbhuggato; ()
8. Yesaṃja bodhanavasattiyā sumatīyā cā'naññaneyyo sayam
Buddhattā ca yathāvīkāsapadumaṃ so bujjhanaṭṭhenapi,
Nānābuddhaguṇassa vissavanato buddhoti suddhodaṇī
Abbhuggaṇchi tibuddhakhettabhavane taṃkittigītassaro; ()
9. Rāgassādhigataggamaggamatīyā dosassa mohassapi
Chinnattā ca samulaghātamakhilakelasārivaggassapi,
So khīṇāsavatāya copadhipariccāgena buddhotyayaṃ
Uccāriyati cārikittiracānā viññūhi yāvajjapi; ()
10. Dhammassāmi yathā pabuddhapuriso okkantaniddakkhayā
Nājjho'tiṇṇakilesamidhavidhamā bodhāpito kenaci,
Buddhambhojatibhānāno hī bhagavā sāmaṃ pabuddho yato
Buddhonāmasiyāti tabbhavayasoghoso vibhusāyate; ()

11. Gatyatthāvagamatthadhātusamatāsabbhāvato vā gato
Yenekāyanamaggamuggamatimā eko, hīsambujjhīso,
Sambodhim jayabodhimūlamupago sattuttaro' nuttaram
Buddhoti'dha jagattaye nijayaso yāvajja vijjumbhate; ()
12. Khīṇattā paramāya maggamatiyā dubbuddhiyā buddhiyā
Laddhattāpi kaanuttaruttaraguṇālaṅkārasāmaggiyā,
So sambodhiparāyaṇo sirighaṇo buddhoti suddhodanī
Lokambhodhimalaṅkari nijayasokallolamālāhi'maṃ; ()
13. Sambuddho'ti'mināpadena munino saccāvabodhāvahaṃ
Ñāṇaṃ tappaṭivedhañña managhaṃ nā'ññehisādhāraṇaṃ,
Buddho'ti'dha padena satthu karuṇāpubbaṅkamaṃ desanā-
Ñāṇaṃ ñeyyapadatthabodhanakaraṃ ñāṇaṅca dassiyate; ()
14. Taṃ sabbaññutaññathomanavasā sammādisambuddhi'ti-
Saddassā'riyamaggakittanavasā buddhotisaddassaca,
Yogo'pe'tthakato'tya'bhāsi vibudho so dhamma pālābhidho
Buddhānussativaṇṇanāvivaraṇe viññātasatthāgamo; ()

Itimedhānandābhidhānena yatinā viracite sakalakavijana hadayānandadānanidāne
jinavaṃsadīpe santikenidāne satthādevamanussānaṃ buddhoti nāmapaññattīnaṃ abhidheya paridīpo
pañcavīsatisatimo saggo.

Taṃkho pana bhavantaṃ gotamaṃ evaṃ kalyāṇe kittisaddo abbhuggato itipi sobhagavā
bhagavāti.

1. Kavibhāratipaddhatichandasi ta-
Gguṇathomana (toṭaka) vutya'bhavi,
Bhagavā'ti vibhattapadatthavati
Madhurā suṇataṃ surataṃ madhurā; ()
2. Adhisīlasamādhimatippabhuti-
Guṇarāsivisiṭṭhatarassa tato,
Bhagavā'ti sadevamanussapajā-
Pavarassa sagāraṇāma'midaṃ; ()
3. Bhagavāvacanena pavuccati yo
Saniruttinayo vacanatthavaro,
Sa'hi gāravasetṭhavisitṭhataro
Bhagavāti nimittakanāmamidaṃ; ()
4. Paripācitasañcitapāramitā-
Mītabhāgya manuttariyu'ttariyaṃ,
Yadi vijjati'massa anaññasamaṃ
Bhagavā'ti pavuccati so bhagavā; ()
5. Yadi mārabalaṃ pabalaṃ sakalaṃ
Kadalī dviradoriva tālavanaṃ,
Asanī'va kilesamabhañji tato
Bhagavā'ti pavuccati so bhagavā; ()
6. Yadi bhaggamakā'khilalobhamapā-
Khiladosamapā'khilamohamapi,
Viparītamanokaṇaṅca tato

- Bhagavā'ti pavuccati so bhagavā; ()
7. Yadi kodhu'panāha musuyanama-
Cchariyaṃ ahirikkanirottapanam,
Api makkhapalāsa mabhañji bhavā-
Bhavadiṭṭhi manajjava'maddavatam; ()
8. Kharaphārusatā karaṇuttariyaṃ
Yadi māna'bhimāna'pamādamadam,
Saṭhaphārusatā karaṇuttariyaṃ
Saṭhamāyamabhañji'ti mohajaṭam
Bhagavā'ti pavuccati so bhagavā; ()
9. Tividhā'kusalam tividhabbisamaṃ
Tivitakkatimūlatisaññamapi,
Timalam tipapañca mabhañji tato
Bhagavā'ti pavuccati so bhagavā; ()
10. Caturogha catubbidhayoga catu-
Bbidhagantha catubbidhagāha mapi,
Caturāsavadhamma mabhañjitato
Bhagavā'ti pavuccati so bhagavā; ()
11. Vinibaddha manokhīla nīvaraṇā-
Nya'bhīnandanamaccariyāni tato,
Yadi pañcavidhāni'pi bhaggamakā
Bhagavā'ti pavuccati so bhagavā; ()
12. Chavivādapadāni'pi sattavidhā-
Nusayehi kusitakavatthu'mato,
Ya mabhañji'tarāti'pi aṭṭhavidham
Bhagavā'ti pavuccati so bhagavā; ()
13. Navadhā'layamula mabhañji tathā
Dasadhā'kusalam dasakammamapatham,
Sakalāni kudiṭṭhigatāni tato
Bhagavā'ti pavuccati so bhagavā; ()
14. Pariḷāhadaram vividha'ddhasatam
Bhavakanettivicāra mahañji tato,
Satamattasahassakilesagatam
Bhagavā'ti pavuccati so bhagavā; ()
15. Aṇimā laghimā mahimā vasitā-
Pabhuti'ssariya'tṭhabhagehi yato,
Subhagehi samañakgībbhūva tato
Bhagavā'ti pavuccati so bhagavā; ()
16. Aṇuno nanuno' nanunokaraṇam
Karaṇam lahuno'lahuno aṇimā,
Laghimā mahimā mahimākaraṇam
Karaṇam vasitā vasitāya tahiṃ; ()
17. Saya micchitaṭhāna mupāgamanam
Lahu vicchitakāriyasādhanatā,

- Abhipatti pakamya masesavasī-
Karāṇe'sikatā paramissaratā; ()
18. Nabhasā padasā gamanādivasā
Vajato pariniṭṭhitakāriyatā,
Nijakāma'vasāyikatātiyahim-
Paramissariyākhyabhagā'ṭṭhavidhā; ()
19. Catumagga catupphalasantipadā-
Riyadhammasamuhabhagehi yuto,
Vinalīkatapāpamalehi tato
Bhagavā'ti pavuccati so bhagavā; ()
20. Caraṇadiguṇa'tisayādhigatā-
Samakittisarīrabhageta yuto,
Bhuvanattayavipphuritena tato
Bhagavāti pavuccati so bhagavā; ()
21. Janalocananīharaṇāya nirū-
Pama rūpasarīragatāya tato,
Nikhilāvayavassiriyā sabito
Bhagavā'ti pavuccati so bhagavā; ()
22. Abhipatthita micchita mattahitaṃ
Parasattahitampi samijjhati yaṃ,
Iti tādisakāmabhagena yuto
Bhagavā'ti pavuccati so bhagavā; ()
23. Yadanuttariyena ca pāramitā-
Vīriyena payattabhagena yuto,
Garubhāvapadappabhavena tato
Bhagavā'ti pavuccati so bhagavā;
24. Paramissariyāyamadhammayaso-
Sirikāmapayattabhāgā chayime,
Yadi yassa jinassa bhavanti tato
Bhagavā'ti pavuccati so bhagavā; ()
25. Subhagena anaññasamena nirū-
Pamarūpavilāsabhagena yuto,
Satapuññasamujjalitena tato
Bhagavāti pavuccati so bhagavā; ()
26. Nijadhamsasarīravibhūti yathā
Nijarūpasariravibhūti tathā,
Iha vuccati bhaggasubhāgyamiti
Api tehi samaṅgi jino bhagavā; ()
27. Kusalādipadehi vibhattamakā'-
Yatanādivasena ca bandhavasā,
Vata dhammasamuhasabhāva mato
Bhagavā'ti pavuccati so bhagavā; ()
28. Catudhā catudhā catudhā catudhā
Catusaccadaso'riyasaccampi,

Vibhajī vibhajī vibhajī vibhajī
Bhagavā'ti pavuccati so bhagavā; (Yamakabandhanam)

29. Yadi dībbavīhāra masevi bhajī
Surajetthavīhāra manaññasamaṃ,
Ariyañcavīhāra manaññasamaṃ,
Ariyañca vīhāra masevi tato
Bhagavā'ti pavuccati so bhagavā; ()
30. Yadi kāyavivekasukhaṃ abhajī
Bhaji cittavivekasamādhisukhaṃ,
Upadhīhi vivekaka masevi tato
Bhagavā'ti pavuccati so bhagavā; ()
31. Bhaji vaṭṭagatañca vivaṭṭagataṃ
Saya muttarimānusadhamma mapi,
Tividhañahi vimokkha masevi tato
Bhagavā'ti pavuccati so bhagavā; ()
32. Punarāgamanāvaraṇena bhava
Bhavanettisamañña midam gamaṃ,
Yadi vantamakā'riyamaggamukho
Bhagavā'ti pavuccati so bhagavā; ()
33. Bhagavā'ti viṣiṭṭha'bhīdhānamimam
Na'ca mātupituppabhūtihi kataṃ,
Sahabodhipadādhigamena gatā
Tathasammuti tassajinassa'bhavi; ()

Athamahāniddeśāgatanayo vuccate.

34. Lokuttarāya matiyā
Rāgaṃ bhaggaṃ akāsi dosaṃ mohaṃ,
Yasmā kaṇṭakamānaṃ
Kilesamāraṃ tatopi buddho bhagavā; ()
35. Yasmā vibhajjavādi
Bhaji vibhajī pavibhajī sadhammakhandhaṃ,
Lokuttarañca katavā
Bhavānamattaṃ tatopi buddho bhagavā; ()
36. Yasmā bhāvitakāyo
Bhāvitasilo sadā subhāvitacitto,
Bhāvitapañño sabbhi
Subhāvanīyo tatopi buddho bhagavā; ()
37. Bhagavā kavanapatthāni
Paṭisallānabbihārasārūppāni,
Janavātāpagatāni
Vanāni senāsanāni yo pantāni; ()
38. Bhudharakandaraleṇaṃ
Guruhamūlaṃ pakalāla mabbhokāsaṃ,
Sivathikaṃ bhaji yasmā
Tiṇasatthāraṃ tatopi buddho bhagavā; ()

39. Catubbidhānaṃ saddhā-
Deyyānaṃ cīvarādisambhārānaṃ,
Subharo yasmā bhāgī
Paramappiccho tatopi buddho bhagavā; ()
40. Attharasassa subhāgī
Dhammarasassa ca yato vimuttirasassa,
Adhisīlassa' dhicitta-
Ssa' dhipaññāyaca tatopi buddho bhagavā; ()
41. Rūpārūpāvacara-
Jjhānāna catunna mapakpamaññānampi,
Viddhamṣitīvaraṇo
Yasmā bhāgī tatopi buddho bhagavā; ()
42. Aṭṭhannañcaṭṭhannaṃ
Vimokkhadhammāna mābhibhāyatanānaṃ,
Anupubbavīhārānaṃ bhāginavannaṃ tatopi buddho bhagavā; ()
43. Dasakasiṇasamāpatti
Dasasaññābhāvanāna mapi bhāgīvā,
Asubhasamāpatyā' nā-
Pānassatiyā tatopi buddho bhagavā; ()
44. Sammappadhāna pabhuti-
Satipaṭṭhāni' dhipādadhammānampi,
Catudhā suvibhattānaṃ
Bhāgī yasmā tatopi buddho bhagavā; ()
45. Pañcannampi balānaṃ
Yasmā pañcanna mindriyānaṃ bhāgī,
Tasmā dasabaladhārī
Jitindriso yo tatopi buddho bhagavā; ()
46. Yasmā bojjhaṅgānaṃ
Ariyassa' ṭṭhaṅgikassa maggassāpi,
Tathāgatabalānaṃ yo
Bhāgī dasannaṃ tatopi buddho bhagavā; ()
47. Catuvesārajjānaṃ
Yadi catupaṭisambhidāna maddhabhāgī,
Chabuddhadhammānampi
Chalābhiññānaṃ tatopibuddhobhagavā; ()
48. Bhagavā'tye'taṃ nāmaṃ
Nakataṃ māṭāpitūhi bhātubhaginīhi,
Sakamittāmaccehi
Na ñātisālohitehivā paññattaṃ; ()
49. Samaṇehi bhusurehi
Na devatāhi ca nana yena kenaci racitaṃ,
Uṭṭhaṭakibbisamūle
Subodhimūle subuddhasambodhīnaṃ; ()
50. Paṭilābhahetu tesāṃ
Bhagavantānaṃ anāvarenaññāssa,

Pavimokkhanthikametaṃ
Yadidaṃ bhagavāti sacchikāpaññatti; ()

Athaṭṭhāgatanayovuccate.

51. Niratisayāsīlādi-
Sagguṇabhāgā anaññasāmañña ye
Yassu'palabbhanti tato
Bhagavā'tya'bhidhiyate sabuddho bhagavā; ()
52. Tathāhi sīlaṃ samādhi
Pañña vimutti vimuttidassanaññaṃ,
Hiri ottappaṃ saddhaṃ
Vīriyaṃ sati sampajañña mete dhammā; ()
53. Sīlavissuddhi ca diṭṭhi-
Visuddhi kusalāni tīṇi tammūlāni,
Tayo vitakkā sammā
Tisso dhātvānavajjasañña tisso; ()
54. Catusatipaṭṭhāni'ddhi-
Ppādā sammappadhānadhammā caturo,
Paṭisambhidā catasso
Caturo maggā phalānikho cattāri; ()
55. Cattāro, riyavaṃsā
Yoniparicchedakāni catuññaṇāni,
Catuvesārajjāni
Padhāniyaṅgāni pañca parimāṇāni; ()
56. Pañcaṅgiko'pi sammā
Samādhi pañcīndriyāni pañcabalāni,
Nissāraṇīyadhātu
Pañcavimuttiparipācāniyā dhammā; ()
57. Pañca vimuttāyatana-
Ñāṇāni chagāravā chabahulavīhārā,
Chā'nussatiṭṭhānāni
Nissāraṇīyā chadhātu chalabhiññāyo; ()
58. Chabbidha'nuttariyāni
Jabbidhanibbedhabhāgiyā saññāyo,
Chāsādhāraṇāññā-
Nya'riyadhanānya'parihāniyā dhammā; ()
59. Sappurisāriyadhammā
Bojjhaṅgā satta sattasañña satta,
Khīṇāsavabalakathanā
Sattavivadhā dakkhiṇarahānañca kathā; ()
60. Aṭṭhannaṃ paññānaṃ
Paṭilābha nidānadesanā sammattā;
Lokasabhāva'ccagamā
Aṭṭha'kkhaṇadesanā ca aṭṭhavimokkhā; ()

61. Vatthunyā' ramhāni
Mahāpurisatakkānā' bhībhāyatanutti,
Aṭṭhavidhā navu' pāyā
Manasikaraṇamūlakā padhānyāṅgāni; ()
62. Nava sattāvāsakathā
Āghātaṭṭhavinayā ca nava nānattā,
Navā' nupubbavīhārā
Navasaññā dasavidhā kusalakammaṭṭhā; ()
63. Dasa kasiṇāyatanāni
Dasa sammattāni nāthakaraṇadhammā,
Balāni cā' riyavāsā
Mettāye' kādasānisamsā dhammā; ()
64. Bārasadhammā cakkā-
Kārā terasadhutaṅgadhammā ce' pi,
Cuddasamattā buddhi
Pañcadasavimuttipācanīyā dhammā; ()
65. Ānāpānassatiyo
Soḷasa soḷasavidhā' parantaṭṭhāyā,
Aṭṭharasa buddhaguṇā
Ekūṇavīsati paccavekkhaṇabuddhi; ()
66. Catucattāḷisavidhā
Paññāvattū' dayabbayeññāni,
Paññāsa kusaladhammā
Sattādhikasattatippabhāvattūni; ()
67. Catuvīsati koṭilakkha-
Ppamita samāpattiyāñcaravajiraññāṇaṃ,
Samantaṭṭhānapacca-
Vekkhāññāni desanāññāti; ()
68. Sattāna manattānaṃ
Vibhagaññānicā' sayānusayānaṃ,
Vuttavibhāgā santī
Guṇabhāgā bhagavato tato bhagavā so; ()
69. Manussatthābhāvādike aṭṭhadhamme
Samodhānāyitvā' hisambodhiyā ye,
Samiddhā' dhikārehi sattuttamehi
Mahābodhisattehi sampādanīyā; ()
70. Adhiṭṭhānadhammādayo pañcu' lāra-
Pariccāgadhammā catussaṅgahā ca,
Cariyattayaṃ pāramīdhammarāsi
Bhavattā' bhīsambodhisambhārabhūtā; ()
71. Pabhutā' bhīnīhārato yāvabodhi
Asāṅkheyyakappāni cattāri' massa,
Salakkhāni te bodhisambhāradhammā
Bhavā vuddhipakkhe bhatā sambhatā' ti; ()

72. Bhajīyanti yā puññavantehi loke
Payogaṃ samāgamma sampattiyo tā,
Bhagānāma vaṭṭabbivaṭṭānuga'ti
Pavuccanti tesaṃ ubhinnaṃ bhagānaṃ; ()
73. Pure bodhito bodhisatto samāno
Bhusaṃ bodhisambhāradhamme vinanto,
Patiṭṭhāsi yasmaṃ bhage te vanīti
Manussesu devesu ukkaṃsabhute; ()
74. Tathā' naññasāmaññasāhiññajhāna-
Ssamāpattibhedaggamaggapphalādī,
Bhage bodhimūle vivaṭṭānuge'pi
Sayamaṃ buddhabhuto samāno vanī'ti; ()
75. Catubbisa ye koṭilakkhappamāṇa-
Samāpattibhāgā kamahābhāgadheyyo,
Paresaṃ nahitāya?Ttano diṭṭhadhamma-
Sukhatthāya te niccakappaṃ vanīti; ()
76. Abhiññeyyadhammesu ye bhāvitabba-
Pahātabbabhāgā pariññeyyabhāgā,
Siyuṃ sacchikātabbabhāgā vanī'ti
Jino bhāvanāgocarāsevano te; ()
77. Asādhāraṇe sesasādhāraṇa ye
Ime dhammabhāgā'dhisilādibhedā,
Phalaṃ yāvata bodhaneyyesu satthā
Vanī patthayī suppatiṭṭhānukhoti; ()
78. Aveccappasantā imassa'tthi deva-
Manussā bahū bhattiyuttā tathāhi,
Asādhāraṇā' nopamānattañña-
Ppabhāvādito sabbasattuttamo so; ()
79. Anattāpahārādīpubbaṅgamāya
Hitattā' bhiniṭṭhādane tapparāya,
Payogābhisampattiyā bodhaneyya-
Pajāyo' pakāravahāyā'mitāya; ()
80. Viyāmapabhā ketumālākulāya
Bhusaṃ lakkhaṇā'sityanubyañjanehi,
Vicittāya rūpindirāmandirāya
Samiddhattabhāvā'bhisampattiyāpi; ()
81. Yathābhuccasīlādīdhammubbhavana
Uḷārena lokattayabyāpināpi,
Samannāgatattā kavisuddhena kitti-
Ssarīrena khīrodadhīpaṇḍarena; ()
82. Ṭhitattā visiṭṭhāsu ukkaṃsakoṭiṃ
Paviṭṭhāsu santuṭṭhitā'ppicchatāsu,
Catunnaṃ visārajjadhammāna maddhā
Dasannaṃ balānañca sabbhāvatopi; ()

83. Samantāpasādāvahattā'pirūpa-
Ppamāṇadike jīvaloke surānaṃ,
Narāna'ñjalīvandanāmānapūjā-
Vidhānārahattāpi sambhattiṭhānaṃ; ()
84. Aveccappasādenu'petā'nusiṭṭhi-
Paṭiggāhakā yejanā kenacāpi,
Manussena devena vā brahmunā vā
Asaṃhāriyā bhatti tesam kadāci; ()
85. Pariccajja te sāvakā jivitampi
Jinaṃ dhammapūjāya pūjenti daḷhaṃ;
Tathāhi'ssa paññattasikkhāpadāni
Navītikkamante samuddo'va velam; ()
86. Pavuccanti bhāgāti dhammassabhāva-
Vibhāgā hi te khandhadhātvādinā'pi,
Atītādirūpādībhedehehi tepi
Anekappabhedā vibhattā bhavantī; ()
87. Papañcattayaṃ sabbasaṃyojanāni
Jino ganthayogā'savo'gho'padhīca,
Samucchijja maggena nibbānadhātvā-
Matam so pibanto vamī te ca bhāge; ()
88. Chacakkhādivatthuni jā'rammaṇāni
Chacittāni chabbedanā phassachakkaṃ,
Chasaññā chataṇhā chasañcetanā cha-
Bbitakke vicāre cha bhāge vamīti; ()
89. Yamā'nanda cattañca vantaṃ vimuttaṃ
Pahīṇaṃ vinissaṭṭha maṅgīrasassa,
Na taṃ jātu paccassaṭṭiyā'bha satthā
Yathāvuttabhāge vamītevameva; ()
90. Jino kaṇhasukkeca vajjānavajje
Nihīnappaṇite adhamme ca dhamme,
Asādhāraṇena'ggamaggā'nanena
Apaccāgamaṃ pāpayī uggirīti; ()
91. Paresaṇca saṃsāranirākaramhā
Samullumpanatthāya kullūpamaṃ so,
Yathājjhāsayaṃ desayitvāna dhammaṃ
Pamāpesi tehā'pi bhāge'ti sabbe; ()
92. Pure pūrayaṃ pāramīdhammajātaṃ
Mahābodhisatto samāno bhagābyaṃ,
Sirim issarattaṃ yasohatthasāraṃ
Vamī chaḍḍhanīyaṃ yathākheḷapiṇḍaṃ; ()
93. Tathāhi'ssa laddhaṃ pure somanassa-
Vhayo temiyo'yogharo hatthipālo,
Kumārosamāno'bhinikkhamma gehā
Sirim devarajjassirim uggiri so, ()

94. Anekāsu jātīsu sampannabhogo
Bhāge laddhabhoge'vamevu'ggiritvā,
Sakaṃ hatthagamaṃ pacchime attabhāve
Anomassiriṃ cakkavattissirimpī; ()
95. Catuddīpikaṃ devarajjā'dhipacca-
Samānādhipaccaṃ yathābhucca muccaṃ,
Yasañcā'pi tatnissayaṃ pañcakāme
Alaggo tiṇaggāya'pā maññamāno; ()
96. Pahāyā' bhigantvābhisambodhirajje
Paṭiṭṭhāya saddhammarājā babhuva,
Asāre tusāre'va saṃsārasāre
Suvuttapakāre bhage so vamīti; ()
97. Pavattanti nakkhattarūpehi bhehi
Samaṃ cakkavāḷavakāsesu yātā,
Tikuṭaddi kuṭaddi canda'kka neru-
Vimānādisobhā bhagā nāma honti; ()
98. Jino tassamaṅgī janokāsalohe
Have chandarāgappahāṇena yena,
Mahābodhimaṇḍe nisinnosamāno
Vibhūtāvibhūte bhāge te vamīti; ()
99. Sobhāgavā'ti bhataṅgā'ti bhagevanī'ti
Bhāgevanī'ti abhipatthayi bhattavā'ti,
Bhāgevamī'ti tibhavesu bhagevamī'ti
Anvatthato hi bhagavā bhagavā samañño; ()
100. Iceva'massa arahādiguṇappabandha-
Pubbācalu'bbhavayasovisarosadhīso,
Pajjañca sajjanamanokumudāni've'daṃ
Cittāni bodhayati kiṃ purisādhamānaṃ; ()

Itimedhānandābhīdhānena yatinā viracite sakalakavijana hadayānanda dānanidāne
jinavaṃsadīpe santikenidāne bhagavā'tināmapaññattiyā abhidheyaparidīpo chabbīsatiṃ saggo.

1. Ettha'ttāhisampattiparahitapaṭipattito
Nissīmāpi dvidhā buddhaguṇā saṅgahitā kathaṃ; ()
2. Tāsava'ttāhitasampattisaddhammacakkavattino;
Pahāṇasampadāñāṇasampadābhedaṃ dvidhā; ()
3. Rūpakāyā'nubhāvāsuṃ tatthe'va'ntogadhā dvidhā,
Paratthapaṭipattī'pi payogāsayaḥbhedaṃ; ()
4. Payogo lābhasakkārasilokanirapekkhino,
Dukkhū'pasamaṇatthāya nīyyāniko'padesaṇā; ()
5. Āsāyo devadattādīpaccāmittajanesupi,
Hitajjhāsayaṭā niccaṃ mettākantāya bhattuno; ()
6. Indriyā'paripakkānaṃbodhaneyyāna manvahaṃ,
Paññindriyādisampākasamāyā'vagamādito; ()

7. Deyyadhammaṭṭiggāhappabhutīhā' nukampiya,
Parahitapaṭipatyā'si paresaṃ hitasādhanam; ()
8. Tesam guṇaviseyānaṃ vibhāvanavasenapi,
Pāliyaṃ arahantyādipadānaṃ gahaṇaṃ kathaṃ; ()
9. Tatthā'rahanti iminā padena paridīpitā,
Pahāṇasampadānāma attano hitasampadā, ()
10. Padehi sammāsambuddho lokavidūti attano,
Ñāṇasampattisaṅkhātā nahitasampatti dīpitā; ()
11. Vijjācaraṇasampanno'ti'minā dassitā'ttano,
Vijjācaraṇabhuti sabbā'pi hitasampadā; ()
12. Sugato'ti'minā vuttā paṭṭhāyapaṇidhānato,
Attanohitasampatti paratthapaṭipattica; ()
13. Satthā devamanussānaṃ purisadammasārathī,
Paratthapaṭipatyē'va padañcayehi dīpitā; ()
14. Padañcayena buddhoti bhagavāti vibhāvitā,
Yāva'ttahasampatti parahitapaṭipatti ca; ()
15. Tidhā buddhaguṇā hetuphakkhalasatto'pakārato,
Saṃkhittā arahamṃ sammāsambuddho'ti padehica; ()
16. Vijjācaraṇasampanno lokavidū'ti'mehi ca,
Catūhi phakkhalasampattisaṅkhātā kittitā guṇā; ()
17. Purisadammasārathi satthā dvīhipadehi tu,
Sattopakārasampattivaseṇa gaditā guṇā; ()
18. Phalasampattisattopakārasampattibhedato,
Ubho buddhaguṇā buddho'ti'minā paridīpitā; ()
19. Sugato bhagavā dvīhi padehā'diccabandhuno,
Vibhāvitā hetu phalasatto'pakārasampadā; ()
20. Thīrasārataro'dāruttuṅga saggūṇamerunā,
Girirājā'pi nīcattaṃ jagāma jīnarājino; ()
21. Tassā'nupubbagaṃbhīrasampūṇaguṇasāgare,
Sāgaro'yaṃ paricchinno bindumattaṃ'va khāyati; ()
22. Thāvarā'calapattiṇṇapatiṭṭhāguṇabhūmiyā,
Nopeti paṃsupathavī kalabhāgampi satthuno; ()
23. Cakkavāḷasahassāni sambādhikaḷitāni'va,
Guṇalesānubhāvena dissanteravibandhuno; ()
24. Anantāpariyantena guṇākāyena satthuno,
Ākāso'mananto'pi antabhuto'va gamyate; ()
Evaṃ buddhaguṇānantāpariyantā acintiyā,
Avāciyā'nopameyyā ahoacchariyabbhutā; ()

Itimedhānandābhīdhānena yatinā viracite sakalakavijana hadayānandadānanidāne
jinavaṃsadīpe santikenidāte navannamarahādiguṇānaṃ saṅkhepanayaparidīpo

Sattavīsatisamosaggo.

1. Dhutanijjharacāmarānilena
Sisire kūṭabhujehi gijjhakūṭe,
Haribhudharahāridehadhāri
Viharanto karuṇākaro kadāci; ()
2. Vasamāna masesabhikkhusaṅghaṃ
Iha rājaggahanāmarājadhānyā,
Vamaṇḍalamāla mānayaṃsu
Munirānandayanindamiccavoca; ()
3. Yati sampati sannipātayitvā
Yatisaṅghaṃ yatirājamabruvī so,
Ruciraṅjalipūjitaṅghikaṅjo
Samayaṃ maññatha yassadāni bhante; ()
4. Atha kho sugato tato'higantvā
Navasaṅjhāghanaraṃsivippakiṅṇo,
Vamaṇḍalamāla motarīttha
Ravi mandāramivodayā'calamhā; ()
5. Tahi māsanamatthake nisinno
Migaraṅjāriva kaṅcanācalagge,
Parisāsu visārado abhāsi
Munirājā'parihāniyeca dhamme; ()
6. Abhinkhamiya'mbalaṭṭhikāyaṃ
Viharanto bhagavā tato puramhā,
Navapallavamaṇḍitamāsākhī
Riva'nubyaṅjanacārurūpakāso; ()
7. Itisīlapabhāvito samādhi
Saphalo cittapabhāvitā ca paññā,
Saphalā'ti pavattadhammacakko
Atha nālandamupāgamī sasaṅgho; ()
8. Tahi mambavane yathābhirantaṃ
Viharaṅtaṃ tamupecca theranāgo,
Makahītaṅjalimaṅjarika sirena
Caraṇacanda mavandī sāriputto; ()
9. Sunisajja asajjamānaññaṃ
Bhagavaṅtaṃ pacuraṃ abhitthavanto,
Nadi sihanibho abhītavācaṃ
Bhagavā ca'bbhanumodi bhāsitaṃ taṃ; ()
10. Kathayaṃ adhisīlacattapaññā-
Paṭisaññuttakathaṃ tahiṃ vasitvā,
Yatisaṅghapurakkhato tato so
Agamaṃ pāṭaligāmaṃmuggadhīmā; ()

11. Muni pāṭaligāmupāsakānaṃ
Anukampāya sumāpīte nivāse,
Nivasam savanañjalīhi peyyam
Vadhuram dhammasudhārasam adāsi; ()
12. Acirāpagatesu' pāsakesu
Bhagavā pāṭaligāmikesu tesu,
Janasuññaniketanaṃ anañño
Pavisitvāna akāsi sīhaseyyam; ()
13. Magadhādhipatissa bhupatissa
Nagaraṃ tatra sunīdhavassakārā,
Sacivā tidasehi mantayitvā
Viya tasmiṃsamaye sumāpayanti; ()
14. Abhipassiya dibbacakkhunā taṃ
Bhagavā'nanda mavoca hessate'daṃ,
Ariyā'yatanaṃ vaṇippatho'ti
Nagaraṃ pāṭaliputtanāma maggaṃ; ()
15. Mithubhedavasena aggitovā
Dakato pāṭaliputtasaññino kho,
Nagarassa kadāci antarāyā
Muni vedehamuniṃ tayo'tya'voca; ()
16. Tadahe'vupasaṅkamimsu yena
Bhagavā tena sunīdhavassakārā,
Jinapādakirīṭaphuṭṭhasīsā
Abhisitte'va khaṇam lasimsu' ho te; ()
17. Thirasāraguṇena dhammarañño
Dhanudaṇḍeva ṭhitā nataṅkagayaṭṭhi,
Tadubho savivā nimantayimsu
Sugataṃ ajjatanāya bhojana; ()
18. Adhivāsana massa te vidatvā
Paṭiyattehi paṇītabhojanehi,
Bhagavanta matappayum sasaṅgam
Kamalāvāsanivāsagam sahatthā; ()
19. Bhagavā'tha sunīdhavassakāre
Paribhutto apanītapattapāṇī,
Anumodi nipīya dhammapānaṃ
Pacuraṃ pītiphuṭantarā'bhavum te; ()
20. Anuyantajanehi dhammarañño
Vajato bhikkhupūrakkhatassa tamhā,
Puthuloratalena yaṃ visālam
Nagaradvāra manantaribabhuva; ()
21. Iti gotamabuddhapādaphuṭṭham
Tadidaṃ dvāra mahosī gotamākhyam,
Tahi motari yattha kākakapeyyā
Muni gaṅgākhyasavanti tuṅgavīci; ()

22. Bahaḷā'nilabhaṅgavīcimālā-
Lulitāyā'ti gabhīraninnagāya,
Ya manaṅgapabhaṅguro tarittha
Tayidaṃ gotamatitthanāma māsi; ()
23. Sugato paratīrago'ghaṭiṇṇo
Janataṃ passiya sāvakehi saddhiṃ,
Taraṇattha mulumpakullanāvā
Pariyesanta mudānagātha māha; ()
24. Narasārathi yena bhumikantā-
Makuṭākāraḷuṭīhi nāvakāso,
Upasaṅkami tena koṭṭigāmo
Uditambhoru hu'pāhanappitaṅghī; ()
25. Ahamasmi pabuddhasaccadhammo
Punaruppatti nacatthi me'ti vatvā;
Tahi movadi vāsago tisikkhā-
Paṭisaṃyuttakathāya bhikkhusaṅghaṃ; ()
26. Muni nātikanāmagāmayāto
Kathitānandayatindapuṭṭhapañho,
Paridīpayi dhammadappaṇākhyāṃ
Pariyāyaṃ gatipaccavekkhaṇāya; ()
27. Arahādiguṇakaroka mahesi
Viharaṃ tatraṇi giṅjakānivāse,
Piṭakattayasaṅghaṃ vasiṇaṃ
Adhisīlādikathaṃ kathesi bhīyyo; ()
28. Sugato pagato sabhikkhusaṅgho
Atha vesālīpurīṃ purīnamaggaṃ,
Tahi mambavane vasaṃ vasiṇaṃ
Satipaṇṇāparamaṃ abhāsi dhammaṃ; ()
29. Jinagandhagajo mama'mbapāli-
Gaṇikā ambavane'ni'dāni sutvā,
Abhiruyha payāsi bhaddayānaṃ
Kucabhārātisamiddhabhattibhārā; ()
30. Gaṇikā'tha katañjalinisinnā
Ghanapīnatthanabhārarumbhīteva,
Karavikavirāvamaṅjughoso
Madhuraṃ dhamma mabhāsi tāya satthā; ()
31. Katabhattanimantanā pasādaṃ
Rasanādāmasarehi vāharanti,
Pavidhāya padakkhiṇaṃ munindaṃ
Agamaṃ haṃsavadhūva mandiraṃ sā; ()
32. Ahatāhatanīlapītaratta-
Sitamaṅgiṭṭhāviraḅasātakehi,
Sunivatthasupārutā'bhīrūḷhā
Suraputtāriva bhaddabhaddayānaṃ; ()

33. Atha licchavirājarājaputtā
Upasaṅkamma paṇamma dhammarañño,
Nakharaṃsipabandhasindhutīre
Samayum maggaparissamaṃ nisinnā; ()
34. Vilasiṃsu kiriṭabhiṅgamālā-
Viralā licchavikañjakosarāsi,
Ravibandhavadhammabhākarena
Phuṭitā'dhaṭṭhitasilagandhasāli; ()
35. Saphalīkatadullabhantabhāvā
Viphalībhutanimantānā janā te,
Virajaṅghirajopisaṅgamoḷī
Pura mārūlharathā tato payāsum; ()
36. Janalocanatorañākaraḷaṃ
Avatiṇṇo vimalañjasam sasaṅgho,
Gaṇikāya gharam mahesi pāto
Caraṅakkantathalambujo jagāma; ()
37. Katabhojanasaṅgabhāvasāne
Gaṇikā pañjalikā nisajja dhammaṃ,
Sunisamma sasāvakassa'dāsi
Sugatassa'mbavanaṃ samiddhasaddhā; ()
38. Muni rambavanaṃ paṭiggahetvā
Viharitvātahimeta deva dhammaṃ,
Kathayaṃ adhisīlacittapaññā-
Paramaṃ beḷuvagāmakam jagāma; ()
39. Ahamettha vasāmi bhikkhave'ko
Samaṇhe'ttasahāyakehi tumhe,
Upagacchatha vassa massamesu
Muni vesālisamanatatotyā'bhāsi; ()
40. Jitamārabalasasa beḷuvasmiṃ
Atha vassupagatassa ghorarogo,
Udapādi ca māraṇantikā'sum
Kaṭukā kāyikavedanā'tibāḷhā; ()
41. Adhivāsanakhantipārago so
Sukhadukkhesu tulāsamo tadāni,
Bhagavā avihaññamānarūpo
Adhivāsesi sato ca sampajāno; ()
42. Anapekkhiya tāva bhikkhusaṅgham
Idhu'paṭṭhākanivedanaṃ akatvā,
Analanti mamā'nupādisesa-
Parinibbānapadam sace labheyyam; ()
43. Vīriyena paṭippaṇāmayitvā
Balavā'bādha malabbhayāpanīyam,
Paṭisaṅkharaṇārahaṃ visesaṃ
Samadhiṭṭhāya saḷvitindriyassa; ()

44. Bhagavā'tha samādhi mappayitvā
Paṭipassambhiya dukkhavedanaṃ so,
Pavilhāsi mahāvipassanāya
Nahi vikkhamhita vedanā punāsum; ()
45. Ravibandhu vihārato'higantvā
Bahichāyāeraṇaṅgaṇappadese,
Sunisajji susajjitā sanamhi
Pariyuṭṭhāya lahuṃ gilānabhāvā; ()
46. Jitajātijarājuo nisīdi
Yahimānandatapodhano' pagamma,
Tahi mañjaliko mayā sudīṭṭhaṃ
Khamanīyaṃ tava sāta miccavoca; ()
47. Tava bāḷhagilānatāya bhante
Mama patthaṅghano viya'ttabhāvo,
Sakalāpi disā'nupaṭṭhahanti
Napi dhammā paṭibhanti manti vatvā; ()
48. Apicā'si mame'sa sāvakānaṃ
Hadayassā'salavo nakiñcivatvā,
Bhagavā napanā'nupādisesa-
Parinibbāna padaṃ bhaje'ti bhante; ()
49. Yamanantarabāhiraṃ karitvā
Nanu cā'nandapakāsito hi dhammo,
Gurumuṭṭhi tathāgatesu natthi
Vada kiṃ patthayate mame'sa saṅgho; ()
50. Adhunā'ha masīti vassikosmi
Parijīṇosmi tathāgatassa kāyo,
Sakaṭaṃviya jajjaraṃ jarāya
Bhiduro vattati vekhamissakena; ()
51. Sanimittakavedanānirodhā
Upasampajja vimuttijaṃ samādhim,
Vihareyya yadā tadāttabhāvo
Vayadhammopi atīvaphāsuhoti; ()
52. Adhunāga miva'ttadhammadīpā
Bhavathā'naññaparāyaṇāttha tumhe,
Bhagavāvadi te'va sattamā'ti
Samaṇā bhāvitakāya cittapaññā; ()
53. Punarāgami tattha vutthavasso
Bhagavā jetavanaṃ mahāvihāraṃ,
Upagamma tadāni dhammasenā-
Pati satthāra mavandi sārīputto; ()
54. Vividhiddhivikubbaṇaṃ vidhāya
Yatināgo muninā katāvakaṣo,
Tava pacchimadassananti vatvā
Nivuto pañcasatehi satthukappo; ()

55. Abhinamma padakkhiṇaṃ karitvā
Bhagavantaṃ samupecca mātugehaṃ,
Janito'varake nipajjaka mañce
Parinibbāyi tadā'si bhūmicālo; ()
56. Atha kolitanāmatheraṇāgo
Parinibbāyi tathā katāvakaṣo,
Puna dhātusaṛira mappayitvā
Munikārāpayi cetiyāni tesam; ()
57. Janalocanapīyamānarūpo
Muni vesālipuraṃ kamena patvā,
Sunivatthasupāruto kulesu
Cari piṇḍāya kari'va sericārī; ()
58. Bhagavā paribhuttapātarāso
Bhavatā'nandadivāvihārakāmo,
Atha gaṇha nisīdananti vatvā
Gami cāpālasamaññacetiyamhi; ()
59. Atha kho bhagavā nisidi yena
Tadupaṭṭhākavaro'pagamma tena,
Katapañjaliko nisidi vatvā
Ramaṇīyaṃti udenacetiyampi; ()
60. Sugatassa paṇī'ddhipādadhammā
Caturō bhikkhu subhāvitā suciṇṇā,
Bahulīkaḷitā'ti cāha bhīyyo
Muni tiṭṭheyya sace khameyya kappam; ()
61. Karuṇāparibhāvitāsayena
Jitamārena tivāra mattamevaṃ,
Ujukam muninā karīyamāne
Vipulobhāsanimittajappanamhi; ()
62. Pariyuṭṭhitamānaso riva'ñño
Kharamārena pamuṭṭhamānaso so,
Na ca taṃ paṭivijjhi neva yāci
Bhagavā tiṭṭhatu yāvatā'yukappam; ()
63. Vaja kaṅkhasi yassadānikālam
Pahitā'nandatapodhano'tivatvā,
Vasavattivasikato muhuttaṃ
Avidūramhi nisīdi rukkhamūle; ()
64. Upagañchiya bodhaneyya bandhu
Bhagavā yena pamatta bandhu tena,
Bhujagoriva bhuttanaṅgalena
Abhimānena anonataṅgayaṭṭhi; ()
65. Ajapālasamaññino kadāci
Uruvelāya vaṭaddumassa mūle,
Katakicca? Tayā katā paṭiññā
Likhitā vattati cittapotthake me; ()

66. Samaṇā tava sāsana'va tiṇṇā
Adhunā dhammadharā'nudhammacārī,
Paṭipattiratā bahussutā ca
Suviyattā suvisāradā vinītā; ()
67. Paṭisiddhaparappavādivādā
Sahadhammena sapāṭihāriyaṃ te,
Kathayanti kathāpayanti dhammaṃ
Parinibbātu tato bhavantya voca, ()
68. Pariniṭṭhitasabbabuddhakicco
Munirevaṃ samudirite tivāraṃ,
Analanti nirālayo bhavesu
Tadū'(pacchandāsikaṃ) nisedhanāya; ()
69. Apposukko samāno viharatu kalimā ho timāsaccayena
Saccālokappakāso durita tamahido pañcatāḷisavassaṃ;
Sammā khīṇassineho tibhuvanabhavane dhammarājappadīpo
Nibbāyissatya'bhāsi tadahani vijahañcā'yu saṅkhāravegaṃ ()
70. Cāpāle cetiye'vaṃ vijahati satiyā sampajaññenavāyu-
Saṅkāre bhūmicālo bhavi paṭupaṭahārāva gambhiraghoso,
Gajchiṃsu vijjurājibhujasatapahaṭā sukkhajimūtabheri
Loko sokandhakāre paripati janito bhīṃsano lomahaṃso; ()

Itimedhānandābhīdhānena yatinā viracite sakalakavijana hadayānandadānanidāne
jīnavaṃsadīpe santike nidāne bhagavato āyusaṅkhārossajjana pavatti paridīpo aṭṭhavīsatiṃ saggo.

1. Yenā'nando vasati bhagavā tena gantvā nisinno
Pādambhoje sumahiya suhebaddhamuddhāñjalihi,
Bhante sukkhāsati ca elitā hiṃsano lomahaṃso
Jāto kasmā vasumativadhū sampavedhītya'pucchi; ()
2. Heṭṭhā'kāse balavapavane vāyamāne kadāci
Vātaṭṭhā yā salilapathavī taṭṭhitā paṃsubhumi,
Saṅkampante yatharivatari lola kallolamāli-
Majjhotiṇṇā pathavicalanaṭṭhāna mānanda ce'taṃ; ()
3. Appekacce samaṇa samaṇabrāhmaṇā appamāṇā
Āposaññā sukhumapathavi bhāvitā santi yesaṃ,
Pattābhiññā paricitavasī te samāpattilābhī
Kampentīmaṃ tadapi bhavate bhūmicālassa ṭhānaṃ; ()
4. Gabbhokkanto bhacati ca yadā sampajāno satova
Gabbhasmā nikkhamati carime attabhāve tadāpi,
Sambodhiṃ vā purisanisaho bujjhate kampate'yā
Ete dhammā samaṇa mahato bhūmicālassa hetu; ()
5. Buddho hutvā bhuvanāyano dhammacakkaṃ pajānaṃ
Saṃvatteti vijahati yadā cā'yusaṅkhāravegaṃ,
Kampatyē'sāpathavi phusate khandhanibbānadhātum
Ānande'te mahatipathavikampanatthāya hetu; ()
6. Tabyāsenabbigatahadayā'nandamānandatheraṃ
Assāsetvā uparupari so desanaṃ vaḍḍhayitvā,

- Ānandā'ham karahacivasim yassa nerañjarāya
Najjā tire jitajalamucassā'japālassa mūle; ()
7. Tatrā'gantvā phusatu bhagavā khandha nibbānadhātuṃ
Issāmāyāmalinahadayo pāpimā iccavoca,
Laddhokāso punarapi kamamaṃ evamevā'bhiyāci
Ajjā'sīnaṃ paramarucire pya'tra cāpālacetye; ()
8. Apposasukēkā tvamiha kalimā hohi māsehi tīhi
Khandhānaṃ nibbuti bhagavato hessatī'cchetamattaṃ,
Ārocentena hi kasatimatā samapajaññaena bhikkhu
Ossaṭṭho me jitanamucinā cā'yusāṅkhāradhammo; ()
9. Evaṃ vutte caraṇakamalacanda mānandathero
Natvā bhante bahujanahitathāya tiṭṭhā'yukappaṃ,
Vatatikkhattuṃ paramakaruṇācodito yācidāni
Nā'yaṃ kālo bhavati sugataṃ yāvanāyi'cca'voca; ()
10. Sambodhiṃ tvaṃ yadi bhagavato saddahanto'si kasmā
Nippīḷesī dasabala manullaṅghanīyā'bhilāpaṃ,
Tasmim̐ tasmim̐ sati bhagavatā ka yamāne nimitte
Tumheve'taṃ viya kalimatā dukkatañcā'paraddhaṃ; ()
11. Yāceyyāsi yadi dasabalaṃ ce paṭikkhippa vācā
Sattā'datte tava tatiyakaṃ vippayogo piyehi,
Naṇvā'kkhāto samaṇa paṭigacceva me saṅkhatam̐ yaṃ
Jātam̐ bhūtam̐ avipariṇatam̐ taṃ kuto' pe'ttha labbhā; ()
12. Ekam̐senā'vitathavacasā saccasandhena cāyu-
Saṅkhāro' hīyati bhagavatā vyākata'nanda bhikkhu,
Yāsā vācā yathariva chiyāmuttakhāṇo tathā taṃ
Paccāgacche napunavacanaṃ jīvitārakkhahetu; ()
13. Evaṃ vatvā sapadi sugato gandhanāgindagāmī
Yenāraññaṃ vipulamalakāsāra vesālīyaṃ so,
Kūṭāgāraṃ tadavasariyā'nandatherena saddhiṃ
Iccābhāsī samaṇaparisaṃ sannipātehi sīghaṃ; ()
14. Evaṃ bhante lapitavacano sokasallena viddho
Sohā'yasmā vasigaṇa mupaṭṭhānasāḷāya māsum̐,
Rāsikatvā mahitacaraṇo'pāhano tassa kālaṃ
Ārocesi gamiya bhagavā pīṭhikāyaṃ nisajja; ()
15. Āmantetvā samaṇaparisaṃ bodhipakakkhe bhavā me
Yete dhammā sayamadhiyatā desitā sādhuṃ vo,
Uggaṇhitvā yathariva siyā sāsanañcaddhanīyaṃ
Bhāvetabbā suparihariyā sevītābbā'ti vatvā; ()
16. Nibbāyissatya'vaca bhagavā accayenā'cirena
Temāsānaṃ bhuvanabhavanu'jjotapajjotarūpo;
Tumhe sampādayatha samaṇā appamādena sabbe
Saṅkhāra yaṃ samudayamayā lakkhaṇabbhāhatā'ti; ()
17. Pubbaṇhe so karakisalayā'dhāna'viṭṭhānapatto
Patto satthā pacuracaraṇo cīvaracchannaganto,
Gattobhāsāruṇitaparikhāvīthipākāracakkaṃ
Cakkaṅkeha'ṅkitapadatalassālivessālināmaṃ; () (Yamakabandhanaṃ)

18. Āhiṇḍitvā tahi manugharam piṇḍa manvesamāno
Pacchābhattaṃ bhuvanāyano locanindīvarehi,
Taṃ vesāliṃ dviradagatimā'nanda nāgāpalokaṃ
Oloketvā ida mavaca me pacchimaṃ dassana'nti; ()
19. Tambhāṭhānā nayanāsubhagaṃ sevito sāvakehi
Bhaṇḍaggāmāṭavi mavaṣaṭo diṭṭhivādībhasīho,
Nicchāretvā sarasamadhuraṃ dhammagambhīraghosaṃ
Taṇhākhīṇā mamapunabhavo bhikkhave natthya'bhāsi; ()
20. Tisso sikkhā pariharatha vo sādhukaṃ bhikkhave'ti
Evaṃ vatvā matibhagavatibhattubhūto sayambhu,
Tamhāgāmā punarupagamī hatthigāma'mbagāmaṃ
Jambuggāmaṃ vamiagamano hatthivikkantigantā; ()
21. Patvā bhogāyatana manaso bhoganāmaṃ subhikkhaṃ
Nibbhogo so nagaramaparaṃ bhāratibhatturūpo,
Cittābhogaṃ kurutha samaṇā sādhukaṃtaṃ suṇātha
Desissāmi'tya'vadi caturo vo uḷārāpadese; ()
22. Eso dhammo bhavati vinayo sāsanaṃ satthu cedaṃ
Abbhaññātaṃ vata bhagavato sammukhā me sutanti,
Sakkhīkatvā yadi vadati maṃ bhikkhave koci bhikkhu
Nādatabbaṃ tadadhivacanaṃ nappaṭikkositabbaṃ; ()
23. Pakkhittānaṃ mama tipītake tappadabyañjanānaṃ
Yamyamthānaṃ avatarati samdissate niddhamettha,
Gāḍḍabhaṃ suyaḍḍānaṃtaṃ nāsiṅgaḥḥattikūnoce; ()
24. Āvāse yo viharati mahābhikkhusaṅgo amutra
Therā bhikkhū tipītakadharā theravaṃsaddhajā ye,
Yvābhiññāto paṭibalataro bhikkhu vā sammukhā me
Tesaṃ tesaṃ idamavagataṃ suggahītatti vutte; ()
25. Otāretvā tadapī vinaye satthu suttābhidhamme
Saṃsandantaṃ yadipana paṭiggaṇhitabbaṃkata na noce,
Cattāro me itivibhajite nippadesāpadese
Dhāreyyātha'bruvi muni ranādhānagāhī sadā vo; ()
26. Patvā pāvāpuravara matho'ropitakkhandhabhāro
Ambāraññe viharati mamaṃ dhammarājāti sutvā,
Tibbacchando javanamatino dassanassādanamhi
Cundo gantvā caraṇakamalaṃ vandi kammāraputto; ()
27. Sammādharmassavaṇapasuto ekamantaṃ nisinno
Sotāpanno paṭhamadivase dassanenevasatthu,
Buddhaṃ paññābhagavatipatiṃ svatanāyā'bhiyācaṃ
Cando pubbācalamiva gharaṃ pāvisi cundanāmo; ()
28. Sampādetvāgahapati bahuṃ tāyaratyā'vasāne
Khajjaṃ bhojjaṃ sumadhutaraṃ sūkaraṃ maddavampi,
Pakkhittojaṃ pacuravibhavo ñāpayī dhammarañño
Kālo bhante'tarahi bhagavā niṭṭhitaṃ bhojananti; ()
29. Sālakkhandhāyatabhujayugo muggavaṇṇaṃ gahetvā
Pattaṃ pattatthavikapihitaṃ pakkanigrodhavaṇṇaṃ,

- Acchādetvā parivutavasi cīvaram paṃsukūlam
Pāsādabbhantara mabhiruhī tassa sovaṇṇavaṇṇo; ()
30. Bālādiccori'va dasabalo tāva pubbācalagge
Paññattasmiṃ ratanakhavite bhaddapīṭhe nisajja,
Āmantetvā jitadhanapatim cundamādiccabandhu
Satthāram tvam parivisiminā maddavenātya'bhāsi; ()
31. Santappetvā sugatapamukham bhikkhusaṅgham sahatthā
Maṃsam sobbhe nikhaṇiya tato satthubhuttāvasesam,
Bhatyā dhammassavaṇṇirataṃ bodhayitvāpayāsi
Pūro paṅkeruhamiva jino cundakammāraputtam; ()
32. Bālhabādho balavakaṭukā vedanā tassa bhattam
Bhuttāvissā'bhavi bhagavato rattapakkhādikā'si,
Vikkhambhetvā tamapi satimā sampajāno'vidūre
Maggotiṇṇo muni rupagamīrukkhamūlam kilanto; ()
33. Paññāpetvā catugūṇamupaṭṭhākathero adāsi
Yaṃ saṅghāṭim narahari tahiṃ vissamatto nisajja,
Gantvā'nandā'hara sarabhasam tvam pipāsāturassa
Pāṇīyyam me nikhiladarathā nibbutassetya'bhāsī; ()
34. Yasmā bhatte sakaṭasatasañcārasambhinnamaggā
Gorūpānam vigaḷitaṭī siṅgasaṅghaṭṭaṇena,
Cakkacchinnā kalalakalusībhutasantattavāri
Nālam pātuṃ salilamadhunā kunnadi sandate'dha; ()
35. Accāsanne kakudhaviṭapīmūlasaṃsaṭṭhakulā
Vātakkhittā'malajalakaṇā sātasiṭodapuṇṇā,
Sakkā bhante savati kakudhāsindhu gattāni sīkim
Kātuṃ pātuṃ dharaṇiramaṇi baddhahārābhīrāmā; ()
36. Evaṃ vutte puna bhagavatā codito pattahatto
Patvā'nando kalalavisamaṃ kunnadītitthamāsam,
Netvā sitodaka malulitam nimmalam sandamānam
Ñato bhante pivatu bhagavā'tyā'ha buddhānubhāvo; ()
37. Tasmimkāle samitatasīṇam rukkhāmūle nisinnam
Naṃ disvāna'ṅkusanisitadhī pukkuso kamallaputto,
Pabyākāsika paṭutarasamāpattiyākittanena
Āḷarassā'dhikavupasame attano'bhīppasādam; ()
38. Gajjantisvā'sanisu parito niccharantīsu jātu
Vijjummālāsu ca galagalāyantiyā vuṭṭhiyāham,
Saññibhuto nanu khaphasamāpattiyā santavitto
Nā'ssosiṃ bho sutikaṭuravaṃ nāddasam rūpavāha; ()
39. Vuttam sutvā'matarasahīram uddharitvāna dhīmā
Saddhābījam panihita kamathā'ḷarakālāmakhette,
Yebhuyenā'samacupasame siṅbhīvaṇṇe pasanno
Datvā buddham saraṇa magamā sāṭakam siṅgivaṇṇam; ()
40. Tattaṅgārodaramiva tamaṅgīrasaṅgopanītam
Vattham vītaccika mabhinavaṃ siṅgivaṇṇam rarāja,

- Pacchā paccuttariya kakudhāsindhu majjhogahetvā
Ambāraññaṃ tahi mavatarī sakyasiho sasaṅgho; ()
41. Saṅghāṭiṃ patthariya sahasā cundatherena mañce
Paññattasmim sapadi samadhiṭṭhāya vuṭṭhānasaññaṃ,
Accadhāyā’ dhikakilamatho so sato sampajañño
Pāde pādaṃ bhavabhayabhido sīhaseyyaṃ akāsi; ()
42. Āmantetvā niravadhidayo thera mānandanāmaṃ
Dve me laddhā samasamaphalā piṇḍapātā visiṭṭhā,
Sandeho yo karabhavi siyā cundakammāraputta-
Sse’vaṃ vatvā pariharatu tañcāha me accayena; ()
43. Tamhā khīṇāsavaparivuto bhuripañño hirañña-
Vatyā najjā vijanapavanaṃ pārime tirabhāge,
Phullaṃ sālabbana mavasarī kosiṇārāna maggaṃ
Mallānaṃ so suravanasiriṃ rājadhānyā’ vidūre; ()
44. Ānandenā’ nadhivaravaco coditeno’ pacāre
Paññantasmim tathaṇayamakassālarukkhanarāle
Mañce paññāsati parimukho uttarādhānasīse
Katvā pādoparipada manuṭṭhānaseyyamaṃ kāso ()
45. Sītacchāyā vigaḷitarajodhūsarā sabbaphāli-
Phullā bhantī jaṭitaviṭapakkhandhamūlā’ ññamaññaṃ,
Saṅkiṇṇālī sapadi yamakassālasālā visālā
Dissante’vaṃ vakulatilakā’ sokacampeyyasākhī; ()
46. Naccaṃ gītaṃ vividhaturiyaṃ vattate’ dāni dibbaṃ
Dibbaṃ cuṇṇaṃ malayajamayaṃ dibbamandāravāni,
Passā’ nandabbikacayamakassālapupphānya’ kāle
Samūjāye’vahi bhagavato antalikkhā patanti; ()
47. Ete brahmāmaranaraphaṇī cāmaracchattahatthā
Mālāmālāguḷaparimalaṇḍupadīpaddhajehi,
Channaṃ tāḷāvacarabhajitaṃ maṅgalāgārabhutaṃ
Jātikkhettaṃ nanu bhagavato kevalaṃ pūjanāya; ()
48. Ānande’vaṃ satipi bhagavā tāvatā sakkatovā
Sammā tesam nacagarukato namānito pūjitovā,
Yo kho dhammaṃ carati samaṇo’ pāsako vā’ nudhammaṃ
Bhatyā so maṃ paramavidhānā kamānaye pūjayeti; ()
49. Amhe tasmātiha paṭipadaṃ suṭṭhu dhammānudhammaṃ
Sampādemā’ tyā’ vaca muni vo sikkhitabbañhi evaṃ,
Dhammāssāmiṃ sapadi purato vījamāno samāno
Hatthicchāpo yathariva ṭhīto theranāgo’ pavāno; ()
50. Mallānaṃ kho nagaravarato yāvatā sālādāyaṃ
Rāsibhūtā’ surasuravarabrahmarājūhi yasmā,
Daṭṭhumaṃ buddhaṃ dasabaladharaṃ khittavālaggakoṭi-
Mattatṭhāne dasadasahi vā natthya’ phuṭṭhappadeso; ()
51. Kandantīnaṃ pakiriya sake kesapāse ca bāhā
Paggaṇahitvā sirasī pathavisaññinīdevatānaṃ,

- Jhāyantīnaṃ bhuviparipatantīna mujjhāyinīnaṃ
Dento'kāsaṃ apanayi parañceḷhakeno'pavānaṃ; ()
52. Saṅkhārānaṃ khayavaya manāgāmino vītarāgā
Devabrahmā sumariya yathevi'ndakhīlācalaṭṭhā,
Nāmhe bhante'tarahī viya vo accayenātya'vocuṃ
Passissāmā'yati miga manobhāvanīyepi bhikkhū; ()
53. Jātaṭṭhānappabhutika midhānandaṭṭhānaṃ catukkaṃ
Puññakkhettaṃ bhuvi bhagavato sabbhisamaṃvejanīyaṃ,
Addhā saddhāvisadahadaya sādhave cārikāyaṃ
Āhiṇḍantā pavurakusalaṃ tatrapatvā viṇanti; ()
- 9 54. Puṭṭhassevaṃ kathamapi mayaṃ mātuḡāmesu bhante
Vattissāmā'tyamatamimā' nandatherassa'bhāsi,
Tanniḡjhānaṃ tadabhilapanāṃ mākarothāti tumhe
Evamsante satiparimukhā hotha chadvārarakkhā; ()
55. Puṭṭhassevaṃ maya mutusamuṭṭhānarūpāvasiṭṭhe
Vattheyyāmhe tavanirupame rūpakāye kathanna,
Mākho tumhe bhavatha munino dehapūjāvīdhāne
Sakhyāpārā upari ghaṭathā'hā'savānaṃ khayeti; ()
56. Saṃvijjante bhagavati idhānanda bhīyyopasannā
Rūpībrahmāmarapabhutayo khattiyabrāhmaṇā ye,
Sakkaccaṃ te yathariva janā cakkavattissarīre
Sabyāpārā naraharisariropahāre siyunti; ()
57. Cattāro me bahujanahitā buddhapaccekaḡbuddhā
Yasmā maggapphalasukhamudā sāvakā cakkavattī,
Rājā pūjāvīdhisumahiyā honti thūpārahe'va
Tasmā thūpo mamapi bhavatā'nandasīḡghāṭakamhi; ()
58. Evaṃ vutte sariya tamurotomaribhūtasoko
Therānando pavisiya nīrālambadhammo vihāraṃ,
Ālambitvā vilapiya bahuṃ aggalatthambhasīse
Sathā sekhe kaḡitakarūṇāpāḡgabhaḡgo parodi; ()
59. Āmantetvā tamanadhivaro puñchamakānassudhāraṃ
Theraṃ mākhovilapi ala mānanda māsoci hevaṃ,
Saṅkhārānaṃ kathamiha labhe niccataṃ nibbikāraṃ
Akkhātaṃ me nanu piyajanabbippayogo siyāti; ()
60. Mettāpubbena hi cirataraṃ kāyakammena vācā-
Kammenā'yaṃ guṇamaṇīmanokammunā bhikkhave maṃ;
Sakkaccaṃ sannicitakusalopaccupaṭṭhāsi tasmā
Ātāpī so tvamasi nipapako hesi khīṇāsavoti; ()
61. Chāyāmañṇe cira manucaraṃ seyyathā'nandabhikkhū-
Paṭṭhāko me bhavati sutavā nāgatātītakānaṃ,
Sambuddhānaṃ bhagavata mupaṭṭhāyakā ce'tadaggā
Iccā'he'tapparamasamaṇāyeva hessantya'hesuṃ; ()
62. Saṃvaṇṇesi niravadhiguṇo ukkhipanto'va meruṃ
Saṅkhobhento viya jalanidhiṃ pattharanto'va bhumiṃ,

- Vitthārento viya ravipathaṃ saṅghamajjhe t̥hitassa
Ānandassu'ttaritaraguṇaṃ abbhutaccherabhūtaṃ; ()
63. Hitvā sākhanagara manalaṃjaṅgalaṃ issarānaṃ
Vāsaṭṭhānaṃ taditarapuraṃ sabbasampattisāraṃ,
Patvā rājaggahapabhutikaṃ nātha nibbāyatūti
Evaṃ vutte muni ravaca māhevamānandavoca; ()
64. Pubbe dibbopamasukha vidhā'nanda'haṃ cakkavatti-
Rājā hutvā cira manubhaviṃ dhammiko dhammarājā,
Mallānaṃ kho tadahani kusāvātya'yam rājadhāni
Āsi lakkhivasati ralakārājadhānī'va phītā; ()
65. Gāmakkhette jitaripuraṇo kosiṇārāna masmiṃ
Sālāraññe jinakarivaro mārakaṇṭhiravena,
Yāme ajjāhani rajaniyā pacchime haññate'ti
Vāseṭṭhānaṃ paṇiṇi yatimārocanatthaṃ tamatthaṃ; ()
66. Santhāgāre mahatiparisā kiñcikammaṃ paṭicca
Rāsibhūtā yativaravacocoditā mucchitāsī,
Uyyānaṃ te pavisiya tadā mallaputtā ca mallā
Vyāpajjimsū kasiranikarāvārapāre nimuggā; ()
67. Yamnūnāhaṃ narapatikulaṃ ekamekaṃ gahetvā
Vandāpeyyaṃ caraṇakamaladvanda maṅgīrasassa,
Iccānando yati sapaṇiso puttadārehisaddhiṃ
Itthannāmo paṇamati jinaṃ mallarājāti vatvā; ()
68. Mallānañcāhariya paṭhameyeva yāme rajanyā
Vandāpesi sakalaparisaṃ tenupāyena buddhaṃ,
Sutvā vidvā bhagavata manuṭṭhānaseyyappavattiṃ
Sālāraññaṃ avasari paribbājako yo subhaddo; ()
69. Okāsaṃ me dadatha samaṇaṃ gotamaṃ pucchanāya
Kaṅkhādhammaṃ pajahitu midhānandapatto hamasmi,
Vutte satthā kilamati alaṃhāvuso mā vihaññi
Vatvā'nando bhagavati dayācodito vārayī taṃ; ()
70. Laddhokāso dasabaladayājālabaddho subhaddo
Aññāpekho pavisiya tahiṃ tabbhesānapekkho,
Pañhaṃ pucchi tadupanayane kovido'bhāsiddhammaṃ
Vitthārento ariyavinaye puggale suppatiṭṭhe; ()
71. Pabbajjivā bhagavati sayam bhikkhubhāvābhisitto
Saṅkhārānaṃ khayavaya matho bhāvayitvā subhaddo,
Viddhamsetvā sakalakalusaṃ satthupaccakkhabhuto
Unnādetvā parisamarahaṃ pacchimosāvakosi; ()
72. Paññatto yo bhavati vinayo desito yoca dhammo
So vo satthā paramasaraṇo'tyā'ha me accayena,
There bhikkhū taditaravasī gāravaṃ voharantu
Bhante vatvā pariharatha vo sādārāsappatissā; ()
73. Paccakkho no bhavi dasabalo pucchituṃ sammukhā taṃ
Nāsakkhimhā mayamidamitī māhuvatthānutāpā,

Mutte tuṅhībhavi vasigaṇokiñci buddhecadhamme
Saṅghe magge vimati yadivo bhikkhave pucchathāti; ()

74. Yasmā khandhe pajahati jino bhikkhave bhandadāni
Āmantemī niyatabhadurā sabbasaṅkhāraddhammā,
Sampādetthā'tya'mitamatiṃ appamādena tumhe
Pabyākāsi bhagavata mayaṃ pacchimāhotivācā; ()
75. Rūpārūpāvacarakiriyajjhānasaññānirodha-
Saṅkhātā yā navavidhasamāpattiyo tā'nulomaṃ,
Nissīmamhonidhinibhagaṇo mārasaṅgāmasūro
Buddho nārāyanabaladharo so samāpajji tāva; ()
76. Taṃ taṃ jhānaṃ muni paṭisamāpajjamāno nirodhā
Sammā paccuṭṭhahiya paṭhamajjhānavosāna māpa,
Taṃ taṃ jhānaṃ punarānusamāpajjamāno catuttha-
Rūpajjhānu'tṭhahiya vigatāsesasaṅkhāraddhammo; ()
77. Snehaparikkhayajāto
Pajjoto viya tilokamaṇipajjoto,
Buddhonirupadhisesa-
Parinibbutiyā sayambhu parinibbāyi; ()
78. Sampati devamanussa-
Pajāya saddhiṃ parodamānāya bhusaṃ,
Sokeni'va saṅkampi
Sahassarāvena'yaṃ mahāpathavī; ()
79. Vipphuritavijjurāji-
Daṇḍāhatameghadundubhīphalitā'suṃ,
Kadalivanaṃ viya nāgo
Nippīḷesi asesalokaṃ soko; ()
80. Jātikkhetaṃ khettaṃ
Viya sambādhaṃ chaṇehi tesamtesaṃ,
Vijanokāsā' kāsā
Loke maṅgalanimittajātaṃ jātaṃ; () (Yamakabandhanaṃ)

Itimedhānandābhīdhānena yatinā viracite sakalakavijana hadayānandadānanidāne
jinavaṃsadīpe santike nidāne tathāgata parinibbānappavatti paridīpo ekūnatimṣatimo saggo.

Parinibbute bhagavati sahaparinibbānā brahmāsahampati imaṃ gāthaṃ abhāsi.

Sabbevanikkhipissanti bhūtā loke samussayaṃ
Yathā etādiso satthā loke appavipuggalo,
Tathāgato balappatto sambuddho parinibbutoti;

Parinibbute bhagavati sahaparinibbānāsakko devānamindo imaṃ gāthaṃ abhāsi.

Aniccā vatasaṅkārā uppāda vayadhammino,
Uppajjitvā nirujjhanti tesamvūpasamo sukhoti;

Parinibbute bhagavati sahaparinibbānā āyasmā anuruddho imā gāthāyo abhāsi.

Nāhuassāsapassāso ṭhita cittassa tādito

Anejāsanti mārabbha sokālamakarī muni,
Asallīnena cittaena vedanaṃ ajjhavāsaya
Pajjotasseva nibbānaṃ vimokkha cetaso ahūhi;

Parinibbute bhagavati sahaparinibbānā āyasmā ānando imaṃ gāthaṃ abhāsi.

Tadāsiyaṃ hiṃsanakaṃ tadāsilomaḥsaṃsaṃ,
Sabbākāravarūpete sambuddhe parinibbuteti;

1. Lokattayekanayanomunikhippameva
Paggayhamuddhanibhuje parinibbutoti,
Kandiṃsu tāva vilapiṃsu vivatṭayīṃsu
Āvaṭṭayīṃsu patatiṃsu mavītarāgī; ()
2. Assāsayaṃ vasigaṇaṃ samalaṃ sasokaṃ
Ratyāvasesa matha dhammakathāya therō,
Taṃ vītināmayi niruddhatamo'nuruddho
Ānandatherasuhado hadayaṅgamāya; ()
3. Mallāna magganagaraṃ kusiṇāra middhaṃ
Ārocanāya parinibbutabhāva massa,
Ānandathera maniruddhayaso sarīro
Pāhesi attadutiyaṃ anuruddhathero; ()
4. Mallā tadatthapasutā samayena tena
Yatrā'bhisannipatitā patimattayanti,
Theropana'ttadutiyo tamupecca santhā-
Gāraṃ tamattha mabhivedayi sokadīno; ()
5. Therassa tassa suniyamakma samallaputtā
Mallā samallasuṇisā bhuvika mallachāyā,
Kandiṃsu tāva patatiṃsu pariddaviṃsu
Dhammillavellitabhujā'hatasokasallā; ()
6. Nānāvidhāni turiyāni sugandhamālaṃ
Ādāya pañcasatadussayugāni mallā,
Yenā'si tassasugatassu'tujaṃ sarīraṃ
Taṃ sālādāya mupavattana mosariṃsu; ()
7. Te gandhadhūpakusumehi ca naccagīta-
Vajjehi chattamaṇivijanicāmarehi,
Celabbītāna navamaṇḍalamālakādīṃ
Katvāna chāhamakariṃsu sarīrapūjaṃ; ()
8. Pamokkhamallapurisā'tṭhanahātasīsā
Gandhodakena sunivatthasupārutattā,
Muttāmaṇīhi khacitāya tathāgatassa
Gattaṃ suvaṇṇasivikāya niropitaṃ taṃ; ()
9. Cāletu mappamapi sattamavāsaramhi
Pucchiṃsu therā manuruddha masayha kinti,
So dibbacakkhumatiyā'mitadevatānaṃ
Pabyākari parivittakka mavecca therō; ()
10. Nissesamānusikadibbamahāmahehi

Taṃviggahaṃ bhagavato' bhimahīyamānaṃ,
Ukkhippa tāsamanuvattakamakallabhūpā
Gantvāna uttaradisāya purassu' dīciṃ; ()

11. Majjhenamajjha kamahinībharu muttarena
Dvārena tassanagarassa pavesayitvā,
Sutvāna bandhulapajāpatimallikā taṃ
Dvāre ʒhitā' thanavakovidhānabbayāya; ()
12. Dhotāya gandhasalilena mahālatābya-
Bhusāya sattaratanehi samujjalāya,
Aṅgīrasassa satapuññāvīlāsacittaṃ
Chādesi gatta matulaṃ kaḷitāvakāsā; ()
13. Mallāna magganagarassa puratthimāyaṃ
Saṃvijjate makuṭabandhanacetiyaṃ yaṃ,
Dehaṃ tilokasaraṇassa puratthimena
Dvārena nikkhamiya tatra samappayimṣu; ()
14. Sā yāvasandhisamalā nagarī tadāni
Mavdāravehi pihitā' bhavi channumattaṃ,
Pucchiṃsu satthu paṭipajjana mattabhāve
Ānandathera matha bhumi bhujā kathanti; ()
15. Dehe yatheva paṭipajjati cakkavatti-
Rañño tatheva paṭipajjatha buddhadehe,
Iccāha so bhagavato' tujarūpakāyaṃ
Te veṭhayuṃ ahatakāsikasātakehi; ()
16. Kappāsapattavihatehipi veṭhayimṣu
Katvāna pañcasatadussayugehi evaṃ,
Pakkhippa telapari puṇṇasuvaṇṇadoṇyā
Aññā' yasāya paṭikujjiya doṇiyā te; ()
17. Gattaṃ jinassa citakaṃ katacittakammaṃ
Mālālatāvilasitaṃ satahatthamuccaṃ,
Vīsādhikaṃ agarucandanadārūka puṇṇaṃ
Āropayimṣu siriyā jītavējantamaṃ; ()
18. Pāvāya mallanagaraṃ kusiṇāranāmaṃ
Gantā mahāpabhutikassapatheranāgo,
Bhikkhūhi pañcasatikehi pathokkamitvā
Rukkhasa mūla mupagamma khaṇaṃ nisīdi; ()
19. Addhānamagga mathakho paṭipajji tamhā
Mandāraṃ kusuma maññataro gahetvā,
Ājīvako ta mahipassiya kassapākhyo
Jānāsi gotama manantajinantyapucchi; ()
20. Āmāvuso bhagavato parinibbutassa
Hontya' jja santadivasāti tatomayedamaṃ,
Mandāraṃ kusuma māharitanti vutte
Kandiṃsu keci vilapiṃsu avītarāgā; ()
21. Tāya' cchi bhikkhuparisāya subhaddabuddha-

- Pabbajjito sapadi sathhari baddhaverō,
Yo dubbaco yati mahāsamaṇena tena
Muttā mayaṃhi yadupaddutakāyavācā; ()
22. Icchāma yaṃja maya midānikaroma taṃyaṃ
Necchāma' dāni nakaroma mayaṃ tatomā,
Sovittha mācavilapittha' lamāvusoti
Vatvā pahāra madadī jinadhammacakke; ()
23. Mallā narindamakuṭaṇakkitaṇapādapīṭhā'-
Limpetu massa caturo cita mappasayha,
Pucchiṃsu thera manuruddha mi' tabruvi so
Patte' dha pajjalati kassapatherasīhe; ()
24. Dhammāgadena hatasokahadehi yena
Bhikkhūhi sathhucitako vasikassapavho,
Teno' pasaṅkama subhaddakathaṃ sasīse
Sukkhāsani'vu'rasi satti'va maññamāno; ()
25. Katvā padakkhiṇa madhiṭṭhahi so catuttha-
Jjhānuṭṭhito bhagavato citakaṃ tivāraṃ,
Baddhañjalī sirasi theravarassa bhetvā
Taṃ supakpatiṭṭhitapadāni patiṭṭhahiṃsu; ()
26. Therāsahassa karatāmarasehi satthu
Pādaṃsumāli vihitāhinipaccakāro,
Omuji gandhavitaṅkāparasāgaramhi
Lokoca tappabhava sokaghanandhakāre; ()
27. Therenacāhinamite citako samantā
Sampajjalittha sayamevu' tujattabhāve,
Daḍḍhe jinassa masivā napichārikāsi
Sārīrikaṭṭhīvisaro' bhayathāvasiṭṭho; ()
28. Satteva nābhivakiriṃsu lalāṭagīvā
Dhātvakkhakaṭṭhi munino catudantadhātū,
Siddhatthakhaṇḍakatataṇḍulamuggamattā
Sesā pabhāyapī tidhā pakiriṃsu dhātu; ()
29. Nibbāpayiṃsu citakānala mantalikkhā
Nikkamma cāmaramanohara nīradhārā,
Sāḷaddumehi salilāni tathā samantā
Mallā sugandhaparivāsitaṅgārināpi; ()
30. Olambamānaṇidāmasuvaṇṇadāmaṃ
Cittabbīṭṭānamathabandhiyamallabhūpā
Katvā sugandhaparibhaṇḍa muḷārasanthā-
Gāre susanthariya kojavakambalāni; ()
31. Taṭṭhānato kamakuṭabandhananāmasāḷaṃ
Yāvañjasam rajatakañcatorañehi,
Lājādīnā kadalipunṇaghāṭehi dīpa-
Dhūpaddhajeḥi parito patimaṇḍayitvā; ()
32. Taṃ sathhudhātupariṇṇa suvaṇṇadoṇiṃ

- Mallāna maggapura māhariyu'ssavehi,
Setātapattalasite sarabhāsanamhi
Muttāmaṇīhi khacite tahi mappayitvā; ()
33. Kumbhena kumbha mupahacca gaḷaṃ gaḷena
Cakkena cakka mupahacca bhujāṃ bhujena,
Rakkhaṃ vidhāya caturaṅginiyā samantā
Senāya hemakavacehi gavacchikaṃva; ()
34. Katvevameva dhanurāvaraṇaṅca satti-
Hatthehi pañjara manantajinassadhātū,
Sammānayiṃsu sumahiṃsu susādhukīḷaṃ
Kīḷiṃsu sattadivasāṃ sahanāgarehi; ()
35. Sutvāna bhupati tamattha majātasattu
Satthāhi khattiyakulappabhavo ahampi,
Sārīrabhāga marahāma mayampi tasmā
Pāhesi dūta matha mallanarādhipānaṃ; ()
36. Vesālikā pacuralicchavibhubhujā ca
Sakyādhipā kapilavatthupurādhivāsī,
Bhūpā'llakappavijite bulayāca rāma-
Gāmamhi koliyamahīpatayo tattheva; ()
37. Yo veṭhadīpanagare dharaṇīsuro so
Pāveyyakā ca mahipā pahīṇiṃsu tesāṃ;
Paccekadūtapurise caturaṅginīhi
Senāhi tepi nivutā' bhimukhībhaveṃsu; ()
38. Āgamma yena bhagavā sayameva gāma-
Kkhetto'pavattanavane parinibbuto no,
Dassāma no'ti jinadhātulavampi mallā
Pāhesu munnatimanā paṭisāsanāni; ()
39. Sā rājadhāni nijarājapurakkhatāhi
Saṅgāmasūracaturaṅginivāhinīhi,
Yuddhāya baddhakalahāhi khaṇaṃjagāma
Velātivattapalayambudhinibbisesāṃ; ()
40. Yo doṇabhusurasudhī bhavi jambudīpe
Rājūhi pūjitapado sunisammakārī,
So doṇagajjanamakā kapariṣāṃ vinento
Dvebhāṇavāramita māhavakeḷisajjaṃ; ()
41. Sutvā'nusāsana mathācariyassa tassa
Sabbe samagganiratā vasudhādhināthā,
Atthāya no vibhajathā'ti samena tumhe
Dhātūna maṭṭhapaṭiviṃsaka mabruviṃsu; ()
42. Khīṇāsavo hi sarabhū citakena gīvā-
Dhātuṃ samāhariya lokahitāya yattha,
Laṅkāya bhāti mahiyaṅgaṇathūparājā
Tasmīṃ samappayi subhe maṇithūpagabbhe; ()
43. Khemavhayo citakato vasi vāmadāṭhā-

- Dhātum samaggahiya' dāsi kaliṅgarañño,
Doṇodvijo bhariya dhātuvibhāgasajjo
Veṭhantare nidahi dakkhiṇadantadhātum; ()
44. Dāṭham jaṭārajatacetiyaḡam dvijassa
Taḡ dakkhiṇakkhaka maḡāhari devarājā,
Doṇo suvaṇṇamayadoṇimavāpuritvā
Tesaḡ vibhajja samabhāgamadāsīdhātu; ()
45. Te bhubhujā sakasakevisaye vidhāya
Sampūjayiḡsu jinadhātunidhānathūpe
Aṅgāra māhariya moriyakhattiyā' tha
Doṇopi hemamayakumbha makaḡsu thupe; ()
46. Disvāna tassapamahāvasi tatthatattha
Dhātvantarāya matha gaṇhiya rāmagāme,
Aññatra doṇa mitadhātu majātasattu-
Rañño thiraḡ nidahitum padadāsi dhātu; ()
47. Aṭṭha'ṭha vaḡḡhitakaraṇḡakathūpagabbhe
Pakkhippabhumipati dhātumahānidhānaḡ,
So theranāgasaraṇo pavidhāsi vāla-
Saṅghāṭayanta miha yojayi devarājā; ()
48. Rājā asokavidito sirijambudīpe
Tamhā samāhariya satthu sarīradhātu,
Kārāpayī caturāsītisahassathūpe
Dhīmā mahindavasi dīpamimaḡ tadā' pa; ()
49. Devānamādīpiyatissanarādhipena
Thūpe vidhāya jinadhātacihapattamattā,
Vītthāritā paṇihitā jayabodhisākhā-
Vāmetarakkhakasilāmayapattadhātu; ()
50. Nattā pana' ssa abhayo jalituggatejo
Yo duṭṭhagāmini raṇambudhipāragāmī,
Rājā' nurādhanagare nagarādhirāje
Katvāna laṅkamakalaṅkamakāsirajjaḡ; ()
51. Laṅkaṅganāya kucamaṇḡalanibbisesaḡ
Sovaṇṇamāli matulaḡ ratanujjalantaḡ,
So thuparāja makari thira mappayitvā
Dhātuppabandha mabhinimmitabuddharūpaḡ; ()
52. Sārīrikehi' tarathupavarehi laṅkā-
Bhumitthi moḡimaṇi kañcanamālināma
Saggāpavaggasukhado vara thūparājā
So yāva dhātuparinibbutiyā vibhātu; ()
53. Iddhānubhāva madhikicca jinassa dhātu-
Kāyo' pahārahito garukāraṭhānaḡ,
Patvā tahiḡtahi mathantaradhānakāle
Yo saṅkamissati' ha kañcanamālithupaḡ; ()
54. So nāgadīpamupagamma tatovidhātu-

- Lokā ca nāgabhavanā tidasālayamhā,
Nikkhamma nimmita nirūpamabuddharūpo
Rāsi bhavissati sumaṇḍita bodhimaṇḍe; ()
55. Buddhānubhāvapabhavā' bhinavaggijālā-
Mālāhi pajjalitadhātumayattabhāve,
Tāvānu' mattamapi dissati nāvasesaṃ
Katvāna dhātuparinibbuti hessateva; ()
56. Buddhāpadāna marahādiguṇavadātaṃ
Bhatyā punappuna mimam sarataṃ satam bho,
Cittam kilesapariyuṭṭhita mujjubhūtaṃ
Addhā sudhantakanakaṃva visuddhimeti; ()
57. Cittojutāyapi vitakkavicāradhammā
Vattanti satthuguṇasañcayagocārā' tha,
Saṃjāyate pavurapīti ca kāyacitta-
Passaddhi niddarathatāya sukham samādhi; ()
58. Gambhīratāya tadadhīnaguṇaṇṇavassa
Niddhutañīvaraṇato pavivekabhūtaṃ,
Chāyetha jhānamupacāra mathā' dhigacche
Tappādakaṃ ariyamga phakhalañca yogī; ()
59. Tassā' ticārucaṇitassaraṇānuyutto
Hotevava satthari sagāvasapakpatisso,
Saddhindriyādi pariṇāmagato' dhigacche
Pītipamodabahulo kusalo' bhisandaṃ; ()
60. Satthussa cetiyagharaṃva tadattabhāvo
Pūjāraho ca bhayabheravadukkhāsāyho,
Lajji ca bhīru labhate sahaṃvāsasaññaṃ
Saggāpavaggavibhavassa bhavēyya bhāgī; ()
61. Lañkāya lakkhapatigāmaṃvaramhi khetṭā-
Rāmādhipeṇa guṇabhusaṇabhusitena,
Vikhyātanimmalayasovisarena valli-
Gāmbhavanaṃ parisāvacaṃrakhamena; ()
62. Therenu' pāyacaturena bhadattasaṅghā-
Nandābhidhena garunā garubhāvāgena,
Sissorasō' panayanena nijaṃva nettaṃ
Rakkhaṃ vidhāya mabhivuddhiya mappito yo; ()
63. Yo jīvitampi nirapekkhiya tambapaṇṇī-
Dīpaṃ tivāra mavatiṇṇa mimam vasīhi,
Muttāmaṇīhi khacitena namahagghasiddhagī-
Caṅgoṭakena mahituṃ jinadantadhātuṃ; ()
64. Sikkhāgaruṃ vajiranāma vihārasāmiṃ
Rājādhirājagurulañchadharaṃ yatindaṃ,
Katvānu' pajjhamupasampādamaṃpa dhamma-
Majjhetu motariya rammamarammaratṭhaṃ; ()
65. Saṃvaḍḍhitaṃ pitupadādhigatena meṇḍuna

Rañña pasīdiya kusaggadhiyā sakāya,
Sissaṃ asesapariyattidharassa ñeyya-
Dhammābhivaṃsaveditassa'pi saṅgharañño; ()

66. Saṃjayuttabhāṇakakumārabhivaṃsanāmaṃ
Rājādhiraṇḍījagarulañchadharaṃ sudhīraṃ,
Therāsabhaṃ supaṭipattigaruṃ garuṃ yo
Nissāya dhammavinaye paṭutaṃ jagāma; ()
67. Lakkhīsare moraṭunāmapure suramme
Jātena issarajanāyananamhi jātyā,
Vassaṭṭhatīṃsaparimāṇavayogūṇena
Pāsāṇadūrapuragocaragāmikena; ()
68. Tenā'bhayādikaruṇāratanābhidhānā-
Rāmādhīpena gaṇvācakābhāvagena,
Saṃsuddhabuddhagaṇādīpanatapparena
Saṃsārasāgarasamuttaraṇāsayena; ()
69. Pītippamodajananaṃ samaṇena medhā-
Nandābhidhena kavinā kavikuñjarānaṃ,
Ādiccabandhujinarājagaṇappabandha-
Suddhāpadānaparidīpakathāsarīraṃ; ()
70. Saddānusāsani'tihāsanighaṇṭuchando-
Laṅkārasāra mabhidhammakathāgabhīraṃ,
Saggāpavaggasukhadaṃ samatīṃsasaggaṃ
Vyākhyāsameta manurūpa padappayogaṃ; ()
71. Dvisahassabandhasamākulaṃ jinavaṃsadīpmanākulaṃ
Racitaṃ samāpa samāpanaṃ paramaṃpabandhasiromaṇiṃ,
Subhamāghamāsikavāsare nirupaddavena tathāgate
Parinibbute dvisahassasaṭṭhicatussatodayahāyate; ()

Iti medhānandābhidhānena yatinā viracite sakalakavijana hadayānandadāna nidāne
jinavaṃsadīpe santikenidāne bhagavato dhātuparinibbānappavattiparidīpo tiṃsatimosaggo.

Sātireko santikenidānabhāgo tatiyo.